


PAVLI IONIHISTO

TOM. I. SEC. V.



3735

3736

HISTORIA


CIMELIA



1621

1622

22X
64



Hist 3735

~~15~~ 13. a.
~~17~~ ~~16.~~

PAVLI IO-
VII NOVO CO-
MENSIS EPISCOPI
Nucerini ELOGIA virorum bellica
virtute illustrium, ueris imaginibus
supposita, quæ apud Musæum
spectantur, in libros se-
ptem digesta.

*Doctorum item uirorum ingenij monumentis illu-
strium ab Auorum memoria publicatis, al-
tero tomò comprehensa.*

B A S I L E A E.

M. D. LXXI.

Cim. O. 1622

PAVLI IOVII NO³
VOCOMENSIS EPISCOPI

*Nucerini in Elogia uirorum Bellica
uirtute illustrium.*

PRÆFATIO.

AD COSMVM MEDICVM
Florentiæ Ducem.



ETERES PHI-
losophi, qui ex Ze-
nonis Stoici, disci-
plina et porticu pro-
dierunt, Magnani-
me COSME, tanquam contenti
nuda illa horridaq; uirtute, ideoq;
sua sententia felices: uel ob id agre-
stiores cæteris durioresq; habiti
sunt, quòd de contemnēda gloria
assiduè disputarent, & libros accu-
ratè cōscriberent: tamen si eam non
in sulsa dissimulatione, dum libris
nomen suum apponunt, obliquo
ueluti uia: compendio consequi

niterentur. Huius ego seueræ atq;
adeò pertinacis sectæ ingenia, uti
parum explicata, tristiciq; duritie
aliena à communi hominum so-
cietate minimè probauerim. Quid
enim aliud est, quàm hac exitiali
persuasione homines ad egregia
corporis & animi edenda facino-
ra, promerendamq; laudem natos,
proprio innatæ uirtutis, honesti-
q; laboris fructu spoliare? Quan-
do hac stultissima, uti reor, cen-
sura lege id unum præclare con-
ditur, ut gloriam ex benefactis o-
ptimè speratam, et extra præsentis
uitæ inuidiam post fata cumulatè
obueniētem funditus euertamus.
Non mirum itaq;, si his multo sa-
pientiores fuisse arbitramur eos,
qui beatam uitam gloriosis ac illu-
stribus factis ad perennem nomi-
nis

nis laudem, non in arida steriliq;
uirtutis imagine, sed in nobilium
operum æmulatione posuerunt.
Verùm in toto humanarum actio
num cursu facilè euenit, ut quum
omnes eandem gloriam appetere
uideantur, non uno tamè atq; eo-
dem itinere ad eam consequendam
contendant. Eò enim quisq; uel
temerè fertur, quò naturæ genius
facilè ducit, aut impotenter trahit,
nisi præcellenti educatione, et mul-
tis exactæ disciplinæ præceptis
quæsitæ, cōfirmatiq; mores, uarijs
animi morbis & perturbationib.
medeantur. Id autem liquidò per-
spici deprehendiq; potest ex his
bellicosiss, ut ita dicam, Heroibus,
qui ad ueram effigiem insigni pi-
ctura expressi in Musæo nostro
spectantur. Horum enim uitas per

PRÆFATIO.

elogia ipsis supposita tabulis, Laconica breuitate conscriptas, tibi uni Italicae dignitatis existimationem uera uirtute tuenti, studiosè dicauimus, ut tot diuersorum ingeniorum, humanæq; uarietatis exempla, magno tuo seculi q; nostro commodò inter sese conferantur. Scio enim quàm graui cōstanti q; iudicio, dum literis bonis q; artibus impensè faues, & pietatem in primis atque iustitiam colis, ad uerum non simulatæ, sed illustris famæ decus anheles: & quo incorrupti animi decreto scelera odisse uindicare q; soleas. Ad famosos autem quosdam, admirandis rebus gestis, sed cōdigno detestabilis uitæ exitu damnatos, idcirco descendimus, ut præclara uirtus adumbratæ laudis collatione certius atque

que uiuidius exprimatur. Erit enim hoc utriusq; famæ monumentum his omnibus singulari documento, qui tecum rectissimo itinere ad perennem laudem aspirant: si uituperandarepudiare, sectariq; laudanda, nobili salubriq; æmulatione, in hac uita maxime decorū atque honestissimum esse putauerint. Vale. Romæ.

HONORATI FASITELLI.

*Magnanimi Heroes saluete, haud parua supremæ
Cura Iouis; docti maxima cura Ioui*

Vos tulit in cæli sublimes Iuppiter arcem,

Dignatus mensa, concilioq; Deū:

Vos Ioui totum latè uolitare per orbem,

Romanaq; iubet uiuere in historia.

Munera magna Iouis: uerū si dicere fas est,

Non sunt æterni dona minora Ioui.

ELOGIORVM

ELOGIYM sub effigie ROMVLI



RAESTANTISSIMO herde (si
 præfari licet) incomparabiliq; merito,
 & laetis quidem auspicijs ROMV-
 LI Quirini Romani Regis effigies an-
 te omnes spectanda proponitur. Nulla enim cuiusquã
 mortalis uel stupendæ originis euentu miraculoq; &
 sancta prisce ætatis antiquitate nobilior, nec immor-
 talium operum uera æstimatione præstantior, uel de-
 mum tanti oris atq; habitus dignitate augustior in
 Vrbe extat: ut ex marmorea statua, quæ iuxta Lau-
 rentianam Damasi ædem, in fronte Gallorum Ciuum
 domus posita est, collato ueteri numismate, ab erudi-
 tis præclarè deprehenditur. Itaq; fas esse putamus æ-
 ternæ urbis conditorem uenerari, Deo (uti ferebāt)
 Marte genitum, ac idèd authorem disciplinæ milita-
 taris, qua Romana res in immensum creuit, ut fatalis
 nec desituri unquam Imperij fundamēta iacerentur.
 Hinc enim uel inuita reluctatèq; sæpius fortuna, tan-
 quam ab augusta almaq; urbe, certissimo domicilio,
 liberaq; gēuū omnium patria, à subactio quondam
 inuictis armis terrarum orbe, cum Cæsarei imperij le-
 gimin iura insigniaq; tum ueræ religionis sacra pe-
 tuntur. Verè enim Romanum est dare leges, atq; item
 Regna ad non dubium sempiternumq; sacro sanctæ
 dignitatis specimen, testata uirtute merentibus elargi-
 ri. Sed Romulus institutis equitum decurijs, lectoq;
 ex patribus senatu, & distincta per tribus ciuitate,

quum

LIBER PRIMVS.

quum ur' anas recenseret co'ias, ob ora repente se-
reno calo turbida tempest. te un Deo satum decebat,
in cælum remeans, unier mortales esse desijt. Nihil e-
nim ei post deuictos hostes, actosq; triumphos, & tem-
pla Ioui Feretrio, Statoriq; uotis nuncupatis in Capi-
tolio ritè dedicata, maius uel admirabilius peragen-
dum supererat, quam ut se c uib. nequaquā mortale
fuisse ostenderet. Quū regnasset annos XXXVII.

Iani Vitalis Panhormitani.

Fortissimorum Principem Quiritum
Vrbisq; gloriose, & orbis arbitra
Qua strauit omnes nationes barbaras
Quas Phæbus undequaq; lustrat, aspice
Genus Decorum, conditorem Romulum:
Tantum unus omnes uicit ille principes
Virtute mentis, corporisq; robore,
Quantum triumphis prælijsq; fortibus.
Ne quare bustum bellicosi Numinis
Romane, sedes namq; uiuo contigit
Cælum, micat stellis ubi felicibus
Receptus inter calites lectissimos
Vti decebat principem Quiritum.

Augusti Cocceiani Brixienfis.

Heroes, animæ illustres, atq; inclita Martis
In anientis pignora,
Aeternis properat Iouius qua tradere chartis,
Vt clara uiuant posteris,

ELOGIORVM

Aequo ferte animo, si primos carpsit honores,
Sedesq; primas Romulus:
Qui genus aethero ducens ē sanguine, terris
Semen Deorum sparserit:
Terrarum latē dominantē construxerit Urbem
Superbi ad undas Tybridis:
Regnatorem orbis Populum formauerit armis
Almaq; pacis artibus:
Cumq; omnes hominum meritis superasset honores,
Migrarit in cælum Deus.

Sub effigie Numæ Pompilij,



OMVLO ad Capræ paludem deside-
rato consecratoq; Numa Pompilius suc-
cessit. Hunc religiosa grauitatis atq; in-
stittia fama inclytum, dissidentes inter
se Romani patres, ē Curibus Sabinis acciuerāt, apud
quos tetrica atq; incorruptæ probitatis disciplina ui-
gebat. Tum enim orbatis rege duceq;, cuius imperio
per tot annos asueuissent, absurdum erat nondum in-
tellectæ libertatis nomen. nec ex toto Senatu reperie-
batur qui alteri tanquam equali, potius quàm sibi,
superba obtreffatione regium decus cōcederet. Itaq;
pudendo consilio, sed ab euentu demum felici, pro ci-
ue utr̃ externus, auditusq;, tantum, rex est effectus. Is
ingenti prudentia pacatis undiq; finitimis, quos inui-
ctæ Romuli uirtus contuderat, Populi ad arma nati se-
rociam inuicta religione mitigauit: condito scilicet
ad Argiletum, et mox clauso Iani templo, ut milita-
res animi

res animi non sine numine ad colenda pacis studia flecterentur. Hæc uero institui monitu atq; oraculo credi uolebat, Deæ Ageriæ quæ ab eo nocturnis maxime congressibus in nemorosa & perenni fonte irrigua ualle colebatur. Inde enim sacerdotia Dijs & singulos Ioui, Marti, & Quirino flamines instituit. Deæ Vestæ sacrosanctas uirgines legit: annoq; ex lunaris cursus ratione in duodecim menses digesto, qui nati fasti aut nefasti dies forent, Populo edixit. Quibus ac cumulatis sacrorum ceremonijs, offerri & rudis Populi mentes usq; adeo imbutæ captæq; sunt, ut facie iustitiam, fidem, temperantiam colere discerent, nec tam ualidius qui peccarent, Magistratuum poena, quam Decorum metu terrentur. At Numa quum quadraginta tribus annis imperasset, exactæ ætatis senex satto cedens, Urbem belli gloria superbam, quod decrat sanctissimis temperatam legibus, atq; optima pace florentem reliquit. Eius effigiem marmoream diadematè insignem, quam in Vrbe non uno in loco uidemus, nummi ærei cum literis, atq; eadem imagine uerissimam esse ostendunt.

Antonij Francisci Rainerij Mediolan.

Viderat armato Tybris sub rege, Quirites

Iura dare edomitæ Martia finitimis:

Viderat & superis Populum pia thura ferentem,

Sacræq; sub sancto surgere Pompilio:

Cum lætus, resono hæc effudit flumine, Nostra ô

Quàm bene Roma colit, quàm bene bella gerit.

Sub effigie Artoxerxis.



AEC mitrati regis effigies superbo oris ductu, proluxaq; barba, et naso in aduncum prominente, Magni Artoxerxis fuisse conicitur. Hoc ex antiquissimo numismate argenteo Rodolphus Pius Carpenfis Cardinalis, omnis priscae elegantiae studiosus, eruditioribus Romanae Academia interpretandae ostendit. Omnes itaq; non ambiguis coniecturis in id consentiunt: nam Persarum reges Magorum sacris initiari, ceremoniarumq; principes esse constat, ideoq; eos uti thiarā excelsa, exornataq; gemmis & pluuiali chlamide cultu non absimili ab eo quo Romani Pontifices in sacris sollemnibus exornantur. Hunc autem à Persis Hebraeos accepisse crediderim, à quibus demum ad nos inuenerit. Sed literae Graecae quae in auersa monetae parte legitur, nihil plus exprimunt quam Regi Regum Arsaci Benefico. Teste enim Plutarcho Artoxerxi qui Cyri minoris frater fuit, & Mnemon id est Memor uocatus est, ad differentiam superioris Artoxerxis, qui Longimanus appellabatur, Arsaci cognomen fuit. Arridet etiam ad coniecturam Plutarchi problema, ex quo Persarum Reges naso aduncum tanquam è stirpe maioris Cyri fuisse colligitur. Nec obstat quòd neq; Artoxerxis neq; Persarum inscriptae literae quicquam referant, quoniam id praeclare demonstrat imago sagittarij in solio sedentis, quae uisitur in auersa parte numismatis: nam idem Plutarchus, Persarum Reges

Reges pecuniam auream ac argenteam cum nota sagittarij signare solitos tradit, adiecto Agesilai Regis lepidissimo scommate. Is enim in Asia, terra marique rebus contra Persas feliciter gestis, quum summa uictoriae immineret, à Lacedaemoniorum Magistratu reuocatus, amico interroganti, cur è limine speratae ingentis uictoriae tam cito redisset, ita respondit. An tu miraris qui militia peritus es, me recentissimorum triginta milium sagittariorum impetum sustinere ne quiuisset? At ille qui nihil auxiliorum è Perside in Ioniam descendisse audierat, quum omnino intempestiui reditus causam improbaret, serò falsi dicterij acumen agnouit. Notabat enim hac infamia Agesilaus patricos ciues, quod obrectatione laudis suae à Tisapherne Persa triginta milibus aureis sagittarijs corrupti, ipsum ab Asia reuocassent. Sed ne ineptus sim Artoxerxem describendum minimè suscipiam, quum is qualis quantusque fuerit à Plutarcho scriptore luculentissimo memoriae tradatur. Id unum tamen quod in Principe summae uirtutis locum implet, & si quae sint internata uitiorum labes egregie contegit & obscurat, praestantissima scilicet liberalitatis specimen insigni praconio extulerim. In eo enim tanta in donando gratissimi animi magnitudo enituit, ut in referenda gratia pro agresti saepe munusculo, tenuissimi que officij genere, non ingentia modo auri pondera, sed urbes & prouincias rependeret.

ELOGIORVM

Iani Vitalis.

Quem spectas chlamyde ornatum Medaq; tiara
 Regem Artoxerxem pharetrata Persidis inter
 Præclaros belli proceres, pacisq; Magistros,
 Quos Iouius posuit liquidi prope murmura Lari
 Hic ubi Musarum erexit de nomine uillam,
 Aeternum famæ monumentum, æuiq; perennis,
 Hic ille est in quem natura exempla bonorum
 Congessit, regumq; malorum immania facta.
 Huius magna fuit laus exegisse tyrannos
 Et claros meritis reges, & munera parua
 Muneribus pensasse ingentibus, & simul urbes
 Sponte dedisse sua passim, nec clarius unquam
 Duxisse, insigni quam de uirtute mereri.
 Sol tamen hic proprias habuit quandoq; tenebras
 Dum nimis indulget uetito inconsultus amori.
 Abrogat & leges naturæ, ardensq; suarum
 Iungitur amplexu natarum: atq; his super addit
 Insandam nati cædem, sed splendida in illo
 Et tenebris uiciorum emerfit ad æthera uirtus

Sub effigie Alexandri Magni.



ALEXANDRVM Macedoniæ re-
 gem, qui subacto Oriente Magni cogno-
 men adeptus imperium Indico Oceano
 & Riphæis niuib; terminauit, hoc ho-
 nore spectata frontis, & rosei uultus decore prædi-
 tum fuisse constat, ex ipsa fide numismatum & statua-
 rum, Græcorumq; præsertim testimonio, qui formam
 eius

sius religiosissime descripserunt. Tradunt enim (quod mirum uideri possit) eum nonnunquam ex serena atque pulcherrima facie, in truce atque terrificam mutari solitum, & tum maxime, quum in praelijs iracundia incensus, Martium uigorem igneis atque minacibus oculis euibraret. Is à prima statim adolescentia, uti letissimis moribus et literis ex Aristotelis præceptoris disciplina grauitè imbutum decebat, usque adeo generosi & laudis amore desflantis ingenij aciem intendit, ut emulatione decoris, paterna gloria uementè angeretur: Quasi ille stratis undique hostibus & tot urbibus manu captis, nihil iam sibi maiora armis ausuro planè relinqueret, quo innata necdum spectata uirtus enitescere posset. Sed fortuna ut plerumque accidit, ingentium animorum præclara adiutrix, inuitas interempti patris copias excipienti, multo ampliora quam tum cuperet regni & gloriæ spatia despondebat. Itaque maximarum uirtutum concursu ineluctus, ex Europa transgressus in Asiam, fatali suæ gloriæ destinata, post innumerabiles præliorum uictorias, cunctis gentibus iugum imposuit, tanta felicitate, ut ad Schytarum Indorumque solitudines, aras uictoriæ testes consecraret. Verum qui supra mortales nominis famam extendisse censetur, Dīs proximus existimari potuit, si seipsum, qui cuncta deuicerat, deum uicisset, nec pro certo numine haberi adorarique uanisimè concupisset. Mirificam enim excelsi animi indolem assentantes Persæ nimia adulatione corruperant, quod eis Alexander regibus seruire assuetis

mortali specie formosior & augustior appareret. Ipse quoque reputatione fortunæ suæ, quæ nunquam aduersa cœptis atque ausibus intemperanter aspirasset, ita gloriam ab admirandis operibus sponte nascentē inflato animo sentire cœperat: ut iam planē se Philippo inuidiſſimo rege genitum puderet, cum graui Olympiadis contumelia, postquam confesso matris adulterio se Hammone Ioue editum mentiretur. Ideoque exalta penitus humanitate amicorum præcipuos uanitatem superbientis animi detestantes, temulentæ crudelitatis trucidaret. At Græci authores, quod infinitæ gloriæ auidō iuueni totus orbis ad iustum triumphū minime sufficeret: ita cum congestis laudibus supra mortales attollunt, ut cæteræ gentes illum seipso admirabiliorem extitisse arbitrentur, quod nondum alteram fortunā expertus, dum bella ex bellis sereret, in medio uitæ cursu ceciderit: non inimiti hercle fato auerente eum à Romanis armis, quæ facto uirtutis & discipline periculo, si in Italiam transisset, spoliare eum ante parta belli gloriæ, aut certè multum de fulgore tanti nominis detrachere potuissent.

Antonij Francisci Rainerij.

Quid tua te Macedo iuuat latè aucta per orbem
Gloria, Hyperboreo quæ riget aura gelu?
Quæq; pharetrata surgunt iuga Persidis, & quæ
Ebibit Boas decolor Indus aquas?
Vt florem cum te populorum, uicerit ira:
Noxiæq; undanti pocula sumpta mero,

Ettumid;

Et tumidi fastus, Diuūm queis poscis honores,

Cogis et ingenuos flectere colla uiros.

Hæc procerum impulerunt fida olim pectora, regi

Miscere è seua toxica Thessalia.

Fortunam reuerere, noua o qui sceptra capeſſis:

Nam Dea, regna agili datq; adimitq; manu.

Sub effigie Pyrrhi Epirotarum regis.



INTER admiranda Romanæ antiquitatis monumēta Pyrrhi Epirotarū regis marmorea statua, primā obtinet claritatem. Hæc humana statura procerior, et tota quidem incolumis galeata thoracataq; stantis et sarissæ innitentis gestu, in Angeli Maximi honestissimi ciuis domo conspicitur: non sine admiratione ingentis eius uiri uim ore atq; oculis cum laude artificis spectantium ingenijs representans. Nemo enim ei maximorum Ducum aut robusta atque habili corporis forma exercitationeq; aut indomito uigore militaris animi, aut eximia laudis, quæ armis petetur, cupiditate cōparari potest. Quū inter pugnantissimos imperatores propè unicū, inter magnanimos uerò reges ad gloriam anhelantes omnium confessione præcelleret. Sed qui oblatum in acie hostem inuicta dextra sternere, castrametandiq; et instruendæ aciei disciplina ceteros duces anteire, ac inter omnes bello inclytos ueri decoris famam extendere didicerat, uel perampla iam parte affectataq; gloriæ spatia terminare nesciit, utpote qui bella ex bellis dit

cendo prouocādoq; ſæpe Fortunam, alias atq; alias
 ex uictorijs, nuſquam conſecto bello uictor: as ſecta-
 retur, quod uolucris quodam igne ardentis animi cō-
 citatus ad Alexandri Magni decus aspiraret. Itaq;
 dum ab Epiro in Italiā, atq; inde in Siciliam, & rur-
 ſus è Sicilia in Græciam uerteretur, uaga arma cir-
 cumferenti Fortuna illuſit, uſque adeò indigno tanti
 Herois, ut cuius impetum & robur Romana arma
 uix ſuſtinuerint, Argiua mulieris manu dei. Et in ca-
 put tegula perſregerit.

Gabrielis Faerni Cremonenſis.

Epirus mihi parua quidem, ſed Martia tellus,
 Et patria, & Regnum, & generoſa bellica menti
 Materies fuit. Acacides mihi ſanguinis author:
 Et mea cognatum uirtus expreſſit Achillem.
 Ipſe ego præſcripto docui munimime ualli
 Metari caſtra, & tutos ad bella receptus.
 Romula me pubes certamine ſuſa cruento
 Italica experta eſt ſub moenibus Heracleæ.
 Quo terrore truces animos atq; aſpera corda
 Fregiſſem Aeneadum, & ſtatuſſem ſœdera uictis,
 Ni pacem infamem cæci ſententia diſcors
 Diſſuſiſſet, & ad lituos atq; arma uocaſſet.
 Sic ego re infecta Italo de littore ceſſi,
 Quò me ſors grauis atq; immitia fata trahebant,
 Ad clarum nece noſtra Argos, ubi ſæua cientem
 Prælia, ab excelsis ultrix me tegula tectis
 (Indignum) dextra deiecta affluxit anili.

Sub effigie Annibalis.



Vllius unquam uerè inclyti imperato-
ris uirtus quàm Poeni Annibalis clarior
atq; testatior fuit, quum admiratione
ingentis animi, qui Romano nomini di-
rus hostis extiterat, honoris nomine statuam merue-
rit, scilicet ut media in urbe ad finestum & execrabi-
le monumentum, truculenti hostis imago spectaretur:
graui quidem ac apprimè nobili decreto. Nam si Ro-
mani senatus iudicium aestimare uelimus, inexprabili
profectò inuidia Carthaginenses ardebunt, qui sum-
mæ gloriæ imperatorē ciuemq; suum ab aduerso pu-
gnæ exitu solum uertere coegerint, ut in hostium ur-
bem gloriosa quadā adoptione transfiret. Quid enim
ad diuturnam laudem populo Romano honestius uel
luculentius esse potuit, quàm tati hostis nomen, post-
quàm ille toto terrarum orbe, & exul & profugus,
epoto demum ueneno, misere necem sibi consciuisset,
erecto perenni simulacro, æternæ memoriæ conse-
crasse? Tantam enim uim esse præstantissimæ uirtutis
intelligi uolebant, ut extrâ inuidiam uel in hoste cele-
branda censeretur. Nec ullo hercle certiore testimo-
nio indomita Romana uirtus niti potuit, nisi eū ubiq;
uindicatis iniurijs, à se planè deuictum ostēderet, qui
paulò ante bellicosissimarum gentium legiones ex A-
frica, Hispania, Galliaq; ad Italiæ uasitatem trahēs,
tot partis ad Trebiam, Trasimenum, & Cannas ui-
ctorijs, summum paudenti, sed inuictæ urbi terrorem
admouerat. Eius ex marmorea statua integrū caput

penes Fabritium Peregrinum Parmensem uidimus: id cacuminato uilosoq; pileo protectum erat, non ab- simili ab eo qui uisitur in argenteo numismate lubæ regis, quem purpurei coloris fuisse constat, ex Hircia- nis cōmentarijs, quum rex ille barbarus superbo fa- stu, ut solus duorum exercituum imperator uideretur, Scipionem Magni Pompeij socerum interdicto usu purpuræ ad albū uestitum redeisset. Hac autem uilosi & purpurei integumēti turbinata forma Sul- thanis nuper in Aegypto Syriaq; regnantibus, præ- torianorum equitū capita ad certum pro galea mu- nimentum et ad terrificam speciem ornabantur. Al- teram quoq; Annibalis imaginem ex uetustissimo ære Isabella Gonzaga Herculis Cardinalis mater, nobi- lium antiquitatum sumptuosa cumulatrix, paulo an- te urbis cladem nobis ostendit. Ea sedebat in elephan- to cubitalis magnitudinis turbinato pileo et orbitate oculi insignis. Cui ut ab exēplo scitè pīcto deprehen- ditur, plurimū arridet id marmoreū dimidiata sta- tuæ caput, quod pro Annibale cum superioris Africa ni imagine apud Messanā à Decurionibus religio- sè custoditur.

Faerni.

Ferus ille, domina terror urbis & pavor
Clarissimorum pestis & strages Ducum,
Procella Italici uasitasq; nominis
Delineatus hac tabella est Annibal,
Quem & ipsa quondam (ô testimonium graue)

Statuarum

Statuarum honore, Romula urbs impertijt.
 Quantum ille meritus est apud Pœnos suos?
 Qui in hostium urbe, ipso inquam in hostili foro,
 Virtutis ergò marmore effictus stetit.

Sub effigie Scipionis maioris.



CIPIO maior, qui à deuictò An-
 nibale atq; subacta Carthagine Afri-
 cani cognomen tulit, hoc excelsò ore,
 & promissa casarie, coronaq; insu-
 per ciuica conspicuus incesse tra-
 ditur, quum proconsul in Hispania debellatis Pœ-
 norū ducibus, ac Hispanis admiratione uirtutis atq;
 iustitiæ in eius fidem se deditib. Patris Patruicq; cæ-
 dem uindicasset. Prælio siquidem ad Ticinum non ci-
 uis modò, sed quod incomparabile fuit, & consulis,
 & patris seruati decus meruerat: quod non multo
 pòst noua atque inusitata laude cumularet. Patricios
 enim in lugubri terrore Cannensis cladis desponden-
 tes animos, & turpissimè de patria deferenda cogi-
 tates, uibrato super eorum capita gladio, ita à fœdo
 consilio seuerè deterruit, ut eo die ipse unus Urbem
 præsentis animi magnitudine seruasse censeretur.
 Hac summa uirtutis indole florentè usq; adeò popu-
 lus suspexit, & arcano quodā religionis ostento, ex
 Draconis fabula inter incunabula cōspecto, eū diui-
 na stirpis esse putaret, quòd in Capitolio, cellaq; Iouis
 cum numine colloqui, atq; inde oracula excipere cre-
 deretur. Nusquam enim hac uia uadenti ad gloriam.

ELOGIORVM

Et triumphos cumulanti, Diſ immortales deſuerunt,
 poſtquam uir omnibus integræ probitatis numeris
 uel apud barbaras gentes admirandus, non ſine diui-
 no numine coeleſtiq; auſpicio cūcta belli et pacis mi-
 nia obiret. Verum in eo maxime mirū fuit, inter tot
 eximia naturæ et fortune dona, quæ modum exceſſe-
 rant, quod illud atrox et ſummæ uirtuti ſemper inſe-
 ſtum inuidia monſtrum, non modò non perculerit,
 ſed ſua inſuperabili gloria nitētē ſupra ceteros mor-
 tales in immenſum extulerit. Quid enim ei uel ſpecio-
 ſius uel glorioſius ad nominis eternitatē Diſ immor-
 tales tribuere potuerunt, quàm ut immanis inuidiæ
 domitor, de uictore gentium omnium Romano popu-
 lo triumpharet? Quum citatus ad dicendam cauſam
 peculatus, deſpectis eluſiſq; Petilijs, ab eorum infami
 atq; improbo tribunali recedēs uniuerſum populum
 in Capitolium ſecū abduxerit, quod priuſquam proſa-
 no iudicio uacarent, Ioui Opt. Max. gratiæ ingentes
 gratis pijsq; animis agenda cenſerentur, poſtquam
 eum eſſe diem faſtum ſolēnemq; memoria repeteret,
 quo ipſe Annibalem dirum Romani populi hoſtē, in
 Africa et prælio et bello deuiciſſet. Contriuit liui-
 dos Tribunorum animos, ab hac generoſa uoce obor-
 tus pudor, et populum repente circūflexit, quando
 hic ab iniqui iudicii ſpectaculo, ad iuſtiſſimi triumphī
 pompam traheretur: illi uerò fracto erectoq; inſite
 malignitatis atq; ſeuitiæ ſucceſſu, deſerti ob omnibus
 et irriſi, neq; uocem impotenti magiſtratus imperio
 dignum edere, neq; oculos cōtuſæ ferociæ indices at-
 tollere

collere possent. Verū Scipio optimi ciuis more, ut legibus parēre uideretur, ad Linternum spē secessit, satietate gloriæ urbanarumq; rerū contemptu adductus, quod fortasse pro constanti credi par esset, nisi indignatus magistratuum acerbitatē amaruleto ore Linterni sepulchro suo inscribi iussisset: INGRATA PATRIA, NE OSSA QUIDEM MEA HABEBIS. Quo titulo id oppidum abolito Linterni uetere nomine, Patriā appellari hodie uidemus. Sed exulanti per loca sola Campani litoris, & rerum ab se gestarum meritis laudes tranquillo animo ad felicitatem repetenti, inexpectatum supremæ gloriæ decus obuenit, quod omni alio uel de Syphace atq; Annibale triumphatis, grauius atq; nobilius, prædones humani generis hostes contulerunt. Quū enim improuiso appulsis biremibus ad eius uillam frequentes accessissent, & Scipionis familia repente metu excita ad uim repellendam, tuendūq; aditum arma corripere, se non uenisse hostes proietis armis professi, id unum postularunt, ut sibi liceret Scipionem coram intueri, quem apud omnes gentes uirtute & gloria celeberrimum, uenerari adorareq; percuperent. Prodiit ergo interritus Scipio, & procumbentibus ad pedes humaniter satisfecit, sic ut reputatione inſperati casus, non sine ciuium suorum inuidia erubesceret, postquam extorris & penē exul se ipso triumphatore maior ac admirabilior immanibus piratis, quā seruatis ab se ciuibus extiisſet. Mortuus est eodem anno quo clarissimi Græcorū

Pœnorum duces Philopomenes & ipse Annibal miserabilem uitæ exitum tulerunt.

Faerni.

Pœnorum clades, domitor Carthaginis altæ,
Asdrubalis magni uictor, & Annibalis,
Depictum cuius ueteri de marmore uultum
In claris Iouius fixit imaginibus:

Quam te magnanime Heroum, tuâq; ista uerenda
Ora sacramq; libens conspicio effigiem,
Eminet in parua maiestas quanta tabella,
Quantum conspiciui floret honos capitis.
Apparet lato grauitas coniuncta decori,
Et datur excelsi cernere sensum animi.

Conspiciare diu, & uim spernere temporis aude
Diuini species imperiosa uiri.

Sub effigie Athilæ Hunnorum regis.



AE C facies inhumano luridoq; pallore, ac efferi oris mōstroso ductu, & torua oculorum nictatione terribilis, immānem Hunnorū regis ATHILAE scuitiam spirat, sicuti ex ære artificis manu, et scriptorum stylo expressam uidemus. Hic siquidem ille est, funesti seculi dira clades, urbiumq; & terrarum portentosus euastator, qui superbo atq; terrifico nomine Dei flagellum appellari uoluit: scilicet, ut totius truculentiae suæ inuidiam, humaniq; generis odium, ab se in iratum Dei nomen auerteret: quasi non alio lictore opus foret, quā ipso Athila, qui acerbius lege agere,

agere, & uirgas, secures, ignes, ualidius exercere posset, ut damnatae tempestatis mortales extrema supplicia meriti grauissime plecterentur. Is Manduci filius, Bleda germano fratre, qui ad Budam Pannoniae regnum sibi condiderat, impie trucidato, innumerabilem Hunnorum, uariarumque gentium colluuiem, secum trahens, per Noricum & Vindeliciam, Remorumque fines, in Galliam irrupit. Sed in Catalaunicis campis edito longe omnium cruentissimo praelio, ita Actij uirtute repulsus est, ut in Pannoniam magna accepta clade redierit: unde demum post aliquot annos reparatis copijs, per Carnicas Alpes in Italiam sese uastabundus effunderet. Sed haesit in limine aliquandiu obfessa per duos annos Aquileia, atque eadem fame capta deletaque. Ceterum ab eius nobilissimae urbis excidio, nihil mitigata rabie deflexit in Eugancos & Venetos, Altino, Concordia, Opitergio, Tarussio, Patuioque euastatis aut euerfis, quum undique tot oppidorum atque urbium incolae, metu mortis, in proximas Hadriatici maris paludes confugere cogerentur. Verum ab hac inusitata & plane miserabili incolarum calamitate, leto quodam maximeque felici auspicio, admiranda urbis Venetae primordia exorta sunt, insigni quidem magni numinis prouidentia, quum munissimum inter paludes situ stupendae eius urbis fundamenta iacerentur: quae una fere omnium per mille annos inuicta, ceteris non obscure seruientibus, in Italia incorruptae libertatis decus tuetur. Anhelabat Athila semper saeuus & furens ad Alarici praeconis

famam, qui ante quadraginta annos Romæ orbis do-
 minam, summique imperij caput immaniter deforma-
 rat, eoq; iam cum tota mole barbararum gentium
 cruoris & prædæ avidus ferebatur: immaniq; uoto
 potitus foret, nisi Martianus Cæsar uiribus & belli
 fortuna inferior, à Deo maximo certam opem im-
 plorasset, diuino instinctu per quietem admonitus, ut
 positus armis Leonem Romanum pontificem uenien-
 ti bellæ obijceret. Suscepit itaq; id munus alacriter
 Leo, nihil reformidato periculo, quod ueræ pietatis
 gloriâ afferret. is non dubia sanctitatis opinione, &
 senectæ uenerabilis, cum simplici antistitem & pa-
 tritiorum ordine in tiara, sacerdotaliq; amictu, &
 prælata argentea cruce, ad tyranni pedes proiectus,
 ita atrocem eius animum aliâs semper iratum & im-
 placabilem, pijs precibus mitigauit & flexit, ut ocul
 to perterrente numine attonitus & emollitus manus
 daret: nec multo post qui cuncta obuia prostrauerat,
 nec usquam sibi potuerat, modico contentus tributo
 in Pannoniam reuerteretur. Quid enim maius & glo-
 riosius armis peti potuit, quàm Romanos, qui à deu-
 ctis toto orbe populis tributum exegissent, tanquam
 domitos aliene uirtutis admiratione tributarios effe-
 cisse? Mirabantur Hunni proceres Romanæ prædæ
 auidi, quòd Athila uirtutis & fortunæ suæ penitus
 oblitus, ex bellicosissimo imperatore, hominonis sa-
 crificuli oratione fracto uigore animi, repente alius
 & prorsus imbellis & timidus extitisset. Verùm is ad
 ea respondens, tantæ commutationis causam in duos
 augustinore

augustiore specie Heroes referebat, qui à dextra la-
aag; supplicantis Leonis uibratis gladijs sibi necem,
nisi pijs precibus annueret, minitari uidebantur. Eos
proculdubio diuorum Petri & Pauli spectra fuisse
Christiani existimant. Athila uerò uel supra omnes
barbaros ingenio maxime fero & agresti, ut suos iti-
dem conuicio quodam pacem Romanis datam impro-
bantes eluderet, lepiòs scommate usus fertur, quona-
diceret, An' non importunè miramini quòd ferrarum
regi, quem cuncta animantia horrent, repente cesse-
rim? facere ad pontificis nomen alludens. Per hunc
modum Romanis tributo imposito in amicitiam rece-
ptis, quum in Pannoniam esset reuersus, Hildidem ex-
cellenti forma uxorem duxit: sed maturè dij prohi-
buerunt, ne ex eo ferali connubio proles aliqua tan-
quam humani generis portentum ederetur: nuptialè
enim nocte temulento atq; alie stertenti, tanta uis san-
guinis per nares erupit, ut qui tot sædibus passim edè-
tis provincias immanissimè cruciatarat, ad extremum
subitò expirans, coniugalem thorum largissimo san-
guinis sui flumine inundarit. Memoriz autem prodi-
tum est, Martianum Cæsarem per somnium eà nocte
qua Athila fato cecidit, fractum eius tyranni arcum,
comminutisq; sagittas, Theodosio indicante con-
spexisse, quasi dijs curæ esset, ut hosti-
le quicquam ab ea terribili feras
timere desineret.

Antonij Vulpj Nouocomensis.

Quid tot conspiciens, uiator, altum
 Erecta ad tumulum trophæa, totq;
 Victorum exuuias Ducum, urbiumq;
 Tot cadauera, totq; de subactis
 Triumphos populis, stupes anhelus?
 Rex ille Athila, Nominum flagellum,
 Tu nostri reliqua: hic iacet, uiator
 Cerne, ut nunc etiam cinis superbus
 Spiret imperium, minas, furorem:
 Hunc casus nisi narium soluta
 Vena, dum thalamis nouæq; nuptæ
 Indulget nimis, abstulisset: orbis
 Euerfus, titulos, decusq;: monstro
 Fatali cumlaret, & trophæa.

Adami Fumani Veronensis.

Fax orbis ille, incendium, pallor, paupor,
 Europa monstrum quem nouum genuit parens,
 Matris ferus quod carnifex foret suæ,
 Qui barbaro superbo ipse spiritu
 Dei flagellum nomen indidit sibi
 Terris furens satelles irati Iouis,
 Per quem fuere secla facta ferrea,
 Quum quaq; mores usq; sudit barbaros,
 Quo se ore uiuens ferre suesset Athila,
 Tabella Iouij hæc indicat planissimè.

Sub

Sub effigie Totilæ Gothorum regis.



TOTILAS hoc roseo illustriq; uultu,
 & statura corporis eximia multoq; mi-
 litaris animi uigore, Visgothicae regie
 stirpis specimen referens, Taruisij rex
 est appellatus, paulo post quam rex Vitiges Belisarij
 uirtute fractis opibus sese atq; Rhauenam uictori de-
 didit, ut ad Iustinianum triumphali spectaculo ducere-
 tur. Indignabatur enim reliqui Gothorum procures,
 qui in Venetia Cisalpinaq; Gallie oppidis reman-
 serat, quod inuicta antea Gothoru uirtus, Gracis ho-
 munculis imperitia Vitigis, aut certe nimis celeri de-
 speratione succubisset. Propterea hominem regia
 dignum corona animo atq; oculis requirebant, qui
 afflictum, humiliq; prostratum Gothicum decus erige-
 ret. Nam paulo ante Theudebaldum Vitigi suffectum,
 quod Vraiam uirum sua uirtute & Vitigis propin-
 quitate clarissimum, indignè occidisset, Bella Rogus
 inter epulas obtruncaret: successoremq; huius Atha-
 ricum Gothi procures, quod cum Iustiniano foede pa-
 cisci, quam armis contendere mallet, incertum an ue-
 neno, intra paucos menses sustulerant. Itaq; Totilas
 ex Theudebaldi sorore genitus, insigniq; ob id proce-
 rum fretus studio, usq; ad eod animum sustulit, ut bonæ
 spei plenus, & gerendi belli maximè cupidus, ad uete-
 ris imperij, Theodoriciq; regis amplitudinem aspi-
 raret, sepeq; ad Gothos concionaretur magnificè
 suadendo, ut nihil animo se demitterent, & sibi se-

cunda omnia, postquam Belisarius Italia decessisset, obuentura sperarent. Nec opinionem fauentis populi usquam sefellit, utpote qui in omni obcundo munere mirificæ uirtutis uim ad bellum afferret: & eo quidem rerum successu, ut maximorum regum famam rerum gestarum felicitate æquasse, nec immanissimi tyranni nomen à nostris impositum, meritò tulisse censeatur: nisi in postremo uitæ actu, ut in Tragœdijs uidemus, illudente Fortuna corruisset. Primum eius operum uictoria fuit de Bessa & Vitalio Belisarij ducibus ad Veronam parata: leto quidem auspicio, quòd profligatis copijs cuncta ad unum militaria signa in eius potestatem uenissent. Inde uictor & ferox Italiam percurrentes, passimq; præsidia confirmans, Spoletum cepit, Beneuentum mœnibus nudauit, Neapolim longa obsidione perdomuit. In ea autem uictoria tanta usus est clementia, lenitate, iustitia, ut Cononem præsidij præfectum, liberali inuitatum stipendio, & id munus renuentem, quòd sacramenti religione obstrictus sine scelere fidem mutare non posset, incolumen datis comitibus Romam dimiserit. Romanos item milites & ciues Neapolitanos media propè enectos, & passim ab immoderato auideq; sumpto cibo collabentes, distributis ad uitæ & ualitudinis rationes alimentis, resouit atq; seruauit. Et quum undiq; maleficia militum puniret, armigerum suum, nobili ortum loco, & apprimè strenuum, de ui illata ingenuæ uirginis conuictum securi percussit, tanta seueritate, ut damnati

nati bona que erant amplissima, nupturae uirgini in dotem adijceret. Brutijs demum, Lucanis & Calabris admo ro undiq; terrore in fidem redire coactis, satis sibi bellicae laudis, satisq; imperij sibi partum exestimare potuit: nisi Roma urbium omnium domina ad summum gloriae cumulum potiri cupiuisset. Nec impotentis barbari immani uoto dii iam prid. in Romanis infesti omnino defuerunt: semel enim ut in satis erat, atq; iterum urbs Roma Asauris, Cilicibus, custodiae locum pro dentibus, capta, direpta euastataq; est. Verum auso potitus Totilas nequequam barbaro ingenio ex tanta uictoria nouae laudis occasionem intellexit: generosoq; consilio uiolentiae atque superbiae suae modum imponens, omnes qui in templa confugissent, incolumes & liberos fore pronunciauit: usq; adeo remissa animi feritate, ut Pelagio sacrorum Principi, & pro salute publica excidium deprecanti, religioso quodam pudore placatus obediret, & in moenia tantum grassaretur, ut certis in locis ingentium portarum instar ad aperta, & potentiae suae uim, & moderationis lenitatem, eterno monumento testaretur, Romanorumq; familiae in Campania oppida relegatae, patrij soli calamitatem diu lugerent. Caterum miserijs, ut plerunq; in ipsa clade accidit, pie riteq; ad placanda numina conuersis, non omnino serus ultor Narses aduenit, ut commutata belli fortuna, qui a summo duce Belisario superari nequiuerat, praeualidus & ingens uir Totilas, a tripalme senecunuchio uinceretur. Cū hoc enim Totilas

postquam undecim regnasset annos in Umbria iuxta
 Calles oppidum uiae Flaminiae impositum ad aquam
 (ut dicunt) Alaniam, collatis signis conflixit: eo
 quidem euētu, ut quum diu inter utranq; aciem pha-
 lerato equo, & auratis armis conspicuus, iaculo saepe
 in auras euibrato, itidemq; excepto, equitandi artem
 ostentasset, conferta demum pugna profugeret, uulnus
 ratusq; à persequentibus, intenta fuga ad uicum Ca-
 pras cum tribus equitibus elaberetur. ibi dum uulnus
 obligaret, nec sanguis sisteretur, expirauit: una hac
 fortasse fatalis sorte nequaquā infelix, quod tanti mo-
 dō nominis rex, & inter strenuos milites longē for-
 tissimus, nec unquā antea uictus, Eunuchi triumphum
 effugerit, quum sine ullo funeris honore, nullisq; in-
 ferijs, clam inter uepreta conderetur: ut inde post a-
 liquot dies indicante muliercula erutus, & planē ag-
 nitus, uel ab ipso uictore Fortune ludibria graui a-
 nimo reputante, miserationis & uerecundiae mixtas
 gaudio lacrymas exprimeret.

Antonij Francisci Rainerij Mediolani.

Hæc Totile effigies, quo iuncta leguntur in uno

Et decor, & robur, & pudor, & pietas.

Miscetur decori robur, pudor emicat armis,

Quam forti apparet pectore, tam pius est.

Urbem terrarum dominam capit, attamen urbis

Seruat captivæ templa, deosq; colit.

Semiuir ast illum ualido domat agmine Narses,

Infractum bellis omnibus ante uirum.

Flebilior

*Flebilior fors nulla fuit: nam contigit illi
(Heu) prope scæminea procubuisse manu.*

Adami Fumai.

*Immanis ille pestis urbis, barbarus
Quæ barbararum gentium terror, sui
Ad ortum ab occidente fines imperi
Olim feroci Marte dilatauerat,
Qui nostra uastitate cuncta perculis
Vicos agrosq; , ciuitates, oppida,
Ritu procellæ turbiniq; acerrimi
Deo atq; hominibus abhominatus Totila
Hac in tabella pictus hospes an uides
Vt seuius, importunus, impotens, adhuc
Stragem minatur ore, cædem, sanguinem?*

Sub effigie Narsetis Eunuchi.



*ARSETIS ueram imaginem, quam
argenteis & æreis nummulis minimè e-
legantè expressam uidemus, Græci scri-
ptores Procopius, Agathius & Suidas,
ad perenne monumentum nobis ita representant, ut
eam non latè modò oculis, uerùm maximè pio gra-
toq; animo & admirari & uenerari fas sit. Quid e-
nim ex omni annalium memoria admirabilius fuit,
quàm Gothorum gentem, indomito immanium cor-
porum, ingentiumq; animorum robore terribilem,
ipsumq; inuictum antea regem Totilam, ab homulo
gracili, pusillo, & quod maximè miserum & puden-
dum hostes putarunt, defectæ uirilitalis eunuchò, om-*

nibus ferè praelijs, ac uniuerso demum bello superari
 Sicilia, totaq; Italia depelli, & ad internitionem nomi-
 nis passim deleri? Fuit hoc profectò incomparabile,
 & uerè summum amplissimæ laudis decus, cum longè
 speciosissimum de restituta urbe liberataq; Italia tro-
 phæum Narseti erectum conspiceretur: si certis sese
 finibus immensa uirtutis gloria terminaret. Accessit
 enim ad ipsum excelsi trophæi cacumen, ut id noua
 specie nouisq; exuuijs exornaret, uictoria de Francis
 ad Volturnum parata. Irruperant in Italiam & Gallia
 Germani fratres Bulthinus & Leuthares, Francorū
 principes, non contenti opulenta ea regione, quam
 ipsi è Germania aduenæ eiectis indigenis occupas-
 sent, ut post debellatos à Narsete Gothos, Italiæ im-
 perium arriperent. Diuisis itaq; copijs Bulthinus à
 Tyrrheno, & Leuthares ab Adriatico litore, totam
 Italiæ emensi longitudinem cuncta obuia prostrau-
 rat: iamq; Bulthinus diues præda è Brutijs atq; Luca-
 nis rediens, quartam cladem afflicta adhuc Vrbi, &
 nondum planè munita, procul dubio allaturus erat,
 nisi Narses irruenti belluæ ad Casilinum occurrisset.
 Erant Franci inuictum & formidabile hominum ge-
 nus, hamatis atq; mortiferis instructum telis: sano im-
 peratori æquo in campo & iusta acie refutandum:
 nec oppugnandum quidem in castris, quum seluna-
 ta curruum serie depressis solo ad axem rotis undiq;
 muniuisset. Verum Narses uel parua manu tot barba-
 rorum robora per moras & astus mirè ludificatus,
 ita perfregit, ut inusitata aciei forma circūuentos ca-
 dente

gente Bulbino ad unum omnes trucidaret, & Volturni cruento alueo ingentia cadauera in Tyrrhenū uoluerentur. Parem quoq; profectionis & uitæ exitum, sed diuersa cōditione Leuthares tulit. Nam è Salentinis per Apuliam, Picenū atq; Flaminiam cū in Venetiam esset reuersus, quòd templa omnia passim sacris donarijs spoliasset, ultore magno Deo in horribilem incidit morbum, ex quo uesana rabie percitus suos artus dentibus laceratos, manantemq; cruorem bibens deuorabat: & Franci ad unum omnes seuiente pestilentia delerentur. Tātis rebus gestis Narses cū per Italiam præcellenti pietate templa conderet, & passim illatas à Gothis iniurias magnificè resarciret: summaq; legum æquitate populis ius diceret: id unum omnino contendebat, ut fessa tot malis Italia, secura atq; opulenta pace frueretur. Sed his artibus collecta gratia, auctis opib. & insigni gloria florentē, quem immensæ Gothorum uires, & formidanda Francorum arma non fregerant, oborta inuidia humanæ felicitatis cōmune malum inexpectatò ita perculit, ut incredibili dolore incensus, animum omnibus antea iustitiæ, religionis & patientiæ uirtutibus exaggeratum, ad uindictæ libidinem indignanter uerteret. Sophia namq; Augusta muliebri liuore à delatoribus concitata, quum Narseti successorem destinaret, ad eum contumeliosè scripserat: ut iam tandem diuitijs expletus in Italia regnare desineret, quando ei colus in Gynæceo Byzantij, quàm Romæ sceptrum aptius cōueniret. Quæ uerba usq; adeò profundè in pectus

descenderunt, ut Sophia responderet se nere quidem,
 ordiri texereq; solitum, maturè daturū operam, ut
 paratis iam filis eam scitè telam ordiretur & texe-
 ret, quam nec ipsa nec uxoriū imperator retexere
 possent. Accersendum enim in Italiam è Pannonia Al-
 boinum Longobardorum regem, cui nemo ex inui-
 dis resistere posset, existimauit: ut intima Romani im-
 perij uiscera, nouæ & bellicosissimæ gētis irruptione
 quaterētur. Verū omnib; magnitudine periculi ter-
 refactis, Ioanne Romano Pontifice iustam iracundiā
 pijs precibus demulcente, Narfes pristinae suae pietat-
 is et probitatis memor, perturbatam mentem ad cle-
 mentiae decus, usq; adeo tempestiuè reflexit, ut Alboi-
 num iam intentum ad iter, subsistere, oppeririq; alia
 nondum maturae occasionis mādata iuberet. Parue-
 runt Longobardi, nec oblatū inuadendae Italiae con-
 silium prius ad profectionem explicarūt, quā Nar-
 fes post aliquot annos cunctis quae ab imperatore de-
 ferri possent honoribus functus, iam senex excessit è
 uita. Eius siquidem incluta uirtus in postremo uitae
 actu, quod summae felicitatis fuit, immanè illud inui-
 diae monstrum magnitudine admirabilium operum
 & illustri fulgor e suo penitus obruerat. Imbelles e-
 nim liuidiq; aule proceres, non obscuro ingruentis
 belli metu subacti, qui ad Narfetis praefecturam an-
 helare ausi fuerant, eum quem priuatim oderant, ut
 plerunq; fit, publicè miris laudibus extollebāt, ita ut
 mihi Narfes supra omnes mortales maxime admira-
 bilis fuisse censeatur, postquam è Perside condicione
 seruus

seruus & eunuchus, inter delitias muliebres nutritus
 in Regia, pretiosiorique demum gazæ fidelis custos
 præpositus, è tanta ereptæ uirilitatis calamitate uni-
 cus propè cum uirtute, tum Fortuna imperator exti-
 terit. Nemo enim eo peracuti atq; habilis ingenij uim
 solertius ad consilium flexit, nemo grauissimarum re-
 rum negotia certius explicauit, nemo deniq; utrius-
 q; Fortunæ impetum constantius atq; felicius sustinuit
 & auertit. Verùm quod admirationis humanæ mo-
 dum excedere uidetur, nullo literarū fretus præsidio
 quod sophistæ ad parandam dicendi artem nunquam
 operam dedisset: eloquentia militari tantum ualuit,
 ut cum opus foret, repentiè summus orator, animos
 quò uellet facile impelleret. Cunctas siquidem huma-
 narum rerum actiones ad religionem reuocabat, ex
 qua non dubia præsensio diuinitatisq; rerum bellica-
 rum, & longa infracti animi patientia, & cuncta de-
 niq; iustitiæ temperamenta profluerent. Nec in tenui
 corpusculo supra ingentis animi uigorem expetita
 magnis ducibus, equitandi & iaculandi peritia dee-
 rat, qua uires in hoste ad impetum ualidiores mirè
 contemneret & eluderet. Nobilissimum eius operum
 Romæ uisitur marmoreus pons, quem Totilas disce-
 rat, Anieni Salaria uia impositus, in quo tale Epigrā-
 ma incorruptis adhuc literis legimus, dignum utique
 ut non in ponte tantum, sed toto orbe ad Narsætis glo-
 riam celebretur.

Quam bene curuati directæ est semita pontis,

Atq; interruptum continuatur iter,

Calcamus rapidas subiecti fluminis undas,
 Et libet irata cernere murmur aquæ.
 Ite igitur faciles per gaudia uestra Quirites,
 Et Narſin reſonans plauſus ubiq; canat.
 Qui potuit rigidas Gothorum ſubdere mentes,
 Hic docuit durum flumina ferre iugum.

Antoniꝝ Franciſci Rainerij.

Non nō hac tabula ſemiutrum hunc fingere paruula
 Fas eſt, marmoribus quem decuit ſcalpſer, arduo
 Aut oſſa, aut Rhodope, aut aereo Caucaſeo in iugo,
 Siſpectes animum belligeri, factaq; fortia.
 Hic Narſes, regio quem peperit Perſidis inclyta,
 Byzantiq; aluit, quem domus olim aurea Cæſaris
 Eductum muliebri imperio & mollibus in iocis,
 Acuto fuerant ſecta cui pondera forcipe.
 Hic ille eſt ualido conſilio qui quatit agmina
 Gothorū, & madidum ſanguine regē Totilam Italo,
 Francorumq; acies, barbariemq; Auſonia expulit.
 Salue, ô maſtē animo ſemiuir & clarior omnibus
 Veris Marte uiris. Nunc utinam Magne reſurgeres.

Sub effigie Caroli Magni.



SALVE Heros bellica uirtute, illu-
 ſtri iuſtitia, & Chriſtiana pietate ſu-
 pra omnes Auguſtos maxime incly-
 te. Salue imperator inuicte non
 MAGNI modò, quod conſenſu no-
 ſtri orbis cum incomparabili gloria tibi obuēnit, ſed
 TERMAX. cognomento digniſſime. Tu enim
 gentes

Gentes immanitate barbaras, & in uestigio mori potius quam uinci solitas, quoniam insanis superstitionibus seruirent, ita iustis armis & diuina tua uirtute domuisti, ut non opibus & libertate spoliatae uinctas manus ad seruitium uictori darent, sed cōseruatae incolumes à clementia pietateq; tui nominis insigne beneficium acciperent: cum ad ueræ religionis cultū te hortatore magistroq; ducerentur. His nempe longè optimis belli & pacis artibus, non indomitos modò Saxones & peruicaces Cantabros perpetuis uictorijs deuictos, uerum quod ad perenniorē laudē nobilius fuit, Longobardos arroganter & impiè sacro sancto pontifici infestos, Deo ultore funditus excisos uidemus. Salue itaq; Christiani imperij propagator Augustissime, pontificiæ dignitatis assertor & uindex, aureæq; ætatis conditor. Te siquidē auspice Italia in primis, quæ iam pridē à Gothis & Vandalis deformata prostrataq; ferrei seculi iniurias pertulerat: sese usq; adeo felici rerum omniū prouentu erexit, ut pristinæ amplitudinis ornamēta reciperet, & religio ad firmiorem dignitatem ritè instaurata, clariore iam nominis sui authoritate potiretur, & singulæ propè urbes tuæ eximie liberalitatis atq; magnificentiæ monumēta mirarentur. Verum Etrusci nullo unquam æuo tuas laudes silebunt, quòd Florentiam omnium urbium longè pulcherrimam ad non dubiū, si admirabile ædificiorum decus spectetur, totius Italiæ ornamētū, in cineres à Gothis cōuersam restitueris. Itaq; magnanime Carole, nihil nobis ex tui decoris

memoria maius aut luculentius relinquitur, quàm ut hanc generosa frontis & probi ueræq; augusti oris speciem contemplando sanctissimè ueneremur. Neq; enim dubitare fas est, quin inter prisca ætatis Heroes mirifica pietate in cælo beatas sedes meritos, æterna felicitate perfruare. Vel ob id te ipso in terris maior & uenerabilior, quòd pleriq; Romani imperij successores nequaquam emulatione gloriæ tuæ deducti, & impiè & turpiter ad certum dedecus ac ignominiam neglectæ religionis imperarint. Aeream Caroli effigiem nobis dono dedit Alfonsina, Magni Laurentij Medicis nurus.

Iohannis Bellai Cardinalis Parisiensis.

Carole dum monstras aditus quibus Itala posset
 Externum uirtus ferre subacta iugum,
 Lene tamen ferre illa iugum sub principe leni,
 (Quale fuisse tibi uidimus ingenium)
 Extincti penè unus opes Latiasq; tuasq;
 Nec laus in lucro, ut debuit esse, fuit.
 Regnandi neq; enim est, ut regni exempla secutus
 Aemulus heu cœpti qui fuit ille tui:
 Aemulus ille quidem, cœptiq; & nominis heres
 Sed tibi tam uictor quàm nocuus Latio.
 Nam Latio est usus sic in tua uiscera uicto,
 Ut sit in authorem pœna retorta suum:
 Si nescis, procures cæsos animasq; nepotum
 Errantes toto consule in Elysio.

Honoratij

LIBER PRIMVS.

47

Honorati Fasitellj.

Audisti ne olim magni post Herculis arma
 Extremam paribus Calpen qui terruit ausis
 Inuictum uirtute animi, dextraq; Rolandum?
 Audisti robusta senis tot pignora Amonis
 Acteneram roseo cum primis ore puellam
 Caside sub dura solitam se credere campo,
 Congressamq; uiris, uictricem excedere pugna?
 Atq; alios, aliosq; omnes fortissima bello
 Pectora, bis senos ex ordine Palatinos?
 Quos magnis longum spectatos Gallia rebus
 Euexit caelo, & fulgentibus intulit astris,
 Insignes scilicet spolijs Heroas opimis
 Insignes raptis immani ex hoste trophais?
 Hoc duce, quem multo trabeatum cernis in auro,
 Nunc etiam aspectu ipso, & maiestate uerendum,
 Hoc meruere olli, & tantum exhaustere laborum.
 CAROLVS hic ille est, quē nec secla ulla, nec etas
 Non canet eximio Magnum cognomine regem:
 Cuius ab auspicijs tum primum Gallica signa
 Bat, & infractus uictricia sensit libertus.
 Intremuere Asia reges, iacuitq; subacta
 Punica terribili tellus concussa duello.
 Cetera ab angusta spatij exclusa tabellae
 Te magni diuina IOVI monumenta docebunt.

Parthenij Parauicini Nouocomensis.

Hec uero longē ante alias quae fulget imago,
 Quam circum densa mediam cinxere corona

Egregij bello reges, tibi maxime regum
 Sacratur, priscum reparas qui Martis honorem.
 Nam nix Pipini imperio sceptrisq; potitus
 Francorum iusta arma moues, atq; hoste subacto
 Ducis Aquitana celebrem de gente triumphum.
 Nec mora quanquā ingēs immāni à Saxone bellum
 Ingrueret, patrios fines transgressus et Alpes
 Vix dum uictrices aquilas augustaq; signa
 Expandis, cecidere hostes, rex captus ab illo.
 Italia amissos primum sperauit honores,
 Et caput erexere arces, collesq; Latini,
 Religio, Petriq; ratis iam seſſa procellis
 Per te exoptatos subiit tutiſſima portus,
 Tēne adeo Ausonia pietas laudumq; cupido
 In lituos, ara, Romanaq; sacra trabehebant
 Qui Longobardum strages, et Batia dicam
 Agmina perſeſſatos Mauortia pectora Iberos
 Et totum auspicijs domitum felicibus orbem
 Post obitos quem tot extant latosq; labores
 Iuppiter, emeritum cœli super arce locauit
 Heroes inter claros, sanctumq; senatum.
 Ausonia infelix, ecquem nunc æmula uirtus
 Excierit, quis iam pro religione tuenda
 Sollicitus, sacrisq; Deūm pia ceperit arma
 Vos o qui socias odijs ciuilibus urbes
 Vertitis, infandisq; decus speratis ab ausis,
 Si fame uostangit amor, laudumq; cupido,
 Hoc agite, hinc iustis querenda est gloria bellis.

Sub

Sub effigie Gothifredi Bolionij.



ELLO sacro, quod ante quadringentos annos indicente Urbano pontifice, ab illustribus Europæ regulis pro gloria Christiani nominis, incredibili pietate susceptum, inusitata gestum uirtute, ac admirabili felicitate consecutum est, GOTHIFREDVS Bolionius supremū decus tulit. Is tum in Belgico Occani litore urbi Bononiæ dominabatur, præq; se ferebat antiquissimam Lothoringiæ stirpis nobilitatem, quum pontifex ad Claramontem Aruernorum oppidum in Asiaticam expeditionē ad recuperandas Hierosolymas nomē dantibus, dextro humero rubra cruce religiosē obsignato, cælestis uitæ præmia promittebat. Omnium itaq; Princeps Gothifredus Christi semilitē professus, eam crucem, & belli tesseram de manu sacrosancti pontificis accepit: ea uerò apud uniuersos erat DEI VOLENTIS. Inerat ei præcipuum naturæ donū proceri corporis, & grauissimioris eximia dignitas, quam excellens bellica uirtus, et sancta promissi fides, incorruptiq; mores adornabāt. Nauarat Casari in Italia bellum gerenti sortem fidelemq; operam unde trium linguarum peritiam & singularis industrie famā bello & pace retulerat. Incredibile dictū est quo militū cōcursu, quo ardore procerum, quo diuitiarum, penatium, uxorū, & uitæ deniq; contēptu rubræ cruces peterentur. Diuino enim quodā furore concitatis animis, deuotisq; corporib;

generosissimi quique non caducum, sed immortale decus querebant, quum pia fortiaque pectora occupante religione, periculorum omnium metu, spes una perennis inter cœlites gloriæ discuteret: propter quam suscepto uoto, cunctis domesticæ pacis delitijs, cunctisque opulenti ocij uoluptatibus, facile renunciarent. Id uere pium, uereque decorum præsentium animorum decretum, non Gallos modò, sed Germanos, Anglos, Scotos, et Danos, et denique Hungaros æmulatione pietatis et gloriæ in id bellum traxit. Non defuere Itali principes externæ pietatis æmuli, qui expedita arma consociarent: mariaque, traijcientes cupidissime sequerentur. In his fuere et Transpadanis Gulielmus Longaspatha, et Otho Vicecomes, et ex Apulia Boemundus atque Tancredus illustres Reguli, qui suprà triginta millia armatorum peditum, et equitum sub signis habuerunt. Iere diuersis itineribus, diuersisque classibus, quòd tantæ alendæ multitudini, neque expositæ passim, aut recòditæ fruges, neque contracta undique nauigia ad traijciendum sufficerent. Petrus Eremita huius belli præcipuus adhortator, ab Hungaris ex itinere multis affectus detrimētis, cum primo agmine Byzantium peruenit. Hugo Magnus Francorum regis frater, qui autoritate nominis cunctos anteibat, et Barrio Dyrrachium traiecit, et per Macedoniā in Thraciam iter habuit. A Brundusio autem atque Hydrunte Boemundus cum Italicis copijs Ionium emesus Corinthum appulit, atque inde per Aetoliā et Phocidem atque Thessaliā, Byzantium est profectus, Alexio Græ-

xio Græcorum Imperatore, usq; adeò ad tante multitudinis conspectum metu consternato, ut postquam iusta petentibus, & inuicto tenentibus arma, nihil negare poterat: dubio astutoq; ingenio certa pactione cuncta concederet, scilicet ut graui ea periculosaq; Thraciæ tot fortissimarum gentiũ multitudinem exoneratut, belli ipse spectator omni prorsus timore atq; incòmodo leuaretur. Traiecerunt e Byzantio Chalcedonem trecenta milia descriptorum peditum, & cētum milia galeatorum equitum, qua multitudine uadentium ad insolitum decus, nusquam irritò conatus tota penè Asia quateretur. nam sicuti ab Europa terribiles tot nationum copię, totq; inuicti duces suscepto semel uoto, aut honesta morte, aut insigni uictoria satisfacere, perrūpereq; omnino in Syriā ad Christi sepulchrum decreuerant. Ita excita ad arma toto Oriente Mahometana gentes, Asiæ possessionem ante trecentos annos bellica uirtute partam pertinacissimè tuebantur. Sed ea nostrorum uis religiosiq; & indomiti conatus felicitas fuit, ut quum centies uarijs cruentisq; successibus esset dimicatum, nec ingētia flumina, nec inaccessible Tauri, Armani; rupes, nec obiectæ passim immēse Barbarorum acies, nec sitis nec dira famis, incidentesq; uiris & iumentis morbi propterantia agmina retardarint. Scriptores nempe eius etatis, & in primis Tyrius antistes, qui earum rerum historiam incorruptè condidit, uarietate incredibili casuum, & magnitudine præliorum obruūtur. Hec enim humana memoria captum exuperant, &

omnem annalium fidem antecedunt. Nec mirū cū totius ferē cōmoti terrarū orbis, bellicosissimæ gentes non de fortunis modò ac imperijs: sed quod maxime animos excitat & incendit, de religione, sacrorūq; authoritate inter se manus contulerint. Ad Nicæam primò Solymanus Turcarum satrapes & clarissimus imperator ingenti prælio uictus, & latè profligatus est. Ad Antiochiam deinde in Syria Corbanam Parthorum Medorumq; & Assyriorum innumerales ducentem copias, nostri Heroes ancipiti prælio dimicantes, ad Orontē prostrauerunt. Aegyptius uerò rex Caliphas memorabili acie uictus Christianæ uirtuti succubuit, Hierosolymæq; demū diu oppugnata, acerrimæq; defensæ, magnā cum cede Barbarorū captae sunt: cū ante omnes Gothifredus admota turri lignea, ex eaq; in hostilem murum demisso ponte, ipse cristata galea conspicuus, & pedestri protectus scuto, trucidatis depulsisq; Barbaris primus in urbē peruasisset. Eo celeberrimo facinore edito, tot Procerum cōsensu Hierosolymorū rex est appellatus. Sed uir sanctitate pariter atq; uirtute singularis, decorū fortasse alijs, sibi uerò superbum regis nomen, pio inuictorq; aduersus factum animo repudiauit: quòd nefas esset dicere, ea in urbe auream coronam ferre, in qua Christus spineā tulisset. Quo habitu delatum diadema renuentis, eius effigies iubente Leone pōtifice, ex uero numismate excepta, in cœnaculo Vaticani picta est. At Gothifredus suscepto imperio, nihil antiquius duxit, quā sacro, sanctæ Urbis delubra

his delubra ritè expiare: quassata arietibus moenia
instaurare, ac ingenti cura Ioppè expugnare, ut Chri-
stianis classib. in proximo litore portus pararetur.
Nam Veneti Liguresq; tam pia quàm decora cōten-
tione nouas semper copias, nouosq; commeatus, et
bellica instrumenta nostris præclarè uincentibus cō-
uectabant, uigente et crescente ad uictoriæ famā stu-
dio piorum fortiumq; hominum, qui ad inuisendum
Christi sepulchrum, urbemq; antiqua religionis cla-
ritate famosissimam, certatim transfretabant. Vicro-
res namq; procures sacræ militiæ, uoto ad Christi se-
pulchrum ritè soluto, persusi incredibili letitia, tan-
quam uictoriæ compotes, ad uxores et propinquos
in Europam redibant, hortabaturq; obuios, ut in sup-
plementa gloriose militiæ defunctorum, arma atq;
animos expedirent, et reliquū integræ adhuc laudis
decus, deletis ad internecionem impijs mereretur. Ce-
terum Gothifredus Ioppe Ascaloneq; expugnatis, sis-
sisq; non una acie passim hostibus, mediterraneisq;
aliquot oppidis in fidem receptis: quū integrum re-
gnasset annum pestilenti morbo surreptus, excessit e-
uita: tanto Christianorum Syrorumq; omnium luctus
ac desiderio, ut qui uiuens multos dignitate æquales,
commendatione pietatis atq; uirtutis antecesset: post
mortem quoq; in terris felix haberetur, quòd relicta
posteris gloriosa hereditate, Balduinus frater, qui ad
Edessam Mesopotamiæ urbem Tetrarcha regnabat:
fraternæ amplitudinis atq; fortunæ æmulus, consen-
su Procerum regnum sit consecutus.

ELOGIORVM

Antonij Francisci Rainerij.

Gothifrede pjs Solymos dum subijcis armis,
 Et renuīs capiti regia ferta tuo:
 Nil unquam humano diuinius exiſt ore,
 Regali quā quod exiſt ore tibi,
 Laurea non hominem geſtare nec aurea regem
 Fas ubi rex Diuū ſpinea ferta tulit.
 Maſte heros tam uoce hac quā uiſtricib. armis,
 Quæ Babylon, omniſq; horruit Aſſyria.
 Sub effigie Saladini Aegypti, Sy-
 riæq; Sulthani.



ALADINVM Sarraconis Medi,
 qui nefario ſcelere ſummaq; perfidia
 interfecto Califfa Memphitico Sultha-
 no, cuius mercenarius dux fuerat, Ae-
 gypti regnum occupauit, filium fuiſſe
 authores tradunt: tantaq; animi magnitudine & uir-
 tute præditum, ut inuiſto ſpiritu, altitudineq; ſoleris
 ingenij, & uicinia corporis, peritia & fortuna
 belli, maximorum imperatorum gloriam æquaſſe
 cenſeretur. Is à ineunte ætate cunctis belli artibus
 inſtructus, uti erat præcipuus pecuniæ contemptor,
 uiros fortes liberalitate undiq; ſibi aſciſcere, magno
 ſumptu explorare hoſtium facta dictiq; induciarum
 belliq; gerendi occaſiones præſentire, iuſtitiam, fi-
 demque religioſe colere, uiſtorijs modum impo-
 nere, fortuita incidentium caſuum præſenti ſemper in-
 genio, ad conſiliū rationemq; ſteſtere, probè didice-
 rat. Vt

rat. Vt non mirum uideri possit, si Ioannes Boccacius
in fabulis mirus, uel in Barbaro uirtutis aestimator,
eum explorandis Christianorum opibus atq; consi-
lijs, mercatoris habitu Italiam & Galliam peragrasse
tradiderit. Tum enim Aenobarbus imperator, & se-
cundum eum Philippus Galliae, & Ricardus Angliae
reges: Venetiq; item, Ligures, & Pisani ingentes co-
pias & classes parabant, ut accisis Syriae rebus opem
ferrent. Verum tanti apparatus uel incredibilis cona-
tus, emulatione, inuidia, insaniq; dissidio nostrorum
fractus, cum tulit exitu: ut Saladinus expugnatis Hiero-
solyms post octogesimum & septimum annum, ex
quo eas Gothifredus manu cum insigni gloria cepe-
rat, & Guidone demum Lusignano Hierosolymitano
rege ad Tiberiadem acie superato captoq; in Syria
& Iudea Christianorum opes euerterit. Vsus est au-
tem ea uictoria magno ferociae humanitatisq; tempe-
ramento, quum Hierosolymis Christianos incolas suos
in sede relinqueret: campaniq; tantum eris sonitum e
sacris turribus tolleret: colendūq; Christi sepulchrū,
Gothifredi etiam tumulo admiratione uirtutis inui-
olato, pijs hominibus concederetur. Sed ea inuictae uir-
tutis utentem fortuna occasioneq; dissensionis & so-
cordiae nostrae cuncta ad Ioppem, Gazā, Ascalonem,
Ptolemaidem, Berytū, & Tripolim assiduīs cladibus
proterentem, fatalis hora non planē senem eripuit,
quum sedecim regnasset annos, scilicet ut debellandis
Christianorū reliquijs Saphandino filio nouae paran-
dae laudis materia praeberetur. Moriens uti humanis

conditionis atq; miseriae memor condito testamento,
omnem funeris pompam abdicauit, iussitq; tantum in
lancea praeferrī atrī coloris obsoletam tunicam, pra-
eementē ad populum sacrificulo huius sententię car-
men, quod à Boccatio memoriae proditum est:

Vixi diuitijs, regno, tumidusq; trophæis,

Sed pannum heu nigrum nil nisi morte tuli.

Huic Saladino aut certè (quod potius crediderim)
Saphandino filio de Ludouico Francorum rege ca-
pto, cessit uictoria: quum ad Damiatam urbem Pelu-
siaco Nili ostio in Christiana castra effuso, miserabi-
lem cladem accepisset. Ferunt Ludouicum, ut se redi-
meret, in passionis fidem Christianam hostiam uictori
impio tradidisse: non minore accipiētis quàm traden-
tis gloria, quādo barbarus pro sua superstitione ina-
ne externę fidei pignus acciperet, in eam spem, ut ad
perpetuum dedecus, si rex inclytus in exoluenda pe-
cunia impię fidem falleret, inextinguibilis inuidia maxi-
mę pio regi constaretur. Viuens Saladinus ex linte-
more gentis cōuoluto cornutum capitis integumen-
tum gestare erat solitus, ut totidem regna uirtute par-
ta nobili argumento spectantibus exprimeret: quod
postea diadematis genus à successoribus Sulthanis
usurpatum fuisse uidimus. In hanc autem habitus spe-
ciem Saladini formam nobis communicauit Donatus

Lectius patritij ordinis Venetus, diu in Cypro,

Syriaq; gestis Magistratibus, historiae et

omnis antiquitatis stu-
dio clarus.

Marulli

LIBER PRIMVS.

Marulli Tarchaniotę Cōstantinopol.

Littore dum Phario prima Saladinus in alga
 Barbara deuicto castra oriente locat,
 Venit adulatrix regum comes unica turba,
 E' quibus ut lingua promptior unus erat,
 Nunc domitum Aegyptum iacet, nunc littora rubra
 Fractaq; pugnaci Gallica sceptrum manu.
 Ostentatq; uirum duris tot milia in armis,
 Et iubet hinc uires aestimet ipse suas,
 Scilicet hinc ille, atq; adeo ex hac inquit arena,
 Quę te semiuictum littore mane tenet.

Iani Vitalis Panhormitani.

Accepit pignus uictor Saladinus icsu,
 Redderet ut regnis te Ludouice tuis.
 Tu pignus redimis multo pretiosius auro,
 Vera fides maior, illa uel ista fuit.

Sub effigie Friderici primi Imper.



VLLI Caesarum ex his, qui Romani
 imperij dignitatē illustri rerum gesta-
 rum fama protulerit, nomen suum mi-
 nus ad naturę genium respondit quā

FRIDERICO primo, qui a colore Aenobarbi
 cognomē adeptus est. Vetere siquidem Germanorum
 lingua Fridericus pacis diuitem exprimit: contrario
 scilicet euentu, quum ingenio ferox, armorū & belli
 cupidus, nihil magis oderit quā pacis nomen. Nam
 ab incunte etate in contubernio Conradi Caesaris pa-

trui, in Asia militarat. Vhi uerò in defuncti locū imperator est appellatus, eo animi decreto arma induit, ut ea non prius se exuturum iuraret, quā Romani imperij diademate ornaretur: cuius uoti Cōradus minime compos factus, graui cum dolore animi excessisset è uita. Id uerò unum Fridericus praelato ingenio supra coronæ decus spectabat, ut quum ea potitus foret, cuncta iura imperatorie maiestatis ad antiquam dominatus authoritatē reuocaret, quòd superiorum imperatorum beneficiaræ ciuitates per ampla immunitatum priuilegia consecutæ, obsoletis iam tributis aut intermissis, ingratae & contumaces ad parendum uiderentur. Excitabant autem mirum in modum ad extendendam famam uirum integra etate florentem Sueuæ gentis illustre & uerè Martium nomen, antiqua maiorum decora, & recens uel infelicis patris Caesaris exemplum, sub quo uarijs utriusq; fortunæ documentis probè obseruatam & exercitam militarium operum disciplinam hausisset. Itaq; Fridericus coacto exercitu in Italiam descendit, expugnataq; in limine, & delata Derthona, ac Spoletō demū in Umbria ex itinere funditus exciso, Romam profectus tantum terrorem Hadriano pontifici intulit, ut ad mare se proriperet. Formidādis enim stipatus copijs aduenabat, minaci ingenio aliquam lenitatis speciem ferens, ita ut se pacato agmine pontificem ueneraturum polliceretur. Clauserāt Romani portas, Aelioq; ponte erumpentes, cum Germanis ad Neroniana praetendentibus, tumultuario cruentoq; praelio dimicarent.

erant. Verum aduentu pontificis placatus Caesar in Vaticano more maiorum Romani imperij insignia accepit. Nec multo post in Cisalpinam Galliam regressus, Mediolanensibus bellum indixit, quod finitimis superba sauaq; arma intulissent, ut late imperarent. Laude Pompeia crudeliter euastata, Como graui obsidione subacta cremataq;, & Papia omnibus belli detrimentis affecta, magnam sibi iniqua atq; intoleranda potentie inuidiam conflauerant. Ceterum eo euentu inchoatum bellum, saepeq; renouatum Aeno barbus confecit, ut multis uictor praelijs, semel uictus ad Calcanum uicum iuxta lacum Eupilim, laboriosa difficultiq; obsidione perdomitos acerbissima lege imposita subegerit: Mediolanenses ad unum omnes patrium solum uerterent, ultraq; centum stadiorum spatium ad uicina oppida migrantes, relegatiq; corruentis superbæ patriæ excidium ex propinquo spectarent: tanta quidem uictoris immanitate, ut urbs totius Italiae amplissima ac opulentissima, inexorabile diri Caesaris edicto, uix seruatis ab iniuria templis, solo æquaretur: turritaq; mœnia cum ædificijs priuatis omnibus & publicis, Circo, Arena, Theatroq; conciderent. Acerbissimo quidem luctu tanti populi penatibus excedere coacti: sed ingenti nec iniquo finitimorum solatio, qui suas iniurias conspecta hostiū calamitate uindicaſſent. Id uero maxime crudele & contumeliosum fuit, quum urbs euerſa funditus aratri proſcinderetur in agri speciem, ut non frugis, sed ad ludibrium, salis semen acciperet. Pari propè clade

etiam hostiliter incumbens Caesar Cremenses, Cremonenses, Soncinates afflixerat, quibus excitandis incendijs, exortu schisma suas faces adinuisse uidebatur. Hadriano namq; defuncto quum Alexander Senēsis esset suffectus, nec Casari impotenter inusitata indignaq; iusto pontifice postulanti quicquam concederet: usq; adeo in eum iracundus & seuius Caesar concitatus est, ut urbe Roma depelleret, & Victorem pseudopontificem crearet: conuentus Antistitum indiceret, haberetq; ut Alexandro tanquam adulterino, sacrosancti iuris potestas abrogaretur. Ea dissensione diuina humanaq; Fridericus impiē perturbauit, tantaq; uirtuti suam causam adnixus est, ut moriente Victore, nihil imminuta pertinacia Paschalē sufficeret: & in huius defuncti tertius nomine Calistus, demumq; Innocētius quarto loco subrogaretur: quum interim Alexander tantis iactatus fluctibus exul & inops, sed integra sepe auctoritate, ab Italia in Galliam atq; inde in Siciliam, & è Sicilia Venetias confugisset: imploratis passim auxilijs à pijs regibus, ut rei publicę Christianę immaniter dilacerate, pereūtiq; maturē opem ferret. Ea autem constantis & infracti pontificis felicitas fuit, ut Casariani pseudopontifices ab se legitimo iure execrati atq; damnati, quanquam robusto integrę ætatis habitu ualere, Deo magno vindicante noxam, ægri senis fatum anteierint. Fauebant Alexandro duo reges, Ludouicus Gallie suo Pij cognomento dignus, & Guilielmus Sicilia, ea Christianę Reipublicę foeda labe commotus. Idem quoq;

pietatis

pietatis studium inerat Venetis, quibus multo maxima Italia pars accesserat: isq; demum deestanda diffensionis finis fuit, ut Otho Cæsaris filius in Hadriatico aduersa nauali pugna à Venetis captus, occasionem præberet paratæ pacis: Friderico namq; multis defatigato bellis, filij desiderium, & ultoris Dei metus incesserat. Itaq; pacificatore Ziano Venetorum principe, imperatorem ad pedes suppliciter proiecit, pontifex pro foribus Marciani templi ritè expiauit, in gratiamq; recepit: ea conditione, ut sacro bello se deuoueret: quòd dum Saladinus Aegypti Sulthanus, Hierosolymitano regi graue bellum moliretur. Tradunt scriptores pontificem anteactæ calamitatis suæ memorem, osculanti pedem, contracta fronte, hoc Dauidicum carmen protulisse: Super aspidem & basiliscum ambulabis, et conculcabis leonem & draconem: ut domitæ superbi animi ferociæ nequaquã humaniter illuderet. Ad quod Cæsar tam pie, quam grauius renidenti vultu respondit: Non tibi, sed Petro: tanquam hominem facillè contemnere, personæ uerò dignitatem probe uenerari uideretur. Ceterum Cæsar Venetijs summis affectus honoribus, quum in Germaniam redisset, pio generosoq; animo, lectissimum ex ueteranis copijs exercitum coegit: & quum Henricus filius consensu procerum Cæsar esset appellatus, per Pannoniam & Triballos, Byzantium contendit. Inde uerò recreatis copijs, Emanuele Græcorum imperatore propinquo suo liberaliter comœdium præbente, præter Mæandrum amnem profectus,

cum Turcis acerrimè bellum gessit: supremum uerò eius operum fuit Philomela urbs manu capta. Nam paulo post ad Iconium Lyconiae urbē, quem Ferrei annis perspicuis undis per aestum inuitatus lauandi gratia alueum intrasset, ceco absorptus gurgite interijt: in insigni quidem illudentium Parcarum iniuria, quum uir fortissimus, et supra reges omnes bello inclutus, quem mille acies strenue dimicantem non absumpserant, natantem ignobilis torrentis uortex abstulerit, pergrauis utiq; nostrorum luctu, iacturaq; et singulari Barbarorum commodo atq; letitia. Delatum in Syriam cadauer Guido rex apud Tyrum exquisito apparatu funeris, et marmoreo sepulchro honestauit. Effigiem Aenobarbi Caesaris Mediolanenses in euersam patriam remigrantes, marmoreo in arcu supra Romanam portam sculpsērūt dracone stantis cruribus inuoluto, ut uirosi diriq; hominis simulacrū perpetuò spectaretur. Ad eundem quoq; ori et barbae habitum altera ipsius effigies plurimum arridet, quae in aurea bulla scitè expressa, appēsāq; membranis priuilegiōrū Pisanae ciuitatis conspicitur: ea fide collata, ut tertiam quoq; eius statuā ad Voltorni pontem proximo Lotrechij bello base deiectam uiderimus: quum sumptuosissimi operis turritus pons, à Friderico iuniore, huius Aenobarbi nepote Sueuae gentis regum imaginibus ornaretur.

Antonij

Antonij Vulpj.

Excise Italiae cupiens pensare ruinas,
Vel saltem in pulchra quærere morte decus,
Aenobarbe, Asiae fines irrumpis, & hosti
Eripis auectas religionis opes.
Inuidit cœptis Fortuna inimica secundis:
Nam dum te in nitido proluis amne, cadis.
Macte animis ingens Asiae dignissime campis,
In quibus illustres tot cecidere uiri:
Hinc uatum calamos & marmora & era fatigas,
Hinc meritò claris annumerare uiris.

Georgij Iodoci Bergani.

Sucus eram mea me bellax audacia cœlo
Sustulit astrigero,
Norica Pannonijs coniunxi saxa colentes
Foedere pacifico,
Insubres domui, & Danum parère coegi
Legibus imperij,
Europæ imposui frænos, Asiaq; superbæ,
Africa me timuit.
Ipse tamen cuius uires animosq; feroces
Sensit uterq; Polus:
Captiui tenero nati deuinctus amore
(Ceperat hunc Venetus)
Non assueta iugo submissi colla supremi
Pontificis pedibus.
Et tandem Armenia mercantem flumine membra
Metulit unda rapax.

ELOGIORVM

Indulgens nunc mater erat, nunc saeva nouerca
Sors mihi non stabilis.
Dic tu igitur se felix, miser an, tibi iudicer hospes,
Qui mea gesta legis.

Parthenij Parauicini Nouocomensis,
Te quoq; bellorum decus, & noua gloria Martis,
Armatis inter Procures, & Numina belli
Seruant uenturis Musea palatia seclis,
Et Iouius fame quæ docti uolumina mandat.
Nam licet egregias urbes, & maxima regna
Ceperis, & ualidum toties subieceris hostem,
Atq; etiam procul, inq; orbem tua signa remotum
Protuleris: tamen hæc olim inuidiosa uetustas
Prefferat, & tecum rapidis immererat undis,
Ut uix ulla tui supereset nominis umbra:
Ni clara Iouius donasset munere lucis.
Sic uisum est superis iustos pensare labores:
Tu patrie illius clades, ac diruta bello
Mœnia, & euersas reparasti funditus arces:
Ille tibi meritiq; memor, gratusq; laborum
Extinctum decus, & lapsum instaurauit honorem,
Digna quidem atq; æquanda tuis hæc præmia factis.

Sub effigie Farinatae Vberti.



FARINATA ex antiquissima Vbertorum familia, inter Florentinos optimates equestri dignitate, eximiaq; uirtute generosi animi Florentie illustris, ab insigni erga patriam pietate, eterno Dantis poetæ præ-

tæ præconio celebrantur. Is per omnem ætatem sese
 civilibus bellis exercuit, quum Florentiam, sicuti et
 cæteras ferè omnes Italiæ ciuitates, idem pestilens fa-
 ctionum morbus inuasisset. Ab aduentu enim Aeno-
 barbi Cæsaris, supra tot acceptas bellorū clades, in-
 ducta erant Gibellinorum et Guelphorum funesta
 nomina, quæ horribili et diuturno quodam terræ-
 motu, humana diuinæq; omnia concusserunt. Di-
 ducti siquidem in partes insana et crudeli dissensio-
 ne ciuitates, Guelphi pro pontificibus, Gibellini pro
 Cæsaribus, de potentia, dignitate, uitæq; æmicabant:
 sed longè omnium pertinacissimè Florentini, Gibelli-
 narum autem partium Vberti ante alios nobilitate,
 opibus, uirūq; præstabant. Inter Vbertos autè unus
 maximè excelebat Farinata, militarium, ciuiliūq;
 artium peritus, grauitate consilij, et roborē uirium
 Guelphis metuendus. Pugnabatur in urbe singulis in
 regionibus, tanta utriūq; per mutuas cædes rabie, ut
 multæ magnificētissima turritæq; Procerum domus,
 alternante uices Fortuna, miserabili scuitia deserren-
 tur. In ea contentione Florentiæ in primis et singu-
 lis Italiæ urbibus Gibellino cecidit Guelphus. Nam ea
 tempestate Fridericus secundus imperator Aenobar-
 bi nepos, Guelpharum partium opes, impotentibus
 armis proterebat. Itaq; Vberti egregiè uincentes, ad-
 uersarum partium principes Admirarios, Bondel-
 montes, et Pactios ciuitate expulerūt. Sed Friderico
 demum in Apulia mortuo, uigenteq; rursus auctori-
 tate Pontificis, Guelphi aucti uiribus, post deuictos

fugatosq; hostes, Florientiam rediere, dignitati pristina restituti. Exulauit aliquandiu apud Senas Farinata, nihil sua spe deiectus, quin moliendo satagendoq; hostibus quidem exitium, sibi uerò maturum in patriam reditum pareret: longè intentiore infracti animi cura, quàm ceteri exules, quòd audisset suas, totiusq; Vbertæ gentis magnificas eides, nò deformatas modo repentina ciuili iracundia, sed publico decreto à fundamentis excisas, translatis marmoribus ad publicum opus, quo urbs trans Arnun ad meridiem novis mœnibus muniretur. In area porrò æquatis ruinis, edificatū est è subrufo uarmore præcellenti structura, id quod adhuc admiramur insigne Palatium Otouiralis & summi magistratus sedes. In festi erāt Senensibus Florentini Guelphi, quòd apud Senenses Cesariani nominis studiosos, Gibellinis omnibus tutissimus esset receptus. Quamobrem Guelphi eorum agrum omnem, expugnatis aliquot castellis, effusè impuneq; populabantur, quòd exiguæ omninoq; ualido hosti impares Senensium essent copię. Tum uerò Farinata peracri uir ingenio, ut qui consilij eorum admisceretur, graui eloquentia Decurionibus persuasit, ut à Manfredo rege propulsandis hostibus & uindicandis iniurijs, Germanorum equitum auxilia postularent. Manfredus ex concubina genitus, ut Conrado fratri legitimo adhuc impuberi Apuliæ regnum præiperet (ut authores tradunt) egrotantem patrem Fridericum, puluino in os coniecto immaniter suffocarat, dabatq; enixè operam, uel per scelas, ut

lus, ut sese aduersus propinquos pramuniret. In lege
tione Senensium atq; exulum eminebat Farinata, se-
cundis ac aduersis rebus in Italia clarus. Postulatis au-
tem ita annuebat Manfredus, ut se non plus quàm cer-
tum galeatorum equitus alam, sed eam inuidæ uir-
tutis daturam polliceretur. Tum uerò Senenses, quod
ea manus exigua, & nihil omnino profutura uideretur,
id auxilium tãquam inane & sumptuosum repu-
diare cogitabant: indignati scilicet quod rex nouus
nequaquã paterni spiritus æmulus, partes suas aded
negligenter tuendas existimaret: nisi Farinata impe-
riti regis incuriã stomachatus, astutè & grauiter ni-
hil omnino opis quod rex offerret, spernendum cen-
sisset: modò regium uexillum cum suo insigni surus
aquilæ argenteo in campo alas extendentis, quod es-
set amicitie pignus ad terrēdos Guelphos ab alæ sig-
nifero gestandum daret. Hac inquit Farinata uiri Se-
nenses parua manu, si sapimus, Manfredus uel nolēs
in partes trahetur, si uti bene ominari licet, à nume-
roso insolentiq; hoste, pauci atq; præcipites Germani
concidantur. Tunc enim negligētiæ suæ agnoscet cul-
pā, & pro sua dignitate causam tueri, iustiq; roboris
auxilia mittere cogetur. Dedit non alacriter modò,
sed cum fastu uexillum Manfredus: Germani autem
ubi cum legatis Senas peruenerunt, Florentinos ad
Petronellam habentes castra non semel adorti sunt:
sed intra paucos dies, uti diuinabat Farinata, usu eue-
nit, ut quum Florentini ad Camoleam usq; portam
excurrentes, Senensium iuuentutem ad erumpēdum

irritarent canente tuba Germani ad arma excitati effu-
 sig; porta, hostes conuersos in fugam usq; ad castra
 persequerentur, in eaq; uehementi impetu multis ca-
 sis perrumperent. Erant bene praesi meroq; & uictoria
 calentes Germani, ob idq; adeo intemperanter ter-
 ga uertentibus instabant, ut cruento grauiq; tumultu
 edito in media castra ad Carrocciu usq; penetrarent:
 funesto quide audacie exitu quum a circumfusus un-
 dig; copijs reiecti primo, mox ad unum omnes truci-
 dati sint. Vexillu autem Florentiam cum magno plau-
 su relatum populus uictoria ferox, tanto ludibrio ha-
 buit, ut inuersa hasta per urbem euerrendis regioni-
 bus traheretur. Farnata itaq; uoti compos, solenter
 egit, ut Decuriones Manfredi perferberet, qua uir-
 tute Germani uel inconsulte erumpetes in hostiu ca-
 stra peruaserint, quo terrore atq; periculo & cade
 Guelphorum medijs in castris dimicarint, et quanto
 deniq; immoderate fortitudinis conatu ut Aquilam
 defenderent, circumfusa multitudine hostiu non inulti
 occubuerint. Illud uero Gibellinis omnibus supra le-
 ctissima ale iacturam, miserrimu fuisse, quod Aquila
 uexillum a Guelphis foedissimo ludibrio habitum,
 iussensumq; celebri in loco ad inuersa trophaei ima-
 ginem Florentiae spectetur. Quod proculdubio si ma-
 iore Germanoru numero res gesta esset, ex pulcher-
 rima uictoria Florentino in foro ciectis Guelphis fue-
 rit erigendum. Sensit acceptu uulnus contumelia atq;
 dedecore cumulatam Manfredus, accensusq; dolore
 & uindicta cupidine Iordanem propinquum suum
 bellica

LIBER PRIMVS

bellica uirtute illustrem cum octingentis cataphra-
 ctis equitibus in Etruriam misit: quorum aduentu co-
 gnito Guelphi Senensi agro protinus exceſſerunt:
 eamq; unam renouando bello occasionem expecta-
 bant, ut Seneses stipendiorum graui sumptu exhausti
 Germanos dimitteret, quibus cum propter eximiam
 uirtutis opinionem manus minimè conſerendas puta-
 rent. Angebatur proinde animo Farinata, provide-
 batq; Germanos exacto iam bimistri stipendio Nea-
 polim breui redituros, quum ad ſuas regressus artes,
 nouo aſtu uiam inuenit, qua Florentini ad renouan-
 dum bellum elicerentur. Simulata enim perſidia ſuaſit
 cucullato ſacerdoti, ut rem longè gratiſſimam, ipſiq;
 magno futuram lucro Florentinis optimatibus ſuo no-
 mine deferret: ſe diuturno exilij tadio, amoreq; &
 deſiderio patriæ adductū, alieno eſſe animo à Senen-
 ſibus, quòd imperiti turbulentiq; homines Rempublī
 cam peruerſiſſimè regerent: propterea paratum eſſe
 cum exulum manu eam portam quæ Aretium duce-
 ret occupare, Florentiniſq; prodere, ſi coacto exer-
 citu, inſtaurato bello in conſpectum urbis deuenirēt.
 Nec mora Oſtoui re ingenui ſilentio ſuppreſſa, ut
 cucullatus Farinata nomine depoſcebat, conſcriben-
 das copias, euocandaq; ſociorum auxilia, & Carroc-
 cium educendum decernunt. Tāta autem animorum
 ferocia cupiditateq; arma parata ſunt, ut nonnulli ui-
 ri graues peritiq; militiæ, & in his Tegiaius Aldo-
 brandus, tanquam nimio plus Germanorum impe-
 tum metuentes, ab audaculis uaniſſimisq; populariū

consilio strepitu & uocibus exploderetur: quū differendum bellum in id tempus censerent, quo Germani ab hoste inopia pecunie grauitè oppresso, exclusi stipendijs dimissi forent, quòd eorū uim Italicus equitatus, non nisi magno cum discrimine laturus esse uideretur. Arrisit fortuna Farinata dolis, ut Guelphorum insolentiam eluderet. Nam quum Florentini ad Mōtem apertum, quinto à Senis lapide supra flumen Arbia castra posuissent, proditionis euentum expectantes; in eos uel numero superiores eductis copijs Iordanes impetum fecit, corseratq; longe omnium eius ætatis eruentissima pugna, usq; adeò crudeliter, lateq; suos hostes cecidit, ut Arbia innumerabilium caduerū tinctas cruore undas traheret. Steterant enim ea in acie à Florentinis triginta milia peditum, & quinq; equitum milia. Sed eius pugna mala fors uenementer incitauit Lucensium, Pratenfium, Orbitanorum & Bononiensium auxilijs: quum Germanis, qui cæsæ ad Petronellam ale parçiare cupiebant, uel in deditos & captos seuietibus, occurrisent. Pugnatum est propè ad internitionem Guelphi nominis, pridie Nonas Septembris anno à partu Virginis sexagesimo supra mille & ducentos. Nulla omnino Florentie domus cladis & luctus expers fuit: corruisseq; ciuitas uidebatur, quum miserabili eiulatu planctuq; omnis sexus, ætatis, atq; ordinis cuncta complerentur. Optimates itaq; & plebei Guelphæ factionis desperatis rebus ante uictoris aduentum urbe profugerunt: Iordanes uerò intra paucos dies Farinatam ceterosq;

Gibellinos

Gibellinos in patriam reduxit. Constituta autem Republica, Guidoneq; Nouello Iordani suffecto, quod is reuocatus à Rege Neapolim redibat, Florentini Lucensibus bellum intulerunt, quod apud eos Guelphorum reliquæ Tegiaio Aldobrando authore & duce arma resumerent. Caterum Nouellus expugnatis ali quot castellis, cum Lucesium exulumq; exercitu prosperè confluit. Eo in prælio Bondelmontes cognomento Cicer, Guelphorum princeps, crudeli casu interfectus est. Hunc ereptum è media cæde Farinata in equi clunes sustulerat, ut humaniter cõseruaret, parcebantq; ei uel efferri hostes dignitate Farinata per-moci, sed Petrus Farinata germanus frater, cui Asinus cognomè fuit, uir atrox & sanguinarius captiuo nõ pepercit, ut qui eñ clauæ ferrea ictu in tergo fratris occiderit, detestante id fœdū scelus Farinata, & plurimū indignante quod sibi clemētiæ laus immanitate fratris eriperetur. Nec Guelphi uel duabus attriti cladib. animis se dimiserunt. Commouebant enim se in Aemilia, & missis legationibus ad Conradum puerum in Germaniam, & in Galliam ad Carolum Andegauensem, undiq; Gibellinis & Manfredò bellum concitabant. Quibus cognitis rebus Gibellini ad Etruriam oppidum Pisanie uia impositum, ut de summa sustinendi inferendiq; belli consultarent, conciliū indixerunt. Conuenere Aretinorum, Senensium, Pisano- rum & Pistoriensium legationes, itemq; Vbal- di ni & Alberti in Apennino præpotentes, & Sanctæ Floræ reguli Senensibus contributi. Præerat cõcilio

Guido Nouellus Mutilianæ Comes, è Guidonum Comitum gente: disputabatur uarijs sententijs de ratione confirmandæ potetia, quod magnæ rerum difficultates deliberantibus occurrerent: cum propter rumores Gallici apparatus & Germanos in Manfredum concitatos, tum propter Turrianos Principes in Cisalpina Gallia aliquot iam partis uictorijs, Gibellinos acerrimè persequētes, Romanūq; Pontificem ex professo Gelp hos mirificè subleuantem. Verum supra hæc consultantium mentes grauiore metu perturbabant minores populi Florentini classes, qui ab insito studio Guelphum colerent nomen, & Gibellinum uel subactæ armis, pertinacissimè odissent. Iaq; in id consilium dictu ignobile, conceptuq; summe sauum ac turpe sententiæ inclinabant, ut diruenda Florentiæ moenia, urbemq; nudatam, munimento in uicos diducendam censerent. Non tulit diræ sententiæ nomen unus Farinata, prosiliensq; in medium generosa pietate peracriq; facundia contradixit: execratus degeneres, crudelesq; eorum animos, qui nobilissimæ urbis sædo interitu lataturi uiderentur. Habeant, inquit, eam potius incolumen Guelphi atq; in ea dominantur, si ita fuerit in fatis ut uictores euadāt, quàm ut scelesti consilij hoc immane decretum ferri patiar. Sit ueræ uirtutis præmium incolumis patria, uti decet, ex æquo omnium parens, cui nemo nisi degener atq; impius manus intulerit: quando ipse unus ante alios uel exul, dum spiritus hos reget artus, acerrimè sim defensusurus. Erat Farinata corpore atq; animo ingens,

mo ingens, elato supercilio, eloquentia adeo graui ue-
hementiq; ut pudorem foederatis iniiceret: Florenti-
nis uero ciuibus, qui aderant, pra gaudio lacrymas
excuteret. Atq; ita ciuitas aduersus inuidiam & ra-
biem execrabilis decreti, ab uno, ut decuit, optimo ci-
ue seruata est. Sed Farinata ingruentibus demum Gal-
lis, & Manfredi ad Beneuentum acie uicto, caesoq; &
Guelfis ex ea uictoria Florentiae restitutis: ab ingra-
ta patria, quam seruarat, id praemium tulit, ut extor-
ris Africani Scipionis exemplo in exilio moreretur:
sua quidem uirtute non modo non infelix, uerum a sti-
mata laude maxime gloriosus. Contra Asinus frater
ad Beneuentum cum Iordane captus, iussuq; uictoris
Caroli ad Nicæam Provinciae in carcerem ductus, diu
miser necatusq; demum meritis seuitiae suae poenas
luit. Farinatae effigies in Porticu Pandulphinae Villae
ad primum lapidem extra Fridianam portam, hoc
cultu atq; armatura, inter Florentinos antiquos pro-
ceres Florentiae eleganter depicta spectatur.

Honorati Fasitellij.

Seruata per te patria quod tum maxime,
Sic quum misera casura fuerat maxime:
Nunc optimo tu iure praeter ceteros
O belli, & idem pacis artibus inclyte
VBERTE, patria uiuis in superstitute,
Vivesq; dum uiuent sacri annales IOVI.

Antonij Francisci Rainerij.

Tu praestans Vberte animo, tibi Dædala sandi

Vis fuit, heroisq; Ithaci sub pectore sensus.
 Nam seu dextra hostem quateres, seu fulmine linguae.
 Siue astus Marti misceres, fulmina fando
 Priscorumq; artes & robora Romanorum
 Aequiparas, uario dum nutat Etruria motu,
 Et patria insans dum fluctibus icta labascit.
 At pietas laudumq; cupido, & uiuida uirtus
 Reddidit aeternum, celsaq; euexit Olympo:
 Cum seruas lacerandam urbem, qua nil ab Eois
 Pulchrius Hesperias oriens sol cernit ad undas.
 Iure igitur Latiae Iouiis noua gloria linguae
 Dat laudes, poterit quas nulla abolere uictustas:
 Debet & ingenti Florentia Farinatae,
 Qui miseram uultu patriam tutatus aperto est.

Sub effigie Actiolini Tyranni.



ACTIOLINVS Patauinorū Tyrannus, portentū humani generis, hac obducta feraliq; fronte, hoc atroci pallore, hisq; uipereis oculis, suā indomitae naturae toruitatē spirans, in praetorio Patauij pictus spectatur: unde nobis exēpli tabula haec in Museum relata est. Fuit is Saxonici sanguinis à proauo Alberico auoq; & patre Actiolinis, Italicæ stirpi ad horribilem seculi pestem insertus, ea tempestate qua Otho tertius Caesar in Italiā uenit: eo susceptæ coronæ exitu, ut suburbanas Romanorum delicias barbaro more ferro & flammis excinderet. Nauabat operam in cēdiario Cesari superior Actiolinus, magisterio equitum

tum insignis: tuleratq; ab eo militiae donum in Euganeis oppidum nomine Romanū, ut inde nouus incolae, hoc horrendum immaneq; monstrum progigneret: quod maximè funestam regioni cladem esset allaturum. Nihil enim hic diri nominis pronepos à progenie uirulento sanguine infecta degenerauit: utpote quem nulla humanioris uitæ consuetudo, nullus auiti materniq; lactis affectus, nullaq; benignioris eius cœli clementia ab ingenta rabie furentē, mitigare potuerint. Quanquā ab adolescentia honestè ac liberaliter educatus, bonæ maturæq; frugis spem præberet: uirq; deinde factus secunda uirtutis fama, militiae uersaretur. Adhæserat Friderico secundo Romani Pontificis opes oppugnanti, et Guelphorū nomen in Italia proterenti. Sed Imperator à Parmensib; graui dignitatis incōmodo scēdē fugatus, et castris exutus, agrè Cremonam ē manibus hostium se receperat: quum fortē in segni et longo obsidione munitis exiēs castris intempestiuam ex falconum aucupio ad Buxetum oppidum uoluptatem quæsiuisset. Fuit Actiolinus ingenio peracuto, constanti, uersutoq; apprimè ualidus: corpori autem quanquam mediocri, singulisq; membris habilis inerat uigor, adeo firma explicataq; neruorum compage, ut eques pariter et pedes armorum exercitatione, cunctos æquales anteiret: nec unquam inedia, uigilijs, algore, aut æstu frangeretur. Id uerò in eo homine peculiare, maximeq; mirum fuit, momēto temporis diuersos cōmutati animi habitus quum usus posceret, gestu, uoce, oculis, emen-

tiri: alieni porro animi latebras sagacissimè perscrutari, incredibilisq; simulationis artificio, uel penitissimos astutorum hominum sensus explorare. Vir enim suspiciosus, uaser, inuidus, seuus & semper ad imperium anhelans, modò hanc, modò illam personam induere, histrionum more didicerat. Hos tradiderant mores auus & pater, utpote qui antea graues inimicitias cum finitimis & potētibus Pataunorum optimatum familijs susceptas, per cædes, castellorumq; incendia, aliquot annis exercuissent: simultate orta ex nuptijs adulterioq; Cæcilie Baoniæ, quā auus Actiolinus cognomento Balbus impudenti astu præreptam secundo Actiolino filio, cui Monacho cognomen fuit, in matrimonium dederat, quum Gerardo Cāposam-petrio Pataunæ iuuentutis Principi desponderetur. Trahebat enim secum dotali iure opulentam hereditatem, qua Balbi animus auaritia repentè captus, turpiter adduci potuit, ut Gerardū cōtra ius arctè propinquitatis inexpiabili iniuria offendere minimè uereretur. Erat enim Gerardus ex sorore Balbi genit⁹, & de Cæcilie sponsalibus (uti dicebat) auunculū confuluerat. Itaque iuuenis inhumaniter perfidiosèque deceptus, ab iusto dolore ad vindictam præceps, ita contumeliam vindicauit: ut foedo facinore concepto patratq; Cæciliam post celebratas cum Monacho nuptias fortè ad Aponenses aquas euntem intercepterit, mediāq; in uia intentato ad iugulum pugione, si reluctaretur, vi illata constuprarit: non ad libidinem, sed superbo uitoreq; animo, ad perennem

Actio-

Actiolinorum ignominiam. Eius abominabilis facti indignitas Actiolinos repente armauit in Pataunos, quod tanti flagitij iniuriam impunito Gerardo neglexissent: deditq; initium diuturnis inusitatisq; cladibus, quibus præter nobilissimas totius Venetiæ urbes, supra centum oppida, castellaq; diu uexata, & late uastata, à stirpe propè interierunt. Ceterum Cecilia quanquam incorrupta animo, uti tamen polluta corpore, repudiij poenam tulit, eaq; propinquis remissa, Monachus nouas nuptias fecit cum Aldeida Etrusca nobilitatis ex Mangania domo in Alpibus illustri. Hoc ventre infausto, hocq; diro semine editus est tertius eiusdem nominis Actiolinus, de quo loquimur: ab aliquo (ut credi par est) prodigioso malignorum syderum concursu, animi scuitia tyrannus Phalari, Dionysijs, atque Neronibus antefendus. Balbo auo morte erepto, & patre Monacho ad quietiorem uitam secedente: Actiolinus ex ea cruenta simultate armis uehementer exercitus, integrum bellum priore acrius atque crudelius renouauit: tantæque vi, quum in omnibus oppidis atque urbibus factiones excitaret atque aleret, ut Patauio, Vincentia, Verona, Taruisio, ex ciuili discordia potiretur. Erant ei copiae equitum & peditum perpetuis inueteratæ bellis: & quod magno usui fuit fide, studioq; partium sibi addictæ: quibus accesserant Saracenorum alæ formidabiles, Germanorumq; cohortes, et turmæ eximie uirtutis quas Fridericus imperator attribuerat, tanquã Gibellinæ factionis Principi,

atq; impigrè tuenti Cæsaris nomē. Has, ut aleret, uniuersas ciuitatum fortunas in fiscum redigere: opulentos ciues dānare atq; proscribere: sana donarijs spoliare, sacros templorum redditus intercipere: & nemi nem deniq; qui pecunia, authoritate, clientisq; ualeret, incolumen pati erat solitus. Ingenio siquidem audaci, auaro, impenseq; impio, & nūquam cadibus saturato, dum odiū lethale omnibus latē extenderet, ita euastarat florentissimas urbes: ut quum aduersarum partiū sibi suspectos sustulisset, in Gibellinos demum amicorumq; præcipuos ac intimos familiares inmanissimè grassaretur. Aedificarat singulis in urbibus atq; oppidis carceres tenebris horribiles, in quos inuisorū agmina contruderet: ut inedia miserabiliq; illuue, tetro odore & lurido squalore enecli, in cōpeditibus & robore crudeliter interirent, putrescentiūq; cadauerum immenso fœtore ceteris pallentibus exoptata mors contagione & metu accerseretur. Nam ea truculentia erant custodes, ut nisi ex mensium interuallo carceres stercore præalto, & multa putidorum cadauerum sanie redundantes, repurgarent: & cumulata inter semianimes eneclorum corpora, unguis extraherētur. Nusquam uel spatiosissimi carceres accumulatos, etiam in strues captiuos capiebāt, non tortorum atq; carnificum numero se manus, edendis cruciatibus, expediendisq; laqueis atq; securibus sufficiebant. Viui homines in frustra laniorum cultris secabantur. Cateruatim alij longa serie deligati ad palos, circumuentiq; flamma torrebantur. Quod uerò inaudite

inaudite crudelitatis fuit, capitale erat tortori atque
carnifici maturasse supplicia, ut uita per articulos,
momentaq; temporis, ad longos cruciatus extende-
retur. In eos autem uel infantes, quos neci destinaffet,
tanquam minoris criminis delatos, ita ex summa sæ-
uitia fictæ clementiæ laudem querebat, ut monocu-
los, unipedes, & unimanos dimitteret: postremò lu-
gentibus suorum funera, ut lugere desinerent, oculos
eruebat: ex pauore circumspectantibus fugam, ut uia
labore liberaret, amputabat pedes; alienæ porro ca-
lamitati liberâ uoce indolentibus, ne diu uociferaren-
tur, linguâ præcidebat. Delatores quoq; ipsos negli-
gentiæ incuriaq; damnatos, quum damnandorum no-
mina deficerent, ductos in præaltam turrim, ut cer-
tius specularentur, atroci ludibrio sed merita pœna,
in fossam præcipientes dabat. Immensæ autem humani-
tatis arbitrabatur, damnatorum atq; exulum uxori-
bus & liberis, ea conditione uitam condonasse, ut fo-
minis deciderentur mammæ, mares uerò ad non du-
bium inimicæ sobolis interitû castrarentur. Per hûc
modum nusquam remissa atrocis animi sauitia, sed
in dies rediuiua feritate debacchantē supra triginta
milia omnis generis sexus, ætatisq; hominû, teterri-
mo supplicio sustulisse, eorum temporum scriptores
tradūt, iamq; immanis bellua insatiabili ingluuie uo-
rax, humaniq; sanguinis sitibunda, Mantuæ, Brixia,
Mediolano, & cunctis Italiæ urbibus inhiabat: deuo-
rassetq; proculdubio, nisi Romani pontificis legatus,
Aetiusq; Aetius, indomitam feri monstri rabiẽ ul-

tricibus armis infregissent. Innocentius enim Pontifex Actiolinum antea Friderico Casari impie operā nauantem, ob idq; sacris interdictum, tanquam Dei diuorumq; numina contemnentem, furijs infernalibus deuouerat. Itaq; numerofo coacto exercitu, et positis ad Patauium castris, urbem munitissimam, Ansediso praefecto frustra propugnante, fortiter atq; feliciter expugnant, captiuosq; innumerabiles effractis tot carceribus propinqua neci creptos, libertati, patriaq; restituunt, incomparabili Patauinorum letitia acerbissimoq; dolore tyranni, qui tum aberat, capiūda Brixia intentus: adeo pertinaciter haerens, ut Patauio tantis obfesso copijs uehementissimeq; oppugnato nihil omnino timendū, nec ferendam opem decerneret: ne irritō incepto abscessisse uideretur. Verū eo nūcio percussus, percitusq; ira, motis castris incredibili celeritate Patauium aduolat, exultantem uictoria imparatumq; hostem oppressurus. Sed Actius peritus belli & naturae hostium gnarus, irruenti prouocantiq; ad praelium tyranno, obstructas portas, munitaq; defensoribus moenia obijciens, salubri patientia furentis impetum fregit & elusit. Deiectus itaq; spe eliciendi ad pugnam hostis, gemens & fremens retro uertit iter ad Vicentiam atq; Veronam: quibus in locis Patauinos omnes custodia eductos, reliquum scuitiae suae venenum effundens, varijs tormentis excruciat & interfecit. Nec multo post initis foederibus cum Vberto Pallauicino, Cremonensium, & Placentinorum dominatū potiēte, iterum Brixia castra ad-
mouet:

mouet: nec in eo terrore implorantibus opem Brixianis legatus deest. Verum Fortuna optimæ causæ ita inuidit, ut legatus ad Marcariam uicū circumuentus insidijs, & tumultuaria pugna profligatus à tyrāno caperetur, & Brixiani ab ea clade metu consternati portas aperirent: Guelphiq; Pontificio nomini fauētes, aut supplicio aut exilio mulctarentur. Actiolinus tanto successu elatus Vbertum uictoriæ socium (uti in fatis erat) dominatu consortē non diu tulit, eumq; superbus & insolens contra ius uitæ pactiōis Brixia excedere coegit. Is contumelia incensus cum Bosio à Douaria uetere inimico, quod opibus potens in vrbe Cremona principatus esset amulus, ad Actiolini perniciem uires sensusq; coniungit. Discesserat enim ab amicitia tyrāni Bosius paribus iniurijs iniquissimè laceratus. Nec mora syncera fide coniuncti Actiū Atestinum è Ferraria euocant Brixellū, & cū eo in Actiolinum coniurant: Martinumq; Turrianū Mediolani regnantem admonent, ut diligenter ab Actiolino caueat, atq; arma paret: se enim nulli occasione defuturos, ut cōmunem hostē cunctis insidias molientē coniunctis copijs circumstant & opprimāt. Actiolinus per eos dies conspirantibus secum Insubrum patritijs quos Turrianus inducto populariū dominatu in exiliū egerat, in id consiliū totus incūbebat, ut Mediolanū improviso adortus inuaderet: reductisq; patritijs & pulso Turriano pōtificij nominis studioso, debilitas iam pridē iacentesq; Cesarianas partes erigeret. Oppugnabat tum Vrceos oppidū, & coniurati hostes

de Vrceanorum salute solliciti cōiunctis copijs à Son-
cino ad eum ferebantur. Turrianus quoq; Carroccio
cum legionibus urbe educto, Abduam ponte cōstrue-
rat: ut mutua transeūdi amnis facultate proposita ad
socios transire, aut eos (sicut usus ferret) ad se reci-
pere commodè posset. Quo hostium consilio cognita
tyrannus inuitatus ab exulibus & uadum in amne
monstrantibus, nouum fataleq; sibi consilium arri-
pit trai ciendi amnis, ut improuiso Turriani pontem
inuadat & occupet. Adiuuat uim repentini impetus
Fortuna, Turrianiq; praesidiū prima irruptione dei-
citur: quod insubres nihil hostile in sua ripa timendū
putassent: utpote qui ulterioris ripae propugnaculum
ponti impositū, maiore cura & uigilantia tuerentur.
Repentino itaq; terrore perturbati à fronte primò,
& mox à tergo tumultuosissimè profligantur, uictori-
q; pontem relinquunt. Is subitario aggere nouoq;
praesidio utrunq; pontis caput firmat, effususq; per
agrum ferro ac flammis cuncta peruastat: frustra-
tentata Modocetia, ac incensis suburbanis tectis, ad
Sextum usq; uicum excurrit: praemissis Saracenis, qui
ab inusitato cultu genereq; armorum & barbaro cla-
more terribiles Mediolani portis terrorem admoue-
rent: eo quidem astu, ut Martinum longius ab urbe
abstraheret, ipse autem diuerso itineris flexu Medio-
lanum aduolans, Caesarianis introrsus prodēde por-
tae ex suo aduentu occasionem aperiret. Sed Marti-
nus nequaquam temere progressus, suspectansq; insi-
dias, & uim pugnacissimi furentisq; hostis deuittans
militum

militum suorum audaciam atq; auiditatem conferen-
de pugnae grauiſſima obteſtatione cohibebat, muni-
tisq; caſtris intentus hoſti pariter atq; urbi cuncta cir-
cum explorando cunctabatur. Nec oblatae occaſioni
ad rem bene gerendam deſunt Actius, Vbertus & Bo-
ſius Mantuanorū auxilijs cōfirmati: ex templo enim
conuolantes ad pontem, eum magna ui, & pari cele-
ritatis ſucceſſu quo amiſſus fuerat, trucidato Actioli-
ni praeſidio recuperant. De ea re fortiter atq; feliciter
patrata, per nūcios Martinū docent, hortanturq;, ut
praelio tātiſper abſtineat, ne explorata de intercluſo
hoſte uictoria militum temeritate corrūpatur: quan-
do tyrannus ſine uulnere debellandus, offerri certo
exitio uideatur. At Actiolinus ad primum amiſſi pon-
tis nuncium, uertentis ſe Fortune uultum agnoſcens,
nequaquam animum deſpondet, aduolatq;, ingenti
curſu ad pontem, ut eadem ui celeritateq; bis captum
recuperet. Sed peritiſſimi rei bellicae hoſtiū duces lu-
natam munitiōem, uſi ſingulari ſtudio laboreq; mili-
tum ad pontis caput erexerāt. Eam uehementi cruen-
toq; certamine edito, quum tyrannus acerrimē dimi-
cans perrumpere conaretur, ei uerutum ſcorpione
adaſtum in imo crure pedem trāſfigit. Saraceni Ger-
maniq;, in primis & reliquae copiae, multis acceptis
uulneribus repelluntur. Nec tamen ſeſe deſerit tyran-
nus, nec dolore uulneris, nec ſupremi diſcriminis me-
tu ſuperatur: indeq; cōuerſis ſignis, ad uadū quo trāſ-
ierat, inſtante iam tergis Turriano ſe proripit. Multi
ſuorum proſluētis uorticibus abrepti perierunt: ipſe

alto generosoq; uestus equo, ita in ripam euasit, ut
 madefacto uulnere septuagenarius senex exorto in-
 tolerabili rigore quateretur: & quod indomiti spiri-
 tus uirum peruincere poterat, hostium antecursores
 ad se opprimendū prouolantes conspiceret. Per hūc
 modum à tergo premente Turriano, & à frōte noui
 hostis occurſu pulsus, & latè proſtigatus, cum paucis
 se fugamandat Brixiana uia. Sed euadētē Vbertus
 & Actius cum expedita equitum manu consequuntur,
 & capiunt. Is Vberto non multum antea amico atq;
 eiusdem factionis, quā Actio ueteri & implacabili
 hosti se dedere maluit. Eo modo exutus armis, ignobi-
 liq; equo impositus, ad Bosij tabernaculum perducit-
 tur, à quo humaniter reputatione tantæ calamitatis
 susceptus est. Sed quum ferox animus obligandi uul-
 neris fascias, & cuncta uitæ alimenta obstinata feri-
 tate repudiaret: nec ulla, ut bene sperare uellet, pre-
 ces admitteret, dentibus infrendens, contumaciq; ore
 defixis solo oculis spectabatur. Tantus autem erat mi-
 litum cōcursus, ut magno ludibrio singulis propè in-
 cessantibus, latro impius, & tortor, & carnifex cre-
 brò appellatus, incondito circumfusa ad tabernacu-
 lum turbæ, clamore & fremitu, ad supplicium depof-
 ceretur. Itaq; Duces urgentis iam coronæ uiolētiam
 ueriti, eum spectaculo repentē subtrahunt, intempe-
 staq; nocte lecticæ inclusum sub custodia Soncinum
 deuehi iubēt. Nec multo post in eodem pertinaci ob-
 durantis animi decreto execrabilem animam exha-
 lans, meritos cruciatus, quos feruida ira exulū strue-
 bat.

bat, indignabundus effugit. Verum Albericus Taruisinorum tyrānus, nequaquam uirtute bellica, sed naturæ immunitate Astiolino fratri comparandus, pro se fratresq; cumulas scelerum pœnas persoluisse uisus est: quum Taruisio pulsus, & in Zenonis arce obsessus, & captus, uxores filiasq; in oculis uiuas cōburi, filios mēbratim dissecari, sese demum diu tortum, attractumq; pedibus equorū iugis, per salebras & uicē preta ad necē raptari, laniataq; membra feris atq; uolucris destinari, omnium miserrimus spectarit.

Antonij Francisci Rainerij.

Sylla, Nero, Caius, Marius, Mæzentiū: his tū
Azoline, ipso & seuior es Phalari.

Sub effigie Martini Turriani.



VRRIANAE familiæ nomē Belgicæ stirpis fuisse annales tradunt: quod Tacius Regulus opibus potēs in Saxina ualle, quæ est supra Larium lacum, argentifodinis clara, geminos externos fratres sibi gēneros adsciuerit: datis in matrimoniū geminis filiabus, quibus totius patrimonij hæreditas nomine dotis obueneret. Erant Belgæ iuuenes bellica indole, honestisq; moribus & gētis profapia clari. Caesarum enim sequentes castra, pro insigni gentilitio, Turrē in scutis depictā gestabant, ex cuius fenestris hastæ geminæ singulis aureis lilijs ferreæ cuspidis modo præfixæ ad uexilli speciē protenduntur. Ab eo scutorū argumēto Turriani sunt appellati. Hoc sanguine progenitū s-

runt Martinū superiorē, quem ab inusitata corporis atq; animi magnitudine, Gigantē appellabant. Huius eximia uirtus Sacro bello sæpius spectata, cum habuit uitæ exitum: ut ad Antiochiā à Barbaris captus, omnibusq; excruciatu tormentis, beatorū martyrum exemplo, cœlestis uitæ felicitatem sit consecutus: relicto Iacobo filio, qui numerosa prole præstantissimorum iuuenum felix, Paganum, & hunc de quo scribimus, MARTINVM gloriosi aui referentem nomen genuit. Paganum paulò antea uirum extellentiuirtute prudentiaq; Mediolanenses ciuitate donauerant, honoreq; Præturae auctū publicis consilijs præfecerant: quòd multa cū laude liberalitatis & pietatis ipsorum copias à Friderico secūdo Casare cruenta acie profligatas ad se recepisset, singulariq; benignitate omni humana ope adiutas fouisset. Is autem ita gessit Magistratum, ut nemo temperantia, equitate atq; industria potior uideretur. Hoc tenore consilij moriens Paganus, Martino fratri ad summam potentiam iter muniuit. Erat Martinus ingenio perspicaci erectoq; ad laudem, & imperij maxime cupido, & (quæ erant ad id opportune artes) multa ciuili prudētia & astuta lenitate temperato. Volebat enim existimari popularis, dum suscepto mediæ ciuiū classis & infimæ plebis patrocinio nobilitatis superbiam, specie liberalitatis atq; superbie cōtunderet. Paulum siquidem Sorecinam Optimacium principem, eiusq; sectæ aliquot ciues opulētos, quòd immodici prægrauescq; essent populo, urbe eiecerat, bonisq; multarat: & quòd

Et quò maxime potentium fregerat spiritus, Leonè
Perego Mediolani Archiepiscopo, quòd is à Patritijs
ad eum honorem esset euectus, alterum è Septaria fa-
milia cōmendatione plebis opposuerat: persequēba-
turq; iam aperte nobilissimos quosq; et præsertim
Gibellinos: uerùm id dissimulanter. nam eorum ma-
gnus erat concursus ad Othonem Vicecomitem, qui
Pontificia auctoritate creatus Archiepiscopus, ad-
uersus duos pseudo archipræsules, sacri imperij sui
sedem et patriam armis repetebat: ea infracti animi
perseuerantia, ut sæpe acie uictus, tanquam optimæ
cōsensus causæ bellum singulari alacritate renouaret.
Ceterùm Martinus eum occupata ad Verbanum Ara-
na, copias promouentem: commissa pugna prosliga-
uit, magno quidem detrimento Patritijs exulibus illa-
to. Hic est ille Otho qui ex sacerdotij contētione quin-
quies à Turrianis repulsus, post uiginti annos, uictis
acie, captisq; eius familiæ principibus ad Decimum
uicum, in Vicecomitem domo Mediolanensis imperij
fundamēta iecit. Exinde Martinus prostrata aut re-
ducta in ordinem Insubrum nobilitate, ita principis
munia usurpabat, ut prætoriam potestas ad non obscu-
rum tyranni nomen transfiret. Idcirco uitandam sibi
inuidiam ratus, egregie simulando Patritiorum ordi-
nes æquioris et tranquillioris status spe sustentabat.
Ne uerò insensus optimatibus uideri posset, uetustissi-
mæ stirpis familias per connubia Turriano sanguini
inseruit: ex Castellionea scilicet gente, Biragaq; et
Pusterlea delectis uxoribus. Callebat enim artes con-

firmandi principatus & captandæ popularis aure.
 Nam ad has opportunè quasitas affinitates, accesserant
 faciles aditus, miraq; patientia in audiendis dissoluendisq;
 improbæ & semper ineptæ plebis querelis: & Turriana domus cuiq;
 expositis penuarijs copijs liberaliter adapertha. Quod uerò tuendæ popularitatis
 intererat publicè etiam epulum dare, & spectacula
 decurrentium equitum, honestaq; exercendæ iuuentuti
 certamina propositis præmijs, & magnifico apparatu edere erat solitus.
 Quibus etiam ludis per solennes festos dies, ut populi mentes ad religionem
 reuocaret, Christianæ historie actiones intermiscibat,
 diuorumq; Martyrū exempla personis Comico & Tragico more,
 decētissimè representatis. Quo simulationis artificio collecta sensim gratia, confirmataq;
 autoritate, non obscure ad principatum euectus est: tanto omnium ordinum studio, ut Populi defensor,
 Pater patriæ, Prætoriq; potestatis Dictator perpetuus uocaretur.
 Sub id tempus, nobilitas ferè omnis, in primisq; proceres
 Gibellinæ factionis extorres & profugi ad Actiolinum confugerant.
 Casarianorum partium principem, impotentemq; execrabilis
 seuitiæ tyrānum: ut eius ope reducti in patriam aduersarios
 Mediolano pellerent. Itaq; Martinus exploratis hostium consilijs,
 socijs ad capiēda arma excitatis, & populo multis concionibus
 ad tuendam libertatem concitato, Carrociū & legiones equitumq;
 omnem sub signis eduxit. Actiolinus autē, qui superato
 Abduæ igne ferroq; obuia uastabundus, incenso

censo Tritio, Vicomercatoq; direpto ad Sextum op-
pidum excursions fecerat: ubi Carrociū educi, se-
cus ac putarat, nec lōgē abesse Martinum didicit, re-
tro uertit iter ad Cassanum: nam in tergo aduentare
nouos hostes auēbat. In unum enim coierant Actius
Atefinus à Ferraria, Vbertus Pallauicinus à Placen-
tia; Bosiusq; Douariensis à Cremona, qui præmisso
equitatu, pontem quo tyrannus transierat ad Ripal-
tam occuparant. Itaq; premente Martino duplici ter-
rore ancipitiq; periculo circumuentus, supremū te-
meritatis suæ consilium sumpsit, tranādi amnis, ut in
aduersam ripam, quod uadum ibi reperiretur, cum
equitatu se proriperet. Sed dum trāsit uerutum scor-
pione adactum pedi incidit, grauatq; eo uulnere
septuagenarius senex uliro citroq; Abduam truida-
tis eius copijs, uiuus in hostium potestatem uenit. Nec
multo post truculenta obsinatione repudiatis reme-
dijs atq; alimētis, serino cum gemitu accersita morte,
meritos ad poenā suæ immanitatis cruciatus effugit.
Ab hac uictoria Martinus clarus magnusq; habitus,
cuncta ad arbitrium Mediolani moderari, & Princi-
pem agere coepit: ita ut magnificentiæ operum ad
alendam plebem plurimum studeret, edificatis am-
plissimis aedibus in regione Nouæ portæ, & ad publi-
cam commoditatem excepta Ticini amnis parte, quæ
iuxta Abiatum oppidum nauigia ad Ticinensem por-
tam perducit. Id emissarium sumptu cum antiquis o-
peribus comparandum, ingentium lintrium est ca-
pax: incredibilemq; importandorum ex agris fru-

ctuum facultatem, cum uoluptate hybernæ ac æstius
 nauigationis, ad perennem Martini gloriam hodie
 præbet. Sed Turrianas ædes laxitate, uiridarijs, &
 præcellenti structura pulcherrimas, Otho uictor, iu-
 sto (ut ille putabat) dolore compulsus solo æquauit:
 tanta exacerbati animi rabie; ut in ruinis diuo Ioâni
 decollato tēplum conderet, dicaretq; ad ignominiam
 dānati soli, sepulturæ ac inferijs noxiorū hominum,
 qui tetra affecti supplicio, è furcis ad id infame sepul-
 chretum perpetuū deferrentur. Inexpiable siquidem
 odium sibi concitarant, dum superbe rerum potiren-
 tur. Napus atq; Franciscus fratres, quod acie ad An-
 gleriam uictores, captis uiginti duobus Patriijs, &
 in his Theobaldo Magni Matthæi patri, Othonis fra-
 tre genito, capita attracta crinibus, ad plaustrum temo-
 nem rustica secure crudelissimè detrūcassent. Regna-
 uit Mediolani Martinus annos quatuor post partam
 de Actiolino uictoriam sua uirtute, ac immenso popu-
 li fauore gloriosus. Obijt non planè senex, elatusq; ci-
 uium humeris ad Clareuallis Coenobium, sepulchro
 maiorū illatus est. In quo eius effigies sub abside mar-
 morei fornicis depicta, hodie etiam incolumis specta-
 tur, in purpura & pileo armelinis pellibus suffulto,
 ut tum erant summi Magistratus insignia. Sed Mar-
 tinum illustri prudētia insignem non multo post lon-
 gè clarissimum fecere Philippus & Napus successo-
 res, quū ille fraternæ potētiae hæres, immodico prin-
 cipi tyrannoq; quàm pratori propior esse malue-
 rit: hic uerò bello acer paceq; intolerandus & atrox,
 sese

seſe & familia fortunas omnes Decumana acie ui-
ctus euerterit.

Adami Fumani.

Rubat Eccelinus acer Italus,
Fretus tremenda militum ferocia,
Tremendus ipſe diritate barbara
Vrbem ſuperbam, maximam, perlucidum
Sydus, togatæ ut perdomaret Gallia
Tyrannus Eccellinus ille peſſimus,
Illud Deo atq; hominibus infeſtum caput,
Quotquot ſuere, quotq; ſunt, quotq; unquam erunt
Longe tyrannus omnium teterrimus:
Ab corde cuius exulcrat funditus
Fas, ius, pium, rectum pudorq; æquum & bonum,
Qui tenera membra paruulorum ab ubere
Matrum reuulſa, diſſecare per ſcelus
Mucrone duro, fuerat ipſe durior.
Quin (proh nefas) & mulierum prægnantium
Exenterare amabat (ô dirum nefas)
Exenterare amabat alios impius
Horrente ſcalpro: te nihil mater ucrens
Lucina, iuſtis quæ uocata partibus
Nitentium audis pia lacrymoſas preces,
Quæ ſæpe ſæpiusq; repetita illius
Nunquam ſeroceſ ſpiritus, nunquam feri
Durifſimum mollire pectus quieucrunt.
Et hoc Pataui nouit alma ciuitas,
Vicinaq; illi fertilis Vicetia,

Taq; urbs frequens, uetusta, magna, nobilis,
 Verona mater urbium pulcherrima
 Nouisti, et ante tu beata Brixia,
 Tum facta ab illo urbs omnium miserrima.
 Ruebat Eccelinus acer Italus,
 Qualis sonantis uis corusca fulminis,
 Cum Turrianus ecce uir fortissimus
 Martinus, indignatus ut spumans aper
 Lucanus, aut Sabellus, aut Libys leo,
 Getula pubes quem ueruta perpulie
 Exire notis saltuum recessibus
 Clamosa pubes, et Numidicorum canum
 Animosa uis latratibus senis ferit,
 Cum colla et armos uestientibus iubis
 Caudæ flagello identidem graues sibi
 Villosa terga uerberans iras ciet,
 Secumq; cæco murmure dubitat ferus,
 Que prima mordens obterat uenabula:
 Sic ille, acerba ut seruitutis imminens
 Aciuibus propelleret iugum suis,
 Formidoloso et ipse cinctus agmine,
 Virtute fretus exilii mirabili
 Seni incitatus obuiam acerrimo,
 Primaq; pugna vulnerat, unum capit,
 Asportat, inq; claustra cæci carceris
 Contrudit, ubi post dirus is, diris modis
 Squallorēq; ac pedore tetro, pessimis
 Suis sceleribus debitas poenas luit.
 Quo peruagante tam beato nuncio

Latè per agros Italum, perq; oppida,
 Passim puellæ uirgines ductis choris
 Letæ caneant uoce tinnula simul;
 Martine Turriane, Martine inclyte,
 Tu liberator urbium, tu Patriæ
 Seruator extitisti, & omnes omnium
 Laudes tulisti: nempe nostra tu omnibus
 Nobis dedisti habenda cum nefarios
 Latronis ausus contudisti, & omnibus
 Mentem addidisti cinibus trepidis tuis:
 Tibi & mariti coniuges, & coniuges
 Debent maritos, atq; utriq; liberos,
 Debent parentes liberi tibi quoq;
 Tibi nos pudicitiam, tibi decus, tibi
 Nostram incolumitatem, tibi iam deniq;
 Nos nostraq; en debemus hæc tibi omnia.

Sub effigie Sarra Columnæ.



OC toruo subagrestiq; vultu SARRA
 Columna præclarè maxime gene-
 rosi infractiq; animi specimen prætu-
 lisse uideri posset, quàm Bonifaciū pon-
 tificem probè ultus, peracris iniuriæ contumeliâ, uel
 nefario ausu uindicauit: nisi merito secūdoq; euentu
 patrati tanti facinoris integra laus, sprete ac imma-
 niter uiolata religionis infamia premeretur. Quid
 enim a quo iure uel atrocius admitti, uel scelestius co-
 gitari potuit, quàm sacrorum principem diuinitatis
 opmione uniuerfis gentibus religiosissimè ueneran-

dum insidiosis oppugnare armis, sacrilega manu capere, & dira crudelitate ad mortem adigere? Nulla si quidem dicta factaue in pōtifice quantūlibet factioso, impotente, auaroq; diuini iuris auctoritatem, & uim sacrosanctæ potestatis elidunt & eleuant. Nam ubi semel consecratus, & nouo desumpto nomine lustratus est, pastoremq; lituum præfert, ac in eius ceraso atq; sacro capite gemmatus apex resulget, tanquam exuta humanitate, augustus & planè diuinus efficitur. Inuaserat Pōtificatum Bonifacius peruersa ambitione præceps, Cælestino miris usq; adeo artibus infatuato deceptoq; ut uir ille ingenij captu simplicissimus, humanarumq; imperitus rerū, & religioni impensè deditus, Pontificatu se abdicaret, priuatæ (ut aiebat) tanquam sanctioris uitæ desiderio, postquam tanti principatus ferendo oneri se imparem fateretur: & resumpta cuculla ad syluas & specus Gargani montis, ad contemplationem diuinorum operum contenderet. Itaq; uoto suo potitus Bonifacius intra paucissimos dies, prensando, largiendoq; in uacua sedem irrepsit, renunciatusq; Neapoli Pontifex Romanæ se contulit. Quum uerò diadema triplicis tiaræ suscepisset, ante omnia atroci concilio operam dedit, ut Cælestinus sacro secessu eductus, in carcere Fumoniæ arcis necaretur. Integer enim uitæ, ac omnis sceleris impollutus, quod è tanto fastigio religionis amore in eremum se demisisset, admirantibus cunctis pij animi decretum, tantam conceptæ diuinitatis opinionem fuerat consecutus, ut à uicinis primò, & à remotioribus

tioribus demum populis inuiferetur: & pleriq; ab eo uel occurſus & colloquia deuitante, delictorum expiationes, & rerum futurarum oracula depoſceret: & iam pro ſancto glſcente diuinitatis fama coleretur. Veſtimiq; nonnulli primores reducendū in ſuam ſedem cenſerent, quam impudētī ambitu uerſatus impoſtor pro optimo atq; innocentifſimo damnatis artibus inuaſiſſet. Emanarat enim in vulgus qua malignitate aſtute ſimulationis, quo neſario ambitu, cum Carolo rege & Senatoribus eſſet tranſactum, ut Cæleſtinus deceptus et prodiſus Pontificatu deiſceretur. Per hunc modum Bonifacius acri cura & uehemēti metu liberatus, uſq; ad rō ſuperbē ſuſtulit animum, ut quum genere illuſtris, & erecto præſtantiq; ingenio pollens, & diuini iuris intelligentia clarus haberetur: in adminiſtranda Republica imperioſo & factioſo principi, quā equo & temperato Pontifici propior euaderet. Metui ſiquidem quā amari, ac adorari potius quā coli & ſuſpici malebat. His moribus Pontificatum gerens primò ſimultatem, & mox aſperrimum bellum cum Columnēſibus Romanæ nobilitatis principibus contraxit, quōd eius familie duo Cardinales, Petrus atq; Iacobus, Ioanne ſummo ciue geniti ſæpe in ſenatu libero Romanoq; ore loquentes, ab eo grauifſimis in rebus ſententia diſſentirent, ut priuati nominis ſui decus, & totius familie clientelas tuerentur, aduerſus eū Pontificem qui Chriſtiane æquitatis oblitus, & Guelphi generis memor, quōd ita firmando imperio expedire uideretur, Gi-

ELOGIORVM

bellinorū acerbissimus hostis extirisset. Itaq; Bonifacius dicto non audientes, secedentesq; in paterna oppida ad Præneste, hostes iudicat: in eos anathematis tela contorquet: purpurei galeri honore spoliat: ceterosq; eius familia procures aqua & igni interdicat: & quod ea religionis arma tanquam ab iniurioso factiosq; Pontifice profecta, contemnerentur, constans ualido exercitu eos iusto bello persequitur. Cardinales maturè fuga se eripiunt, è duobus uerò patruis Stephanus Petrarchæ carminibus celebratus, in Gallia ad Philippum regem confugit: alter hic de quo loquimur, SARRA in Ardeatinis syluis erepta spefuge se occultat. Oppida autè septem, Prænesteq; in primis, & sub Algido Columna expugnantur, inexorabiliq; Pontificis rabie flammis absumuntur. Nec eadem iracundia urbanis Columnæsum domibus percit, quæ sunt sub Quirinali & in uia Lata: sicut eorum etiam turres in foro Romano perfossæ deformataq; sunt. Errabat in nemore Sarra uestigia hominum deuittans, agrestibusq; pomis uescebatur, quum magno casu à prædonibus Masiliensium, qui biremes aquandi causa, ad Antiate litus appulerant, interceptus est: catenatusq; in transtro ad remū adigitur. & post durissimos maritimi cursus errores, Masiliam est deuctus. Is inopinato oppressus infortunio, tanta infracti animi patientia, indignam erumnosamq; seruitutem aliquandiu pertulit, ut nomen suum non proderet, & se pascentium bubalorum gregi à Priuernate ciue prepositum mentiretur. Archipi-

chpirata scilicet auaritiā ueritus, à quo ingenti
pretio Pontifici diuendi, et ad supplicium tradi faci
le posset. Sub id quoq; tempus Bonifacius Philippum
Gallie regem profano iure inducto pontificiam exi
stimationem in adiudicandis sacerdotijs insolenter of
fendentem, et impium, et regno indignum iudica
rat, concitabatq; in eum Albertum Casarem, et Ger
manos et Belgas: ad id rerum discrimen magnopere
tumultuantibus Gallie populis. Vtebatur eum Phi
lippus Stephani Columnæ consilio, uiri prudentia au
thoritateg; præstantissimamq; eò simultas proces
serat, ut Pontifex grauissimorum criminum infamia
notatus, ad dicendam causam uocandus in concilium,
exauthorandusq; Christiana seueritate censeretur.
Sed retundendæ superbiæ expeditiorem uiam mon
strantib; fati Sarra uel exul adinuenit. Is enim quū
è portu Massiliensi Stephanum fratrem de sua cala
mitate docuisset, ex templo redemptus ad Regiā con
tenderat, inuitisq; cum fratre consilijs, et cum Rege
communicatis, accuratè persuaserat, ut ad parandæ
arma in Italiā mitteretur: Musactus uerò Francesius
nobilis eques Florentinus, multis fidelis industrie et
bellicæ uirtutis experimentis Regi carus in Etruriam
præcederet, molientiq; arma Sarra pecuniam qua a
bundè instructus aduenerat, opportunè suppedita
ret. Conuenere igitur noctu in oppido Stagia, quod
erat ditionis Musacti in Senesium sinib; Romanæ uie
impositum, de promptaq; pecunia cōductus est Noga
retus Gallus uir impiger cum ala Gallorum equitum,

ex his qui stipèdia sub Carolo Valesio Philippi regis fratre in Italia meruerāt. Hac expedita manu ueteranis suis, & clientibus adiuncta, nocturnis auisq; usus itineribus Sarra ad opprimendum Bonifacium Anagninam contendit. Aestuabat libenter patrio in solo quotannis Bonifacius, & quod ei ad uoluptatem iocundissimum erat, in ipsa etiam paterna domo, metu uacuius tenuiq; septus custodia, et tum rumores fatali fastu contemnens, qui nequaquam ex uano de exulibus afferebantur. Nec desuere neminem timentem, domesticos hostes, qui ex composito perfidiosè portā aperirent. Diluculo itaq; Sarra urbem irrumpit, Galli equites sui regis nomen ingeminant, Columnij atrocem clamorem tollunt: Cardinales cum imbelli totius aulae comitatu repētino terrore perculsi undiq; in suam se proripiunt: terribilis tumultus tota urbe excitatur: Pontificem hostilis turba domi obsidet, & pro Benedicto Maledictum, pro Bonifacio Malefacium appellat, & quod Cælestinum occiderit, truculentis uocibus ad supplicium deposcit. At ille quanquam suopremo metu doloreq; perculsus, seipsum tamen praesenti animo non deserit, constantiq; vultu Pontificatus insignia deposcit, aurataq; in sella irrumpentes expectat, adeoq; se cum sacro cultu, tum maiestate oris uenerabilem prabet, ut mirabūdus Sarra uel iusta ira turgidus, internecinoq; incensus odio, a contactu manus abstineret. Sed Nogaretus Gallicam effundens bilem insultanti similis, ita acerbè in eum est inuectus, ut se eum in catenis ad Lugdunensem concilium perductu-

perduſturum mimaretur, ut ibi arrogãtiæ poenas daret, qui Chriſtianiſſimum Regẽ ſumma iniuria laceſſiſſet. Ceterum direpta domo eum non multo poſt arte custoditum Sarra Romã perduxit, ubi intra paucos dies ex dolore animi actus in furorem, inuſitataq; inflammatus rabie exceſſit è uita. Illatus autem eſt ſepulchro marmoreo ab ſe condito iuxta portam Argẽteam baſilicæ Petri. Ingens enim ei uiuo omnis honoris & gloriæ cupido, & ſumptuoſa quidem ſierras ornatiſſimi ſepulchri cura: in quo mitrata eius effigies ſupra arã ſculpta marmore, & teſſellato opere picta ſpectatur. Benedictus autẽ eius nominis Vndecimus in deſuncti locum ſuſſectus eſt, qui Sarra & Nogaretum tanquam deteſtandi facinoris nota conſperſos exilio mulctauit. Sed Sarra uel iterum exul nominis fama clarus, & pulcherrimi facti conſciẽtia felix fuit, quũ multum ante quã planẽ ſenex apud Præneſte ſato cõcederet, Petrum & Iacobum Cardinales Senatorio ordini reſtitutos, & Celeſtinũ grauiffimo atq; æterno Bonifacij probro inter diuos relatum uiderit. Formam Sarra in uetere tabula pictam exceptamq; per manus à maioribus & religioſè custoditam, Martius Colũna nobis oſtendit, ut ex ea æmulante pictore, exẽplum exactæ ſimilitudinis duceretur.

Parthenij Paraucini.

Hos ne animos pulſi Reges ſeu aq; ſecuris
Gloria, & imbuti natorum ſanguine faſces,
Æternumq; decus Brutiq; ultoris honores

Hunc acuerē tuo tam cæcum in corde furorem?
 Vt dirum usq; adeo in facinus crudeliq; orsa
 Irrueres præceps? proh te non perculit horror
 Attonitum? non maiestas ueneranda uel ipsis
 Cœlicolis, illa & triplici redimita corona
 Insula, tam fœdis tremefactum absterruit ausis?
 Si qua tamen scelere immāni atq; è crimine tanto
 Surgere fama potest, illud te fortè leuabit
 Inuidia, quod non Regni uesana cupido,
 Sed patriæ pietas, ad factum hoc impulit atrox;
 Pro re Romana, pro libertate tuorum.

Sub effigie Vguccionis Fagiolani.



FORTVNA per se inconstans & sepe ludibūda, in attollendo premendoq;
 VGVCCIONE Fagiolano mirabiles ludos fecit. Is Massa Trebaria Togata Gallia oriundus, in eo Apennini tractu, qui ad Aretinas Alpes extenditur, quum nobiles agrestesq; familie ob factiones inter se contenderent, apud Gibelinos per totam ferè etatem arma tractauit: insigni quidem cū laude, quod per cædes, incendia, uastationesq; pagorum, ubiq; uiolentus & maxime pugnantissimè enituisse. Nam robusto ingentiq; corpore firmissimus, ualidisq; ideo & prægrādibus utens armis, sicuti ingenio uigilanti acutoq; maxime præstabat, ita ante alios aspera audacter aggredi & pugnam impigrè cingere erat solitus: usq; adeo enim in omni discrimine & ferox & pertinax, ut quadā in pugna ad Caronium pagum,

pagum à suis desertus, & ab hostibus propè circum-
uentus, quum sese fortiter reciperet, uulnerato altero
crure, & collisa uehementer galea, in oblongo pede-
stri scuto quatuor tragulas, & tredecim ueruta ex
minorib. balistis infixæ ad suos retulerit. Exinde mul-
tis facinoribus clarum Guelphisq; terribilem, Tarla-
ti Aretij principes oppugnati à Florētinis liberali sti-
pendio conduxerunt: cuius ductu secundis aliquot
prælijs hostes ita repressi sunt, ut agro excedere co-
gerentur. Sub id uerò tempus quo Henricus Cæsar
frustra obfessa Florentia ad Bonconuentum fato ces-
sit: Pisani Cæsare ciuitatis patrono defensoresq; orba-
ti, quòd Lucenses infesta arma intulissent, neminem
Vgucione gerendo bello potiore rati, eum qui co-
pijs præfesset ab Aretinis impetrarunt. Eius aduentu
Pisani quòd ueteranum militè & Germanorum alas
adduxerat, ita sunt cõfirmati, ut latè summotis hosti-
bus, non modò amissa paulo antè oppida reciperent:
sed expugnatis etiam aliquot castellis ad portas usq;
Lucensium delitias popularentur. Itaq; exultans ui-
ctoria Pisanus, nec studio suo modum imponens, ne
parum gratus in referèda gratia uideatur, Vguccio-
nem ex duce dominum creat, honesto quidè merito,
nisi uir immodicus ex moderato dominatu seuam ty-
rannidem inuexisset. Cuncta enim sibi licere fortu-
nisq; omnium pro libidine sibi utendum ratus, antè
omnia Boncontem summa nobilitatis patritium, nec
immemorem pristinae libertatis, ideoq; nefarijs decre-
tis aduersari ausum interficit: alios spiritum opibusq;

uolentes detrudit in carcerem, multoq; plures exutos bonis proscribit. Hoc terrore ciuitati illato audisq; viribus Lucenses intestino laborantes morbo repentinus aggreditur. Gerardum Lupidium Picentem militie peritum, qui Lucensibus copijs præerat, tumultuario prælio prosligat, faciliusq; prodicione adiutus in urbem irrumpit: cæde, luctu, terrore, cuncta complentur: nec sacrosanctis templorum thesauris Germanus miles parcat: pulsusq; Guelfhis, Gibellini qui diu exularant, patria potiuntur. In his eminebat Castruccijs animi magnitudine armorumq; peritia, antiquis ducibus æquatus. Tanta re patrata Vguccio Luca princeps effectus, Guelfhis omnibus Florentinisq; præsertim terrori esse coepit: quod eo duce Gibellini ab Henrici morte deiecti spe, debilitatiq; uiribus animos rursus attollere uiderentur. Itaq; Florentini sociorum Robertiq; regis auxilia in unum cogunt. Vguccione occupandi Pistorij audum & Montecatini oppidum magno apparatu oppugnâtem, collatis castris adoriuntur. Ille belli peritus, loci & tēporis occasionem excipit, editoq; memorabili prælio, uictor hostium castris potitur. Eius diei cædem usq; adeo latâ scriptores tradūt, ut Nebulam fluium cadaueribus stratum longè cruento alueo decurrisse affirmant. Ea insigni uictoria Vguccio non multum letatus est: nam in ea Franciscum ex filijs natu maiorem, summæ spei iuuenē amisit, & Luchinus Vicecomes, qui Magni Matthæi patris auxilijs præerat, Castruccijsq; grauitè sauciati sunt, Dux uerò hostium

Petrus

Petrus cognomento Tempesta, Roberti regis frater
in flumine perijt, & Carolus cui Robertus erat pa-
truus, inter cadauera repertus est. Hæc est illa infau-
sta Guelphis pugna, propter quam Florentiæ, Bono-
niæ, Senis, Perusiæ atq; Neapoli, ex lucu amissorum
ciuium populus uestem mutauit. Hac uictoria subni-
xus Vguccio, ut Nerio filio Lucæ principatum cõfir-
maret, suspicacis tyranni more, Castrucium gratis
authoritateq; pollentem tanquam Nerij æmulum tol-
lere constituit. Ita compositis insidijs eum Nerius ad
cœnam uocat, & nihil tale ueritum comprehendit;
reumq; mox homicidij factum capitis pœna condem-
nat. Nec tamen ad tanti uiri supplicium descendere
audet, indignantis & frementis populi tumultum ti-
mens. Ob id accitus Vguccio, maturandæ necis aui-
dus cū militari præsidio Lucā aduolat. Tum uerò Pi-
sani tyranno discedente arma corripunt, Vguccio-
nis familiam trucidant, domumq; diripiunt, ac eo im-
petu urbis portas occupant. Iam Lucam peruenerat
tyrannus, & à filio maturè instructis mensis pransu-
rus discubuerat, quum Pisis excitari ad arma popu-
lum nunciatur. At ille nihilo secius tanquam primo
nuncio parum credens, nihil se commouet; & uti e-
rat cibi capacissimus, & maxime uorax, per singula
tempestiui eius conuiuij dapes usq; ad bellaria cõuescē
pergit; eo quidem atrocis animi decreto, ut remotis
denuum mensis Castruccium securi percuti iuberet,
atq; inde Pisas ad seditiosos opprimendos properatē
agmine reuerteretur. Sed quum à secundis mox ter-

ijsq; nuncijs increbescente fama, Pisis res perditas
 esse, ciuitatemq; miro consensu rebellasse renunciare
 tur. Lucenses ad tanti exempli nomen, pari studio
 recuperandæ libertatis, liberandiq; Castrucci ad æ
 ma concitantur. Carcerē refringunt; uinctum adhuc
 compedibus Castruccium educunt, & quod eius fato
 debebatur principem ciuitatis salutant. Tum uerò
 Vguccio quanquam aliàs egregiè fortis duplici ma-
 lo circūuentus animum despondet, & cum prætoris
 norum satellitum manu, incertus an Pisas contende-
 ret desperatis rebus urbe profugit; nec usquam ex ea
 fugæ deformitate prius cōstitit, quàm à Spineta Ma-
 lespina Gibellino ad fossas nouas, quæ Papirianæ o-
 lim fuerant, supra Macram amnem receptus est. Ibi
 labore fessus & dolore propè exanimatus paululū
 se recreauit, atq; inde cū atrociora à persequentibus
 sibi timeret, ad Canem Scaligerum Veronam est
 profectus. Ea enim tempestate Scaligeri domus exu-
 lum omnium insigniumq; uirorum liberalis erat re-
 ceptrix. Fuit apud Canem summo in honore Vguccio
 spectabaturq; procerus & uentricosus senex tyranni-
 co uultu ferociam retinens, tanquā admirabile in-
 solentis fortunæ documentum, quum paulo antè re-
 rum bello gestarum fama illustris, semihoræ momen-
 to geminati principatus fastigio præceps datus, et mi-
 serabilis & ridendus euassisset. Ad eam enim calami-
 tatem fortuna immitis id quoq; adiecerat, ut contem-
 ptus, mordacibus dictis incesceretur: ut tum acci-
 dit, cū in consuiuo Canis de edacibus illato sermo-
 ne loque-

ne loqueretur: & Vguccio se iuuenem quaternos at-
tiles capos, & totidem perdices, ascos item hœdi clu-
nes, & elixum uitule infarctum pectus, præter falsa
menta, recta in cœna exedere solitum narraret; Pe-
trus Nauus è cõuiuio uir falsus: non est, inquit Vguc-
cio cur hæc à te iuvene comesta multum admiremur,
postquam senex, nec planè dentibus instructus, duas
urbes integras uno prandio absumpseris. Erat enim
fama Vguccione si ab inchoato prandio temperasset,
satis in tempore ad sedanda nascentis tumultus ini-
tia Pisas regredi, & utrâq; urbem sibi incolumen ser-
uare potuisse. Sub id uerò tẽpus quo Canis compara-
to exercitu Patauium obsidebat, quum Vguccio duxe-
uctus eo bello mirificam operam nauaret, ad paludes
Medoaci amnis correptus morbo, Veronamq; dela-
tus, excescit è uita, non omnino miser, quod uel uica-
rio nomine militari imperio honestatus, splendidissi-
mam funeris & sepulchri pompã retulerit. Effigies
eius equestris a dstante ei Castruccio, & falconem ad
aucupium læua gestante, Pisis in sepulchro cui Cam-
po sancto nomen est, pretiosis ex uero picta colori-
bus conspicitur.

Angeli Perotij Camertis.

Quem latis humeris, quem lato pectore spectas,

Quem Martem dicas ore referre truci;

Ille olim emergens ab obscuro ac paupere tecto,

Militiæ primum munera dura tulit;

Fortibus inde ausis fortunâq; auspice, summum

Littoris Etrusci est uectus ad imperium.
 Illum eadem geminas urbes ditone tenentem,
 Præcipitem subito fors inopina dedit.
 Scilicet haud quenquam dubie fas fidere sorti,
 Quando ea, regna uno datq; adimitq; die.
 Sub effigie Castrucci Castracanis.

POST conuulsas secordia Græcorum Caesarum, Romani imperij opes, quum Gothorum impotentes impetus nemo tulisset, egregiaq; artes & literæ cum Urbis rerum domina concidissent, disciplinam militarem interijisse constat, qua una coaluerat imperium & sese ad omnes gentes perpetuis uictorijs extenderat. Nā per mille ferme annos, quibus Italia externis gentibus seruiuit, multitudine potius, inconditisq; uiribus, quā ingenio & ratione certabatur; quando omnia diuersis barbarorum irruptionibus terribili motu quaterētur; sed ita populi Romani fortuna demum tulit, ut bellicæ artis decus non diu modò neglectum, sed planè sepultum, à nouo homine tāquam ab inferis excitaretur. Is fuit Castruccius Castracanis ex ntelminella nobili familia Lucēsī ciuis, qui ex mercatoris insitore miles, ex milite dux insignis factus, pertinaci uirtute ad principatum contendit, nusquā eius uestigia uadentis ad præclarū decus fallente fortuna. Adolescens cum Gerio patre & matre Puccia, ob Gibellinæ factionis nomē patria pulsus, & breui apud Anconam parenibus orbatus, in Galliam ulte-
 riorem

terio rem eo animi decreto transiuit, ut alieno sub coe
lo fortuna uim experiretur. Cum aliquandiu Lugdu
ni apud negotiatorem Lucēsem subsedisset, equo, ue
ste, uiatico, honeste adiutus in Britanniam ad Alderi
cum gentilem propinquum suū, Londini ex mercatu
ra diuitijs affluentem traiecit. Is iuuenem decore for
mae, morum elegantia, & corporis dignitate praestan
tem, non modo benignè cōplexus est; sed eum nō mul
to post Odoardo regi, paruae pile lusu oblectari so
lito insinuauit. Erat enim Castruccius in eo ludo usq;
adeo habilis & mirus, ut nemo iam ei ex regia aula
conferretur, ac ideo regi iucundissimus euaderet. Sed
totum quod à beneuolētissimo rege promereri posse
sperabat, inopinatè sortis casus eripuit. Quum enim
in ludo ex altercatione à superbo quodam regulo a
lapam sustulisset, contineri non potuit, quin uel spe
ctante rege contumeliam districto pugione, percus
soreq; traiecto uindicaret; eo felici euentu, ut statim
seminudus scapham insiliret, et per Tamesim amnem
imminentium manus effugiens, in Belgicam oram ad
ueheretur. Ardebat tum crudele bellum inter Gallos
& Flandros, quibus Britanni se consociarant; apud
Philippum autem Galliae regem secunda fama milita
bat Albertus Scotus nobilis Placentinus, qui ab Ita
lia quingentorum equitum ornatissimā alam, & pe
ditum ueteranorum legionem adduxerat. Sub hoc
Scoto Castruccius ordines duxit; tantaq; uigilantia,
consilio, & ui corporis nomen optimi ducis prome
ruit, ut eo bello consentientis famae nomine esset cla-

rissimus, & à Gallis scriptorib. postea celebraretur.
 Verùm confectis bellis, à Philippo opimis excultus
 muneribus redijt in Italiam, armis & equis optimè
 instructus, destinatam sibi fato repetendæ patriæ oc-
 casionem querēs. Euaserat tum Pisis princeps Vguc-
 cio Fagiolanus, & cum Lucensibus bello contende-
 bat. Huic igitur parante aditum fortuna adhesit, ab
 eoq; post debellatos Lucenses, & fractas ciuitatis o-
 pes, patriæ restituitur; ea tamen sorte, ut qui uirtute
 inter ciues princeps erat, ad summum dignitatis gra-
 dum tacitè atq; ægrè prorsus aspiraret. Nā Vguccio
 Nerium filium prætoriæ potestatis simulatione dicta-
 torem Lucæ præfecerat; utpote qui post cladem ad
 Montecatinum Guelfis illatā, & ferox & ualidus
 Pistorium & Volaterras, Pisis Lucæq; finitimas ur-
 bes occupandas animo agigaret; ut principatus in
 Etruria uiribus potens contra Flotentinos condere-
 tur. Hoc innixus cōsilio Castruccium confirmata au-
 thoritate, & populari gratia Lucæ præpotentem,
 ideoq; formidatum, tollere cōstituit. Verùm fortuna
 (ut in Vguccione diximus) alternis suo more lusibus
 iocabunda, ita Castruccium è summo turpissimæ ne-
 cis periculo eripuit, ut miserum ex damnato & se-
 ua securi propè percusso, ad urbis dominatum admi-
 rabili sorte prouheret, & diri obiter infortunij gra-
 uis ictus ad Vguccionem uerteretur. Suscepto in pa-
 tria dominatu, atq; inde urbe Pistorio in potestatem
 redacta, statim se Gibellinæ factionis principem pro-
 fessus, ideoq; in omnem rerum occasionem aduersus
 Guelfos

Guelphos expedita arma conuertens, ita fortunam
 innata crescentiq; uirtuti suae bonis & malis artibus
 conciliauit; ut nemo eo domi consultior princeps, ne-
 mo dux in castris exactae disciplinae praeceptis instru-
 ctior in Italia censeretur. Inierat foedus cum Guido
 Tarlato, Galeacio Vicecomite, Scaligero Veronese,
 Passarinoq; Mantuano, qui Caesarum partes in Italia
 tuebantur. Contra autem Florentini cum Romano po-
 tifice Robertoq; rege consociatis uiribus, grauissima
 bella in Insubribus, in Liguria, in Bononiensi & To-
 gata Gallia gerebant. Sed cruenta diurnaeq; conten-
 tionis exitus fuit, ut Guelphi ad Altopassum memo-
 rabili pugna uinceretur, uictoresq; inde Castrucci-
 us atq; Acius Vicecomes, ad Florentiae statim portas us-
 q; infesta populatione percurrerent. Fuit ea clades, si
 caesarum numerum spectes, Montecatinesi aliquan-
 to minor, sed fortissimarum gentium externorumq;
 ducum captiuitate nobilior. Inusitati enim spectacu-
 li celeberrimum ab ea uictoria triumphum Castrucci-
 us duxit, tanto rerum omnium ordine apparatuq;, ut pri-
 scorum temporum & Romanae superbiae felicitatem
 aemulatus, e tota Italia splendidissimi quiq; ad tanta
 fame spectaculum liberaliter inuitati Lucam conflue-
 rent. Inuectus est urbem quadrijugo curru in Trabea
 laureatus; antecesserant agrestes gregarij; milites
 nudo capite nudisq; pedibus incerta libertatis spem
 praeferentes; sequebatur Carrocinum hostilis praetorij
 insigne, bubalis praetextatis tractum, in quo antenna
 praesto in malo suspensa nexillum populi Florentini

inuersum expandens, superstante campanæ aris tin-
 tinnabulo maxime sonoro; sed cui ad ignominiam ui-
 ctiores, ut mutum esset, ferream linguam detraxerāt.
 Exinde uerò Guelpharum partium uexilla Draco sci-
 licet aquila unguibus constrictus, liliūq; ingens pu-
 niceum, aureaq; item lilia cianco in campo, & ruben-
 tia Roberti regis rastrella inuersis hastis solum uer-
 rentia trahebantur. Succedebant ductores ordinum
 hostilium, præfectiq; equitum; sed hi sine calcaribus
 ille sine gladijs disincti. His coniunctum erat no-
 bile militarium equorum agmen, armigeris pueris
 cristatas cassides, uersicoloresq; lacinias captorum
 aut occisorum hostium gestantibus. Sed ante alios tres
 grauissimi uiri Florentinorum legati, & secundum
 eos traducti duces, supraq; ceteros maxime conspicui
 Gulielmus Narsei Gallorū, Vrlimbaca Sueuus Ger-
 manorum, atq; ipse demū cum adolescente filio Rai-
 mondus Cardonius imperator captiuam Hispanoriē
 procerum turmam calamitatis consortem trahēs, ita
 pompam tristi aspectu, & suis insignibus nobilita-
 bant, ut multis ex eo præcipitis Fortuna ludo lacry-
 ma manarent. Dum eo modo Castruccijs uirtutis &
 glorie suæ meritum fructum ferret, Florentini socij-
 q; eorum Pontifex & Robertus, nihil uel à tanta cla-
 de demissis animis uel attritis opibus, bellum priore
 uehementius repararunt, usq; ad eò ardenti uel insa-
 no Florentinorū studio, ut pro tuenda libertate exter-
 num sibi dominum Roberti regis filium recipere mi-
 nimè recusarint. Huius aduentus quòd amplissimum
 equi

equitatum in Etruriam adduxerat, ita afflictas spe
Florentiæ crexit, Gibellinosq; conterruit, ut Castrue
cio & Galeacio Insubrum principe præcipuis auto
ribus, Ludouicus Bauarus Cæsar designatus, in Italiã
accersere ur: qui insigni authoritate potentiaq; par
tium opes confirmaret. Sed uir rapaci feroq; ingenio
nullo pudore inita consilia præuertens, ubi peram
plis excultus munerib; Mediolani ferreo diademate
coronatus est; ex defensore patronoq; crudelis oppu
gnator, & truculentus hostis euasit; quum Galeaciũ
fratresq; eius tantæ dignitatis principes, & nihil ta
le meritos, in carcerem detruderet. Inde uerò expila
ta ciuitate, quam liberã reliquisse uideri uolebat, Lu
cam profectus, Pisanos obsedit, quòd portas ingressu
ro clausissent, & ab urbe auari sæuiq; hominis pestẽ
auerterent. Sed Pisana consternationis is exitus fuit,
ut Castruccio copias, pecuniam, commeatus ad id bel
lum conferente, & diuersis castris citra Auserin am
nem positis, Pisani multis exuti oppidis, Cæsari por
tas aperirent, & prægradi pecunia mulctarẽtur. Ab
hoc insigni studio apprimeq; forti & fideli opera Ca
struccius à Cæsare Lucensium & Lunensium dux est
appellatus; prætulitq; demum decora insignia & or
namenta nouæ dignitatis, atq; inde Pisanos recenti
factionũ æstui actatos, nec idem in Republica sentien
tes, uarijs occulta largitionis artificijs aggressus, ita
eorum decuriones circumegit, ut fauente Cæsare, nec
abnuente populo, ciuitatis princeps salutaretur. Lu
douico autem Romam contendenti ad id solenne offi

cium suscipiendi diadematis inuitatus, cum delecto equitatu & sagittariorum cohortibus comes fuit. Eo autem in urbem nonis Ianuarijs recepto insigniq; de mum studio Sacrae columnae, Iacobiq; Sabelli ad Vaticanum templum coronato, creatus est pseudopontifex Petrus Corbarius, ut diadema Romani imperij salu-
 nis auspicijs traditum atq; susceptum uideri posset. Id enim unum Caesar contende-
 bat, ut Ioannis legitimi Pontificis authoritas, tanquam omni iure existima-
 tioneq; spoliata, in urbe aboleretur, imperatoq; & exaesto undiq; auro aduersus Robertum regem & Guelphorum tuentem partes, graue bellum pararet. His
 coparandis rebus intentum Gibellini proceres Sabel-
 lus & Sarra, ipseq; ante alios Castruccius uehemen-
 ter orabant, ut Vicecomites regulos importune prin-
 cipatu fortunisque deiectos custodia educere uellet, ne
 que diutius Guelphos eorum calamitate letari patere-
 tur. Verum Caesar dum in explicando consilio, uti rerum
 imperitiis plerumq; accidit, & durus & pertinax, ne-
 que id concedit, neq; omnino negat, ut inanis constan-
 tiae nomen paret, amicorum omnium animos graui-
 ter offendit. Interea Castruccium tot accumulatis ho-
 noribus clarum, & cuncta propè apud Caesarem pra-
 stanti ingenio administrantem, atrox ab Etruria nu-
 cius magnopere perturbauit. Is mari delatus affere-
 bat, Pistorium Guelphorum proditione in Florentino
 rum potestatem deuenisse: deletum fuisse praesidium,
 sed adolesecetes filios magno ausu euasisse incolumes,
 cum à praesidio acerrime repugnauit, usq; ad lucem no-
 cturno

Æturno prælio certaretur. Itaq; subiratus Cæsari, quæ
maiore Guelphorū quàm Gibellinorum emolumen-
to in Italiam uenisset, commatu uix impetrato Pisas
per Aureliā uiam magnis itineribus contendit, tanta
celeritate, ut Vmbrone fluuio fortè à pluuiâ prætu-
mido transitum morante, dum male fidum alueum
properè tentaret, penè mergeretur, & cum paucissi-
mis equitibus inexpectatus portas intraret. Ea cele-
ritate Pisanos, quòd essent ambigua uoluntate repen-
tè oppressos, & præsentis principis uim, & subse-
quentis præsidij robora timentes, in fide continuit,
confirmatoq; dominatu, ac impetrata pecunia, quan-
ta petuit copias, accitis undiq; auxilijs coegit, & ad
obsidendum Pistorium est profectus. Florentini Simo-
nem Tosam militaris industrie ciuem, præsidio ur-
biq; præfecerant, nouas munitiones ueteribus adiece-
rant, singulariq; diligentia edificatis ligneis propu-
gnaculis, murum omni telorū genere compleuerant.
At Castrucius priusquam succidi frumenta possent,
inclusos obsidere constituit, quòd non magnam com-
meatus copiam uix per duos menses suffecturam in-
tus paratam esse didicerat. Itaq; inusitata eo seculo
belli ratione, duplici uallo, dupliciq; fossa urbem cir-
cumuallare pergit, ut omnem uel erumpendi uel im-
portandicommeatus hosti spem præcideret. Eraxerat
in utraq; munitione ligneas turres maioribus balistis
& catapultis instructas; suburbani agri arbores suc-
ciderat, ut aduentantibus Florentinis ad opem feren-
dam inaccessible pediti atq; equiti munimenta obice-

rentur. Venerat Mediolano Galeacius Vicecomes, à
Caesare post Castruccijs discessum certa cōditione car
cere emissus. Is ingentium praliorum uictor, peritis
simi ducis nomen affecutus, amicissimo principi, &
præclaro sua libertatis auctori eo bello operā presta
bat, quum interiores munitiones defendendas susce
pisset, Castruccius in exterioribus uersabatur. Nam
fama erat Florentinos ad soluendam obsidionem ad
uentare, ingenti coacto exercitu ex pontificijs co
pijs, quæ è Bononia submittente legato in Etruriam
descenderant, cæterisq; fœderatis ciuitatibus quæ pu
blicæ Guelphorum causæ nunquam antea defuissent.
Præerat omnibus Philippus Sanguinettus Gallus, cui
ius opera Pistorium noctu captum fuerat. Censeban
tur autem sub eius signis ad tria milia galeatorum e
guitum, & ad triginta milia peditum. Sed Philippo
in conspectum se dante, nec tamen subire aggeres au
so, Castruccius nihil se cōmouit, & per Galeacium e
rumpentes hostes multis illatis uulneribus retro in ur
bem compulit. Itaq; Philippus tãtos aggeres, tantiq;
artificij & nouæ disciplinæ munitiones admiratus,
frustra ad pugnam Castruccium magnis tubarū clan
goribus compellans, alio quàm statuerat suscepto cō
filio, castra inde mouit in Pisanum & Lucensem a
grū populabundus ire pergēs, ut hostis rerū suarum
calamitate & uillarum incendijs permotus, incepto
abscedere, sua tueri, & uiribus inferior pralio decer
tare cogeretur. Sed ille tot detrimenta, quanquā suis
luctuosa contemnens, in obsidione constātissime per
mansit.

mansit. Nec multo post Simon Tosa desperatis auxilijs, uti erat ad extremam commectatus inopiam redactus, ea conditione post tres menses deditiōem fecit: ut cum praesidio incolumis emitteretur: magna quidem cum ignominia tanti exercitus, & singulari Castrucci gloria, qui eo bello priscorum Romanorum magnitudinem, & bellicae rationis ingenia diligenter emulatus, tantarum uirium impetum elusisset. Sed quum supremo inusitatae uirtutis opere edito, ac ob id incredibili affectus letitia, ad triumphum Lucam reuerteretur, pestilens eum inuasit morbus, & paucissimis diebus eripuit, parifato puerunte Galcacio, qui eadem autumnalis caeli inclementia correptus, ad Pisciā oppidum ē uita migrarat. Italarum enim omnium duo maximi duces, etate, forma & magnitudine animi pares, ita corpora atq; animos in iisdem castris longo & pertinaci labore defatigarant, ut in magnis Augusti mensis feruoribus, cuncta ad accersendam ualeitudinem incommoda perpeffi, uictoriae decus ante salutem posuisse censerentur. Moriens Henricum filium testamento imperij reliquit heredem, quod nequaquam paternis artibus posita tutatus est. Pater enim admirabili naturae munere ferreum corpus, inuictum animum, expeditamq; praesentis ingenij uim, & certum infinitae prudentiae robur ad condendum principatum attulerat. Quarum uirtutum imbecillus adolescens uertente se fortuna emulus esse non potuit quoq; Pater (quod difficillimum fuit) uitia insolentis auaritiae & efferae crudelitatis, aut con

genita tyrannis, aut necessitate inducta, usq; adeo liberalitate, magnificencia operum, eloquentia, & multa religionis simulatione temperabat, ut optimo principi quàm impotenti domino propior atq; similior haberetur. Castrucci effigies (ut in Vguccione diximus) Pisis elegantissimè conspicitur. cui similem ex candido marmore nobis ostendit Nicolaus Tegrimus Lucensis patricius, à quo Castrucci uita Latine atq; integerrimè scripta ac impressa extat: ut hinc quoq; luorem & petulantiam Nicolai Macciauelli magnopere detestemur; qui dum commentitiam Castrucci tanquam patrie suae hosti, extra rerum fidem impudenti libidine uitam describeret; reliquæ quoq; historiae dignitatem improbè defœdauit.

Gabrielis Faerni Cremonensis.

Qui iam obsoletam bellicæ artis gloriam
Castrucius Lucensium dux, Italis
Restituit, & pro factione Cesarum
Etruriam quatescit armorum sono:
Nunc hic quiescit paruus è tanto duce
Pulvis cinisq; & nudula umbra mortui.

Sub effigie Canis Scaligeri.



INTER Scaligeros Veronæ dominos,
qui fuere oriundi è Vindelica, CANIS
superior bellica uirtute clarissimus
constanti meritò Grandis cognomen tulit;
non à proceri quidem corporis statura,
quæ uix in eo erat medioeris: sed à magnitudine

gnitudine inuicti, liberalisq; animi, & perpetuo illu-
stris uitæ splendore, quo uel opulentissimos eius eta-
tis principes antecessit. Canis autem nomine non la-
tratu insigne animal, sed Tartarorum lingua impe-
rator exprimitur. Ea siquidem tempestate Sacra
bello spectata uirtutis proceres Barbarorum captio-
rum, aut à se occisorum nomina ad testimonium ho-
nestissimæ laudis desumebant; quippe qui Gothifre-
dum Bolionium, aut maximos postea Europæ reges
emulatione gloriæ in Syriam transfretantes secuti
sunt, nullum omnino opimius & speciosius trophæum
referri domum posse arbitrabantur, quàm ut impio-
rum hostium nomina, ad perenne decus familijs suis
insererent; sicuti in Vicecomitum & Turrianorum
domo usurpatum uidemus, quum sepius Sulthani,
Mustæ, Cassoni, Amurathis, & in foeminis quoque
Antiochiæ nomina repetantur. Canis acceptum ab
Alberto patre dominatum, tanta animi moderatione
iustitia, humanitate, tantoq; exactæ discipline ordi-
ne, cum domi, tum militiæ exercuit; ut gratia, autho-
ritate, clientelis & apparatu armorum pollens, suo
prorsus nomine, & maiore imperio dignus habere-
tur; utpote qui admirabili iudicio clementiam & se-
ueritatem procul ab inuidia atq; odio commiscere, si-
ne furo pietatem colere, comitatem sine dedecore, si-
ne fastu dignitatem tueri consuesset. Eum enim recti
constantisq; animi habitum ad expeditam commuta-
tionem uti oporteret, ita paratam & habilem pra-
ferebat, ut domi remisso ad lenitatem ingenio sem-

per placatus, in castris autem elato, feroci, acerbō in
 puniendis præsertim militum delictis, inexorabilis
 & ferè saeuus euaderet. Quibus institutis & mori-
 bus, neque domi coniurationes, intestinaque mala,
 neq; in castris seditiones militum, aut aduersos nomi-
 ni suo rumores sensit. Sapissimè prælio uictor, semel
 tantum aduersæ pugnae euentum expertus est; quum
 graui & diuturna obsidione Patauiños premeret, &
 in segnem eius stationem Illyrij & Norici equites,
 qui Patauinis auxilio uenerant, subita eruptione
 facta, oppressis & fugatis custodibus in castra pene-
 traissent. In ea rerum perturbatione Canis acerrimè
 resistens atque dimicans, uulneratus, & equo detur-
 batus, maximum uitæ adiit discrimen; sic ut eum præ-
 torianæ turmæ magna uidepulsis hostibus uix serua-
 rent. Tanto accepto incommodo custodia cohortem,
 quæ irruente hoste trepidè locum deseruerat, exuta
 armis ignominiaque notatam præfecto capitali pœ-
 na damnato, integram dimisit. Nec multo post reno-
 uato bello Patauini magnis affecti detrimentis, per-
 tinacissimèq; machinis oppugnati, ad clementia fa-
 mam uictori se dediderunt. Tanta urbe in potestatem
 reducta, & Vicentinis ditioni suæ adiectis, ad opulen-
 tius & maius imperium aspirant, in spem uenit occu-
 pande Brixia, quòd ea urbs cruentis factionibus la-
 boraret: potiundiq; inde Mediolanensis imperij, cū
 Ludouicus Bauarus Cæsar, tum fortè Galeacium Vi-
 cecomitem nihil tale ueritum custodia tradidisset. E-
 rat enim Cæsar auri cupidissimus, ideoq; paratus ad
 omne

omne uenalis ingenij facinus obeundum. Hunc Canis officij atq; honoris causa Mediolani ferrei diadematis insignia suscipientem, cum nobilissima ala equitū fuerat comitatus, consiliariosq; eius opulentis muneribus et presenti pecunia sibi conciliarat. Sed utrobique conatus successu caruit, Cesare scilicet in Etruriam profecto, et Brixianis prospero ad Benacum nauali et terrestri praelio, libertatem suam egregie tuentibus. Mutato itaq; consilio Canis ad expugnandum Taruisum se conuertit, cupiditate proferendi imperij Actiolinum amulatus: nisi diuersissima progressus uia pro immanitate atq; perfidia, pietatem et fidem; pro seuitia lenitatem, ac in omni re cum publica, tum priuata, honestissimi decoris nomen pro turpissima et execrabili fama tot scelerum ostendisset. At Taruisini asperrimo fatigati bello quum auxilia desperarent, affectu eneruataq; libertati, quam difficilime tueri poterant, potentem armis et consilio, clementiaq; laude illustrem dominum praeuierunt. Sed Canis uictor accessione opportuna urbis diu letari non potuit; cocepto enim supremo morbo, quod armatus et astuans ex frigidissimo fonte auidius bibisset. Iulio mense non plane senex excessit e uita, celebrataq; funus toto exercitu e Taruisio Veronam delatus est, quem postmodum Mastinus fratris filius ac imperij haerens marmoreo sepulchro quod uisitur honestauit. Regiam Canis cunctis hospitibus, qui ingenio ualerent, hisq; praesertim qui domo pulsati ab infesta fortuna iactarentur, liberale atq; illustre domicilium

fuisse scriptores tradunt: & ante alios Gazadius & Regiolepidi, qui utri erat eius familiaris, adeo distincte totius hospitalis discipline rationes, diuersorumq; coenaculorum & cubilium sumptus institutaq; ornamenta descripsit, ut peculiarem dispensatorum cultum & uariorum ministrorum officia, titulosq; singulis ianuis praescriptos, & augmenta utriusq; Fortunae, auleis & picturis expressa persequeretur. Diuersae siquidem adium partes conditione dispari oblatos hospites sic accipiebant, ut magnanimos & uictores triumphis; exules honore spei; profugos securae confidentiae; Poetas Musarum umbraculis; praecellentes artifices Mercurio; sacratos uero concionatores terrestri Paradiso assignaret. Hac autem tanta diligentia, iucunditate, nitoreq; administrabantur, ut cuncta aptissime ad genium hospitum responderent. Nam praeter Musicos concentus festiui etiam sanniones & plani, & non insulsi moriones alterna uarietate coenacula circuibant. Ipse quoq; interdum quos committere uolebat, graui iucundoq; delectu mensae suae adhibere erat solitus, in quibus saepius erat Danthes exul, eruditi quidem, sed nimis aculeati sermonis, libertate admirabilis potius quam iucundus, & Vguccio Fagiolanus ex tanta principatus fortuna deiectus, quem summo in honore habebat; quanquam ingentis onerariae nauis fluctibus in litrus eiecta admirandum cadauer praese ferret. Nihil enim Canis in hac uita nobilius atq; beatius esse predicabat, quam inuicto animo suae pariter atq; alienae fortune obuiam ire, perpetuis

petuisq; beneficētia & liberalitatis operibus, in sita
uirtutis famam extendisse. Eius imaginem in tabula
egregie pictam, Achillinus Bononiensis rerum anti-
quarum studiosus, uiris elegantibus ostendit.

Adami Fumani.

Scaliger, an ne tua isthac Canis inclyte imago est?

O cari capitis, cara mihi effigies.

Ille ne tu profugis quondam qui uatibus unus

Portus eras, arx, spes, praesidium, columen?

Gaude Heros rediuiue, heros bellig, domiq;

Illustris, iuncto uiribus ingenio.

Ecce tibi ut ueteres Iouius renouauit honores,

En te ut honoratis iunxit imaginibus,

Macte tuum tersa nitidum rubigine nomen

Factum, iam poterit nulla abolere dies.

h 2

PAVLI IOVII EPISCO-
PI NVGERINI PRAEFA-

*tio in secundum librum Elogiorum
suorum, ad Cosmum Medic.
Florentiae ducem.*



SECUNDVS hic li-
ber Elogiorum meo-
rum nomini tuo dica-
tus Magnanime Cos-
me, vt instituti ordi-
nis series postulabat,
rectè & appositè initium cepit à Ro-
berto Neapolitano rege. Eius namq;
optimi regis memoria grata multis,
tibi verò præcipuè iucundissima esse
debet. Nam amore quodam mirifico,
& partiū studio incredibili Florentino
nomini coniunctissimus fuit, vtpote
qui ciuitatē aduersus imminentes ty-
rannos inuictis armis defenderit, pul-
cherrimisq; belli & pacis artibus exor-
narit, tanta gratissimi populi propen-
sione, vt abdicato libertatis nomine,
ei & Carolo filio dominatum Etruriæ
defer-

deferret: quoniam ea clementia, moderatione atq; iustitia summi imperij potestate vsurus existimabatur, vt minimè dispuderet eum in libera patria dominū appellare, venerariq;: sub quo vera libertas reiecto inani titulo, ad tranquillitatem atq; opulentiam ciuium pararetur. Hæc eadem benigni & longè æquissimi principatus iura in te hodie ciues agnoscunt: eoq; præclarior atque felicius, quòd pro externæ stirpis rege, te eundem & per humanū ciuem, & sanctissimum principē intuetur. Sed hunc profectò regem, quem dissimulanter æmularis, ita omnib. numeris absolutè refers & effingis, ut augustius etiam exuperes: quando id totum optimarum literarum atq; artiū decus, quod in eo rege præclarum spectabatur, tot editis eruditæ liberalitatis monumentis, ad vberioremlaudem complectaris.

Vale.

ELOGIORVM LIBER SECVNDVS.

Sub effigie Roberti Neap. Regis



IN ROBERTO Neapolitano rege bellici spiritus indefessa uis, quæ in Carolo aui summa fuisse traditur, plurimum enituit. Sed Carolum inimicorum cædibus gaudentem, sepeq; scæuum & inexorabilem, moderatione, clementia, lenitateq; animi Robertus omnino superauit; cum ille enormi rubenteq; naso terribilis, bello capris uel supplicib. nūquam parcere didicisset; essetq; adeò in exercenda crudelitate inhumanus & peruicax, ut non modò Mansfredo regi ad Beneuentum acie interfecto, supremum funeris & sepulchri honorem, tanquam Pontificis hosti denegarit: sed Coradinum duorum imperatorum sanguine progenitum, dum is regnum quod suum iure putat, armis repetit; ex aduersa pugna captum, cum regulo Austria, in foro securi percussisset. Patrē quoq; Carolum Robertus pari uirtutum temperamento, cum magnitudine animi, tum munificentia & splendore uitæ antecessit; quando & cum continentia, grauitate, & regij cultus ornatu, maiestateq; oris supergredetur. Pater enim per omnem ætatem intemperatissimus mulierosus, corpore deformi distortoq; cultu adeò breuē

LIBER SECVNDVS. 119

eo breui subductoq; uti solebat, ut uix pudēda nates-
q; congereret, indeq; spectantibus moueret risum; cū
alioqui magnis uirtutib. esset admirabilis. Cæterum
Robertus auo patreq; illustrior extitit, cum nobilita-
te ingenij, studio literarum, singulariq; memoria, tū
incomparabili Christiana pietatis præconio: in hoc
Ludouicum Gallie regem maiorem patrum æmu-
latus, qui in Africa in obsidione Tuncti, cum morbo
absumptus iuerisset, inter diuos referri, spectate san-
ctitatis ergo promeruit. Hoc certe de Roberto dici po-
test, neminē ex his qui antea Neapoli regnarint, aut
postea per ducentos annos regnauerunt, maiora præ-
clarioraue exacta religionis monumenta reliquisse.
Non petebat enim ex templis magnificēdā se conditis
inane famam, sed Christiana uirtutis exempla imi-
tanda posteris relinquebat; quanquam ex publicis o-
peribus, quæ ciuitatis commoditatem decusq; respi-
cerent, laudem non respueret. Vtpote qui munimen-
ta mœnium & turres educere; curare portum, mo-
lemq; eius proferre; instaurare aquæ ductus; annonæ
liberaliter studere; tollere latrocinia; & iustissimē
atq; sanctissimi regis munia obire esset solitus. Beni-
gni namq; amantisq; patriæ, quā pecuniosi, popu-
loq; prægrauis, & imperiosi regis nomen malebat.
Nec enim laudem aut gratiam alicunde expectādā
arbitrabatur, nisi in ea pietatis atq; iustitiæ studium
emineret. Gessit perpetuū bellum aduersus Gibelli-
nos, quum authoritatem Romani pontificis con-
tra infestos Cæsares uteretur, Florentinorumq; liber-

tatem enixè defenderet. Ab hoc suscepto studio dum in Etruria prostratas Guelphorum opes erigere conaretur, cruento Montecatinensi praelio Petrum fratrem, duosq; item fratrum filios summa spei iuuenes amisit. In Gallia porro Cisalpina quum Vicecomites Mediolani principes ualidis urgeret armis, duplex insigne uulnus accepit; alterum ad Alexandriam, ubi Vgo Baucius equitum magister fusus atq; interfectus est; alterum ad Abduam non longe à Mediolano, ubi fractis aduersa acie partium copijs uexilla regia, ducesq; cum magno numero insignium equitum in potestatem Galcacij uictoris deuenerunt. In Liguria uerò Genuam accerrimè defendit, quam Marcus Vicecomes obsidendo atq; oppugnando propè ad rerum desperationem abduxerat. Eo enim bello cum hostis mœnia perfregisset, unus ante alios Robertus egregiè dimicans, ita locum tutatus est, ut magno suo periculo, & multa cum cæde hostes repulerit. Ludouicū uerò Bauarum Cæsarem, qui Nicolaum pseudopontificem in Ioannis contumeliā Romæ creauerat, terrore præmissi ab Aquila exercitus, & urbi per Latium admoni, Roma excedere coegit. His reb. gestis Ioannem pontificē apud Auinionē adiit, initisq; fœderib. tantam consecutus est nominis auctoritatem, ut Florentini ab eo Carolum filiū in dominum postularent, & acciperent. Ea enim tempestate Florentini accerrimi hostis Castruccijs armis uexabatur. Itaq; Carolus optima stipendia accepit, suscepitq; libera ciuitatis dominatum; tanto Guelphorū studio, ut omnes Magistratus,

gistratus, ararijque opes, cunctaque copiae ad eius auctoritatem, decreto publico conferrètur. Sed iuuenis coinito principatu, nihil quidem memorabile. in Etruria gessit. illud tantum cum magna sui nominis inuidia admisit, quod Ciccum Asculanum acutissimum philosophum, eundemque Etrusco carmine Empedoclis amulum; quum Magice artis peritia famosus, coniuratione cutellatorum haereseos accusaretur, damnari, et in foro comburi iusserit. Exinde regressus Neapolim morbo surreptus, Robertum patrem orbitatis dolore percussus, perpetuis in lacrymis reliquit. Quamquam is mira animi firmitate unici filij casum ferret, consolatus seipsum numerosa nepotum sobole, et optimarum literarum praesidijs; in quibus tantus euasit, ut sibi literas regni possessione cariores esse praedicaret. Fauebat ardētissime optimorum studiorum professoribus, oblectabaturque amcenioribus Musis, adeo liber aliter, ut Franciscum Petrarcham multis a se ornatum muneribus, quod Africam nobile (ut aetas illa ferebat) poema, regio iudicio subiecisset; laurea ornare cupiuerit, quam ille postea Romae in Capitolio accipere maluit. Obijt Robertus planè senex, quum regnasset annos XXXIII. Visitur eius sepulchrum cum effigie marmorea in templo Diuae Clarae a se dicato, cum hoc titulo: Aspice Robertum multa uirtute refertum.

Antonij Francisci Rainerij.

Adstis teneræ Parthenopes decus
Syrenes, sacer & Pieridum chorus
Et Tusca Charites, &
Flauî numina Tybridis.

Dum regem tunica testum adamantina
Robertum canimus, Cæsaris impij
Pellentem agmina, ut alto
Nimbos exiliens notus.

Ille ille horrifono barbarus impetu
Terrarum dominam hanc & super um domum
Ferro perdere, & igni
Tentabat facinus ferum.

At illum impauido rex pius agmine
Sistens indomita frena licentiæ
Iniecit, trepidam urbem, &
Seruans purpureos patres.

Quin & præcipiti plenum opus alæ
Ciuilesq; acies, scissaq; Etruria
Sedans pectora, dictus
Dux est, & Patriæ pater.

Vnde his pro meritis, impatiens iugi
Quæq; alte innumeris iura dat urbibus
Gens Etrusca, secures
Nato, atq; imperium dedit.

Salue ô bellipotens, progenies Deum,
Templa immania qui marmoribus sacris
Condis thuricrema, alti
Aequent quæ iuga Caucafi.

Tu Pindi

Tu Pindi auricomum è uertice Apollinem
Sebethi irrigua ad murmura uitrei
Ducis Parthenope alma ut
Discat Pierium melos.

Cum uatem cithara nobilem eburnea
Petrarcham, thalamo suscipis aureo,
Quem mox Delphica laurus
Cinxit Romuleo in foro.

Hæc illi, aspice te, munera contulit
Roma alitrix studiorum, & Latium ferox,
Vnde Arnus uaga claro
Lambit sydera uertice.

CVM hoc Roberto rege, Vicecomites Mediola-
ni principes continenter bella gesserunt, cum
ij pro Gibellina factionis dignitate, illi de Guelpho-
rum salute atq; potentia dimicarent. Horū itaq; prin-
cipum ueras imagines suo ordine libuit collocare, ut
tot formarum uarietas sub unum aspectum exposita,
iucundiores spectantibus offerat uoluptatem. Nullis
alijs ex ipsa temporum serie permistis, scilicet ut æ-
stimatione ingeniorum, rerumq; à singulis gestarum
quid Physiognomus ex lineamentis iudicet atq; pro-
mittat uiri elegantes ex tanta uultuum diuersitate
coniectando deprehendant. Ob id uerò imagines bre-
uissimis elogijs demonstrabuntur. Quoniam singu-
lorum uitæ peculiari uolumine iam pridem à nobis
perscriptæ editæq; sunt. Ab Othone siquidem qui
huius imperij fundamēta iecit, usq; ad Philippum in
quo familiæ legitima progenies defecit, enarratis

rebus gestis expressisq; moribus, nihil interciso temporum tractu, accurate descendimus.

Sub effigie Othonis Archiepiscopi.



Hic uir præalto ingenio & incredibili constantia ad nullas aduersæ infestæq; fortune contumelias infracti animi uigorem unquam dimisit; quum inimicorum atq; hostium insolentiam longa patientia superaret; sæpeq; bello uictus, & diu exul & inops, una indomiti animi magnitudine spes suas uel maxime prostratas erigeret. Post summas autem ærumnas uictoriæ compos factus, felix uideri potuit, quum aduersarum partium duces bello captos in potestatem redegerit; & condito atq; egregie confirmato in nobilissima ciuitate principatu, Matthaum ab insigni uirtute Magni cognomen meritum, numerosa militariū iuuenum prole florentem, successorem reliquerit. Visitur eius imago sumptuose depicta in magno conclaui Anglerianæ arcis, ubi Decumana uictoria de Turrianis parta, picturis adhuc incorruptis expressa hodie spectatur.

Iani Vitalis.

Magnanimi Heroes Latij armipotentis Othonem

Illustre sydus Insuæbrum,

Accipite inter uos cristisq; comantibus umbret

Augusta cassis tempora.

Et dextram diuinis operatam armate superbi

Ensis corusco fulmine.

Fortibus

Fortibus ut Fabijs mixtus, magnisq; Camillis

Stet inter alta sydera.

Ille quidem summis decorauit honoribus orbem

Dux fortium fortissimus.

Sub effigie Matthæi Magni.



ATTHAEVS cognomēto Magnus, summam ingenij grauitatem indomitum prestantis animi uigorem, & prudentiam in explicandis cum ciuili, tum bellicarum rerum difficultatibus incomparabilem prætulit, per omnem ætatem Othonis maioris patrui uirtutes æmulatus. Hic multo plura cōsilio, quā ui aut armis feliciter gessit. Sed qui inuictus erat aduersus omnes auaritiæ & uoluptatis morbos, uni inuidiæ uir fortissimus ita succubuit, ut occultorum inimicorum dolos & propinquorum insidias non effugerit. Eiectus enim patria & principatu ad Benacū lacum egestate quidem miser, sed rediuiua spe & recte factorum conscientia beatus, expectauit Henrici Caesaris aduentum: à quo reductus in patriam, eiectis Turrianis dolo an casu incertum, pristinam principatus atq; potentie fortunam recuperauit. Ceterum prolatis imperij finibus, partoq; spectata uirtute Magni cognomēto, in extremo uitæ actu senex, oppressus ingenti cura atq; periculo, eiurauit imperiū, idq; liberorum uirtuti regendū reliquit. Ingruebāt enim tum arma Roberti regis, Ioannisq; pontificis maxime metuenda. Inde secessit in suburbanū dolore con-

tumelia, quod eum pontifex sacris inter dixisset, cū
 alio qui Christianæ pietatis obseruantissimus habere
 tur. Deceßit ibi integris sensibus, claudētibus illi ocu-
 lis quinq; liberis, quod migranti è uita incomparabi-
 li solatio fuit. Caruit tamen honore funeris & sepul-
 chri; quia nefas esset, damnatum a pontifice palam
 sacrato in loco tumulare. Eius effigies Modoetia in
 templo maximo spectatur, habitu porrigentis tem-
 pli imaginem, quod diuo Io. Baptista uouerat.

Iani Vitalis.

Tu iure optaris fortissime uiuere felix
 Nostris uenenis pharmacum.
 Cur Matthæe negant te fata ingrata renasci,
 Coruscus ensis Insubrum?
 Consilij sudiisti hostes, uictor q; sedendo
 Finisti dura prælia.
 Te Mediolani turres, temœnia mactæ
 Virtute, te Respublica
 Cum desiderio memorant, qui ferrea fuluo
 Mutaris auro sæcula,
 Fortunæ cedens, mox tempestatibus atris
 Grauis senectæ pondere
 Imperium natis liquisti, atq; otia nactus
 Et Tempe amoena fontibus;
 Scipiadæ longos superasti inuictus honores,
 Syllanam & abstinentiam.
 Ergo te meritò Magni cognomen adeptum
 Magnus celebrat Iouius.

Sub

Sub effigie Galeacij primi.



GALEACIVS Magni Matthæi filius
 hoc roseo & corusco ore spectabilis,
 stature dignitate, illustri facundia, libe-
 raliq; uite splendore, suæ ætatis princi-
 pum famam obscuravit, militariq; laude usq; adeò flo-
 ruit, ut post egregias uictorias, prosligatis sæpe hos-
 tibus, dux bello strenuus & fortunatus haberetur. Ab
 hoc Placentiam, Cremonam, atq; Vercellas paterno
 regno adiectas constat. Quum uerò Roberti regis,
 atq; pontificis, & Florentinorum copias, captis eo-
 rum ducibus & signis ad Abduam delcuisset; magno
 consilio ita uictoriæ motum imposuit, ut pacē aquis-
 simam, singulari artificio à potentissimis hostibus ex-
 presserit. Verum partæ pacis fructu diu non est letā-
 tus, nam Marci fratris & Leodrisij propinqui sui ma-
 lignitate atq; perfidia Ludouico Bauaro delatus, gra-
 uissimisq; oneratus calumnijs, extremū propè subiit
 infortunium. Ab ingrato siquidem auaroq; Cesarē
 inter hospitales mensas inopinata fraude captus, &
 cum filio reliquisq; fratribus, qui Marci scelus de-
 testabantur, in Modoetianum carcerem coniectus
 est. Verum tantam eius iniuriam deprecante Castruo-
 cio, è custodia post nouum mensem ea conditione e-
 ductus est, ut Actius filius fidei obfes, ad authoritatē
 Cesaris Pisas se conferret. Caterum eo beneficio diu
 uti non potuit: nam paulo post, quū operam Castruo-
 cio libertatis & salutis auctori enixissimè nauaret,

in circumuallando expugnandoq; Pistorio pestilenti
 correptus febre apud Pisciam exul, tantoq; exutus
 principatu sato cecit; non plane miser, quum uir ad
 armanatus, in ipsa letitia insignis paræ uictoriæ e
 uita migrauerit. Eius effigies in sepulchro Aetij filij
 egregie sculpta; depicta autem in templo ad Vibol-
 donum Romana uia dextrorsum ad septimum lapi-
 dem conspicitur.

Iani Vitalis.

Ductorem ecce Itali nostrorum belli potentem,
 Lectissimorum principem.
 Cui fortuna minor post facta ingentia tandem
 Inuidit inuictissimo.
 At tu cui struis insidias Bauare improbe tectas?
 Cui tecta tendis retia?
 Ah scelus arreptum ex epulis nihil tale timentem
 Ligas tenaci compede.
 Armatus poteras medio concurrere campo,
 Serens aperta praelia;
 Sed timor & pietas non haerent fraude ligatum
 Pedore uincis carceris.
 Vincere quem reges, quem non potuere tyranni,
 Magnis coactis uiribus.
 Nunc te pro tali scelere atq; immanibus ausis
 Euiscerande Barbare,
 Insanem eijciunt Furæ sub manibus imis
 Inter Simones perfidos.
 Hic aliquis Galeacij ultor Polyphemus & Antheus

Vel

Vel alter ex gigantibus

*Appetit assiduis tormentis, & tua crebris
Contundit ora calcibus.*

Interea Elysij gaudet in saltibus ille

Inter piorum maximos.

Sub effigie Actij.



ACTIVS Galeacio genitus à prima iu-
uentute gemina uictoria nobilitatus,
quum egregij ducis atq; optimi princì-
pis indolè præferret, paternæ calami-
tatis cõsors fuit. Sed eam demum iniuriam Cæsar ma-
gna ui pecuniæ expugnatus, ingenti beneficio ita re-
pendit, ut Actius Gibellinorum principum amicitia
atq; auxilijs confirmatus, conuulsæ domus, ac euer-
si principatus fortunam restituerit. Is primus suæ gentis
à magnificèntia nobilium operum laudem quæsiuit.
Mediolano turriculis, & lateritijs mœnibus circun-
dato; extructaq; ampliſſima curia cū tēplo & sacræ
turri ad fastigiū coronata marmoreo peristyllo sum-
mæ pulchritudinis, iuxta arenam antiquorum spectā-
culis dicatam. Verū Actius omnibus insignium uir-
tutum numeris felix uideri potuit, nisi Marcum pa-
truum, qui immani uerecordia Galeaciū cum uniuersa
familia, in extremas calamitates præcipitè dederat,
ui illata necauisset. Receptū enim in gratiam, & mox
pari insania atq; perfidia res nouas molientem, Luchi-
nus & Ioannes patruī, tanquam ipsis totiꝫ familiæ
pestilentem omnino opprimendum censuerant. Leo-

drisius quoq; eodem liuore atq; odio quo patrem auumq; Mathæum fuerat persecutus, Actium conductis Barbarorum auxilijs in magnum discrimen amittendi principatus adduxit. Verum ille cruento prælio fusus ad Neruianū diuturno carcere cum liberis, malignitatis suæ poenas dedit. Sed Actium quem nulla aduersa Fortuna uis unquā fregit, articularis morbi dolores, iuuenem etate florentem, miserabili cruciatu ita fregerunt, ut singulis captus membris, ante quadragesimum annum uita excedere cogeretur. Visitur eius effigies elegantissimè depicta ad laeuam diuū Gothardi templum intrantibus.

Ptolomei Gallij Comensis.

Vna hic podagra uictus in pace occidit,
Qui uictor omnium Actius bello fuit.

Sub effigie Luchini.



ACTIO succedere duo patrui Luchinus atq; Ioannes, ea conditione, ut hic quod esset Mediolanensis Archiepiscopus, sacra procuraret; ille uerò integris belli & pacis muneribus uteretur. Ceterum qui antea omnib. bellis pugnacissimus imperator extiterat, principatū adeptus per legatos bella semper gessit, insigni prudētia Fortune aleam deuictas, quum septē maximè crucis prælijs, uel parta uictoria grauissimè uulneratus discessisset. Sed qui iustissimi indulgentis, et nusquā factiosi principis laudē ferens à populo

pulo Pater patriæ & Pacis conditor appellabatur
 (ut maioribus acciderat) propinquorum ac inimi-
 corum coniuratione summum uitæ discrimen adiit.
 Detectis autem insidijs cōiuratos meritis affecit pœ-
 nis, fratrisq; filios Galeacium & Barnabam eius con-
 cepti sceleris conscios, in urbes Belgici Oceani rele-
 gavit; tanta indignātis animi acerbitate, ut eorū no-
 men per epistolas euulgata conspiratione, apud prin-
 cipes Christianos perfidiæ nota suggillarit. Parmam
 auro cōceptam imperio adiecit. Regnavit annos octo,
 corpore æger atq; animo maximè seuerus & tristis,
 quandoquidem amicis necātis, relegatisq; propin-
 quis, & uxore adulterijs atq; incestu suspecta, inter
 podagræ cruciatus uitam sibi tadio atq; oneri esse fa-
 teretur. Sed impudica uxor pœnam flagitijs uerita,
 non matura adhuc Fata, misto poculis ueneno facile
 præcipitauit. Effigies eius in Actij sepulchro mar-
 more sculpta prospicitur.

Iulij Feroldi Cremonensis.

Te ciues fleuere tui Luchine peremptum,

Quod tecum extincta est iustitia & pietas,

Talibus exequijs, partusq; tot ante Trophæis

Visus eras felix, quum morerere mōri;

Si non crudeli miscente aconita Megera

Mœstam exhalasses (heu miserande) animam.

Sub effigie Ioannis Archiepiscopi.



IVCHINO crepto Ioannes Sacri & Profani iuris potestatem complexus, incōparabili magnitudine animi principem egit, pietate, iusticia, splendore uitæ, & clementia, antiquis Heroibus comparādum. Ore probo semperq; hilari cum maiestate grauitatis synceri animi candorem, iustæ liberalitatis sp̃s & facilitatem cunctis adeūtibus pollicebatur. Inimicorum uoluntates beneficijs ac humanitate flexit; hostium uerò spiritus summa uirtute contriuit. Fratrum filijs quos Luchinus relegarat, humaniter pepercit, totiusq; imperij designauit heredes. Genuenses cū uniuerſa Liguria huius imperio paruerunt: is quoq; Florentinos quum ipsorū urbi immisſis per Apenninum ingentibus copijs, magnum terrorem admouisset, pacem ea lege coegit, ut Lucensibus, Pisanis, & Senensibus bellum inferre desinerent. Actianæ uerò magnificentiae studium emulatus, luculentissimam domum contra templum maximum iuxta Actij curiam condidit, & Abduam annem quā desinēte Lario ad Leucum coarctato exitu emittitur, sumptuosissimi operis lapideo ponte iunxit. Singularem demum animi moderationem tum maximè ostendit, quum apud Pisas à Iacobo Corbario pseudopontifice Senatorio galero honestatus, totum id purpuræ decus, uel cohortante Cesare, ut beneficio uti uellet, constantissimè renuit; ne his susceptis insignibus, legitimi Pontificis maiestas

stas ladi uideretur. Obijt scalari anno, natus annos
 LXIII. Effigies eius nullo uitata situ, in superiore
 conclau Pontificiæ domus in cyanea chlamyde egre
 giè picta conspicitur; ante Deiparæ Virginis imagi-
 nem habitu supplicantis.

Antonij Francisci Rainerij.

Cerulea chlamyde insignem, niueisq; nitentem
 Pellibus, & Scythico maculis sub tegmine fufis,
 Stellanti Regum ornatu, Heroumq; Deumq;
 In subrum uenerare ducem, Ligurumq; pontientem
 Hic uir, hic est, uiden' ut generoso effulgeat ore
 Maiestas: uiden' ethereas elapsa per auras
 Pulsa Astrea olim, fronti ut confederit altæ,
 Diuinosq; oculis Venus alma afflarit honores
 Olli quæ tenero nimbofa per auia lapsu
 Serpit humi Eridanus, quæq; altior exit, & auctus
 Centum fluminibus, gemino sternit sata cornu,
 Quæq; assueta malo, ueterumq; exercita bellis
 Romulidum, gens dura, animisq; elata superbis
 Auro inhians Tyrrhena agili uerrit uada puppe,
 Olli alacres cessere omnes; quæq; arduus almana
 Principio Ausoniam secat Apenninus, utrunq;
 Cum mare prospectat, subiectisq; intonat uadis.
 Ille ille imperij fortunarumq; suarum
 Consortes mira amplexus pietate nepotes
 Constituit pulsos, folijsq; locauit auitis.
 Marmoreasq; ædes, Phrygijsq; innixa columnis
 Atria, regalemq; aulam laquearibus aureis

Condidit, & patria æternum decus addidit urbi.
 Iunctus & ante tuos operoso est Abdua ponte
 Maxime Lari oculos, uiolenta ut flumina discant
 Ferre iugum fremitu neu quisquam assurgat iniquo.
 Purpureum ille etiam decus, atq; insignia dona
 Corallo è fragili trabeam fascisque superbos
 Respuit, et quæ quisq; ambit, pede repulit alto.
 Ergo iterum uenerare, ducemq; patremq; sororum
 Et gladio, & lituo, sceptrisque, animisque potentem.

Sub effigie Galeacii secundi.



G est ille Galeacius Stephano Mat-
 thei magni liberorum ultimo genitus,
 qui decore formæ cunctos suæ ætatis
 mortales antecessit. Is defuncto Ioāne
 patruo, sicut in testamenti tabulis erat præscriptum,
 Mediolanū, et uniuersas principatus urbes, cum Bar-
 naba Mattheoq; fratribus trifariam diuisit. Sublato
 autem Mattheo mira concordia cum Barnaba duos
 & uiginti regnauit annos; sic ut per omnem ætatem
 communibus copiis atq; consilijs imperij fines tuerē-
 tur. Magnificencia autem operum cum fratre certa-
 bat; quo nobilissimo ædificandi studio, quum maxi-
 mos Europæ reges constitutis admirandis ædificijs æ-
 quasset; auctore Petrarcha, seipsum conditum Tici-
 nensi arce facile superauit, quod Ticino urbis moenia
 præterludenti lapideum montem imposuisset, perpe-
 tua protectum contignatione, munitumq; propugna-
 culis ad utrumq; caput excitatis. Quo opere ornanti
 bus

bus peristyljs nullū præstantius aut incundius in Italia uidemus. Ad nobilitandam quoq; urbem cœli clementia, ubertate agri, duorumq; æminum omnis generis fructus admirabilem copiam inuentum, opportunitate clarissimam, quæ Longobardorum regum sedes olim fuerat, Gymnasium condidit, ex auctoritate Caroli III. Imperatoris, accitis uberrimo stipendio disciplinarum omnium professoribus, cui permagno eruditoq; munere accessit bibliotheca adhortante Petrarcha, quam nos nobilissimis codicibus refertam, & demum ingruente bello, immaniter spoliatam in arce uidimus, pari militum externorum licentia euastatis uiridarijs, quæ septa ferarū à parcendo Parco uulgus appellat. Ea lateritijs moenibus cincta uiginti miliarium spaciū complectuntur; paratis semper ad principium uoluptates omnis generis uenationibus & aucupijs. Ab hac opulentia, ambitiosa sumptuosaq; libidine, cū magnis regibus affinitates quaesuit, regis Gallie filia Ioanni Galeacio filio nuptui data, & Leonato Britannia regis filio in generū adscito. Summis autem podagræ cruciatibus affectus, quinquagesimonono ætatis anno excessit è uita. Effigies eius pluribus in locis in arce elegantissimè depicta; hoc uerò habitu conspicitur in inferiore porticu quæ ad leuam intrantibus occurrit.

Iulij Feroldi.

Musis hic Galeacius beatis
Augusta atria, nobilemq; sedem

Ticini ad liquidum dicauit amnem,
 Illic ut coalesceret iuuentus,
 Bonisq; imbueretur artibus, quas
 Mox diffunderet usq; quaq; in orbem.
 Musis et Iouius senex beatis
 Ticini ad liquidum institutus amnem,
 Augusta atria nobilemq; sedem
 Vdo in margine Larij dicauit.
 Hic armis Galeacium nitentem,
 Virtutis memor inclyte locauit,
 Vt fortissimus optimusq; princeps
 Formosissimus omnium uiroꝝ
 In Heroibus emicet, uirosq;
 Inter fulgeat ille bellicosos.

Sub effigie Barnabæ.



ARTII spiritus uis ingens, et ea semper
 per indomita, crudelis, maximeq; su-
 perba, in hoc principe usq; adeo ui-
 guit, ut innata immodico eius animo,
 proferendi imperij libido, neq; secundis, neq; aduer-
 sis praelijs frangeretur. Is enim natura pugnax et in-
 trepidus, dum Fortuna alea plurimum gauderet, nec
 uectigalia bellicis sumptibus sufficerent, populos im-
 perio subditos in cogenda pecunia acerbissime uexa-
 re, expilareq; erat solitus. Quanquam per idem tem-
 pus insano prope studio edificandi teneretur, impe-
 ratisq; operis apprimè iniuriosus, et supra quam di-
 ci potest, aduersus agricolas immitis euaderet. Ven-
 tionē

tioni siquidē perditissimē deditus, totū eius uolupta-
tis instrumentum, quod duobus insignium canum mi-
libus constabat, custodiendū alendumq; per familias
uicatim distribuerat, graui miserorum agrestium de-
trimento, metusq; solitudine, quum pœnas atroci-
ter exigeret, uel minima negligentiae integramq; ali-
quando familiam, quæ aprum occisum sale cōditum
comedisset, suspendio punire non uereretur. Ab hoc
fastu fœdē prodigus et rapax, eo minimē auaritiam
ostendit, quod decem filiabus per omnem Europam
nobilissimis regulis nuptui datis, innumerabiles pecu-
nias in earum dotes contulisset. Ab ultima enim Bri-
tannia et Cypro regiae stirpis generos ambitiosē si-
bi asciuerat. Sed in dies magis ac magis aerariū exhau-
riebant, septem liberorum etate florentium inconti-
tus luxus, et paterno exemplo nihil intermissæ uolu-
ptates. Hinc Barnabas prolem suam modico imperio
si per partes diuideretur minimē contentam fore exi-
stimans, circumspicere fortune suæ modum qui erat
exiguus, si in singulos diuidēdus foret, et fratris filio
tantæ opulentiæ dominatum inuidere cœpit. Ioannes
enim Galeacius sopito atq; inertī ingenio putabatur,
quod literis potius quàm armis uacaret, deditusq; re-
ligioni, nulla propē cōtra ac illa etas ferret, uolupta-
tum intemperie caperetur. Idcirco patruelibus luxu
diffluentibus facīle erat contemptui atq; odio, sic ut
de eo intemperanter obloquerentur, atq; ei uitam in-
uiderent, nefarij consilij cogitationes cum patre mi-
scētes, usq; adeo atrociter, ut cum quoquo modo tol-

lendum decerneret. At Ioannes Galeacius explorata per speculatores propinquorum malignitate, auertere uitæ discrimen statuit, magnaq; simulatione confecto consilio, quum profiteretur se iterum religionis causa ad Deipara Virginis templum, quod in montanis est, exeuntem sibi obuium extra Ticinensem portam Barnabam patrum nihil tale timētem comprehendit, statimq; cum globo armatorū urbem irrumpens patrum domū atq; arcem populo diripiendam præbuit, sic ut puncto temporis & principatus, & tanta opes concideret, nec quisquam capto opem ferre auderet. Paucos uerò post dies eum in carcere Tritianæ arcis coniecit, ubi uir omnium miserrimus, qui armis totam propè Italiam concusserat, acerbitateq; morum magnum sibi undiq; odium conciuerat, sexagesimo sexto ætatis anno Fato cecidit: paremque propè exitus sortem tulerunt eius liberi, magnis exilij & egestatis iactati fluctibus. Effigies Barnabæ in Concano templo picta spectatur, quum adhuc extet marmorea statua equestris, qua sepulchro eius superposita Ioannes Galeacius, ut tanti admissi facinoris atrocitatem leniret, eundem & patrum & socerum honestauit.

Francisci Manfredi Cremonensis

Quæ nam te in medio grauis senectæ
Vexauit mala Barnabas libido?
Quis dirus furor, aut cruenta Erynnis
Egit præcipitem, seroque corde

Tantas

Tantas protinus excitauit undas
 At non hæc eadem Deis, Deûmq;
 Reçtori placuere; concidisq;
 Tuis consilijs miselle, quodq;
 Infanti scelus extruis nepoti,
 Fatales tibi destinant sorores.
 Felix heu nimis ac nimis beatus,
 Si tam turpia, tam nefanda nunquam
 Aegro pectore facta cogitasses,
 Ac diram ingluuiem rapacis auri
 Expellens niueum integrumq; semper
 Vsq; ad funeris ultimas fauillas
 Seruasses animi tui nitorem.

Sub effigie Ioannis Galeacij.



AREM, ut spectare licet, tanto imp-
 rio grauisimi oris maiestati tulit Ioan-
 nes Galeacius, idem in Italia tot in unũ
 dominatum coactis urbibus longè maxi-
 mus; & ui prudentis ingenij, & belli Fortuna omnium
 qui in Italia regnarint, post Theodoricum Gothorum
 regem præstantissimus. Nemo eo neq; ærarij faculta-
 tibus firmitior neq; ualidior copijs, neq; fide atq; uir-
 tute ducum suorum felicitior fuit. Alebat enim lectissi-
 mas copias, & quosq; nominis fama inclytos duces,
 magnis præmijs sibi adsciuerat, per quos bella gere-
 bat. Opulentissimæ urbes stipendia suppeditabant, ra-
 tio & disciplina expeditaq; liberalitas cuncta rege-
 bant. Domi siquidem intentus consilijs assidue uigila-

re, quàm foris arma exercere malebat, quòd patre uero non semel belli Fortunam expertus, multa ei aduersa obuēissent, adeò ut ab Acutho Britanno Florentinorum duce tumultuaria pugna in Brixiano agro profligatus, uix circumfusorum hostium manus effugerit. Serendo bello contentionis causas querebat, serpendoq; & urgendo, Scaligeros Verona, Carvarios Patauiò expulerat, Gōzagis penè Mātua pulsus. Quo rerum successu Bononiam Pontificijs copijs ad Casalecium magno praelio superatis receperat. Lucensibus demum, Pisanis atq; Senesibus in ditionem acceptis, Perusia, et Assisio in Umbria potitus, graue bellum Florentinis intulerat, eo quidem acerbius quòd insignes iniurias ultum ire properabat. Nam Florentini præpotentis ac immodici hostis Etruriæ iugum superbè comminantis, nequaquam insulse reformidantes, in eum bellicosissimam Gallorū gentem & Germanorum Cæsarem grandi pecunia concitabant. Sed uirtute ducum, & Galeacij fortuna, Gallicum Armeniaco duce ad Alexandriam cæsi deletiq; sunt, & Brixiano in agro Germanorum ale aliquot equestribus prælijs superatæ, in Germaniam sunt repulsæ. Parabat itaq; uictor supremam cladem Etruriæ, proculdubio totius Italiæ regnum inuasurus, nisi Fata id supremum ei decus inuidissent; æstuanti enim ad Lambrum annem pestilenti morbo an ueneno incertum, properantia Fata tanti consilij spem eliserūt, anno ætatis quinquagesimo quinto, quum paulo ante è Ladislao Cæsare Mediolanensis imperij susceptis insignibus.

in signibus, primus suæ gentis dux & princeps fuisset
appellatus. Nemo regum ornatiore aut sumptuosio-
re exequiarum pōpa elatus est, quum singulorum op-
pidorum legati, & tota ferè urbana nobilitas, atra
ueste ex ærario donati sint, & in prodeundis sacerdo-
tum ordinibus, illustrandaq; pyra supra uiginti mi-
lia cerea funalia eo die arserint. Effigies eius Carthu-
siano in templo prope urbem Ticinum marmore scul-
pta multis in locis, præcellenti autem habitu depicta
ad Cœnobium Castellatij iuxta Mediolanū spectatur.

Iulij Feroldi.

Huic primo nomen ducis atq; insignia Caesar
Detulit Insubrum, eximio dignatus honore.
Hic ille est bello fortunatissimus heros,
Barbaricis populis & formidatus Etruscis.
Cui Verona potens, diuesq; Bononia cœsit,
Atq; Antenorida, atq; Alphææ ab origine Pisæ,
Innumeræq; urbes aliæ, populiq; feroces.
Ille etiam Gallos, Germanorumq; phalanges
Reppulit, haud passus nostris considerare in oris.
Et Florentinos obsedit milite colles,
Armipotens illum donec mors abstulit atra
Et regnum Italiæ inuidit Fortuna potenti.

Sub effigie Ioannis Mariæ.



PERTO defuncti patris testamento
duo filij impuberes Ioannes & Philip-
pus, quibus Mariæ cognomen fuit,
ea conditione hæreditatem adiuerunt,

ut Ioannes Mediolani ducis nomen obtineret, Philip-
 pus Ticini Comes appellaretur; quibus bisariam di-
 uisæ imperij urbes accederent. Gabrieli uerò ex no-
 bili concubina suscepto, qui his natu maior erat, Cre-
 mona et Pisæ in dominatū obuenirent. Ceterum euul-
 gata Galeacij morte, copiarum duces, nullo pudore
 perfidiæ, opportunas ipsis urbes inuaserunt; sic, ut
 immensa moles opulentissimi principatus, quum ab
 imbecillo adolescente regi non posset, inusitata du-
 cū proditione undiq; concussa & dilacerata corrue-
 ret, & cūcta passim singulis in urbibus atroci factio-
 nū malo & cruētis dissensionibus quaterentur. Nam
 Pandulphus Malatesta à fide impudenter discedens,
 Brixia & Bergamo potitus fuerat; Cabrinus Fon-
 dulus Cremonæ; Ioānes Vineatus Laudi Pompeia:
 Orho Bontertius Parmæ; Placentiæ Arcelli; Tor-
 nielli Nouariæ; Francinus Rusca Comi; & Facinus
 Canis Papiæ atq; Alexandria, armis & factiosi po-
 puli studio dominatum arripuerant; eoque arūnarum
 imbellis adolescens deuenerat, ut diuersos guberna-
 tores, qui armis autoritateq; Mediolani seditiones
 pacarent, accersere cogeretur, sæpeq; eos fremēte po-
 pulo tanquam factiosos exauthoraret; & postremò
 Buccicaldus uir Gallus, qui nomine regio Genue
 præfecturam gerebat, ut cuncta ad arbitrium rege-
 ret, Mediolanum euocaretur. Is corpore atq; animo
 uastus quum ambitiosè atq; superbè ad principatum
 Cisalpinæ Galliæ palam aspiraret, graui Gibellino-
 rum impetu Mediolano exturbatus est. Sæuus autem
 princeps

princeps in ciues, post multos ex amicis paternis securi percussos, inaudite crudelitatis carnificinā exercuit; prægrandes enim & uoracissimos molossos, noxiarum primò, & mox innocentum carne nutritos, magister eorum Giramus fera immanitate ita aliebat, ut eis quos odisset princeps discerpandos obijceret, incredibili horrore gemituq; pauentis populi. Hæc effecere ut nobiliū ciuium utriusq; factionis generosa cohors, duce Paulo Baucio, hanc immanem belluam in ipsa curia adoriendam, mactandamq; inita cōiuratione susciperet. Atq; ita abomināndus princeps dum in templum Gothardi sacrorum causa descendit, trucidatus est; media fronte ad oculos usq; discissa, & altero crure detrūcato. Nec quisquam cadenti opem tulit. Deserto autem ab omnibus, & maxime cruēto cadaueri, una omnium humanitatis non oblita ignobilis meretrix, supremū officium piē exoluit, quum iacētē ad tegendam uulnerum scēditatem, recentium rosarum aceruo cooperuerit. Effigies Ioannis uno in loco quod uiderim, uiperijs oculis uenenum spirās, patre uiuo picta, in altaris tabula quæ est contra aram templi maximi, ad extremum testudinis posita, Mediolani spectatur.

Io. Pauli Amanij Cremenſis.

Quæ nam torua leana, quæ uel ursæ,
Duro in uertice Caucaſi creauit
Tam duro ingenio uirum, impioq;
Humanum in genus, ac deos in ipsos?

Ille ut scilicet insubres coercens
 Infando imperio (nefas) iuberet
 Immanissimus omnium tyrannus
 Impastis canibus feris uorandos
 Infantesq; dari, simulq; fontes
 Illum at quam miserè reor uicissim
 Aquis ut crucietur usq; poenis;
 Nunc discerpere Cerberum furentem,
 Vltorem sceleris maliq; tanti?

Sub effigie Philippi.



O ipso die quo Ioannes Maria Mediolani trucidatus est, nuntio cædis accepto Facinius Canis Ticini podagra oppressus, excessit è uita; eo spiritu, ut duces suos suprema obtestatione cohortaretur ad uindictandam coniuratorum perfidiam, attollendumq; Philippum, ut paterno imperio potiretur. Erat tum Philippus in arce Papie, morientiq; asiterat captiuo similis, imperij uiriumq; expers et auri ualde inops. Nam Facinius prodente Castellino Becaria urbem suis copijs occuparat. Adiuvat Philippi Fortunam Beatrix Tenda Facinij uxor, quæ in ipso mariti funere cum Philippo adolescènte nuptias appetebat. Eam muliebri ambitione atq; libidine incensa, quanquam dignitate impar, annis autem superior, opportuna tamen dotibus Thesauris Philippo uidebatur. Itaq; raptim inauspicatæ sunt nuptiæ, conciliantibus ducibus qui Faciniano auro oculos adiecerant. Nec mora instruitur

Etis copijs numerataq; pecunia Philippus Mediolani
 reducitur, pulsusq; Sacramoro & Carolo Barnabæ fi-
 lijs, qui regnum arripuerāt, uehementi populi studio
 dux acclamatur. Pleriq; ex coniuratis per tumultum
 capti supplicio afficiuntur. Venit & in potestatem
 noui principis Modoetiana arx Sacramoro tormēti
 ictu interfecto. Fuit illi in recuperando regno perse-
 quēdisq; hostibus mira felicitas; utpote qui singula-
 rum propē urbium tyrānos cepērit & occiderit, re-
 liquos exturbarit. Sed uideri potuit & saeuus & in-
 gratus erga uxorem, quæ thesauris suis desertum ab
 omnibus & egētem ad imperium euexerat. Circum-
 uentam enim dubijs indicibus, damnatamq; adulterij
 uel nihil tale in tormentis confitentem resellentemq;
 indices pudica fronte securi percussit, ut Allobro-
 gum principis filiam duceret. Gessit uaria fortuna;
 uariaq; morum fama bellum cum Venetis & Floren-
 tinis, eo exitu, ut Bergomum, Brixiam, & Vero-
 nam amitteret; moriensq; Franciscum Sfortiam cui
 Blancam filiam ex nobili susceptam concubina in ma-
 trimonium collocarat, ex testamento totius imperij
 reliquit heredem. Fuit Philippus adeo hebetibus ocu-
 lis, ut factus senex, obuersantium ante se uultus non
 planē discerneret, assiduo secretoq; monitore utere-
 tur in responsis dandis, ne pupillæ uitium detegeret.
 Sed magnitudine generosi animi, maximos suæ ætatis
 reges faciliē superasse censetur, uel reparando bello
 inexhaustis opibus, uel in paranda laude præstantis-
 simæ uirtutis. Solus enim incōparabile ueræ clemen-

tiae decus tulit, cum Alphonsum regē cum fratribus, & Nauarra item regem bello nauali ad Pōtiam captos, & ad se Mediolanū perductos, non cunctis modō humanitatis officijs, sed amplissimis muneribus & copijs instructos liberaliter dimiserit, ad recuperādum Neapolitanum regnum, de quo cum Ioāna & Andegauenſibus armis contendebat; ut non recepta modō libertatis; sed parti regni beneficio commutata repente fortuna letarentur: quanquam hac tantæ clemētiæ, magna quidem, sed intempestiuē quaſita laus, ſingulari ei ceſſerit detrimento. Non tulere enim contumeliam Ligures qui regem ceperant, quod inimicæ gentis rex aliena gratia liberatus, implacabile erga se odium ſeruaturus crederetur; ipſiq; propterea interfecto Opicino Genuæ Philippi præfecto continuo rebellarint. Philippi effigies Mediolani multis in locis picta, ſed lōgè elegantiſſimè in domo Franciſci Tavernij Epistolarum magiſtri in frontiſpicio inferioris magni conclauis ex arte plasticæ efficta ſpectatur.

Iani Vitalis.

Clementiſſimus atq; liberalis
 Iuſubrum dominus Philippus hic eſt,
 Victis regibus unico duobus;
 Qui bello, manicæq; compedesq;
 Leuari iubet, in ſuasq; abire
 Donatos opibus Lucullianis
 Sedes, & ſua regna, liberatos
 Tetro carcere. Diſcite hinc tyranni,

Sunt

Sunt hæc munera principum, superbos
Debellare, pios & esse uictis.

Sub effigie Ioannis Vitellij Cornetani
patriarchæ & cardinalis.



AGNUM & memorabile insolentis
Fortunæ exemplum inusitato sacratis
uiris exitu, præbuit Ioannes Vitellius,
Corneti in ora Tuscorum nobili gene-
re natus. Is ab adolescentia mediocribus instructus li-
teris; sed eis ab excellēti memoria expeditaq; facun-
dia, in omnem casum serij sermonis adeo promptis,
ut magnæ doctrinæ speciem præberet; uir factus cum
hac ingenij indole contulit se ad finitimum Tuscan-
lensium tyrannum, cui ob hæsitantiam linguæ, Tar-
talia cognomentum fuit. Hic ea tempestate inter cla-
ros duces, ualidas equitum copias ductabat, uteba-
turq; Vitellio in perscribendis epistolis, obeundisq;
apud diuersos principes & duces legationibus. Qui-
bus in rebus suam adeo efficacis industriæ exactiq;
iudicij operam probauit, ut secretioribus negocijs
tanquam consilio optimus adhiberetur. In eo quippe
uis ingenij mirifica eminebat, & natura erat aduer-
sus laborem & somnum indomitus, periculorū despe-
ctor, imperij & militaris laudis audax. Itaq; arma sæ-
pe induere, & bellicis discriminib. audacter misceri,
sæpeq; inter milites, fretus qbusdā iuris ciuilis floscu-
lis, cōtrouersias minuere, magnosq; usui in asperis re-
b^{us} Tartaliæ esse. Sed postquā Martini iussu, iudicioq;

Sfortie Tartalia cōmutati studij accusatus, tanquam ad Braccium aduersarum partium ducem transiturus, Auerfano in foro detruncata ceruice concepte perfidie pœnas dedit. Vitellius Roman se contulit, breuiq; uir solers, & aulæ moribus idoneus Martino innotuit, à quo Protonotarius est factus. Creato autem Eugenio, Vitellij studium, uti erat uehementis, expe ditum, & comprobante fortuna rerum euentibus felix, in senatu adeò miris laudibus extollebatur, ut in eo uno Reipublicæ salus & dignitas niti uiderentur. Itaq; quum fortem fidelemq; operā difficillimis Reipublicæ temporibus nauaret, tanto Pontificis studio singulos honorum gradus adeptus est, ut legati quoq; potestate, copijs Pontificijs sit præfectus. Ab hac enim secunda rerum gestarum fama, eum Pontifex maturata liberalitate, è Protonotario Racanatēsem episcopum, nec multo post Patriarcham Alexandrinum, & mox Florentinum Archiepiscopum, demūq; ad nuntium exoptatæ uictoriæ, Cardinalem creauit. Tanta itaq; Vitellius Pontificis gratia insignis & potēs, inimicos & inuidos gloriæ suæ obtrecentes facili contemnebat. Erant enim magna quæ ad insigne Reipublicæ commodum gesserat, quum tyrannos Pontificij imperij ditionem impudētissimè lacerantes, ad unum propè omnes deleuisset. Nec si quid paulò acerbius & uiolētius gerēdo bello patrasset, quod sacrato uiro indignū foret, ullas earum rerum querelas, tanquam ab inuidis malignè delatas, ad aures Pontifex admittebat, quum responderet, hunc esse morem factiosorum,

rum, imperitorumq; hominum, ut seueritatis atq; iustitiae nomen odio haberet: publicasq; iniurias extrema poena minimè uindicandas arbitrantur. Principem quidem Salernitanum Martini pontificis fratris filium, ceterosq; Columniae familiae proceres, qui armati antea in urbem occupata Capena porta irruerant, persecutus armis, omnibus auitis paternisq; oppidis cuncta populatus exuerat; Iacobumq; item Vicanium urbis Praefectum multis circa Veſtallam oppidis imperantem, redactum in potestatem, & cum eo Trincium Fulgmatium tyrannum in arce Suriana se curi percusserat. Antoniumq; deinde Pisanum ab Etruriae oppido Pontaderam appellatum, uirum militia clarum, & multis literarum ornamentis insignè, quòd Priuernum in Volscis occupasset, tumultuario praelio fustum captumq; indigno miserabilisq; supplicio ad oleam suspenderat. Qua necis atrocitate, uel ob id magnam inuidiam subiit, quòd Antonio id mortis genus, tanquam honestissimo uiro, & diu cum laude militiae uersato indignum, deprehensisq; tantum laetionibus meritum, suppliciter deprecanti, non modò non indulserit; uerum crudeli usus Ironia in carnificem uersus dixerit, Lege ergo age & aqua postulari, uiro forti praclaroq; geminum in nocte laqueum, altioremq; ramum delige, ut honestius ac splendidius pendeat; atq; ita miserabiliter duplici capistro, uir alioqui tam foedo supplicio indignus, in arbore strangulatus pependit. Eadem etiam Etrusco bello supplicij sortem tulerat Armalerius Asculanus, egregij no-

minis Centurio, quum ad hostes ex leui coniectura
 transiturus putaretur. Romæ autem accerbæ conqui-
 tis & raptis ad supplicium, qui excitato tumultu po-
 tificem in fugam per Tyberim coniecissent; Latera-
 nensisq; templi sacraria direptis quibusdam donarijs
 impiè uiolassent. Carnificinam in campo Floræ exer-
 cuerat, horrentibus trementibusq; Romanis eius uiri
 aspectum, properatq; et nimis seua iudicia, quæ uel
 summæ dignitatis deprecatores, omni misericordia
 atq; humanitate semper uacua reperisset. Verum nõ
 multo post Vitellius opinione gratiaq; Pontificis de-
 cidit, quum aduersus Alfnsum regem missus pro Re-
 nato Andegauense ad Neapolim eo euentu bellum
 gessisset, ut post profligatum captumq; Vrsinum prin-
 cipem Tarëtinum, et mox dimissum, parta uictoria
 uti noluisse parum fideli aut importuna cunctatione
 crederetur; sicuti antea Picenum agrum occupanti
 Francisco Sfortia, nec tum uiribus aut mcolarum stu-
 dijs præualido, repẽtè petita mari fuga, simulatoq; sa-
 lutis suæ periculo cõcessisset. Onerauit demum imma-
 ni nefarioq; ausu cum suam, tum Pontificis famam,
 quum inita coniuratione Alfnsum regem sub fide in-
 duciarum opprimere cogitasset. Ab eo siquidẽ rege
 Salernum obsessus, ut instantis periculi casum effu-
 geret, uir equè fallax & uaser, cum rege inducias in-
 tres menses pepigerat, quo spatio turpissimè fidem
 abruptens, coniunctis cum Iacobo Caudola censibus
 & copijs, ad regem tum fortè hyemantem ad Iulianæ
 Vicum Auerfani agri improuisus aduolauit. Nec re-

gena

gem aliares seruauit, quàm religiosè excultū eo die numen; solenni enim tum fortè festo die Christi natalis, paulò post auroram triplici sacro intentus, ante aram prociderat, quum Vitelliani improuisi, inexpectatq; hostes adesse nunciati sunt. Tanta autem fuit irrumpentium celeritas, ut ferè capto regi breue spatium ad elabendum non planè peractis sacris relinqueretur; et impius hostis omnem sacrorum apparatus, et expositam ad celebre epulum regij abaci supellectilem auidè diriperet. Id facinus ingratiū pontifici, odiosumq; sacratio ordini et cunctis execrabile, uehementer Vitellij existimationem labefecit, quum in eius industria quanquam singulari atq; mirifica, fluxa fides, et atrox uiolentia damnarentur. Eius autem improbi atq; audacis animi notā Patriarcha salso dicterio diluebat, quum diceret se, uti rex expetisset, quod pollicitus fuerat, bona fide prestare uoluisset. Paulò enim antè, Alfsus per præconem Patriarcha cū iactantia nūciarat, se Marte iudice illum indecenter arma tractantem, eò redacturum, ut tanquam infimi ordinis sacrificulus, missarum sacra uno denario sibi perageret. Ad quod insolens dictum Vitellius sua usus ironia responderat, non abnuere conditionem, ut magni regis capellanus efficeretur. Verum se non prius quàm inchoante anno, ipso Christi natali die munus hoc suscepturum, ut auspiciatò et gratuito quidem ei sacra solennia celebraret. Sic, ut postea rex periculo creptus in magna suorum frequentia, acutissimi sacerdotis ironiam agnoscens, se eo secommate

probre elusum sateretur. Sed is nō multo pōst malo genio animum eius uastum & insatiabilem impellente, maximum imperium & summum deniq; Pontificatum affectare coepit, aut uiuo Eugenio, si ille sub censura concilij exauthoratus concideret, aut certē mortuo, quando iam difficilem morbum animi languore concepisset, ab aduersi Basilicnsis concilij decretis. In eam spem adipiscendi pontificatus uenerat, quōd ualidissimis copijs subnixus, singulas Pontificia ditionis arces perfidos sibi atq; obnoxios clientes in potestate haberet. Nec desitura sibi patrum studia atq; suffragia, uel primo comitiorum die arbitraretur, quoniam sibi opulento pecuniosoq; ad opportunas largitiones expedita facultas foret. Oderat Florentinos tāquam ingratos, quōd eorum Rempublicam ciuili seditione perturbatam, se sua autoritate compositis rebus cōseruasse predicabat: illi tamen in ipsius cōtumeliam Rainaldū Albiciū primariū ciuem, ab se uehemēter commendatum exilio multauissent. Venetis autem indignabatur, quōd per legatos apud Eugenium omnem suam gratiam & dignitatem conuellere contendissent. Noua itaq; consilia cum Nicolao Picinino suscepit. Is tum clarissimus bello dux, Philippi Mediolanensis exercitibus præerat, defendebatq; acerrimē eius ditionem aduersus Venetos Florentinis fœdere cōsociatos. Summa cōsiliū erat, ut Picininus in Etruriam accerferetur, ipse ē Latio promotis copijs cum eo se coniungeret. Id consiliū interceptis ad montem Politianum literis, planē detectū est. Scribebat enim

Vitellius

Vitellius ad Picininiū notis arbitrarijs quæ fieri uolebat: quæ tametsi ab interprete explicare non poterant, magnam tamen commutata fidei suspicionem afferebant. Erat apud Eugenium omnium consiliorū arbiter Ludouicus Patauinus Patriarcha Aquileiensis, ex Medico Cardinalis factus, uir astuto peracriq; ingenio, Vitellij potentia uehemēter infensus. Is quū graui facundia in Vitellij mores atq; consilia criminose inuictus differuisset, Eugenium nunquam integra Pontificij imperij potestate Vitellio uiuo potiturum, illius opprimēdi consilium obtulit atq; perfecit. Præerat arci molis Hadriani Antonius Rido, uir militaris, et ad omne patrandum facinus paratus, quod commendatione Ludouici ad eam præfecturam peruenisset. Hūc quæ Pontifex peragi imperet, atq; ipse cupiat, secreto edocet, et quæ in negotio opus foret sedulo constituit. Igitur ad calendas Apriles moturus castra Vitellius Antonio significat, ut sibi Hadriani pontem transeunti adesse uelit, ut de custodia, munitioneq; arcis et profectiōe sua quædam cum eo communicet. Eam occasionem excipit Antonius tendēdis insidijs idoneā. Præmittitur prima luce à Vitellio Comes Auersus Anguillarius cum quatuor milibus equitum, duobusq; milibus peditum; ipse postremus cum familiaribus agmen claudit. Tum uerò Antonius porta arcis egressus præteruectum totius pontis longitudinem, inermis, et cōposito vultu salutat; accedēsq; propius simulatione secretioris colloquij, præcedentem comitatur pedes equitum, habenas molliter tra-

Etans; tandiu de annonæ supplemento, de instaurando tormentorum & telorum apparatu uerba producit, quoad contra arcis portamperuentum est. At Vitellius se mature curaturum pollicetur, ut nihil earum rerum indigeret, se Reipublicæ causa in Etruriam ducturum, tantisperq; Cornetum ex itinere diuersurum, ut ædificatam ab se magno sumptu domum inspiciat. Eodem uero puncto temporis Antonius equi frenum arripit, signum dat, cataracta dimittitur, quæ extremum pontis caput excludit; erumpunt satellites, perturbatumq; inopinato malo Vitellium circumfisiunt. Ille nihil se deserit, calcaribus equum, sed frustra, incitat, atq; incuruum gladium quo militari more cinctus erat, ferociter educit. Sed obluquantē satelles falcato hastilis unco, quod hodie Roncham uocant, per ceruicem corripit; alter dextrum brachium, quo districto gladio in Antonij caput ictum minabatur, grauitervulnerat, atq; ita cruentus intra portam arcis pertrahitur. Hunc supreme calamitatis malo perturbatum, & se ingrātē proditum profundo suspirio conquerētem ornatissimo in thoro collocant, obliganturq; ei vulnera, et Antonius ut bene speret cohortatur, quod in posterum Eugenius non militari, sed senatoria eius opera uti uellet. Ad id Vitellius anxie æstuans, se non esse adeo rerum imperitum respōdit, ut temerē crederet summa dignitatis uiros, uel iniquo iure captos dimitti solere. A summa autem arce per præconē Vitellianis pronuntiatur, ut timere tumultuariq; desinant; quando inssu Pontificis graui de causa, Cardinalis

Exig
nalis

nalis esset interceptus. Atq; ita Comes Auer sus sub signis iter extendens opulenta Vitellij impedimenta in arcem Ronciloni sua ditionis, tanquam suā prædam abduxit. Nec multo post, ut nonnulli tradunt, siue acerbitate vulnèrum, siue indito ueneno, fato functus est, caruitq; honore funeris & tumuli, quanquam ei postea propinqui Corneti, marmoreum cenotaphiū extruxerint, quod hodie cum rudi elogio uisitur. Sed munificentissimæ domus structuram atq; amplitudinem, pontificiū hospicio dicatæ admiramur. Antonius autem Rido tanti patrati facinoris præmium uel in morte tulit, marmoream equestrem statuam, quæ in uestibulo templi diuæ Mariæ nouæ ad arcum Titi cōspicitur. Ludouicus uerò in demortui Vitellij locū, ut copijs præesset, susceptus est. Vera Vitellij effigies depicta in magno cōclauī eius dom^o Corneti spectatur.

Faerni.

Quis tua facta potis, laudesq; æquare canendo
 Purpuream succincte togam, generose Vitelli?
 Maiestas tibi Romani pastoris, honorq;
 Debet, & antiquum tibi disciplina uigorem
 Acceptum seruata refert. tu fontibus æqua
 Supplicia, & meritis tribuis iustissimæ pœnas.
 Dispersos tu sylvarum per lustra latrones
 Non secus ac uenator apros, indagine cingis.
 Tu diros Latio dominos, tu triste repellis
 Seruitium, seuosq; sua queng; urbe tyrannos
 Exigis, & iusta populos ditione coherces.

Infanda plebis tu seditione fugatum
 Pontificem sacrum, iustis ulcisceris armis;
 Stringis & horrendas in noxia colla secures.
 Salve purpurei decus & tutela Senatus,
 Priscarum uirtutum imitator, & amule laudum;
 Imperio quod seruaras dignissime; nite
 Præpropera ambitio tentasset inanibus auris,
 Lactassetq; auidam transuerso turbine mentem.

Sub effigie Iuliani Cardina-
 lis Cæsarini.



AESARINA familia inter illustres
 Romanorū procerum ætate nostra ho-
 noratis uiris atq; opibus florens, sum-
 mam, ut aliqui uolunt, claritatem cepit
 à IULIANO sancti Angeli Cardinale, cuius hoc
 loco uera effigies spectatur. Vetustatem eius originis
 nequaquam altè repetunt, uel qui Cæsarinorum no-
 mini fauent, quum fateantur ex gentilijs insignibus
 eos Columnijs & Ursinis fuisse recentiores, quod ex
 alienis argumentis sua insignia condiderint. Scutum
 enim gestant, in quo ursus ad columnam cathena de-
 ligatus pñgitur, superstante tamen aliqua nigra que
 à Cæsaribus præclara nobilitatis testificatione, studio
 sis partium suarum, & clientibus dono dari consue-
 uit. Narrant autem superiore seculo cruentis factio-
 nibus infami, quum Ursini cum Columnijs de digni-
 tate armis contenderent, Cæsarinos tanquam Gibel-
 lini nominis adhæsisse Columnijs, insigniq; edito faci-

nore,

nore, uicisse Vrsinos hostes; ideoq; Caesarinos tāquam
 præclaræ eius uictoriæ authores, uinctum & colum-
 næ catenatum uersum ad memoriam clarissimi facti
 in scutis expressisse. Sed hæc ex fama potius tradita
 per manus, quam ex annalium fide refrūtur; quum
 per quadringentos annos res Romana ciuilibus di-
 scordijs & Germanorū Caesarum seuitia à stirpe pro-
 pè excisa, certo historiarum lumine caruerit. Verūm
 Caesarinæ familiæ dignitatem, facile demonstrat præ-
 rogatiua insignis, qua præclaro populi Romani mu-
 nere à Paulo III. amplissimis codicillis cōfirmato e-
 ius familiæ princeps, inueterata consuetudine maxi-
 mum uexillum gestat, cum bello (si incidat) tum pa-
 ce in spectaculis Agonalium ludorum, quæ ad nor-
 mam ueteris disciplinæ, Lupercalibus edi solēt, ut ar-
 mata iuuentus in equis simulacra præliorum repræ-
 sentet, & legiones per singulas tribus composito or-
 dine decurrāt. Fuit Iulianus honesta facie, statura in-
 signi, ingenio excelso, eloquentia singulari, & mori-
 bus candidissimis, in gymnasijs accuratè uersatus; Ci-
 uilis & Diuini iuris scētētissimus euaserat. Qua facul-
 tate ad parandam sibi Senatoriam dignitatem oppor-
 tunè gradum fecit. Nam ea tempestate eius scientiæ
 professores, præcipuo erant in honore propter gra-
 uissimas de Pontificia dignitate disceptationes, quum
 dira diuisione tres uno tempore summi Pontifices sæ-
 disimo exemplo Christianis præessent sacris. Fuerat
 adscriptus in numerum eorum iudicum, qui in con-
 sessu Pontificis de supplicibus libellis refrunt & sen-

tentiam dicunt. Quo in obeūdo munere Iulianus lon-
 ge omnium subtilissime atq; rectissime referebat. His
 itaq; instructus literis à Martino lectus est in sena-
 tum tanto omniū fauore, ut paulo pōst in Bohemiam
 legatus sit missus, ad sanandos eius gentis animos Hus-
 sitana opinione laborantes, constantissimeq; etiam
 tum in sententia peruicaces, quanquam nuper Hiero-
 nymus à Praga eius doctrine nomine damnatus Con-
 stantie, & combustus, concidisset. Ea enim erat de Iu-
 liani uirtute constans opinio, ut uni illi ea prouincia
 demandanda cēferetur. In omni siquidem Senatorio
 munere apud eū uigebant dignitas sine fastu, doctri-
 na sine ostentatione, sine fūco probitas, & studiū sine
 factione. Qui mores non modò factiosa in urbe, au-
 laq; maxime superba, sed apud omnes, quibuscūq; se-
 rio acturus congregaretur, gratiam conciliabant. In
 Germaniam autem profectus Bohemos opinione sua
 reperit duriores, & mortem cum cruciatu potius
 pati paratos, quàm ut à sentētia susceptæ semel, quan-
 quam nondum inueteratæ superstitionis, discedere
 uellent; sic ut nequaquam adhortationibus sacrarum
 concionum, sed planè ualidis perdomandi armis es-
 sent; quod uictis pariter atq; uictoribus maxime cala-
 mitosum foret. Aditis itaq; Germanorum procerib.
 & pertentatis eorū animis, quum arduum atq; diffi-
 cile, maximeq; sumptuosum esse prospiceret constare
 exercitum, qui ex diuersis auxilijs par esset bellicosæ
 munitæq; syluis atq; fluminibus genti subigenda, Ba-
 sileam se recepit, ad obeundum secundi muneris offi-
 cium,

LIBER SECVNDVS. 159

cium, scilicet ut indicto inchoactōq; Concilio legatus præesset. Sancita enim lex fuerat Constantiæ, ut post quinquennium renouata sacrosancta Synodo, antistites, sacratiq; uiri totius Europæ conuenirent, ut controuersie de diuinis placitis morumq; censura suprema disputatione finirentur. Eam autem promulgatam legem mortuo Martino, Eugenius ei successus ita probauerat, ut Iulianus continuato legationis honore, toti Basiliensi negotio præficeretur. Cœptum itaq; excitatq; Concilium consursu sacerdotum eum habuit euentum, ut Eugenius ad id celebrandum uocaretur, inuidia principum & quorundam antistitum, qui ei specie religionis parti Põtificatus felicitatē inuidebant. Erant in eo Concilio multe grauissimæ res commodo Reipublicæ à pijs hominibus peragenda; quòd Bohemorū doctrina magnis artificijs sepelienda uideretur; quòd Turcæ Mysorū & Hungarorum fines uastarent; quòdq; explicanda essent uera fidei dogmata, in qua Reipublicæ Christianæ episcopi sublata discordia cõsentirēt. Quæ omnia ut ritè discuti, recteq; decerni possent, præsentis Põtificis personam efflagitare uidebātur. In hac re deposcenda adeò multus fuit Iulianus, ut appareret nimio pietatis studio, aduersa & planè aliena Pontifici postulare. Ponebat enim decus suum quod probitate Christiana nitetur, ante commodum salutemq; Pontificis, qui in seuèrissima Synodo dignitatis, & totius fortune sue periculum esset aditurus. Extāt duæ à Iuliano scriptæ epistole ad Pontificem, quibus eum graui cum obiurga-

tione reprehēdit, quòd citatus laboranti Reipublicæ
 non subueniat, & contra iusiurandum indicto conci-
 lio non intersit; usq; adeò intemperanter, ut seni, &
 articulari morbo laboranti, lecticam ad iter non de-
 futuram scribat. Nec excusandus cēseretur, si parum
 pia parumq; generosa tergiuersatione, hominū pro-
 batissimorum opinionem falleret. In ea expostulatio-
 ne Iulianus planè impudens & ambitiosus quibusdam
 uideri poterat, nisi in eo mirum communis cōcordiæ
 studium, & cura religionis præclara extitisset. Cete-
 rum Eugenius uti aliàs profunda prudentia uetus Se-
 nator, & Pontifex quanquam nouus, sui muneris &
 personæ nusquam oblitus, eam cōtumeliam lenissimè
 dissimulauit. Synodum enim tanquā immanē & mul-
 torum capitum belluā ad exitium maximorum Pon-
 tificum caca rabie cōcitam esse differebat; ratus his
 adimi libertatem & uitam, qui in externis terris ei
 belluæ se committerent. Non reformidabat tamē Con-
 cilium, sed eius locū deuitabat, Bal:hasaris Cossæ exi-
 tum perhorrescens. Igitur Eugenius cōmonefacto Iu-
 liano, ubi sensit insidias sibi parari, Concilij locum
 damnat, tanquam Hispanis, Gallis atq; Italis antisti-
 tibus incommodum; earum actionum decretis fidem
 abrogat, solenneq; concilium in urbe Ferraria futu-
 rum edicit; accersiturq; è Constantinopoli Ioannes
 Græcorum Imperator, ut ex eius authoritate, Græcæ
 gentis controuersie cum Latinis componantur. Nec
 multo pōst pecunia Pontificis conductæ aliquot Tri-
 remium classe, Imperator cum lectissimis suæ gentis
 episcopis

episcopis atq; proceribus emensus Hadriaticum Ferrariam aduehitur, comitante ipso Iuliano cardinale legato. Is enim Basileæ malignitatem quorundam detestatus, qui non studio instaurandæ religionis, sed circunueniendi Pontificis, inaudita libidine ducebatur, ad Eugenij uoluntatem se contulerat. In Cōcilio nāq; Eugenio, quod citatus non uenisset, cōfestim exauctorato, creatus fuerat pseudopontifex Amideus Allobrogum princeps, qui filijs natu iam gradibus senex, Eremitarum more in abdita & nemorosa loca, tædio publicarum rerum secesserat, Felixq; appellatus magna celebritate Basileæ fuerat coronatus. Sed aduētus Græcorum quum Synodus metu pessilentiæ è Ferraria Florentiā translata maximè floureret, actiones Basilienses magnopere refrixerunt. Felix autem eam intempestiuæ dignitatis tulit sortem, ut exutus Pontificatu cardinalis à legitimo Pontifice crearetur, quod seni uenerando atq; innocentissimo, honos purpuræ ad solatium relinquendus esse uidebatur. In his grauißimi negocij disceptationibus Iulianus eximiā cum præclari studij & generosæ industriæ, tum multiplicis doctrinæ laudem tulit, quum male sanam de processione Spiritus sancti Græcorū opinionem Romano dogmati conciliaisset. Interea compositis apud Florentiam Græcorum & Latinorum cōtrouersijs, peractōq; cōuentu, Ladislaus Polonorum & Hungarorum rex, prosperè cū Turcis ad Hæmum montē cōfluxit, Carambeio Amurathis primario duce captō. Verūm Ladislaus suarum & hostilium uirium æquis

estimator, ab ea uictoria prudenti consilio non iniquam pacem quaesuit, cōcedente eam Amurath, qui explicare se Hungarico bello, & aduersus Cilicię regem sibi ad iniuriam opportunum, mature proficisci cupiebat. Ea pax Pontifici & Christianis principibus post insignis uictorię prouētum nunciata, tanquam intempestiua, inutilis atq; indecora displicuit; iā pridem enim Christiani ferē omnes, collatis uiribus, ingens bellum in Amurathem decreuerant, orante & uehementer expetente Græcorum imperatore, ut sibi à ferocissima gente circumuento opem ferre maturarent. Georgius quoq; Castriotus, cui Scanderbego cognomen fuit, qui in Epiro Amurathem eiusq; præfatos magnis detrimentis affecerat, se cum ualidis copijs regi Hungarico Thraciā inuadendi affuturū pollicebatur. Eo modo rex iuuenis secundę uictorię spe incitatus, adhortatione principum pacem uiolat, bellumq; suscipit, maiore quā antea apparatu, conatuq;. In ea rerum occasione Eugenius Iulianum, quonemo potior uidebatur, legatum ad regem misit, qui cum eiusq; gentes ad sacrum bellum concionibus incitaret. Retardabat tamen regem pudor ingenuus, aduersus imminētē uiolandę pacis infamiam. Sed unus religionis respectus uerecūdiā discutiebat, pronunciantē legato fidem infidelibus Mahometanis nequaquam esse seruandam; quando ipse eius conceptę fallacię mane piaculum, auctoritate Pontificia cōtinuū esset deleturus. Iurarent pacem solēni cerimonia, hinc Ladislaus, & illinc Sannoceus Amurathis legatus.

tus, ea stipulatione, ut utriusq; legis instrumenta proferrentur; hinc scilicet Euangeliorum liber consecratus; illinc Alcorani religiosum uolumen, quo Mahometis dogmata continetur. Ladislaus per hunc modum à fide data nequaquam regio more discedens, inauspicatò motis signis, ad Varnam Pontici litoris urbem infesto exercitu penetravit, ut in ora Christianam classem expectaret. Quibus cognitis rebus Amurathes Christianorum leuitatem atq; perfidiam grauissimis uerbis detestatus, è Cilicia rediēs, magnis itineribus ad Hellespontū traductis copijs, septimis castris peruenit ad Varnam. Eius aduentus nostrorum opinionem celerior regem in primis & Ioannem Huniadem Turcico assuetum bello uehementer perterruit. His autem animis utriq; in aciem est descensum, ut primo congressu Amurathes de uictoria desperasse tradatur; nisi noua & recentissima Turcarum ala, nostris imperitè laxantibus aciem uictoriae occasione ademisset. Ladislaus enim acerrimè pugnans stratis nobilioris alae equitib. ad Ianizaros praetorianos pedites penetrarat; sed sinu facto in medium receptus, suffraginibus equi succisis, rex corruit, atq; ita trucidatus est, Huniade frustra interfecti cadauer è manibus hostium eripere conāte. Rege interfecto, caput eius Barbari lanceae praefixum circumferentes, sublato clamore nostrorum fugientium tergis institerunt. Huniades intactus effugit. Iulianus uerò legatus qui praelata cruce hortabundus regia signa sequebatur, quum ad lacunam sitienti equo habenas laxasset,

superuentu hostium. aut, ut pleriq; existimarūt, Hungarorum seuitia trucidatus interijt, multa cum cōtumelia onerantibus Barbaris, quod sacerdos cōtra ius Gentium fidem uiolandam abrupta pace fœdē censuisset. Vir certē tam tristi uitæ exitu indignus; nisi eo Fati genere aditum sibi ad cælum perēni cum gloria muniuisset. Præclarum autem uiuida gloriæ lumen, quod æternum luceret, hoc uerē pio atq; honestissimo uitæ exitu, posteris suis reliquit. Nam post multos annos, ab hac optimi Senatoris memoria, qui pro salute Christianæ Reipublicæ se deuouisset, Alexāder sextus Iulianum Cæsarium huius nomen referentem, generosis ornatum moribus, & Leo decimus Alexadrum eruditi ingenij, uirtute insignem, ad instaurandam familiæ de Republica bene meritæ dignitatem, in Senatū legerunt. Eius effigiem eleganter (ut illa ferebat ætas) in tabula pictam Iulianus Cæsarius abnepos, qui hodie familiæ nomen cum dignitate sustinet, exscribendam tradidit. Vixit annos XLVI. Obijt anno à partu Virginis quadragesimo quarto supra Millesimum & quadringentesimum.

Antonij Francisci Rainerij.

Te decorant magni cognomina Cæsaris, unde Ducis auos, atauosq; & prisca exordia gentis; Quiq; lacertosus uexilla Patrumq; Quiritumq; Extollit sinuosa auro, atq; asperrima signis Vestrorum decus heroum, columenq; nepotum. Te decorant ostro insignes duo lumina, patres

Conati

Conati euerso pariter succurrere seculo,
 Qui tecum aethereis potiuntur nectare mensis.
 Te decorat tua te pietas immensa labentem,
 Quæ ruit (heu pietas miseranda) ut fulciat orbem.

Sub effigie Tamerlani Scytharum Imperatoris.



AMERLANES Scytharum Imperator, qui propter inauditam animi seueritatē atq; seuitiā portentosasq; uires, orbis terror, et clades Orientis appellatus est; ex humili militiæ loco per omnes honorum gradus ad eximiam bellicæ uirtutis opinionem, & deniq; ad summum imperiū ascendit, insigni præsertim applaudentiū militum studio, quum adulatione quadam Temir Cuthlus uocaretur, quæ uox Tartaricè, fortunatum ferrum significat. Eum Samarcandæ urbis, quæ est ad Iaxartem amnem Sogdianæ regioni finitimum, infimæ classis ciuem fuisse tradunt. Quam urbem usq; ab Alexandri magni temporibus Q. Curtio notam uidemus, testanturq; Persæ homines, historiæ non ignari, quibus cum nos collocuti sumus, Samarcandam à Tamerlane tanquam patriam suam totius subacti à se Orientis opibus & spolijs mirè auctam atq; exornatā fuisse. Erat Tamerlanes ore truculento, recedētibusq; oculis semper minaci, corpore autem ingēti, ualidisq; neruis adeò firmo laceratoq; ut Scythici ingentis arcus chordā, quod paucissimis præstare licebat, ultra aurem extenderet, cu-

preumq; mortariū pro scopo sagittarijs in ludo propositum, emisse harundinis spiculo perfoderet. Sed cum nōnulli authores altero crure debilitatū, ideoq; deformiter incedentem scribunt. Ceterū acclamatus imperator, una præsertim nominis auctoritate ex innumeris gētibus belli prædæq; auidis, tot copias contraxit, ut proficiscentibus alimenta uiris, & herbida pascua iumentis defutura crederentur. In eius exercitum coiuere Sogdiani, Aracosij, Bactriani, Hircanīq;, qui hodie uno nomine à Barbaris Zagatai appellantur. Præterea Scytharum etiam Hordæ, quæ à laxarte ad Volgam amnem, & ultra id flumen usq; ad Moscam sedes habent. Hordæ enim agmina Tartarorum uocant, quæ incertis semper sedibus per immensas solitudines usq; ad Imaum montem euagātur, Amaxobij ab Antiquis uocati, quod in curribus centone protectis aduersus frigora uitam degant. Harū Hordarum maxime potentes & bellicose Cassania, Sciabania, Nogaiq;, Moscouitis commercio familiares Tamerlani paruerunt. Nam reliquæ remotiores à magno Cane Cathaino, qui in ora Oceani regione, Sinarum potentissimus regnat, imperia accipiūt. Sublatis itaq; signis Tamerlanes eā multitudinem tranando Volgam traduxit, cursus rapiditate & multitudine aquarum post Nilum & Istrum flumiorū amplissimum. Sed is deductus in septem cornua, quib. in mare Caspium turbidus & lenior erumpit, commodiorem trāsitum præbet. Itaq; humilioribus repertis uadis, infra Citracham celebre Emporiū omnis multitudo

tutissimè transuecta est. Fuere in ea tot gentiũ
colluue centum myriades peditum & equitum, in-
gensq; maioris & minoris pecoris numerus; quod
partim ceruicibus tranantium equorum, partim subi-
tarijs ratibus sustinente atq; excipiente in medio pro-
fluentis amnis equitatu traductum est. Singuli porrò
equites peditem in equi clunes sublatum transporta-
runt. Auolga demum qui Rha antiquitus appellatus
est, Tamerlanes per Hiberorum Albanorumq; nemo-
rosas conualles, ad Derbenthi oppidi angustias perue-
nit: quæ ferreis portis, & lapideis antiqui operis pro-
pugnaculis præcluduntur. Nec satis constat an metu
tanti hostis præsidarij Persæ loci custodiam deserue-
rint; an ui depulsi fuga salutè quæsierint. Tum uerò
effusa multitudo omnem Armeniam inundauit, eo-
dè itinere, quo Hyelon & Absaga Christianis de Hie-
rosolymitano regno cum Aegyptijs certantibus cen-
tum ferme annis ante aduentũ Tamerlanis in Syriã
penetrarunt, incertum socij an hostes forent; quũ re-
ligiones Idololatrarum sequuti neq; harum, neq; illa-
rum partium uiderentur. Verũ illi frustra muneribus
Balduini regis inuitati, repudiatis Christianorũ
sacris ad Mahometis superstitionem declinarunt. At
Tamerlanes aliquot maioris Armeniæ urbibus captis
& Sulthania Persarum olim regia direpta, atq; incẽ-
sa, dextorsum iter flexit, Eufratẽq; ad Arsengam su-
perato, in Cappadociam sese effudit; quo Baiazetem
Turcarum regem soluta obsidione Byzantiij magnis
instructum copijs, ut fines tueretur, aduentare didi-

cerat. Peruenere itaq; duo maximi orbis imperatores,
 duobus longè maximis subnixi exercitibus ad Stellā
 montem, memorabili Pompeij Magni uictoria & Mi-
 thridatis calamitate celebratū. Huic ab Antitauri ra-
 dicibus exporrecto uasta planities subiacet, cāpis un-
 diq; ad conferendas manus latè patentibus, qui hodie
 Turcarum lingua Cassouasi, id est campi Anserū ap-
 pellantur, quod id uolucrum genus statis anni tempa-
 ribus eò cōueniat, ut in Europam agminibus atq; im-
 perio ducum prouolet. Congressuris itaq; summis du-
 cibus, & in unius prosperæ uel aduersæ pugnae euen-
 tum, de uita atq; Asiæ imperio certaturis, suæ artes
 utriq; non defuerunt. Tamerlanes enim peculiaribus
 gentis suæ confusus armis edixit, ut unis sagittis incū-
 dum prælium, idq; indefessè instaurandum, & deniq;
 conficiendum esse existimarēt. Se enim daturum ope-
 ram, ut ab aurora ad occasum solis strenuè rem gerē-
 tibus sagittæ non deficerent. Insituerant siquidē plu-
 res camelos qui per agmina circumducti sagittarum
 fascēs, pediti atq; equi suppeditarēt. Ex aduerso Ba-
 razetes Scythica non imperitus pugna, quod unum
 ratione prouideri poterat, cohortatus milites, pronū
 ciari iusserat, ut equites elatis supra capita scutis, pri-
 mum sagittarum imbrem cōstanter exciperent, incli-
 natisq; repentē hastis, in hostes procurrerent; quod
 fœda inermisq; hostium multitudo, hastarum cuspidi-
 bus transfodi, & gladijs concidi facillè posse uideretur.
 Imperata igitur fecere fortissimæ Turcarum ala,
 contemptisq; intrepidè sagittis, ingēti procursu, gra-
 uiq;

quique impetu in confertos irruere, tanta ui, ut magna
poreis & galeis carentium strage edita, uix hosti ad
expediendos abiectis arcubus acinaces spacium relin-
querent. Sed tanta erat sagittariorum circumfusa un-
diq; multitudo, ut posteriora Turcarum agmina, den-
sissima atq; perpetua cadetium sagittarum grandine
sternerentur. Tartari enim more suo in cœlum sagit-
tas emittunt, ut grauiore casu decedentes, ceruices e-
quorum & terga perfodiant. Neq; enim oblongæ &
inflexæ Europeorum pelte, neq; rotundi Asiaticorū
clypei, infixas perforantesq; sagittas sustinebāt. Nus-
quam ab ulla annalium memoria, numerosiores co-
pie, tumultuosius & acrius uel efferatis in mutuum
cruorem animis, obstinatus inter se manus contule-
runt; reciprocante siquidem magno aestu urgentium
propellentiumq; agminum uictoria incerta per mul-
tas horas, instar pelagi aduersis agitati uentis modò
hac, modò illac iactata est. Sed ea demum inclinante
sole, quanquam multo parta cruore, penes Tartaros
stetit. Baiazetes equo pluribus sagittis confixo, caden-
teq; quum strata suorum uexilla conspexisset, captus
est, seruatusq; ad ludibrium satietatemq; alienæ su-
perbiæ, immani scilicet Tamerlanis animo nullis in-
miserum, & tanti modò nominis regem accumulatis
contumelijs unquam exaturato. Victori nanq; uictus
ut gradum faceret, ascendenti equum, dorsum præbe-
re cogebatur; exemplo uti credi par est, Saporis Par-
thorum regis, qui Valerianum Romanum imperato-
rem indignis huiusmodi iniurijs insolèter oneratum

ad mortem adegit. Sed eadem sati uis nequaquam matu-
 ture Baiazetem suis ærumnis eripuit, quum prius in
 cauea ferrea per Asiam circumductus, diu fortuna sua
 miserabile spectaculum præbuerit. Sed ab hoc inexo-
 rabili barbaroq; Tamerlanis ingenio, singulare iuste
 faueritatis exemplum prodijt. Quum enim homo Li-
 gur gemmarum insignis mango, ob idq; Tamerlani
 qui magnopere gēnis oblectabatur, familiaris, indu-
 cto sermone de Baiazetis miseria, illum humanitatis
 atq; clementie blandē admonuisset, & ut meminisse
 uellet Baiazetē inter Mahometanos reges uictorij
 & opib; fuisse clarissimum: Tamerlanes obducta frō-
 te, contortisq; in illum oculis, uerbum redarguēs re-
 spondit: se non regem nobilitate atq; potentia super-
 bum, sed hominem improbum, impieq; nefarium di-
 gna poena plectere, qui maiorem natu fratrem inhu-
 maniter occidisset. Cæterum Tamerlanes ea uictor a-
 cie, qua supra centum & quadraginta milia hominū
 caesa referuntur: spolia legit, exercituiq; æquissime di-
 stribuit. Victores porro largiter ac opipare per tri-
 duum epulati sunt: nam equi propē innumerabiles
 aut ceci derant, aut ita vulneribus debilitati fuerāt, ut
 quum usui esse non possent, passim ad instruenda cō-
 uinia mactarentur. Tartaris enim mos est equina car-
 ne populariter uesci, & quum cætera alimenta defec-
 erint, incisa sub aure equorū uena, epotoq; in de san-
 guine inediam tolerare. Transgressus autem Taurum
 montem Tamerlanes, in Mesopotamiam irrupit, tan-
 to armorum strepitu terroreq; hominum, ut passim
 omnibus

omnibus urbibus reciperetur: tendi enim prætorium sibi iubebat primo die, quo in conspectum urbium se dabat, colore candido: ut intelligerent homines clementiam & salutem se statim deditibus sincera fide promitti. Secundo die rubro tentorio utebatur, quo denunciabat in cunctaundos gladium esse districturum. Tertio porro dis atricoloris papilione extenso, indicabat se cuncta ferro et flammis absumpturum. Enimvero truculenta uoce profitebatur se Dei maximi iram esse, quæ deprauati seculi mortales ulcisceretur. Nulla fuit nec in Mesopotamia, nec in Comagena, nec demum in Syria ciuitas, quæ portas non aperuerit. Nam superato Eufrate usq; ad maris Syriaci oram signa promouerat. Hæsit tantummodò aliquā diu in Damascum in expugnanda arce, quum ea in nostrum morem à Florētino architecto munitissimè edificata, tãti uictoris impetum retardaret. Sed cæsa in Libano mōte materia, arcem erecta munitione circumuallauit: ea altitudine, ut Scythæ sagittarij cœnium coronam superantes ad unum custodes omnes interfecerint. Exinde quum Sultani Memphitici copias per duces non longè à Pelusio profligasset, Aegypti regnum, & Memphis immensa urbis opes insatiabili animo meditantem, una sitis auertit, quæ per arenosas solitudines aquæ indigas timebatur. Itaq; uictorijs suis modum imponens, quū & exercitū eius atrox pestilentia popularetur, spolijs onustus Samarcandam rediit, ubi fato functus est, anno à partu Virginis quinquagesimo secundo supra Millesimum.

Antecessit autem eius mortem ingens & luridus Co-
metes, quo portendi mors tanti regis uisa est: quan-
quam & Ioannem Galeacium Vicecomitem Medio-
lani potentissimum principem, eodem defunctum an-
no, respexisse multi crediderunt. Fatali quoq; sorte
euenisse constat, ut utriusq; principis bini heredes si-
ly parem fortunam tulerint, quum utriusq; proles à
paterna uirtute sic degenerarit, ut imperium tueri ne-
quiuerit, breuiq; circulo duo maxima imperia, si mo-
dò conferenda sunt, collapsa defecerint.

Faerni.

Ille nouus Xerxes, orientis uictor, & ingens
Quacunq; permearet, horror gentium,
Compleuit totos Scythico qui milite campos,
Hoc se ferebat ore trux Tamerlanes,
Cuius in aduentum tuæ altis mœnibus urbes
Ipsumq; terræ contremiscebat solum;
Ipsi adeò montes, ipse per deuia ualles
Vim Barbarorum non ferebant agminum.
Quare ab Caucaiseis Asiam conuallibus omnem
Ad usq; Nili flumina armis subdidit;
Eufratem & Tigrim, & rapidum tranauit Orontem
Vi, uastitate, cæde, cuncta proterens;
Vtq; olim fœda cum tempestate coorta
Erumpit atra nube fulmen igneum,
Obuia quæq; cadens perrumpit & alta sonanti
Templa atq; solidas strage tûres dissicit,
Subsidit uasto tellus labefacta fragori,

Humi-

Humilisq; mentes sternit humanas pauor:
 Haud secus ille uiam ferro molitus, & igni,
 Euerit arces, oppida æquauit solo.
 Regem Asiae horribili captum impete Baiazetem,
 Caueaq; clausum ferrea circumtulit.
 Hæc agitantem illum, & spirantem immania iussa
 Quæ cunctus undiq; orbis expauesceret,
 Exiguo œcæ domitum molimine febris,
 Fatalis uno, soluit hora triduo.
 Deq; tot insanis opibus, de tot modò regnis
 Reliqua una paruo gleba textit puluere.

Sub effigie Baiazetis primi, Tur-
 carum regis.

BAIAZETES eius nominis primus,
 Othomannorum principū ordine quar-
 tus, hoc austerioris Scythico rictu, hir-
 tisq; cirris discriminata prolixè barba
 terribilis, à singulari celeritate, repentinoq; & uche-
 menti bellicarum actionū impetu Hildrim est appel-
 latus, quæ uox apud Tartaros cum tonitru terrificū
 fulmē significat. Ne quis autem miretur, unde ad nos
 antiquorum præsertim Turcarum regum ueræ ima-
 gines peruenierint, operepretiū erit enarrare, quo
 pacto curiositati nostræ fortuna arriserit. Hariade-
 nus Barbarussa Othomanica classis præfectus, quū ar-
 dente bello inter Carolum Cæsarem & Franciscū re-
 gem in auxilium à Gallis euocatus Masiliam perue-
 nisset, amicitia inijt cum Virginio Ursino Anguilla-

ria Comite, Gallicarum aliquot triremium prefecto, certatumq; est inter eos magnis muneribus, ea tamen conditione, ut aliquanto pretiosiora Barbarus acciperet dona, quam rependeret. Nam illum Virginius Romana liberalitate nostrarum rerum copiam auidè expetentem, celato argento & multa serica ueste donauit: ille Virginium arcu Scythico cum pharetra nobilissimi operis, & Persico acinace gemmata uagina insigni, qui Hismaelis Sophi fuisse dicebatur, atq; itè talari toga auro & purpura intertexta, addès arculam ex ebeneo & ebore fabrefactam, in qua undecimo Othomannorū regū uera simulachra, pro captu barbarorum artificum pretiosis coloribus in leuigata chartæ tabellis depicta uisebatur; quæ Virginius elegantia studiosus omni alio munere pluris aestimauit. Neq; Barbarussa commētijs imaginibus Virginiū decepisse existimandus est; nam quū inferiorū Othomannorum tabellæ pictæ & numismata ærea, quæ apud nos uisuntur cum illis mirè conueniant, superiorum etiam regum ueras esse formas censendum est. Has omnes Virginius magnis exoratus precibus Alexandro Farnesio Cardinali & mihi, latioribus in tabulis ad delectationem elegantium uirorum pingendas communicauit. Primus igitur qui regis nomen tulit, tantiq; imperij fundator extitit à tenui Galaciæ oppido, quod Othomanzicum hodie uocatur, Othomannus est appellatus, quod nomē postea in familiā transiisse perspicimus. Tanta autem uirtute atq; fortis nā Othomānus fuit, ut inter nobiliores Scythici sanguinis

guinis familias, uetustatis dignitate sibi pares, maxime illustris emineret, summūq; ei decus Eurenēsij, Thuracābi, Michalogli atq; Malcoccij æquis animis cōcederent. Pugnaci siquidē ingenio atq; imperij auidō finitimos, uel etiam suæ gētis feliciter adortus, clarissimas Asiæ arbes Sebastam, Synopen & Ancyrā audaci consilio & inuictis armis ditioni suæ adiecerat. Imaginē eius quæ maxime ardentē oculos representat, habitu acinacem distringentis expresserunt: quod intelligi uolebant, Othomanorū imperium armis quæsitū, armis defendi proferriq; debere. Proinde uetus atq; perpetuū Turcarum institutū est, ut intranti templum supplicandi causa imperatori Talismanus adituus sacerdos occurrat, claraq; uoce pronūciet, ut meminisse uelit imperium quod iusticia & uirtute bellica partum sit, non alijs quā iisdem artibus conseruari propagariq; oportere. Cōstat autem Othomannicæ domus imperium cœpisse anno à partu Virginis trecentesimo supra Millesimum, quam quingentis antē annis Turcas ex Scythia profectos in Asia sedes occupasse compertum est, qui tamen regem, aut summum imperatorem initio non habuerunt, utpote qui diuisi per Tetrarchas & regulos cum imbellibus Asiæ populis Constantinopolitanisq; Cæsarib. suo arbitrio bella gerere cōsueissent: quāuis eos aliquādo in unū cōsentire coegerit, cōmunis metus à Gothifredo Bolionio uniuersæ Asiæ illatus. Tum enim coactis uiribus, & Solymāno tumultuario duce creato, ad Nicæā cū eo collatis signis haud proflere

conflixerunt. Ceterum Othomannus quum uiginti
 octo annis regnasset, fato functus est, Orcane filio im-
 perij herede relicto. Hic magnitudine animi, ui cor-
 poris, & cupiditate proferendæ dittonis patrem a-
 quauit; bellicis autem æquè bonis & malis artibus,
 uir dolosus & solers, profusq; in primis & perenni
 erga milites liberalitate superauit. Per hunc modum
 ueterano instructus exercitu, quum amicitiam & fœ-
 dus cum Cilicie rege ducta in matrimonium eius filia
 iniuisset, Michaeli Paleologo Constantinopolitano
 imperatori graue bellum intulit; adortusq; demum
 Prusiam Bithyniæ caput, eam urbem obsidione &
 admirandis machinis expugnauit. Sed non diu ea ui-
 ctoria letatus est; nam in ea oppugnatione sagitta
 ictus, quum spiculum humeri osibus infixum sine ui-
 tæ discrimine reuelli nequiuisset, obducta plaga, fe-
 brem & saniem mortiferam aliquot post menses ac-
 cersuit, anno eius imperij uigesimo secundo. Orcani
 successit Amurathes filius, uir nequaquam maiorum
 exēplo manu promptus, sed bello & pace simulator
 egregius; quippe qui astu & uigilantiâ singulari, oc-
 casiones proferēdi imperij opportuniſsimè captaret,
 nusquam firma fide aut incolumi iureiurando: pa-
 cem tamen cum Paleologo religioſè tuebatur. Magno
 autem Amurathis commodo bellum intestinum inter
 Græcos sub id tempus exarsit. Nam Græci proceres
 ab Imperatore rebellarant, subnixi societate Marci
 Craiouiij Bulgarorum principis. Itaq; enata est oc-
 casio Græciæ, & penè toti Europæ exitialis, qua Pa-
 leologus

leologus uiribus impar, subigēdis rebellibus auxilia
 ab Amurathe iure foederis postulare coactus est. De
 dit hoc amicitie liberaliter & astute uicinus Amura
 thes, traiecereq; in Græciam duodecim milia delecto
 rum Turcarum, quibus maturè Grecorum & Bulga
 riorum audaciam Paleologus repressit. Eo euentu, ue
 confecto bello, remissis septem milibus Turcarum in
 Asiam, reliquos praesidij sui causa, qui in Thracia re
 manerent, ab Amurathe facile imperauit. Nec multo
 post Amurathes nō obscure à suis inuitatus, qui uber
 tatem Thracie & Græcie agrorum extollebant, tā
 quam socius uel inuiti Caesaris, cum sexaginta milib.
 Turcarum per Hellespontum in Græciam traiecit, si
 mulatione persequendorum Grecorum, qui à nomi
 ne Paleologo antea defecissent. Praestitere officij in
 traectu duæ Ligurum onerariae naues, quæ eius por
 torij pretium insigni auaritie Christianæ probro, au
 reum nummum in singula militum capita tulerunt.
 His copijs Callipolim expugnauit, peruagatusq; latè
 Græciam & Thraciam, uel gemente imperatore Phi
 lippopolim, & quæ est supra Hebrū Hadrianopo
 lim occupauit: consternatosq; ad arma, resistereq; de
 mum æquo campo ausos Lazarū Seruie Dispothū,
 & Marcum Craiouicum acie superauit. Lazarus eo
 prælio captus in carcere mori coactus est: cuius in
 dignam necē seruus natione Triballus, eius olim cliēs
 uindicare constituit, certissimæq; morti se deuouens,
 Amurathem pugione iugulauit, quum regnasset an
 nis uiginti tribus. Hoc Amurathe genitus est Baiaze-

ELOGIORVM

tes, de quo scribimus, qui à cæde Solymani fratris imperium est auspicatus, Dijs nō obscure id execrabile scelus damnantibus, cuius postea praeclarus uindex Scythæ Tamerlanes extiterit. Itaq; Baiazetes amulī fratris solutus metu, in urbe Hadrianopoli imperij sedem fixit, quod ad proferēdas uires Asiatica Prussia opportunior censeretur, inenso scilicet animo atq; arma expediēti in Triballos & Mysorū gentes, quæ recta secundum Istrum ad mare Ponticum extenduntur. Propterea Marcus summo discrimini obuiam armis eundum ratus, quum in aciem descendisset, cum uniuersa Bulgarorum & Mysorum nobilitate trucidatus, imperium cum uita amisit. Ab ea uictoria Baiazetes extremam Illyrici regionem, quæ hodie Bosna est, & interiore Macedonia atq; Epiri partē, quā Albaniam dicunt, adeo infesta populatione inuasit, ut nemine resistere auso, innumerabilem captiuorum multitudinem in Thraciā adduceret. Nec multo post euasata Thessalia, Thraciāq; usq; ad Bosphorum, et deletis Byzantiorum suburbanis delitijs, Byzantio castra admouit, tanto Græcorum metu, ut Ioannes imperator diffusus uiribus suis, ad imploranda auxilia, in Galliam usq; nauigare cogeretur. Agnouit periculum iustasq; preces rex Carolus, uti maximè piū et Christianorum opulentissimum regem decebat, et Ioannem fratris filium, qui postea Burgundia principatum adeptus est, cum nobilissimo equitatu in Pannoniam misit, ut Sigismūdo Bohemiæ atq; Hungariæ regi in communes hostes arma paranti iungeretur.

Hic

Hic est ille Sigismundus, Henrico Cesare proauo, qui ad Boncouentum in Etruria obiit, & Ioanne Bohemie rege auo, qui in Gallia eo praelio cecidit, quo Ioannes Gallia rex à Britannis captus est: patre uerò Carolo quarto Cesare inelytus. Is tum ualidas copias ex regnis suis finitimisq; Germanis coegerat; atq; ita suscepto itinere ad Nicopolim Mysie urbē penetratum est. Sed ea urbs improspere tentata, Baiazeti spatium dedit ad cogendas copias, qui sua usus celeritate, cum sexaginta milibus equitum ad tertium Calendas Octobres nostris in conspectum se dedit. Pugnatum est summa nostrorum temeritate, Gallorūq; praesertim, qui primi agminis decus deposcebant. Neq; enim retineri potuerunt, quin uel inuitis ducibus & frustra retentantibus in primos hostium antecursores impetum facerent, antequam peditum Germanorum phalanges, et Hungari Bohemiq; equites appropinquarent. Frementes enim dicebant à Sigismundo explorata uictoriae gloriā sibi inuideri. Eo modo Baiazetes temerē effusus, nec cōsertos seruātes ordines lunata acie circumuenit, atq; omnes in medio Gallos trucidauit. Quorū infelici exiit nosiri repētē territi, in fugā se dederunt tanta trepidatione, ut Sigismundus agrē ē manibus hostium elaberetur; Ioannes autem cū paucis ducibus pretioso cultu cōspicuis in potestatem Baiazetis deueniret. Baiazetes proiecto ad pedes, & salutem suppliciter deprecāti respondit, se uitam uel mortem merenti concessurū, ob id quod inuenis et regio sanguine editus esset; in cōspectuq; eius

captiuos omnes præter quinq; proceres, quos ad solatium carceris comites dabat, ad unum trucidari iussit. Horum nomina à nobis memoria tradita sunt, in eo libello quo Italica lingua ad Carolum Quintum Othomannorum origines & res gesta s perseripsimus. Hac nostrorum clade, suaq; insigni uictoria elatior factus Baiaxetes, nihil sibi moræ attulit, quin ad oppugnandum Byzantium cõuolaret; defatigatisq; iam & attritis Græcorum uirib; edeuentum erat, ut ferocissimo hosti resisti non posset, nisi Tamerlanes Scytharum imperator centum miriadas equitum & peditum trahens in Asiam torrentis more sese effudisset. Is hostis uel inuitum Baiaxetem interpellata uictoria in Asia auocauit; ausumq; collatis signis acie congre-di, toto penè eius exercitu caso, ad Stellam montem uiuum cepit; ea feritate, ut eius procumbentis tergo, quum equum inscenderet ad ludibrium uteretur: ferreaq; demum cauea curruli in more fere bestie, usq; ad uite miseriarumq; exitus circumtulerit.

Augusti Cocceiani.

Tu ne credideris fortè, nefas, hic tibi maximi
Spectari superum fulmineam regis imaginem,
Quod depicta Iouis tela uides, egregia manu
Præclari artificis, quod tabula conspicias in breui
Magno terrifico orbem tonitru, atq; æthera cõcuti;
Nuncq; atris Acherontis tenebris omnia contegi,
Nunc tingi liquidis sulphurei fulguris ignibus.
Non non ad Semelen auricomam Iupiter amplius

Fraudes

Fraudes coniugio commeditans uentitat improbus,
Nec tu Theſſalicum fortè putes cernere Apollinem
Arcus letiferos quòd uideas, & quòd harundines
Conſpectes celebres, tela Dei inſignia Delphici.
Hic mortalis erat, non Deus, hic Barbarus, impius.
Germani trepido ſparſit atrox ſanguine limina
Ne Europæ atq; Aſiæ regna ſibi præriperet ferox;
Hic ceu flamma rapax lauricomos per tumulos furit
Quum la:è, Boreas præcipitat flamina Thracius.
Sic ſagrans rapidos in miſeros Danubij incolæ
Ignes, ſic celes intulit in Pannonias faces,
Innoluitq; ſurens excidio robora Belgica,
Vnde illi meritò nomina ſunt indita FVLGVRS.
Sed non longa manet pœna tuam iuſta ſuperbiam.
Maior namq; tuis è Scythia naſcitur ignibus
Torrens, horribili diluuie qui rabiem tibi
Reſtinguat, furiasq; impediât fortior aſperas;
Eccecece à Tanai gens properat ſeua Tamerlanis
Infandi auſpicijs, lataq; iam regna Bithyniæ
Peruadunt, acies iam Scythicæ prælia conſerunt,
Tecum, iam caueas, aurea iam uincula comparant
Incluſumq; Aſiæ te rapiunt cuncta per oppida.
Nunc ite, atq; animos imperijs tollite principes,
Fortunæ immemores quam rota ſit prona, uolubilis.

Sub effigie Celebini Turcarum
Imperatoris.



CELEBINVS, quem alij Cyrum, nonnulli Turcæq; præsertim Mahometem à lustrico die appellatum iradunt: id nomen ideo tulisse uidetur, quod impuberes regum procerūq; filios Turcæ Celebinos uocant. Is Othomanorum principum, ut ex hac eius imagine gladiū uibrantis cernitur, formosissimus idem fuit atq; fortissimus; decoræ siquidem frontis honos, & candidi oris modicè diffusus pallor, constantesq; sine tristitia oculi, compositi animi indices, cum imperium adiit, pubescentem mirè commendabāt; in tanto præsertim publicæ cladis luctu, paternaq; miseriæ dolore in quo animum non demisisse maxima laus uideri potuit. Constat Baiazetē duos quos habebat filios Mustapham & Celebinum in Asiam ductos, secum in castris habuisse, singulari tamen prudentia, cum pugne tempus immineret, paululum eos ab eo periculo sum mouisse, ne cum tota prole incerta fortunæ alea subiret. Red iuuenes ex lugubri prælio intēta fuga ad mare descendentes, ut in Thraciam ad Bosphorū transirent, Byzantiōrū Myoparones interceperūt; ea quædam sorte, ut Mustaphas à Paleologo Cesare usq; ad mortem in carcere sit asseruatus. Celebinus autē struēte ei imperiū fortuna, aut suo usus astu, aut certè (ut credi par est) nautarum Græcorum auaritia adiutus, feliciter est elapsus. Hunc Hadrianopolim obliquis itinē-

itineribus uenientem, praefectus cum ueteranorū ma-
 nu à Baiazete Thraciae praesidio relictus, militesq; o-
 mnes tāquam post liminio redditū, laetis pro praesen-
 ti fortuna animis exceperunt. iam enim quo euentus
 ad Stellam montē dimicatum esset, ex fuga elapsis di-
 dicerant. Turcae siquidem, qui Scytharum manus ef-
 fugerant, cateruatim ad Propontidem Hellepontū-
 q; praecipiti fuga ferebantur. Nā ibi propter Castella
 ad Abydum & Sestum utriq; littori imposita Turci-
 cae ditionis, despectis naualibus Graecorum custodijs,
 tutissimus erat traiectus. Conuenerant plures uetera-
 ni ex praesidijs deducti, & ita frequentes iam ex Asia
 redierant, ut Celebinus iusto confirmatus exercitu,
 Graecorū copias tumultuario progressu sibi imminē-
 tes faciliē repelleret, & ueteres fines fortiter tueretur:
 quanquā enim rex nouus ac iuuenis ac orbatus
 patre acerrimo imperatore, & magna parte inuictorū
 antea militum importunē exutus, uigilantis ta-
 men & imperterriti nomen tuebatur. Quod si Palco-
 logo terra mariq; certa praesidia & parandi exerci-
 tus, expeditae facultates suppetissent, Christianiq; re-
 ges occasione cœlo propē demissam agnouissent, quā
 uictoria Scytharum aperuerat: profectō non in Eu-
 ropa modō, sed in Asia Othomannicū nomen undiq;
 pulsū atq; deletū foret. Itaq; Celebinus beneficio
 Tamerlanis et Palcogoli, qui patre fratreq; sublatis,
 integra atq; legitima iura parādo imperio sibi pepe-
 rerant, nostrorum ignauia confirmatus, Bulgaros,
 Triballos & Macedonas diu afflixit, usque ad Sigis-

mundi Caesaris aduentum. Is enim propter eximiam pietatem generosiq; animi laudem, Augusti nomen meritis, ualida potius quam felicia arma in Turcas iturum suscepit, excitauitq; Hungaros & Bohemos, ut studio tuendæ & propaganda religionis aduersus Barbaros, tam pia quam necessaria arma induerent. Agitabat enim animo, inuictos maiorum suorum spiritus gerens, quo pacto cladem ad Nicopolim accepta uilesceatur. Nā Celebinus iuuenis fractas à Tartaris copias trahens, reputatione Baiazetis accerrimi & antea inuicti ducis omnino contemnendus esse uidebatur. Sed eadem fortuna qua strenuè audentē Sigismundum tredecim ante annos ad Nicopolim eluserat, pari libidine ad Comlumbatium infesta persequebatur. id est oppidū Seruianorū Triballis finitimum, iuxta Samandriā, non longè à Danubio positum. Eo paribus animis & uirib. instructi Celebinus & Sigismundus peruenierant. Christiana acies equitatu impar, sed peditatu in media acie constituto superior, iniquissima ratione cum Barbaris concurrir. Equestris enim ferme totus hostiū exercitus latè cornua extendit, adortusq; equites Hungaros & Bohemos qui in cornib. erant, cruenta edita pugna, loco depulit, breuicq; circumuentum uniuersū peditatū sagittis cōfixit. Neq; enim pedites magna parte corporis inermes sagittarum multitudinem sustinere poterant, cum ordines dissoluerent, & cominus congregi properantes ab hastatis demū gladijs & clauis ferreis rem gerentibus undiq; sternerentur. Sigismundus qui

in ca

in ea exercitus perturbatione præstantis & strenui
ducis, acerrimiq; bellatoris officio nullo in loco de-
fuerat, desperata uictoria, non minore periculo quã
ad Nicopolim, insequentium barbarorum manus ef-
fugit. Ceterum Celebinus ab ea uictoria cū paucissi-
mis annis imperasset, morbo absumptus, Amurathi fi-
lio imperium reliquit, cū pontificijs sacris Alexan-
der quintus præset.

Francisci Manfredi Cremonensis.

Macte animo puer, & magna puerilibus annis
Virute exuperans, fractisq; audentior armis,
Qui medias inter classes, tela inter & hostes
Effugiens, præda crudelem eludis inani
Victorem; & patriam subito (mirabile dictu)
Fortunam immutans, rursus palantia cogis
Agnima, confirmasq; animos, reficisq; labantis
Imperij uires sceptoq; potiris adempto.
Quin & quantum armis posses, quo turbine telum
Conijceres Celebine, & stricto cominus ense
Hostiles rueres turmas, densasq; phalanges
Teutonica norunt gentes, nouere feroces
Sauromate, norunt infracta binominis Istri
Cornua, Threiciq; duces, & pallida nouit
Græcia, desertiq; agri, populataq; rura.
At tibi purpureæ primæque flore iuuentæ
Inuidit fortuna, & ineluctabile fatum,
Dumq; animo maiora agitas, nec sufficit amplum
Imperium patris, & totum spe concipis orbem

Stamina dirumpunt Parca, uictusq; superba
Tandem morte cadis, lucosq; inuisis Auerni.

Sub effigie Ioannis Aucuthi Britannii



O ANNIS Aucuthi ex ultima Britannia inclyti bello ducis uera effigies in templo maximo Florentiae colosseae magnitudine spectatur, quum propter insigne meritum à gratissimo senatu equestris statuæ, & tumuli honorem eximia fidei, bellicæq; uirtutis testimonium honestatus fuisset. Is Anglico sanguine progenitus fuit ex stirpe Frisiorum Germanorum, qui in Insulam transgressi pulsus ueteribus indigenis, sedes beatiores, & deniq; regnum & imperium ante mille annos occuparunt. Venit autem in Italiam Aucuthus bello Belgico, æquæ apud Gallos hostes, ac suos uirtutis nomine clarus cum Lionetto Clarentiæ regulo, qui Odoardi regis filius à Galeacio secundo Vicecomite in generum ascitus fuerat. Sed his nuptiis incredibili conuiuiorum sumptu atque apparatu ludorum Mediolani celebratis, conceptus est Lionetto morbus ex mutatione coeli luxuque epularum, & noua nuptæ complexibus, qui non multo post ad Albam Pompeiam inisæ affinitati & uitæ finem attulit. Barnabas nouæ nuptæ patruus, qui tum graue bellum in agro Mantuano gerebat, facile à Lionetto impetrauit, ut Aucuthus Britannorum dux atq; eius comitatus princeps, in castra auxilij nomine duceretur. Barnabas enim

uir

uir pugnacissimus, Anglicæ disciplinæ atq; uirtutis periculū facere cupiebat. Pluribus itaq; tumultuarijs prælijs Aucutho summaui, summaq; prudentia occasiones paranda uictoria feliciter excipiente, & Anglis egregiè sagittis rem gerentibus, eò admirationis Barnabas est adductus, ut probaret gentis disciplinā & Aucuthi uim ac ingentum magnopere susciperet: nec multo post crescentem mutuis officijs beneuolentia, Aucuthus in generum ascisceretur. Collocata enim est ei in matrimonium filia, quam ex Porra nobili cōcubina suscepserat. Ea affinitas uirtutis nomine parata, Aucutho stipendia auxit, & famam Anglicæ uirtutis per Italiā extendit, quod bellicosissimus princeps tale de externi uiri uirtute non temerè iudicium fecisset, proptereaq; à principibus liberisq; ciuitatibus Aucuthus expeteretur. Nam ea tempestate externis copijs & ducibus apud Italos bella gerebantur. Accidit autē certis offensionib; ut Angli qui erant apud Albam mortuo Lionetto relictī obliuq; eius affinitatis, ab amicitia Galeacij & Barnabæ repente discederent, hostibusq; eorū iungerentur. Qua uoluntatum cōmutatione multa Cisalpina Gallie oppida crudeli Anglorū rabie uastata sunt. Exinde Aucuthus & stipendijs auctus, nouas spes aliāq; fortunā sibi querendam existimauit. Gregorio namq; pontifici operam nauauit, receptisq; singulari cum laude togatæ Gallie urbibus quæ defecerant, quinq; oppidorū ditionē uirtutis ergò promeruit. A pontifice demū ad Florentinos uberiora stipendia pollicentes, et ab his

non multo post ad Pisanos, atq; inde rursus ad Florentinos transgressus est; eo crescentis laudis, accumulatiq; honoris successu, ut facile nemo Aucutho dux melior putaretur. Longo enim bellorū usu peritus, graui simul ac expedito ingenio, occasiones praesentire, terminare consilia, atq; arma celeriter expedire didicerat, idem quum oporteret acerrimus bellator & cū statator egregius. Idcirco ab eius schola tanquā ab exacto militie magistro multi, qui postea inclaruere, summi duces prodierunt: quum ea quae ille prospere gessisset apud hostes & socios, pro documētis & disciplinae praeceptis haberentur. In his fuisse Albericus Balbianus, Sfortia, Braccius, Carolus Malatesta, Paulus Ursinus, & qui ab hoc intersectus est, Mostarda. Sed super innumerabiles pugnas feliciter depugnatas incomparabile decus tulit, cū profligatis ad Alexandriam Gallis, signa Florentinorum ad Abduam usq; promouisset, ut descendantibus Gallis ad Mediolanū iungeretur. Ab aduerso enim Gallorū exitu deiectus consilio, usq; adeo constanti imperterritoq; animo se recepit, ut ne quicquam incumbentibus Ioannis Galeacij uictricibus copijs, Ollium, Mincium, Athesim uado traiceret, disruptisq; ac hoste fluminum aggeribus, per continentes paludes incolumis in Patavinū agrum se reciperet, cum duces omnes à nemine, praeterquam ab Aucutho superari locorum iniquitates, & ualidissimorum hostium interdiu noctuq; acriter incumbentinum impetus sustineri potuisse faterentur. Obijt Florentiae planè senex, funeratusq; est splendidi

disimè in templo maximo, anno Christianæ salutis
M. CCC. XCIII.

Iulij Feroldi.

Acuthe Anglorum decus, & decus addita genti
Italice Italico præsidiumq; solo.

Vt tumuli quondam Florentia sic simulacri
Virtutem Iouius donat honore tuam.

Sub effigie Alberici Balbiani.



ALBERICVS Balbianus exiguus eius
nominis togata Gallie oppido ortus,
inter Italos duces primū illustris fame
locum obtinuit; Acutho scientiæ mili-
taris existimatione planè par, sed honoribus & ge-
nere copiarum multò superior. Nam magister equi-
tum proprio cognomento appellatus est, qui supre-
mus militiæ honos apud Neapolitanos reges Comes-
stabilis nuncupatur. Sub signis autè quatuor milia ca-
taphractorum, & totidem levis armaturæ equitū vo-
luntarij nominis habuisse traditur, quibus externariū
gentium uaga arma, ea tempestate per Italiam ad o-
mnem prædandi licentiā circumferentium, frenauit,
non unoq; in loco feliciter profligauit usq; adeò egre-
giè, ut pristinum Italiciæ dignitatis decus, quod corru-
pta sensim disciplina perierat, insigni cum laude re-
stitueret. Nā fortissimus & generosissimus quisq; spe-
laudis ad eius signa coibat; atq; ita effecto ingenti ue-
teranorum equitum agmine, cui diui Georgij nomen

et teseram dederat, cuncta obuiam sternebantur. Is-
 tum in eum quem hodie magna ex parte intermissum
 uidemus, armaturæ morem equites instruxerat, adin-
 uenta atq; addita cassidi buccula, quæ est ad prospe-
 ctum subductilis, et transuersam tantum ruinam cū
 deducitur, ad oculorum usum reliquit; cui etiam fer-
 reum gutturale quo iugulum munitur adiecit, quod
 loriculam à casside pendētem, nequaquam satis gu-
 lam tueri aduersus ualidos mucrones existimaret. Bar-
 dis quoq; maioribus recocto corio inauratis et pi-
 ctis equos undiq; usq; ad genua protexit, et capita
 frontilib. ferreis stylo prominente armavit, quo inci-
 tatis equis hostis in congressu feriretur. Sed hodie
 hæc maxime decora, tutaq; Bardarū tegumenta tāq;
 nihil pro futura aduersus scolopetorum glandes, I-
 talus pariter et Gallus abiecit. Cum per multos an-
 nos Ioanni Galeacio Vicecomiti, aut alæ præfectus,
 aut summus imperator operā nauasset, ab eo disce-
 dens aduersus Ladislaum regem in Apuliam descen-
 disse, Ludouici Andegauensis auspiciis secutus. Quo
 bello insidijs circumuentus in potestatem hostium de-
 uenit, qui cum durissimo peruigilio diu torserūt. Sed
 non multo post liberali beneficio Ioannis Galeacij re-
 demptus est. Nam grauiissimus princeps Alberici du-
 ctu Bononiensium et Florentinorū copias Barnar-
 done Aquitano acerrimo duce fuso captoq; insignem
 uictoriā se adeptum fuisse meminerat; unde urbs Bo-
 nonia interfecto Ioanne Bentiuolo in eius ditionē de-
 uenisset. Verū Ioanne Galeacio repentina morte sur-
 repto,

repto, Albericus suo commodo alieni exempli spectat
tor, oblitus datæ fidei acceptiq; beneficij, in eius libe-
ros ingrato animo arma conuertit; quod cæteri du-
ces nefario scelere singulas occupantes urbes paſſim
rebellaffent; qui demum ualeſcente Philippi filij po-
tentia, uarijs intercepti caſibus ferme omnes iuſtas
perſidiæ pœnas dederunt: quum Albericus nuſquam
tyrannus, plenus gloria apud paternos lares, ante ſe-
xageſimum ætatis annum renum dolore uexatus, ui-
ta exceſſiſſet. Hoc uita exitu Ioanne germano fratre
felicior, quem diu militiæ eximia cum laude uerſatæ,
Bononienses ab eo detrimentis affecti ſecuri percuf-
ſerant. Huius ſanguinis apud Inſubres inſiti Ludoui-
cus Balbianus fuit, qui nuper armorum ſtudio, &
multis fortibus factis clarus, cum pro Carolo Cæſare
Franciſcum Cæſarem oppugnaret, ad Alberici pro-
genitoris gloriam aſpirabat, niſi inuidia uirtutis co-
mes in medio uitæ curſu ueneno epulis indito, nihil
tale ueritum ſuſtuliffet. Alberici effigies Ticini in ar-
ce ad ſiniſtram porticum picta, habitu triumphum
comitantis, conſpicitur.

Georgij Iodoci Bergani.

Oenotria priſcam fugarant gloriam

Rerum, adſuentes copię

Et ſola uirtus credita eſt tum bellica

Externum habere militem.

At Balbianus dedecus turpiſſimum

Non ſufferens & patriæ

Virtutis & prudentiæ non immemor
 Procul fugatis exteris
 Domesticum per militem vi reddidit
 Fines quietos Italos.
 Huius fide atq; armis Ladislausuam
 Campaniam cum portibus
 Recepit, & Neapolim pulcherrimam
 Arcesq; regni & oppida.
 Hic militari hac profuit solertia,
 Arti decusq; hoc addidit,
 Ut quæ bouillo nuper essent tergores,
 Compacta mox hæc ferrea
 Gestaret arma miles, atq; uulnere
 Tutum chalybs defenderet.
 Tantum Camillo debuit uix uindicti
 Erepta Roma Barbaris,
 Quantum tenetur Alberico nobili
 Duci ferax Oenotria.

Sub imaginibus in eadem tabula.

Sfortiæ & Braccij.



I duo Heroes, duosq; eius ætatis belli ful-
 gura SFORTIA & BRACCIUS
 ex Alberici contubernio disciplinaque
 prodierunt, qui ab initio fraterna cha-
 ritate inter se coniuncti, pari spe, pariq; industria, &
 paribus insignium laciniarumq; coloribus militantes,
 usq; ad eò inclaruere, ut fatali demum ambitione atq;
 superbia diducti, diuersas militiæ sectas de nomine
 conde-

conderent, ac emulatione gloriae atq; potentiae, ex amicis hostes facti, ex aduerso semper arma tractarēt; qua dissensione potius quam similitate opimis stipendijs summisq; honoribus clari atq; opulenti euadebant; quū sese infami astu, promercaliq; militia principibus Italiae & liberis ciuitatibus uenditarent, bellaq; alere quā finire mallerent; quod uterq; de fortuna sua immodicē sperandum putaret, & nihil imperuium uiuidae uirtuti, generosē & fortiter agentibus arbitrentur. Erant etate & genere ferme pares; sed Braccius nobilissimis Perusiae familijs propinquitate coniunctus, ipso Sfortia apud Cotignolam togata Galliae oppidum honesta familia orto, originis uetustate nobilior putabatur. In Braccio astuti & efficaci ingenij uis ardens eminebat; in Sfortia autem naturae simplicitas, nullo fūco, nulloq; literarum subsidio subnixa; apertiq; animi cōstans & indomitus uigor laudabatur; in robusto praesertim corpore ad ferendos labores gestandaq; arma praeualido. Braccius habitu corporis proximus delicato, splendore uitae rerumq; omnium apparatu sumptuoso, mirē gaudebat, utpote qui uel cum iniuria alienae pecuniae appetens & profusus esset. Ex aduerso Sfortia ad delicias rudis & agrestis, frugi disciplina, conuictu subitario & planē militari, contemptuq; prorsus omnis luxuriae letabatur; utpote qui ualida potius quā decora arma, proceros & peracres generose sobolis equos, uir equitandi peritissimus, uera imperatoriae dignitatis instrumēta esse putaret, nec quicquam ad inanent

speciem exquisiti ornatus ostentare cōsueffet. His diuersis morib. & pari conatu ad magna imperia atq; opulentos principatus, & postremo non dissimili uite exitu in sua fata properantes, pari militum studio colebatur; & eo quidem ita pertinaci, ut ad alteram factionē trāsiisse maximē turpe & flagitiosum existimaret. Accidit autem eo tempore quo Alfonso rex & Ioanna regina inter se de imperio & regnandi conditione armis contendebant, ut utriusq; summi duces Sfortia & Braccius ex aduerso copijs præessent, factisq; demum inducijs ex ueteris amicitie memoria, ad Saccomanniam Campanie syluam coirent, deterisq; uariarum offensionum odijs per plures horas familiarissimē colloquerentur; exactē & grauiter de militari disciplina, de successibus utriusq; fortuna, oculisq; multorum euētuum causis disputantes; detecta obiter nonnullorum malignitate atq; perfidia, ut melioribus consilijs in mutuos usus uiam aperirent. Verū non multo post, eam renouate amicitie speciem nouum bellū facile dissipat atq; extinxit. Nam Braccio urbem Aquilam acerrime oppugnante atq; obsidente, Sfortia Martini Pontificis & Ioannæ reginæ auspicijs, ingentibus copijs præfectus delectusq; est ad liberandos obsidione Aquilanos, quod nemo dum aduersus Braccianā uim, eo ualidior & promptior censeretur. Itaq; Sfortia quum ex Apulia profectus, & signis Ortano euectis, copias flumen Aternū traduceret, solus ipse imperator ē tanto exercitu subfideiibus equi cruribus limoso in uortice, grauātibus armis

armis absorptus interiit, præfenti gaudio in morte dū
 rissima felix, quod dudum Braccianas alas amnis tuē-
 tes ripam, & frustra Sfortianos trāsitu prohibere au-
 sas, edita pugna à Francisco filio profligatas conspe-
 xisset. Ferunt Braccium audito tanti hostis casu, nul-
 lum letitiæ signum dedisse, quod ab Ariolis accepisset
 se quidem Sfortiæ superstitem futurum, sed non multo
 post repentina morte hostis fata secuturum. Nec his
 uatibus fides defuit: nam Franciscus paterno imperio
 præfectorum omnium & militum hortatu suscepto,
 Aquilam ire pergens Pontificij copijs se coniunxit,
 editoq; memorabili prelio in subiectis Aquilæ cam-
 pis, Braccius superbo fastu hostium cōtempтор, fusus
 atq; interfectus est; dum supremos indomitæ uirtutis
 conatus ederet. Cadaveri exequiarum & sepulchri
 honos defuit, quum à Pōtifice tanquam impius sacris
 esset interdictus; sic, ut tanti nominis duo imperato-
 res, pari & fatali quadam sorte sepultura caruerint;
 nam Sfortia nusquam apparuit, & Braccij cadauer
 Romam delatum, profano in agro extra portā Næ-
 uiam defossus est. Variæ omnis ætatis eorum imagi-
 nes multis in locis spectantur.

Antonij Francisci Rainerij.

Belligeri graue Martis opus dum Sfortia tractat,
 Sfortia magnanimum gloria prima ducum,
 Fert & opem rapidis merso generosus ab undis
 Dum puero, ingentem liquit in an. animam.
 Hec memorant. At uera magis Polyhymnia magni

Facta ducis fama tradidit, atq; obitum.
 Scilicet undosum dum sanguine tingit Aeternum
 Hasta atq; armis ondo conspiciendus equo,
 Commotum fluij numen, uoluisse nitentem
 Pollutis illum mergere uorticibus.
 Ut fama, & rapti Herois tumefactus honore
 Aeternus tanto funere Aeternus eat.

Iulij Feroldi.

Braccius dux ille fortis atq; pugnacissimus,
 Hostium qui sepe fregit arma felicissime,
 Atq; summum persecutus est sacrorum principem,
 Quiq; multis imperauit ui potitus oppidis,
 Ac potissimum occupauit ciuitatem Romuli:
 Quiq; regibus, tyrannis, urbibusq; liberis
 Italum fuit pauori maximo & formidini,
 Hac representatur hospes, qua uides imagine.

Leonardi Aretini.

Transuii intrepidus per mille pericula uictor,
 Non acies ferri, non iussus moeni a fossis
 Conatus tenuere meos, domat omnia uirtus.

Sub effigie Carmagnolæ.



Raciscum Bussonium, cui à Subalpine
 Liguriæ oppido Carmagnolæ cogno-
 men fuit, agrestis uillici filium, eumq;
 s. bulcū fuisse ferunt; uerum in puero
 contumacis ingenij & teitrici oris ea inerat indole,
 ut à

ut à prætereunte milite pro armigero puero sit abdu-
ctus. Exinde uarijs insuefactus bellis, uti ualde paties
laboris, & ad ardua quæq; militiæ munera capeffen-
da promptus & audax, faciliè turmæ præfectus eua-
sit: illudenteq; demum fortuna, quum sub Facinio Ca-
ne quatuor turmarum ductor aliquandiu fuisset, post
illius mortē imperator est effectus, scilicet ut utriusq;
humane sortis graue exemplum posteris praberet.
Creuerat honoribus, gratia, diuitijs sub Philippo Vi-
cecomite usq; adeo secundis rerum successibus, quum
uiuide eius uirtuti nihil esset imperuium: ut cum in sa-
guinis ei in matrimonium collocaret, eumq; edifican-
tem luculentissimam domum collata pecunia liberali-
ter adiunaret, quæ domus etiam nunc reliquas om-
nes Mediolani, laxitate, magnificentia & sumptu an-
tecellit. Iamq; ad summum fortune suæ fastigiū per-
uenerat, ut quum ibi consistere nō posset, amulorum
obtrectatione præceps daretur. Philippus enim mu-
tabilis ingenij sui naturā secutus, Carmagnola penē
contempto, Guidonem Taurellum nauali de rege Al-
fonso uictoria clarum, attollendum susceperat. Huic
mirè studebat, ex aduerso Carmagnolæ insensus Ol-
dradus Lamponianus Philippo intimus, utpote qui à
prima usq; adoleſcentia summa gratia locum paraſ-
set. Non tulit contumelias uir notissimus meritis &
nomine suo indignas, Carmagnolāq; natale oppidū à
Philippo discedens se contulit, ubi piē inuisit patrem
exactæ ætatis, & quem iam pridem pristina fortune

sordibus eduxerut, coemptis prædijs, et multo auro
 ditauit. Indeque superatis Alpibus per Germaniæ fines
 ad Venetos profectus est, ut Francisco Sfortiæ adipi-
 scendo principatu iter uiagq, simul fatis suis aperiret.
 Nam aliquanto post suscepto apud Venetos militari
 imperio, eoq, fortiter gesto, Veronaq, et Brixia Phi-
 lippo ademptis, in cursu gerendarum rerum oborto
 liuore Venetos offendit, periniquè, ut credi par est,
 perfidiæ cunctationis accusatus, quod profligatam
 a Philippo Venetam classem, ad Cremonam terrestri
 auxilio minime iuisset, occupandaq, eius urbis ena-
 tã occasione malignè prætermisisse diceretur. Quas
 ob res simulatione consultandi euocatus Venetias, cu-
 stodia traditus est. Nec diu post quum apud suspicio-
 fos, et ubi de Republica queritur, sapius inclementes
 Patricios in festa suffragia ualerent, de diu torto, uel
 in fonte, capitale supplicium est desumptum: ea fama,
 ut nonnulli cum indignissimè damnatum dicerent,
 quod avaritia præcipitiq, malignitate maturatum ei
 exitium arbitrarentur: nam ex damnati opibus su-
 pra ducenta millia aureorũ nummũ ad Fiscum re-
 dibant. Ego uerò de summæ æquitatis Senatu nihil du-
 bitauerim, nisi apud eos non occupatæ Cremonæ do-
 lor iustitiæ neruos eliserit. Auxit autem inuidiã atro-
 cis inexpectatiq, supplicij spectaculũ inter diu popu-
 lo editum, quum indigne tantus imperator ad Colũ-
 nas rubras ubi noxiĩ plecti solèt, inserto in os ligneo
 lupato, ne uociferari posset, traheretur: multis aut in-
 fontis calamitatẽ, aut æquo seuerius ingrati Senatus
 decretum

LIBER SECVNDVS. 199

decretum detestantibus: quum egregie fortiterq; rerum bello gestarum recens memoria spectantium animos, excitis serè lachrymis ad misericordiam per-moueret.

Adami Fumani.

Sedula apis ueluti maturis aduolat uvis
 Ut liquido uacuas distendat nectare cellas,
 Ad te sic mea se celeri tulit impete Musa,
 Bellica quem ad magnos uirtus euexit honores
 Franciscæ, eternum pietas per secula nomen
 Cui peperit, cuncto procerum cum astante Senatu.
 Ac magnis unà tecum de rebus agente.
 Ad Scabrū haud ueritus confestim exire parentem es
 Fortiaq; infirmo circumdare brachia collo,
 Illicet hoc unum malit, quàm mille referre
 Gesta tua præclara, ex deuicto ex hoste trophæa.
 Magnorum decus insubrum, dux inelyte, tandem
 Orta licet subito fractum te attriuerit ingens
 Tempestas, Cauriq; importunaq; precella,
 Ne dubita: tua te pietas, tua maxima uirtus
 Venturo meritis cumulabit honoribus æuo.

Sub effigie Gattamelatæ.



RASMVSNarnia natus, cui ab æstuta dissimulatione tanquam ad bellicos
 lolos longè promptissimo GATTAMELATÆ cognomen fuit, ignobili
 li patre, utpote qui furnariam exerceret, genitus fertur. Is è Braccij schola per omnes militiæ gradus na-

uiter ascendens, clarissimus bello euasit. Eum à Braccio unice admatum fuisse, prouectumq; in lucem mi-
ro studio ferunt, quò ei nobilitatis insignia, laciniæq;
suos colores honoris causa concessisset, quibus demum
uel exercitus Veneti creatus imperator semper est
usus: quando tanti ducis insignia promeruisse sibi ma-
xime decorum existimaret. Post mortem Braccij, cui
prefectus equitum aderat, quum ad Aquilam profligatus
interisset, atq; ipse eodem praelio captus, in po-
testatem hostium uenisset, ubi redemptus remissusq;
est, ad Nicolau Picciminum se contulit, ad quem post
cladem acceptam Bracciani nominis milites undiq;
coibāt, ut factionis nomen eo duce, cui Braccius erat
quunculus, tuerentur aduersus Franciscum Sfortiam,
qui paterni exercitus et nominis heres contrarias
Bracciane factioni partes extollebat. Exinde uaria
usq; stipendia, apud diuersos principes merens, e-
gregiam, sed cauti potius, quàm pugnacis ducis famā
adeptus est, quo nomine Venetis mirè commendatus
expetitusq; est: quibus maxime placebant, qui pru-
dentius, quàm audacius arma tractarent, quādo sum-
mi discriminis aleam uitare mora et cunctatione pe-
cuniosi homines proficere, properantiumq; congre-
di hostium impetum ludificari consuescent. His con-
ciliatus moribus Gattamelata imperij militaris decus
tulit, quum uigilantissimi optimiq; ducis operam Rei-
publicæ nauasset. Nec quisquam ducum post Carma-
gnolam securi percussus, gētilemq; Leonissanum sa-
gitte ictu Brixiano amissū bello, maiore studio, pro-
pensiore

pensioreq; uoluntate à Venetis obseruatus, & grauioribus testimonijs excultus est. Omnibus siquidem his bellis, quibus uaria & diuturna contentione Bergomum, Brixiam, Veronam & Cremam Philippo Vicecomiti ademerunt, & in Etruriam usq; auxiliaria arma promouerunt, multus ubiq; & ualde conspicuus summa fide feliciq; prudētia bellum administrauit. Postremò quum iuxta Benacum lacum in Brixia no agro alpius subiecto, niuosa durissimæ hyemis frigora obstinatissimè pertulisset, in paralysis incidit morbum, quo non planè senex post multos dies è uita sublatus est. Veneti eum decreto publico, propter egregiam fidem cum summa uirtute cōiunctam, ænea equestri statua honestandum censuerunt: curarūtq; faciendam ingenio præstantissimi eius ætatis statuarij, cui Donatello Florentino nomen fuit. Hic antiquorum artem decenter emulatus, absolutæ pulchritudinis statuam armati equitis militæretenentis sceptrum elegātissimè perfecit, quam hodie eruditi artifices admirantur, Patuij collocatam in ea area quæ Antoniani templi frontem aspicit. Tumulatus est celeberrima funeris pompa in templo quod diximus Antoniano, ubi hoc rudis seculi carmen marmori inscriptum legitur.

Incerti authoris.

Dux bello insignis, dux & uictoricibus armis
 Inclutus, atq; animis Gattamelata fui.
 Narnia me genuit media de gente, meoq;

Imperio, Venetum scepra superba tuli.
Munere me digno, et statua decorauit equestri
Ordo Senatorum, nostraq; pura fides.

Sub effigie Nicolai Piccinini.



ORTEBRACCINORVM fami-
liam honestam potius, quàm antiquam
Perusia floruisse constat, quā Nicolaus
qui ab exigua humiliq; statura Piccini-
ni cognomentum ferebat, è sorore Braccio inclyti du-
cis gentis clarissimam fecit. Nam ex eadē domo bel-
licis laude insignes aliqui, & ex his præcipuè Forte-
braccius, cui Stella cognomen erat, prodierūt. Hunc
multi Braccio & Piccinino propriè parem euasurū
credidere, nisi in Umbria à Sfortianis Bracciano no-
mini infensus, tumultuario prælio uictus acceptoq;
per oculū mucrone interfecit fuisse. Is Romani Pō-
tificis perpetuus hostis, propter nefariā audaciā exe-
crante Pontifice aque et igni interdictus, sicuti Brac-
cio acciderat, sepultura caruit. Mors eius permagnū
dolorē Piccinino propinquo suo attulit, de quo hæc
ad illustrandam eius imaginem dicendā uidentur. Ne-
mo siquidem ea tempestate Piccinino prosperis pari-
ter ac aduersis clarior fuit, utpote qui tanta nominis
fama frueretur, ut eum pleriq; quas pararet uicto-
rias, uerā ipsius uirtute adipisci: quum uerò hosti con-
sertis præliis succumberet nequaquam impertia aut
ignauia, sed malignitate fortunæ extortam ei è mani-
bus uictoriam fuisse prædicarent: quòd nunquam uel

in ex-

in extremis difficultatibus animum demitteret: nec
usquam amissa ratione etiam in subitis ac inopinatis
casibus frangeretur: quando quidem integra semper
spe insultanti uictori hosti fortiter repugnare, postre-
musq; omnium praeliando, nec terga usquam obuer-
tens, sese explicare atq; recipere cōsuesset. Erat enim
natura ingenio præditus apprimè pugnaci, & ferui-
do mirabiliterq; solerti, ad præcauendos hostium do-
los tendendasq; insidias: sed qui in omni rerum usu ius-
ticia, moderatione atq; prudentia à Frācisco Sfortia
emulo (uti multis apparuit prælijs & bellis) liquido
superaretur. Piccinino namq; uiro peracri, concita-
toq; bellatori, & aspera quæq; tentare auso, fortuna
sepius illudebat, uti tū accidit, quū Braccius urbe Ro-
ma potius Sfortiæ armis pelleretur, nouissimo præ-
esset agmini, nec se (uti præceperat Braccius) celeri-
ter ad conficiendum iter explicaret, pugnaq; audius
passim obuerteretur à persequentibus Sfortianis atq;
Romanis, quorum pecus abigebat ad aquæ duellū su-
sus captusq; est. Aquilano autem prælio calamitatem
aduersi casus cædemq; Braccij & Piccinini intempe-
rantiam multi referebāt, quòd custodiæ stationem, in
qua aduersus obsessorum eruptiones ab auiculo im-
peratore fuerat constitutus, auuiditate cōserendæ pu-
gnæ deseruisset. Brixiano quoq; bello ad Tennam op-
pidum supra Benacum usq; adeò audacter temereq;
in confragosa montium loca sese intulit, ut à copijs
suis intercluderetur, necesseq; ei foret haiuli Tenta-
nis ualidi proceriq; humeris exportari, ut per me-

dia hostium castra simulatione vulnerati gregarii militis ad suos referretur, tam insano quam necessario, sed felici admodum periculo, quum Philippi principis imperium totiusq; exercitus salus Barbari agasonis fideicommissa uideretur. In ea quoque pugna, quae ad Binam antiquitus Bibriacum commissa est, usq; adeo feruide ac insolenter imperatorij muneris oblitus hostibus se immiscuit, ut quum pro casside aperta tegeretur galea in occipitio graue vulnus acciperet, quo affectis nervorum inijs sinistro crure perpetuo claudicaret. Caterum perpetua exerciti arma, & Philippo, Venetis & Florentinis, Pontificiq; Eugenio uti diuersa tempora tulerunt, integra fide summaq; uirtute operam nauanti, insignis ei, & prope singularis gloria obuenerit, una praesertim Luca urbe aduersus oppugnantium Florentinorum uim fortissime defensa, conseruataq;. Cuius beneficij equestri statu monumentum ei decreuerunt, cuius quod ex ere poni non potuit, simulacrum hodie etiam incolu mi pictura in foro spectatur. Postremo quum iam senex diuturnoq; nunquam intermisso militia labore confectus, Picenoq; in agro apud Laureum montem a Francisco Sfortia profugatus, ex inducijs ad Philip pum accersentem peruenisset, in paralyssi morbum incidit, maturanteq; eius mortem acerbissimo animi dolore, excessit e uita septuagenario proximus. Nam per eos forte dies nuntiatum ei fuerat, Franciscum eius filium in Piceno ad Vlnicum montem a Francisco Sfortia, deletis eius copijs captum fuisse. Philip-
pus

pus qui eū insigni uirtutis merito fideiq; nomine mirifice amabat, omnis funeris honore prosecutus est, sic, ut in templo maximo tumularetur. Sed eius uiri memorabilis, cuncta insignia monumentaq; Franciscus Sfortia uictor & imperij compos, postea deleuit; non boni quidem mortui, sed filiorum eius odio, quando illum semper probum fidelemq; amicū extra belli controuersiam fuisset expertus, ij uerò Franciscus & Iacobus in ipsum capitalis odij inimicitias perfidiose simulationis exercuissent. Tantū enim poterat liuor ex contrariæ factionis æmulatione conceptus, ut non prius Iacobus, uel ascitus gener, odium ponere desierit, quā ab Aragonio Ferdinando rege simulatione redintegratæ amicitie Neapolim accersitus, & in carcere ab Aethiope seruo securi mactatus fuerit, uir profecto uirtute bellica Piccinino patri par, spiritusq; Braccio æquandus, nisi iam ingenti ferocia successuq; rerum, cunctis propè formidandus, turbandaq; pacis semper author in perniciem suam consumptis omnibus amicitijs, immitia facta prouocasset.

Pauli Iouij iunioris.

Hæc tibi mansuras æterna in secula laudes,
 Hæc spolia, & uicto celebres ex hoste triumphos,
 Robur, & astutæ præstanti in corpore uires,
 Et populis defensione urbes, tuæq; inclyta uirtus
 Sanguineo peperere solo, fortissime ductor
 Ausonidum; quisquam an tanto tibi certet honore

Armorum, ac titulis clari Mauortis, & almæ
 Militiæ? Non ne hos oculos atq; ora ferebas?
 Nónne sub hoc quondam gladio cecidere uolantes
 Turmæ equitum, peditumq; simul, pulsîq; tremore
 Ocnotrij obstupuerunt duces, atq; Itala signa?
 At nos exigui miramur corporis artus
 Sufficere hoc oneri, & tantos perferre labores?
 Scimus, & ismenias bello fregisse cohortes
 Sapius in paruis uictorem Tydea membris.
 Ipsa equidem, longè terris Atlante relicto
 Caucasîsq; iugis, & cincto nubibus Ossa,
 Laurigerum redimita caput, petit ardua cœli,
 Inde alacris sese tollit super æthera uirtus.

PAVLI

 PA
 SC
 fati

 reddu
 nobis
 primi
 tis fer
 cedat
 fati co
 mum
 lectat
 tum f
 sima
 vt hic
 ne no
 & iure

PAVLI IOVII EPI-
SCOPI NV CERINI PRÆ-
fatio in tertium librum Elogiorum
suorum ad Cosmum Medic.

Florentiæ Ducem.



MAGINES IN-
signium Heroum, quæ
subscriptis Elogijs ad-
mirabilem numero-
si populi speciem in
Musæo spectantibus

reddunt, magnanime COSME, eo à
nobis ordine collocatæ sunt, vt qui
primi cesserunt è vita, nullo dignita-
tis seruato discrimine, reliquos ante-
cedant; scilicet vt quos properantis
fati cæca libido æquales fecit, varia de-
mum, atq; inclyta virtus ad animi de-
lectationem, cum ipsarum actionum,
tum formarum & vultuum iocundis-
sima diuersitate discriminet. Quo fit,
vt hic tertius liber pari nuncupatio-
ne nomini tuo dicatus, non aliunde,
& iure quidem optimo initium suum

expostulet, quàm ab ipso nomine mā-
gni COSMI progenitoris tui; cuius
illustris fama (vti reor) nullo æuo con-
fenescet. Quanquam idem in te repeti-
tū nomē diffusiore augustioreq; pror-
sus lumine coruscum, id totum supe-
rius familiæ vestræ iubar plurimū of-
fuset, facileq; præstringat. Hoc si qui-
dem si rectè proloqui diuinareq; licet,
radioso lumine viam tibi sternis in cœ-
lum, quum virtute animi, vitæ innocē-
tia, æquitatēq; imperij, cunctos huius
seculi principes fortuna pares aut su-
periores, merita consensu om-
nium gloria plenus an-
tecedas.

ELOGI-

ELOGIORVM LI- ER TERTIVS.

Sub effigie Cosmi Medicis.



O C uultu inter seueritatem
atq; letitiam egregie tempe-
rato Cosmus Medices ingen-
tem, qua maximè ualuit exa-
cta prudentiæ uim præfere-
bat, quum Florētiam patriam
ab se regio sumptu admiran-

dis ædificiorum lectissimarumq; artium monumentis
decoratam multo florentiorem fecit. Is à lustrico sta-
tim die Christiani baptismatis id Græcum nomen di-
uinante patre tulisse uideri potest, quòd ciuium om-
nium absoluta uirtute ornatissimus esset euasurus.
Quippe qui postea illustri apud omnes sapientiæ opi-
nionem, non in patria modò, sed in omni Italia cuncta
propè belli & pacis consilia togatus & inermis feli-
cissimè rexerit, idq; unum semper quod securæ atque
optimæ pacis intererat, contenderit, ut Italiæ princi-
pes exæquata potentia suis contenti finibus pacem
tuerentur, & ciuitas, optimè cōstituta Republica ad-
uersus intestinas discordias, quibus antea plurimum
laborasset, permunita, atq; opulento ocio tranquilla
redderetur, hac in re Ioanis patris moderata cōsilia
grauiter æmulatus. Is enim inter ciues idem clarissi-
mus ac opulentissimus fato concedens, exquisita to-

eius ciuiliſ discipline præcepta reliquerat, quibus filij
 uirtus eniteſcere poſſet. Sed Coſmum ingenti proue-
 ctum curſu, & collecta gratia, paternæ authoritatis
 nomen ſuperantem, atrocis inuidiæ inuaſit morbus
 excelleſſe uirtuti ſato quodam comes datus. nam præ-
 potentes patrij liuore inducti, in caput eius conſpi-
 rarunt, uſq; adeo inſeſtis corrupti Senatus ſuffragijs,
 ut tanquam affectati in libera ciuitate principatus
 reus, qui neminem offenderat, & ſtudioſe multos ſuis
 opibus ab egeſtate ſubleuaret, citatus in curiâ cuſto-
 diæ traderetur; eo cunctu, ut ab inuſitata inimicorum
 acerbitate, qui tunc erant in Magiſtratu, crudeliſſimum
 ſenatus decretum, atq; ipſum carnificem expectaret;
 ueneniq; inſidias ueritus, ab omni ſerè cibo totum qua-
 triduum abſtineret. Hoc decuriones ſibi maxime inui-
 dioſum fore cenſentes, ſi ciuis clariſſimus, paucorum
 tantum ſuſpicionem reus factus, nec adhuc publico iudi-
 cio damnatus, interiret, per Federicum Malauoltam,
 quem carceris cuſtodia præſecerant, Coſmum crebro
 ſingultu, plenisq; lachrymis, innocentiam ſuam ſupe-
 ris commendantem cohortati ſunt, ut de ueneno quic-
 quam ſuſpicari deſineret, bonaq; ſpe confirmare ani-
 mum uellet, poſtquam & in curia & in urbe amicif-
 ſimi ciues quibus eius ſalus cordi foret, non deſſent.
 Poſt eam quoq; conſolationem Federicus, ut totam
 ueneni ſuſpicionem auerteret cum Coſmo cœnauit,
 delibatis ſingulis dapibus, accerſiuitq; intro ad deter-
 gendam mœſtitiā multarum ſacetiārum urbanæq;
 dicacitatis hominē non inſuſum cognomēto Farga-
 nacciam,

nacciam, qui Bernardo Guadanio uexillifero erat fa-
 miliaris. Cum hoc, ut Cosmus secreto colloqui posset,
 Federicus dissimulanter spatium præbuit, facileq; à
 scurra impetratum est, ut pretio accepto oneratusq;
 promissis, eum uexillifero commendaret. Dedit enim
 eitefferam Cosmus, ut pecuniam à diuæ Mariæ nouæ
 Xenodochij præfecto, præsentem acciperet; atq; ita
 acutus scurra ad salutem summi uiri propitius, pecu-
 niam cubitum eunti uexillifero postridie deuulit; mil-
 leq; aureis & centenis ea occulta largitio stetit, qua
 Cosmus haud dubie seruatus est. Nam Guadanus ma-
 iorum præmiorum spe allectus, reuocatusq; ab atro-
 citate ad lenitatem, non multo post ita moderatus est
 suffragia, ut inimicorum Cosmi caput eius deposcen-
 tium uota, relegationis ac exilij decreto eluderet, &
 quo enixius studium certiorémq; operam præstaret.
 Cosmum curia atq; urbe eduxit. Nam ubi è turriculæ
 carcere productus est, Decurionibus impetratæ salu-
 tis gratias egerat, & se Reipublicæ causa exilium æ-
 quo obtemperantiq; animo laturum, fuerat testatus;
 tanta eius ordinis ad gratiā proclinatione, ut exeun-
 ti curia stipatores ex prætoria cohorte darentur, qui
 eum aduersus inimicorū gladios protegerent, inuio-
 latumq; deducerent. Quo mitioris decreti euentu ual-
 de consternati perturbatiq; aduersæ factionis princi-
 pes, qui eum præcipiti damnatione, maturatoq; sup-
 plicio tolli, quam exilio multari malebant, correptis
 armis forum compleuerunt, turbulentissimeq; excita-
 to ad armatum concilium populo, deponendos præ-

sentes Magistratus, nouosq; his subrogandos esse pos-
 tularunt. Ceterum Cosmus ita excessit patria, exula-
 tumq; Venetias abiit, ut in ciuitate optimo & benefi-
 centissimo ciue orbata magnum sui desiderium relin-
 queret; Venetijs uero ab omnibus Patriciorum ordi-
 nibus non tanquā exul, sed præclarus de ingrata de-
 prauataq; patria triumphator exciperetur. Exinde
 Venetijs, & in Senatu, & in corona, domiq; sæpius
 auditus, quum de rebus publicis grauissimè dissereret,
 summa uirtutis atq; prudentiæ præconium tulit. Nec
 totum in exilio trāsegit annum; sat agentibus nanq;
 in eius reditum ueteribus amicis, creatus est uexillifer
 Nicolaus Coccus, & cum eo ostendi supra potes-
 tatis decuriones, à quibus de reducēdo Cosmo in Se-
 natu studiose relatum est, secūdisimiq; ferè omnium
 suffragijs decretū emanauit; quo exultata ciuitas
 redeuntē summis gratulationibus excepit; tanto qui-
 dem plebis & populi studio, ut non secus ac olim Ci-
 cero reuocante senatu Romano, Cosmus à Florentia
 libera Pater patriæ sit appellatus. Nec multo post ca-
 pitales iniuria memor, creatis è factione, summa so-
 lertia Magistratibus, offensiones quas ore sermoneq;
 dissimularat, ita ad animum reuocauit, ut non eas ul-
 cisci, sed in posterū ab insidijs acerbissimorum homi-
 num salutem & dignitatem suam uindicare uelle ui-
 deretur. Itaq; aduersarum partium princeps pertur-
 batæ armis Reipublicæ, excitatq; tumultus accusa-
 tos, nec cōparentes in exiliū egit. Ante alios Rainal-
 dum Albicium, Rodolphum Perutium, Nicolaū Bar-
 badoram,

badoram, et Pallantem Strozam, qui civium poten-
tissimi atq; inquietissimi censebatur. Exinde ciuitas
ingenio Cosmi turbulentis ciuibus electis, domi et fo-
ris feliciore seculi incrementa sensit. Tanta namq; erat
morum temperie facilitateq; natura, ut nō eloquio,
non cultu, non ipso deniq; conuictu et comitatu fa-
stum illum ostenderet; modestia tantum, humanitate
et studio honeste uirtutis supra ceteros eniteretur;
singulari autem quæ sibi et patriæ urbis ornamento
esset, magnitudine atq; elegantia ædificiorum, perpe-
tuaq; benignitate hospitalis domus cunctos superare
contenderet, quum natura frugi, priuata in mensa ni-
hil ad exuperantem copiam, sed ad nitorē cuncta, ci-
uilemq; Etruscæ disciplinæ temperantiam, alioqui li-
beralis, et maxime sumptuosus, in hospites dignitate
doctrinæ claros reuocaret. Erat enim sicuti maxime
pius in egenos, officiosus in afflictos, et longē omniū
omnis uirtutis largissimus æstimator, qua una re supe-
rabat ciues, æquabat reges, et sibi certius ad perē-
nem laudis famam sternebat. Nunquam eum institutæ
liberalitatis penituit. Nullus unquam ædificandi sum-
ptus eum deterruit. Nullus unquam uel aduersus for-
tunis eius casus, popularis beneficentiæ consuetudinē
interruptit. Quarum rerum admiratione ducti non-
nulli ciues, ut incomparabiles magnificentiæ laudes
uerbis eleuarent, sepe dictitabant tantam uim inex-
haustæ pecuniæ, nequaquā ex argentariorum nego-
ciatione, quæ in omnibus Europæ emporijs à Cosmi
institutoribus exerceretur: sed ex Balthassaris Cossæ

thesauris prouenisse, quos uti uir eximie probus & pius condendis templis atq; cœnobijs profudisset, ut elegantis mortui amici secreta uota impleret, & si dem suam sine piaculo tueretur. Constat ex aduersarijs rationum codicibus, quos ipsi uidimus, Cosmum supra quadraginta myriades aureorum nummum in priuata & publica ædificia contrulisse. Piæ uerò aut occulta largitionis sumptum myriadum decem summam excessisse. Verum eam suspicionem facile apud rerum peritos auertebant paternæ opes, quæ signata pecunia, & quæstuosissima mensariorum negotiatio ne immensæ propè constituerant: quum nullum unquam alienæ decoctionis, aut suæ conturbationis detrimentum per multos annos accepisset: prædiorum uerò redditus, astrictaq; priuati sumptus frugalitatis quotidianam modicæ familiæ impensam facile superarent. Duxit uxorem nomine Contesinam e Bardorum antiquissima gente, quæ Aluernia oppido iuxta Pratum dominatur. Ex ea Ioannem qui fato iuuenis est ereptus, & Petrum suscepit, ex quo nepotes uidit Laurentium & Iulianum, qui postea admirabili sorte geminos pontifices Leonem & Clementem genuerunt. Sic, ut Cosmus excessisse è uita beatus existimari possit: quanquam Petrum distortis articulari morbo totis artub. miserabiliter affectum, sed uirili ingenio planè fortem, ad Reipublicæ gubernacula relinqueret. Concessit fato Cosmus septuaginta amplius natus annos, tumulatusq; est Laurentiniano in templo ab se condito, ut tota sacra æde instar amplissimi sepulchri

uir incomparabilis & ciuium maximus, nequaquam
angusto loculo tegetetur, cum hoc breui titulo, sed lō
gē omnium qui inscribi possint honestissimo:

COSMVS MEDICES HIC SITVS EST
DECRETO PVBLICO PATER PA-
TRIAE.

Pauli Iouij iunioris.

Quid de Sidonio bis tinctam murice uestem?

Quidūc manus similem doctas formare figuram?

Artificisq; decus tantum admiramur, & arte in?

Suspice grandæui cœlestes oris honores,

Effigiem quicunq; uides, & fixus in illis

Tranquillum Heroa, & mixta grauitate uerendum

Sume oculis, dulciq; nota pia lumina vultu.

Non hic insigni gladio per tela, per hostes

Egit equum, aut largo scēdauit sanguine dextram.

Non illi Mars durus erat, non clāssica cordi,

Verūm consilij scēcundum pectus, & alto

Ingenio uirtus: qua toto cognitus orbe

Ipsē sui columenq; fori, sanctiq; senatus

Etruscum decus & nomen super æthera uexit,

Sed qui honor? aut illi laus maior contigit unquam?

Ingrata quā de patria duxisse triumphum

Hadriacis exul ueniens reuocatus ab oris?

Quæ poterant potiora peti? quā qui modō scēuam

Mortem expectabat, diramq; in colla securim

Audiret populi tollentem ad sydera uocem,

Expectate ueni patriæ pater incolyte nostræ.

Sub effigie Alfonsi Neapolitani regis.



N hoc Alfonsi Neapolis rege, qui primus Hispanici sanguinis stirpem, ut in ea diu regnaret, Italiae inseruit, nulla ciuilibus bellicaeq; uirtutis, aut literarum ornamenta defuerunt. Erat enim ore militari & toto corporis habitu inter armatos ualde formosus atq; conspicuus, & uti nunquam expers urbani moris ab erudita facundia inter rogatos admirabilis. Quibus arridentis naturae exultiq; ingenij dotibus cumulatè instructus, ad magnum imperium, nouumq; regnum uel spes eius rectè conceptas fallere saepe fortuna, uehementissimè cōtendebat; postquam ipsum naturae ius ad Ioannem fratrem maiorem natu, paterni Tarraconensis imperij hereditatem detulisset. Eius autem uotis, uti semper probo ingenio ad illustre decus reuocatis, tum primum fortuna benignè sese aperuit, quum is in Corsicam aduersus Genuenses, ad opugnandam urbem Bonifacium ab Hispania traiecisset. Sub id namq; belli tempus Ioanna quae Neapolitano in regno post Ladislaum fratrem praecipiti fato ereptum successerat, Andegauensium Gallorum armis pulsabatur, quæredaq; ei erant ad tutelam imperij externa praesidia; postquam Romani Pontifices contra se pro Gallis stare putarentur. Itaq; fortissimo & quæ ac nobilissimo defensore sibi opus esse rata, accersiu

versuit Alfonsum Corsicanis rebus diu hærentem, & cum ualida classe susceptum, confestim adoptauit in filium, communicatq; Regij diadematis honore imperij consortem fecit. Cæterum post aliquantum tempus Regina uti parum pudica, & ob id sæpe inconstans & leuis, perditeq; amatoribus semper obnoxia enatis inde peracerbis offensionibus, causas quæsiuit, quibus adoptionis pacta rescinderet, Alfonsumq; ingratum appellaret, quod eius probra iniquiore animo pateretur; usq; adeò alienato infestoq; animo, ut Regina mater Alfonsum filium declararet hostem, atq; in eum arma conuerteret. Itaq; Alfonfus insolens contumeliæ, nihil abdicata spe regni, cæpto ductoq; per uarios successus bello, cum militiæ fructum cepit, ut maximè peritus Italicarum artium, inter inclytos eius ætatis imperatores præstantissimus euaderet, & sæpe uictor, & quædoq; uictus ab indomita uirtute se ipso maior semper & clarius haberetur. Cæterum quum fortuna multos atq; mirabiles in eo rege iactando ludos edidisset, ad extremum pudore uicta, eum promeriti Regni compotem fecit. Extrema namq; obrutum clade, captumq; nauali prælio, ad Pontias insulas ita benignè complexa est, ut ex ea calamitate propere ereptum, non modò liberum, sed inexpectato etiam munere amplissimum regem ex captiuo redderet. Si quidem perductus Mediolanum, tantum absuit ut in triumphum ad inanem pompam duceretur, ut Philip pus Vicecomes, uti generosum uictorē decebat, cum ingenti clementiæ gloria eum summo cum honore

susceperit, in amicitiaq; scdus receptum, & liber-
 lissimè instructum pecunia, ualidisq; auctum copijs,
 ad repetendum Apulia regnum ab se dimiserit. Eo
 namq; tempore Renatum Andegauensum partiū du-
 cem, ipsumq; prouincie Narbonensis regem, Ioanna
 nouo adoptionis iure ad Alonsi contumelium in re-
 gnū euocarat. Verū renouati belli exitus fuit, ut
 Alonsus urbe Neapoli per aqueductum capta, Rena-
 tum amissis copijs in arcem compulsum regno expel-
 leret, & consensu procerum, quod Ioanna suo fato
 concessisset, speciosissimum ducens triumphum, rex
 appellaretur. secundoq; demū bello Senensibus in di-
 tionem acceptis, & attritis Florentinorū opibus, ad
 Etruscum imperium aspiraret. Vir enim animo in-
 gens, sua subnixus uirtute, nōdum fortunæ suæ termi-
 nos statuerat, multoq; aggere sua aptè munienda re-
 batur, ut maximè diuturna parti imperij fundamenta
 iacerentur. Vigebat in hoc rege perpetuum ac illu-
 stre studium parandæ laudis, quod perenni in omnes
 beneficentia, totiusq; aulæ splendore incomparabili
 consequbatur. Nam Fridericū Casarem ex Lusitana
 uxore propinquum suum, ideoq; Neapoli nuptias ce-
 lebrantem, tanta rerum omnium liberalitate sibi de-
 uinxit, ut Germanorum com. tatus omnis qui Casari
 amplissimus aderat, ueste serica, aureis torquibus, e-
 quis conspicuis elaborato argento, signataq; aurea
 moneta daretur. & nunquam satis celebrata benigni-
 tate magnificentissimi regis in Germaniam rediret.
 Itaq; Alonsus opulentissimum regnū egregia uirtute

partum

partum cunctis his artibus quæ uictori atq; optimo regi uerum decus adstruerent, Neapolitanorūq; procerum animos conciliarent, sapientissimè confirmabat: tanta prudentia, ut noui imperij opes, exquisitis semper amicitijs, certisq; foederibus apud principes stabiliret. Ante omnia urbis muros uetustate collabentes restituit, additis ad portas lapideis turribus, et portum amplificata mole capaciorem securioremq; reddiderat, quum in construenda noua arce quæ portui immineret, inusitata admirabilisq; structura laudem quæsiuisset. In tota porro uita quæ ei continuatis ferè bellis laboriosissima semper fuit, nullam se uel maiorem uel iucundiorē uoluptatem capere prædicabat, quàm ex cœtu uirorum insignium, qui cæteris una præcipuè eruditionis commendatione præcellerent, Cum his siquidem honestissimos sermones, administrandōq; regno utilissimos ex historijs assiduè serebat. Apud eum nanq; omnis doctrinæ percupidum illa tempestas florentissima ingenia spectabatur, inter quos erant Laurentius Valla, Bartholomeus Facius, Antonius Panhormita, & qui bellorum eius historiam nō illepidè perscripsit, Bracellius Ligur. Ab his nanque scribendorum annalium diligentem operam exigebat, qui ingenij grauitate, usuq; rerum præditi uiderentur. In hos etiam usus, condita sumptuosissima sumptuosa Bibliotheca, Græcis authoribus in Latinū uersis, rem literariā quæ erat intermortua, suscitare ab inferis, enixeq; locupletare contendebat: utpote qui castrensibus uigilijs summū decus bello adeptus,

in ocio demum, & per intervalla incertæ pacis uber-
rimâ ex literis laudem lætando atq; audiendo sem-
per appeteret. In coelibatu singularē, eamq; paucis in
compertam liberi tranquilliq; animi felicitatem repo-
suit, sic, ut eum nunquam poenituerit connubia reie-
cisse, quum filium Ferdinandum regiæ indolis ex no-
bili concubina in spem regni suscepisset, quem satis le-
gitimum regem fore prædicabat, si pertinaci uirtute
fortunam, quæ non semper temerè cuncta daret et eri-
peret, conciliandam arbitraretur. Fato concessit non
planè senex, cōcepta febre ab assiduus falconum aucu-
pys apud Nolanos campos Sarnensium paludū insa-
lubri auræ subiectos, quum regnasset annos uiginti-
duos, triennio post quàm Mahometes Othomānus
Byzantium expugnaret.

Fabij Beneuolenti Senensis.

Poma quot autumnus, quot uerno tempore flores
Terra serat gremio narret, quot litus arenas
Spargat & immenso discurrant æquore pisces,
Qui cupit Alfonsi meritis percurrere laudes.
Hic & inaccessas Lybie penetravit ad oras,
Lothophagum gentem domuit, retulitq; superbum
Vrbibus euersis, & uictore rege triumphum.
Sensit & ipse ferox Gallus quid dextera posset
Illius, Ausonia iussus decedere terra.
Hic quanquam bello clarissimus extitit heros,
Non minus excoluit Phœbum, Musasq; sorores.
Ergo iam duplici præcingi tempora fronde

Qui

Qui meruit, clari diuino carmine uates
 Pieridumq; chorus, meritis celebrare choreis,
 Atq; recurrentes laudetis semper in annos.

Sub effigie Francisci Sfortiæ.



IC est ille incōparabilis fortunæ atq;
 uirtutis Heros. Franciscus Sfortia, qui
 abdicato Attēdulæ familie nomine pa-
 terni cognominis titulum gentilitium
 fecit, supra id etiā cūcta disciplinæ militaris munera
 fortiter atq; feliciter emulatus. Is post patris interitū
 effectus imperator, diu uaga & mercenaria arma ua-
 rio euentu circuntulit, agrē aliquando supra aduer-
 se fortunæ difficultates ita eluctatus, ut uiuido spiri-
 tu sese ad ingētem famam omnibus bellis efferret, &
 deuicta passim fortuna, proculcataq; inuidia, & per
 domitis Braccianarum partium reliquijs, aut certē
 bello gestarum rerū felicitate superatis, inusitata uir-
 tus eum opulentissimi imperij cōpotem fecerit. A Phē-
 lippo siquidem Mediolanensium principe ascitus ge-
 ner, eius imperij euasit hāres; sed qui nonnunquam
 spretus, & ex usu belli rursus expetitus, exiguā spem
 obtinendi eius principatus aliquando retineret, &
 inimica demum Venetorum arma agrē reprimeret.
 Egit principem annos sexdecim, tanta imperij equi-
 tate, moderatione, clemētia, populariq; humanitate,
 ut qui armorum fulgore hostibus terribilis erat, &
 inuictus, aduersus omnem uitiorum intemperiem pu-
 blico iudicio eius seculi principū longē optimus con-

seretur. In hunc siquidem hominem præter inuictum
 corporis atq; animi robur, summa etiã dona, quæ tri-
 bui poterāt, natura cōtulerat, personæ scilicet digni-
 tatem eximiã, os probum, & in omni cōgressu aspe-
 ctum sine superbia suis pariter atq; hostibus uenera-
 bilem, sic, ut cuncti in eo sæpius concionante facun-
 diam absoluto oratore parem admiraretur, eoq; ple-
 nius, quod nullas attigisset literas; & nihilo secius in
 omni ciuili militariq; negotio, efficacis prudentiæ, di-
 uiniq; iudicij uim expeditã & incredibilem afferret.
 Sed literarũ decus, quũ sese eius expertẽ ingenuũ pu-
 dore sæpe dolẽs fateretur, liberalissimẽ tuebatur. Iu-
 ste siquidem & ueræ laudis, quæ uiuenti ornamento
 esset, & transiret ad posteros, erat auidissimus. A Ioa-
 ne Simoneta nanq; insigni historico, & à Philelpho
 poeta percelebri res suas bello paceq; gestas perscri-
 bi celebrariq; iubebat, sicuti etiam patris uitam Leo-
 dorix Cribellus eius iussu antea perscripserat. Obijt
 senex intercute morbo sublatus, absolutã iam Mediõ
 lani arce, quæ ad imperij munimentum incomparabi-
 lis structuræ existimatur: quũ numerosam prolem ad
 cumulum felicitatis reliquisse uideri posset, si liberi,
 nepotesq; paternæ & auicæ uirtutis, quã nominis
 æmuli esse maluissent; quanquam ea fuerit sequentis
 seculi iniquitas, in quam fato quodam inciderunt, ut
 eam uel robustissima cuiusq; magni principis uirtus;
 neq; ferre, neq; superare potuisse uideri queat. Fuere
 qui ei inexorabilis odij notam inurerent, quod perse-
 quenda Braccianæ factionis nunquam oblitus, Iaco-
 bum

bū Piccinini filiū summæ spei ducē, sub quo Bracciana arma restitescere posse uiderentur, nequaquā sincera fide in generū asciuerit; scilicet ut eo uinculo pignoreq; deceptum, ad teterrimam necē Ferdinando Neapolitano regi proderet. Ab eo enim rege cōtra fidem refricata ueterū offensionum memoria, uir impiger in carcere per Aethiopem seruū aucta securi maētatus est, singulari quidem cum infamia tātorū principum, qui uindictæ libidinem sacrosanctæ fidei et hospitalis mensæ religioni prætulissent.

Petri Angelij Bargæi.

Si quisquam Eridani ad ripas, camposq; iacentes
 Insu brum, emissa quos olim Larius unda
 Irrigat, ex cultæ fœcundans ubera terræ,
 Venerit, et magnæ molem suspexerit arcis
 Quæ sese latè ostentans septemp̃tace muro
 Aequatur cœlo, et uastæ latus obsidet urbis;
 Néc rerum, ne tanta operum monumenta tuorum
 (Quāquam illa eternū multū celebranda per orbē)
 Supremo admirans dignetur munere laudem;
 Sed tibi facundia tribuat præconia lingua,
 Tum demum insigni cum te pietate paternum
 Illustrasse decus, clarumq; in secula nomen
 Nouerit, unde tui cognomina tanta Nepotes
 Regibus eximijs nunquam aspernanda sequantur,
 Et meritò, nam quis maius maiore parauit
 Virtute imperium? nam quis melioribus unquam
 Auspicijs, almæ percussit fœdera pacis?

Quis demum optatam felicior usq; senectam
 Attigit? et uita cepit meliora beata
 Premia? nunquam hostis tete uidere pauentem
 Cedere perculsum turpi formidine pectus.
 Nunquam illi audaci tua castra laceffere ferro
 Aggressi, euentus belli sensere secundos.
 Martia quin saeuam fugerunt agmina dextram,
 Conferas quoties placuit concurrere uires,
 Consilij quoties uoluisti ostendere quantum
 Cederet inferior fortuna ingrata labori.
 Sed quid ego haec? letis cum iam non ulla trophaeis
 Ora tuis careat multo sudore paratis,
 Cum iam nulla sacros tellus oblita triumphos
 Praeferas insignes titulos, quos nescia uinci
 Obtulit exuperans non una pericula uirtus.
 Salue igitur o fama ingens, ingentior armis,
 Magnanimum quondam Heroum certissimus auctor
 Sfortia; deuicti cuius uirtute potentes
 Aspexere suo manantes sanguine riuos,
 Cuius & egregias laudes, praeclearaq; facta,
 Testati misera gnatorum in morte parentes
 Aequearunt caeli tandem fulgentibus astris.
 Sub effigie Amurathis, secundi Tur-
 carum Imperatoris.



MVRATHES eius nominis secun-
 dus Turcarum princeps imperium Ma-
 hometis, Celebini patris insigni de Si-
 gismundo Caesare uictoria confirmatum

exci.

excipiens, nihil antiquius habuit, quàm fines proferre, latèq; finitimos Christianorum Regulos urgendo mis summovere, penitusq; delere: & ut id certius atq; ualidius efficeret, primus Othomannorum phalagem peditum instituit, quam disciplina ab antiquis Macedonia regibus repetita incumbenti hostiū equitui in prælijs opponeret, & per eam audentius oppidorum oppugnationes aggredetur. Multo nāq; usu cōpererat, equites in eo obeundo tali munere parum idoneos, hostiumq; item Mysorū Triballorumq; & Illyriorum equites armorum genere atq; animorum constantia Asiaticis & Thracibus sæpius superiores euadere didicerat. Fuere ab initio in ea phalange non plus quàm octo milia delectæ iuuentutis, sed eam postea successores duplicatis ferè supplementis adeo auxerunt, ut animaduersa ui atq; industria peditum, sæpe ex ea parte uirium incomparabiles uictorias de hostibus retulerint, quod inueterati multis stipēdijs milites, & in unum densati corpus insuperabile robur ostenderent. Hoc militum genus parētibus Christianis ereptum ex delectibus cogebatur, imbuebaturq; his sacrorum legibus & belli artibus, quibus Turcæ ab ipsa statim pueritia erudiri mos est. Ianizaros Amurathes, hoc est, nouæ gentis milites appellabat, educatosq; in aula pratorie cohortis perpetuos corporis sui custodes & stipatores effecerat. Ianizaris omnibus peculiare erat album pro galea capitis integumentum (id exarcolam uocant) ex coacta crassiore lana densatum, quod erat gladijs impenetrabile &

demissa à tergo latiore cauda, ceruices egregiè per-
muniret, à fröte autè ornaretur aureo aut argëteo co-
no, quo cristas induerët; sagittis atq; hastis, atq; item
paruis securibus rem gerebant; sed etate nostra re-
liquis ferè omnibus hastis & arcubus abiectis, nostro-
rum imitatione sclopettarij præcellentes euaserunt.
His fretus Amurathes Lazarum Seruie despothum,
qui Mysis & Triballis imperabat cõiuinenti attritum
bello, & pluribus susum prælijs regno expulit, Sco-
pia, Nouomonte & Sophia urbibus ei ademptis, ca-
ptisq; duobus eius filijs, quos barbara crudelitate, ad-
mota oculis candenti ærea pelui lumine orbauit, ho-
rumq; sororem, ut tanta iniuriæ dolorem lenire ui-
deretur, quod esset egregiè formosa, in matrimoniũ
duxit. Exinde in Illyricum, Pannoniam, Epirum, Ma-
cedoniam incursiones incolis maximè funestas fecit;
adortusq; demum Græciam, uastabundus in Pelopon-
nesum excurrit; perpetuoq; ad Isthmum Corinthia-
cum Examili muro Constantinopolitani imperatoris
fratrem repentina belli clade obruit, uictriciaq; arma
statim in Venetos conuertens, Theßalonicam magna
ui tormentorum adortus expugnauit & incëdit. Sed
longè maximum operum eius fuit Ladislaus Poloniæ
& Hungariæ rex in Varnensibus campis trucidatus,
quum iuuenis incertæ belli gloriæ quàm securæ pacis
auidior ex primo felicitis belli prouentu, Carambo A-
murathis duce profligato captoq; nouam opimioris
uictoria spem induens, recentia pacis fœdera uiolare
religionis causa minime dubitasset. Ceterum Amura-
thes

thes fastidita proferendi imperij cura, aliquādo simu-
lata in immēsum pietate, ita regno se abdicauit, ut re-
rū gubernaculo Hali purpurato Mahometis filij nu-
tricio relinqueret, & in nemorosum Bithyniæ spe-
cum paucis sacerdotibus ad contemplationem rerum
coelestium abderetur. Sed uir apprimē grauis & astu-
tus, quum de Ladislaui aduentu, Christianorūq; prin-
cipum consilijs, qui terra mariq; bellum parabāt, cer-
tius didicisset, ē sacro eo luco reiecta superstitione ad-
tuendum illico regnū prosiliit. Verū aliquāto pōst
non eadem fortuna Hungaros adortus, frustra oppu-
gnato Belgrado, ad Sauum atq; Danubium consuen-
tes, graue detrīmentum cruentissimē repulsus accepit.
Simili quoq; supremo eius conatu infelicitē oppu-
gnauit urbē Croiam, quā ei insigni dolo Scanderbe-
chus alumnus abstulerat; dum iuuenis longē fortissi-
mus paternum imperiū inuictis armis recepisset, &
Turcas frequētibus suos praelijs tota penē Epirō de-
pulisset. Ab hoc irritō incepto rex barbarus usq; adeo
acerbum ex animi dolore morbum cōcepit, ut quum
senex ē castris Hadrianopolim referri se iussisset. pau-
cissimis diebus deliranti, uesanoq; similis, uitam re-
linqueret, quum alterum atque trigessimum regnas-
set annum, & Mahometem filium ea lege, ut perpe-
tuus Christiani nominis hostis foret, imperij &
seuities in nos sua atrocissimum Otho-
mannorum principum here-
dem reliquisset.

Augusti Cocceiani.

Quæ tibi, quæ leua incesit mens optime patrum
 Ioui, nouus qui pectore errat spiritus;
 Vt tanta Scythicos reges tibi pinxeris arte
 Quos turba nostrum suspicit Quiritium;
 An' ne iuuat Latij truculentos nominis hostes,
 Ferasq; nostro sepe pastas sanguine
 Spectare? ut rediitua iterum præcordia pulset
 Virtus, & altè exurgat Italum decus,
 Hac utinam. Interea uotis Roma annue nostris,
 Et excitare hæc intuens spectacula.
 Europa atq; Asia, hisi nescis regna superbi
 Tua tenent ignauia, nec te pudet.
 Ergo purpureas traxerunt sanguine lymphas
 Et Ister, & Panyfus altis alucis;
 Et nostræ albescunt etiam num cædis acerui
 Deserta latè Mysia per æquora,
 Pannoniæ regem quum defleuere peremptum
 Manu impotentis Amurathis effera.
 Et positum acria est monimentum insigne columna
 Aeternus horror ut loco insit, & metus.
 Scilicet ut gemina hæc cælo capita alta ferentes
 Cædant columnæ Caesarum, uni Barbaræ,
 Et gladij, & galeæ & clypei, Romanaq; pila
 Scytharum acinaci, & pharêtris impijs.
 En quo degenerum cecidit spes tanta nepotum
 Et Christiani nominis regum decus,
 Quorum dum gliscit furor, & discordia demens,
 Absumpta in auras prisca cecit gloria.

Sub

Sub effigie Georgij Castrioti Scander
bechi Epiri principis.

NEMO Christiani nominis princeps, aut
imperator, Georgio Castrioto uehemē-
tius atq; felicius arma Turcarum exer-
cuit, nemo frequentius acie uictor exti-
tit. Is à Barbaris Scanderbechus est appellatus. Nam
pater eius Ioannes, quum in Epiro, eaq; parte Mace-
donia quæ ad Hadriaticum uergit, regnaret, nec fini-
tima Turcarū arma sustineret, his legibus ab Amura-
the pacē impetrauit, ut ei obsides filios daret, in quib;
uirtute animi formaq; corporis Georgius plurimum
eminebat. Itaq; regia in aula liberaliter educatus est,
instructusq; diligenter non modò Barbarorum lite-
ris & moribus ad Mahomethanæ superstitionis disci-
plinam, sed in omnem armorum eius gentis exercita-
tionem, tanto successu, ut ante pubertatis annos San-
zachus efficeretur: qui honos magnæ equitū alæ signi-
ferum exprimit. Erat autem Amurathi longè omnium
gratissimus, utpote qui indolem regij oris præ se fer-
ret, & non obscura summi futuri ducis indicia præ-
bere uideretur: nam quotidie cum summa Amurathis
oblectatione simulacra præliorum in hortis regijs e-
dere cum æqualibus erat solitus, in quibus ipse expe-
diti consilij uigore, & mira ui corporis, omnes ætate
grandiores superabat, eūq; idcirco Amurathes, quod
supra militaris ætatis tempus procera statura præ-
stantisq; ingenij indomitū robur ostēderet, in Asiam

misit aduersus Ciliciæ regem, quo bello summam laudem rebus fortiter gesis est consecutus, ob idq; plenior, quòd singulari certamine Scythâ multarû palmarum gladiatorem superbè ostentatè uires, et pro uocantem confecisset: persimiliq; ausu insignis dux Persa equestribus armis, u nam ciens, paremq; sibi bellatorem ex hostili acie ad certamen inuitans, hasta transfixus prostratusq; fuisset. Dum eo modo bellica laude, et singulari Amurathis gratia floreret, patrem amisit, Othomannicq; arma eius ditionis urbes atq; oppida impotenter occupant: ita, ut Amurathesploranti Scâderbecho spem daret, se maturè paterni imperij ditionem ei concessurû. Sed nihil astutis Barbari regis promissis credens, insigni calliditate solertiaq; usus, in Epirum euadens, per adulterinas literas arce paterni imperij potitus est, excitisq; Epiri & Macedoniæ populis legitimi principis prole agnoscètib; princeps est acclamatus, tantaq; animorû propensione liberatæ gentis est usus, ut per multos annos, & Amurathis, & Mahometis filij inuictos antea regum exercitus frequentissimè profligarit atq; retulerit. His autem bellis hoc ei præcipuum militiæ decus obuinit, quòd quum Amaruthes frustra cum ingentibus copijs miroq; tormentorum apparatu Croiam urbem oppugnasset, dolore irriti conatus, non multo post ad mortem sit adactus: septemq; Othomânici nominis clarissimos duces è purpuratorû Bassarum ordine acie deuicerit, & castris exuerit. Quarû rerum memoriâ successusq; admirandos Marmus

Scodrensis

Scodrensis ea qua potuit facundia celebrato Scander becho, peculiari uolumine edito, mandauit ad posteros. Ceterum Georgius aliquanto post, cum Mahomete inducias pepigit, quum ille Gracie excidiū moliretur, ipse uero Ferdinandum Neapolitanum regem Andegauensium arma egrè sustinentem Epiroticis armis se duce defendendū statueret. Itaq; maturā opem imploranti regi prosperè tulit: nam Georgij aduentu qui ex Epiro in Apuliam traiecerat, Gallorum copie ita profligatæ sunt, ut rex præcipua Georgij uirtute se conseruatum fateretur. Verum exactis inducijs Mahometes, qui Byzantium interfecto Græcorum imperatore manu ceperat, Trapezuntium euerterat imperiū, Ciliciæ, Mysiæ Illyriciq; reges occupatis regnis occiderat, nō secus ac ante pater Amurathes Croiam expugnare non potuit, propugnante Georgio, et nō unam cladem obsidentibus inferente. Quamobrem Pius pontifex excitatis ad capiendā arma Christianis regibus, belloq; indicto aduersus Mahometem, existimauit neminem frenandis debellandisq; Barbaris, Georgio potiore ducem esse deligendum: tanto quidem studio, ut Georgiū non totius Epiri modò, sed Macedoniae regē destinaret. Ceterum in eo consilij decreto conatuq; Pius Anconæ fato est interceptus. Nec his demum honestissimis belli cogitationibus Paulus secundus successor incubuit, quanquam Georgius, ut presentifacundia eum minus decoris occupationib. implicitum permoueret, admoneretq; publicæ salutis Cardinalium Senatum, graui suo incōmodo Roman

petisset, quod immoderate Barbarorū cupiditati atq;
audacia, nisi consentientis totius Europæ uiribus, re-
sisti non posse, apud imperitos & desides testaretur.
Nec quicquam postea pristina sua laude dignū gessit,
ea scilicet uniuersæ concordia spe destitutus. Atq; ita
quum Lipsi esset, ad Dryllū annem, & de bellicis re-
bus cum præfecto Veneto consultaret, letalis eum fe-
bris inuasit. Lacescente autem ea in dies sauius, ubi fa-
talem horam adesse sensit, impuberem filium Ioan-
nem, totiusq; regni opes & copias Veneto senarui
commendauit. Nec multo post ē uita sublatus est, an-
no etatis sexagesimo tertio, a partu uerò Virginis se-
xagesimo septimo supra quadringentesimū atq; mil-
lesimū. Fuit Georgius ui corporis & uirtute animi,
militariq; felicitate (uti reor) nemini secundus. Ha-
buit in conuictu, quum perpetuas aleret copias, lectis-
simorum hominum amplius duo millia, nec unquā au-
ctis copijs maius militiæ robur quàm sena equitū, ter-
naq; peditum expeditorum millia hostibus opposuit.
Delectu enim ueterani militis, non numero uictorias
parari prædicabat. Horum nomina factaq; memori-
ter tenere consueuerat, summusq; illi erat honos, cui
ipse discubens de patera sua propinasset. Qua comi-
tate coniuncta cunctis in rebus summæ liberalitati,
suos sibi maximè conciliabat: quando etiam in eo,
quod maximè accendendis studijs intererat, summa
pietas emineret. Vbi uerò armatus prodibat, tanta
oculorum alacritate, tantaq; hilari facundia milites
ad cuncta ardua aggredienda accendebat, ut non exi-

miè modò pugnaces, sed ferocissimos contemptoresq;
 impiorum hostium efficeret. Erat autem usq; adeò ex
 celsa statura, torosq; habitu, & robustis artibus, ac
 naso prominente decenterq; incuruo, ut magni pro-
 culdubio Herois effigiem repræsenteret. Qua formæ
 specie eius familiæ regulos, qui Apuliæ insiti sunt,
 præditos fuisse cõspeximus, uti ex collatione eius ima-
 ginis qua in Musæo spectatur, uidere licuit; præser-
 tim in Ferdinando pronepote Sancti Angeli ad Gar-
 ganum Marchione, qui Ticinensi prælio regia manu
 confossus occubuit. Narrabant Gentiles eius, quod et-
 iam a scriptoribus memoriæ proditum est, Georgiũ
 nunquam detrectasse pugnã, nunquam hosti uertisse
 terga, nullo unquam in discrimine metu occupatum,
 nunquam vulneratum, nisi leui semel sagitta in crure
 fuisse: supraq; duo hominum milia, barbarorumq;
 præsertim diuersis in prælijs sua manu interfecisse,
 quando singulis tantum ictibus, singulos qui cõgressi
 essent conficere esset solitus: quòd prægrandi ponde-
 rosoq; acinace tam ualide quàm peritè uteretur, quo
 medios hostes ad umbilicum proscindere, transuersos
 diuidere soleret, & sæpe per ceruices integros cum
 humeris brachiorum artus faciliè detruncaret. Qua-
 rum immanium vulnorum truculentiam, hostes qui
 ex prælijs euassissent, quum Byzanti in aula admirã-
 tibus cunctis enarrarent, Mahometes ipse, illum po-
 tentis dextræ inusitatæq; uiolentiæ gladiũ uidere con-
 cupiuit, impetrauitq; facile à Georgio, ut sibi Byzan-
 tium mitteretur, talem nanq; eius esse temperaturam

predicabant, ut eius ictum nulla uel ferrea corporū
munimenta sustinerent. Tanta autem inusitata uirtu-
tis eius uiri fama erat, ut Turcæ post mortem eius po-
titi tota sere Epiro, sepulchrum Scanderbecchi apud
Lissum quererent, admirandiq; usq; adeo pie ue-
nerarentur, ut superstitiosi homines, eruta demum se-
pulchro tanti Herois ossa, religiosè diriperent, quum
quisq; se bello inuictum, tutumq; fore crederet, si fru-
stulum ex ossibus, reliquijsq; inuictissimi imperatoris
in amuleto ceruicibus suspensum, iturus in praelium
gestaret.

Faerni.

Turcarum clades, Othomanni nominis horror,
Epiri tutela, illo iacuerunt sepulchro,
Quo quondam inuicti cubuerunt ossa Georgi.
Nunc & membra uiri, et dissectū in frusta sepulchrū
Interijt, sparsi manes, concisa uagantur
Ossa, nec in gelida nunc saltem morte quiescunt:
Namq; ut is assertum toties cum laude paternum
Imperium, exacta moriens aetate reliquit,
Illicet immanes tenuerunt omnia Turcæ.
Tam clari Herois uenerati nobile bustum
Ossaq; marmorag; inuictum condentia corpus
Abstulerant, sibi quisq; in partes secta minutas,
Tanquam ijs bellica uis, & Martius ardor inesset,
Et genium præstare bonum, sortemq; ualerent.
Sic quæ alijs tumulum uirtus parat, abstulit illi
Atq; eadem diro uenerandum præbuit hosti.

Sub effigie Bartholomæi Colconis.



VIC Gattamelata honore par, ac æta-
te ferme æqualis fuit Bartholomæus
Coleo Bergamas, uerum genere atq; o-
pib. aliquanto superior. Is Sfortianæ si-
mul & Bractianæ disciplina diligentissimus observa-
tor, multis fortib. factis, constâtis atq; impigri ducis
famâ est consecutus, eoq; præsertim prælio quo Gal-
lorû sanguinaria manu bella gerentiû, feritatem atq;
seuitiam pari crudelitate uindicauit. Mortuo nanq;
Philippo, quû Mediolanenses sese in libertatem asse-
ruissent, Raynaldus Gallorum dux ab Asta urbe sue
ditionis Alexandrinum agrum hostiliter inuaserat,
nec quem ei opponerent Insubres habebât, Francisco
Sfortia ipsorû imperatore aduersus Venetos bellum
gerente, qui sine certa pernicie inde reuocari non po-
terat. Erât tum Coleo custodiæ traditus Philippi iussu
propter inanem concepti transfugij suspicionem. Ita
q; hunc maximè idoneum qui Gallis resistere posset,
rati custodia educût, adiunctoq; ei Astore Fauentino
cû patre copiarum cõtra Gallos proficisci iubent. Cõ-
serta est ad primum hostis conspectum pugna maxi-
mè atrox & cruenta apud oppidum Boschem. Nam
Galli pro genti insita seuitia contra Italicum morem
captos & deditos Coleonis cataphractos, dissibulata
casside iugulabant. quod ubi Coleoni nunciatum est,
clamore edito suis edixit, ut Italicæ cõsuetudinis obli-
uiscerentur, & nemini Gallo parceret: atq; ita graui

ira succensus cōglobatis alis in hostes irrupit, fusosq;
 prostravit: sic, ut magna eorum pars interficeretur,
 & Raynaldus captus, uix supplex salutem impetra-
 rit. Primis stipendijs diu uagatus turmæ equitū præse-
 cturam à Braccio promeruit. nam planè puer pecu-
 nie inops, Paulo patre propinquorum insidijs inter-
 fecto miser & errans domo exierat: matre etiam in
 carcerem à mariti percussoribus immaniter cōiecta:
 sic, ut paternis opibus nulla in parte iuuaretur. Sed La-
 cobus Caudola, non multo pōst ei turmam duplica-
 uit, iusteq; demum ala uexillum detulit Braccius.
 Rex autem Alfonsus uberiore auxilij stipendio: et ipse
 quoq; sfortia honoratiore militia nobilitauit: adha-
 sit tandē Philippo, sub quo bella multis annis uigue-
 rūt. Ceterum Coleo Veneti imperij fortunā agnoscēs,
 eius auspicia opportuno tempore secutus est, uiginti-
 q; amplius annis eorum copijs cum imperio præfuit.
 Eo autem bello quod aduersus Mediceæ familiæ prin-
 cipatum à Florentinis exulibus in Gallia togata ex-
 citatum est, Coleo dux primus omnium instituisse di-
 citur, ut tormenta aduersus hostium aciem emitteren-
 tur, quum antea in expugnandis tantum defenden-
 disq; urbibus usui esse solerent. Spingardas enim ita
 uocabant minora tormenta tricubitalis longitudinis,
 quæ glandem pruni maioris magnitudine uiolenter
 effunderent. Hæc paruis curribus inserta post acies
 aduehi, & signo tuba dato quo sua agmina relicto in
 teruallo hinc atq; illinc paderentur in oppositos ho-
 stes dirigi iubebat. Quo inuento ad Ricardinam Bo-
 noniensis

noniēsis agri, hostilem aciem ita perterruit, ut quū
 Spingardæ pila Herculi Ferrariæ principi calcaneū
 deterisset, malignē & barbaro more Coleo fecisse dī
 ceretur; qui uiros sortes gladio atq; hasta pro uirtute
 & gloria dimicantes, inusitata atq; horribili pilariū
 procella sternendos curaret. Ea enim humanitate mi
 lites ducesq; extra cruorē per id tempus in Italia de
 pugnant, ut eo prælio funalibus accensis, quū nox
 ingrueret, amplius quatuor milia cataphractorū e
 quitum; admirabili ridendaq; hodie spectaculi cōten
 tione cōcurrerint. Fuit Coleo corporis statura erecta
 atq; habili, adeoq; formosus & agilis, ut Regina Ioan
 na ingenio proci mulier, auidaq; uiroꝝ fortium,
 Coleonis amore caperetur, quum eo spectāte cunctos
 in palestra iactuq; ferrei ueclis, & saltu cursuq; cer
 tantes, cum magno spectantium plausu superaret.
 Deceant ei Latina litera, sed his præditos suspicere,
 & per hos historiae ueteris noticiam consequi erat so
 litus. Nec ingenium eius ab urbanis facetijs alienum
 fuit, ut ex eo loco apparuit quo Galeacium Sfortiani
 acutissimē perstrinxit. Nam quum ei Galeacius iuue
 nili petulantia dono misisset uulpem cauea inclusam,
 ut exactæ ætatis duci nec semper astuto illuderet, Co
 leo cum statim pari dono remuneratus est, mittens Ti
 nungulum compeditum loro, & binis de more acci
 pitrum argēteis tintinnabulis exornatum, qui a pue
 ris pro accipitre gestari solet; quasi tāta fortune prin
 cipi ingenij leuitatē exprimeret, qui nihil præter or
 namenta & inanem effigiem, grauis & strenui ducis

præferre censeretur. Oderat nebulones; fures autem
 & delatores seuerè puniebat. quum exactè extra bel-
 lum pietatem coleret. Familæ dignitatē cultu & con-
 uictu admodum liberali tuebatur, magnificentiaq;
 deditus tribus templis suo sumptu ædificatis patriam
 honestauit. Condidit autem peramœno in situ Castel-
 lum structura elegātis, quod Malpagam appellauit.
 Ea in arce quum uixisset annos septuaginta sex, ex-
 cessu è uita condito testamento, in quo senatum Vene-
 tum ex quadrante scripserat heredem, ut cōgestarum
 opum inuidiam ea liberalitate redimeret. Statuit &
 sibi uiuens sepulchrum ad arā maximam, apud quam
 marmorea eius effigies, & in tabula etiam scitissimè
 depicta Bergomi cōspicitur. Senatus autem ei meritò
 statuam equestrem anciam ad tēplum Ioannis & Pau-
 li cum marmorea basi crexit, Patauina quidem ma-
 gnitudine grandiorē & luculentam, sed nequaquam
 pari Verroci artificis felicitate fabrefactam.

Augusti Cocceiani.

Non sic Acaciden Græcia Thessalum,
 Non sic Annibalem aut Asdrubalem fera
 Carthago, meritis tollet honoribus,
 Non sic Scipiadas graues
 Pænorum urbibus, urbs inclyta Romuli,
 Quauis imperij trans mare terminos.
 Longè protulerint, regnaq; Punica
 Latè sub iuga miserint.
 Et contra madidos impius Annibal

Campos

Campos Roma tuo sanguine fecerit,
Cum præceptis animi consul ad Ausidum
Infausta agmina perdidit.

Et quævis rapidus fortis Achillei
Currus magnanimum traxerit Hectorem,
Vnde omnis Phrygiæ concidit imperij
Spes, & præsidium, ac Deus,

Vt te Cenomani maxime Coleo
Certant perpetuis tollere laudibus
Alpinæq; caput gentis, & hospitum
Cultrix Brixia nobilis,

Et montana tuis clara crepundijs,
Nataliq; solo mœnia Bergomi,
Et patres Veneti, qui iuga nesciunt
Soli barbara perpeti.

Nam cum consilijs bella sagacibus
Et gladio forti Martia gesseris,
Gallorumq; graues fregeris impetus,
Miscens effera prælia,

Tunc ardentis equi uiuidus & ferox
Stans dorso statua æternus in ænea
Pro templo, meritis par ut erat tuis
Gestare bene publica.

Sub effigie Galeacii Sfortiæ.



X hoc Galeacio Sfortia, qui decore for-
ma, ingenij præstantia & perâpla stabi-
liq; exultatione paterni imperij, prin-
cipum maxime fortunatus, & ipso tan-

tum uitæ exitu miser apparuit, non absurdè suspicari
 licet, aliquā omnino inesse uim occultioris fati in ge-
 nitura hominum, omni humana prudentia potentio-
 rem; quando hic nullo insigni maleficio, nulla impo-
 tentis noxiæq; superbie acerbitate, nulla regendo im-
 perio iniqua libidine, certum uel graue odiū prome-
 ritus, immuni paucorum familiarium perfidia ex le-
 uissimis offensionum concepta causis, improviso occi-
 derit; scilicet ut ex felicissimo florentis ætatis ac impe-
 rij statu præceptus datus, seruitura mox Italia, multo
 nostro cum luctu uiam aperiret. Posuerat militiae ru-
 dimētum in transalpina Gallia, eò missus à parte cum
 ueteranis copijs, ut Ludouico regi inopinata præpo-
 tentum Gallie procerū defectione circūuento opem
 ferret. Sed uix dum expugnatis quibusdā oppidis in
 Aruernos penetrarat, quum nunciata patris morte,
 per infestas Allobrogum gentes mutato sæpe habitu,
 Mediolanū redire coactus est. Præstitere fidem nouo
 principi, quàm Francisco patri mitis antea foederi-
 bus dederant Veneti, Ligures, Florentini, ipseq; Fer-
 dinandus rex Neapolitanus, quorum amicitia fretus,
 fauoreq; item Blæcæ matris, cuius humanitas ad gra-
 tiam amoremq; parandū apud Insuabres multum ua-
 lebat, imperium domi & foris firmissimè stabiliiuit.
 Itaq; splendidissimo rerum omnium apparatu usq; ad
 regalem fastum, principē egit integros decem annos,
 & uti ditissimi imperij opes sapientia patris amplifi-
 cata, constitutæq; tolerabant, magnificentie & libe-
 ralitatis studium, magnanimi regis instar per omnes

numeros

numeros extendit. Nam præter ueteranorum peditiū cohortes, alas equitum ex omni Italia nobilitate lectissimas, & perpetuis cum suis tum paternis stipendijs inueteratas, ea consuetudine in hybernis continebat, ut adulto uere in campos produceret, solenniꝫ lustratione inspectas, ad equestres ludos cōmitteret, propositis quidem optimis præmijs, quibus concurrētium præstantissimi honoris causa ornarentur. Hoc equitatu qui duorum milium cataphractorum numerum superabat, nihil splendidius & comptius uideri poterat, quum quisq; lacinijs acu pictis & præaltis cristis, & equo undiq; auratis bardis protecto effere conspicuus. Hippagiorum uerò puerorum in uersicolore lacinia militares principis equos producentium atq; incitantium ea erat species, ut eius ostentationis admirabilis pompa, omnem uel externorum etiam principum apparatus magno interuallo superare crederetur. Par quoque apud eum erat totius aucupij & uenationis instrumentum. Nam præter insignium canum multitudine supra centena falconum paria in remotissimis ad Oceanum Borealem conquesta, tãto alebat studio sumptuq; ut in magnis porticibus eæ uolucres canterijs & perticis insidentes, mira cū uoluptate spectarentur, quum ex his sedibus ad ornatum tela serica picta acu, squamosoq; opere inaurati argenti resurgens dependeret, & uolucres argenteis sonantibus pedicis uincirentur, & pileolos gestarēt, quorum apices & gemma & uniones adornabant. Totā porro familia quæ ex delectu nobilis iuuetutis

per singulas ditionis urbes accuratè habito cōstabat,
ut fides obses foret, pretioso amictu, elegantibusq;
munditijs exculta spectabatur. Nemo enim erat, qui
laciniam purpurei serici, & phrygio opere ad argu-
mentum principis depictam singulis annis, non bis à
principe dono acciperet, alerenturq; omnes opiparè
hospites autè longè omnium luculentissimè. Ipse præ-
ter uenatorias equestriumq; armorum exercitatio-
nes pilæ ludo tanta cum uoluptate tenebatur, ut ingē-
tis structuræ ædificia Mediolani & Ticini, ceterisq;
in arcibus ad usum eius certaminis conderet. Erat id
genus pilæ inflatus follis capitali magnitudine, qui
armatis plumbea lamina pugnis longissimè iactaba-
tur, sic, ut inde palmæ decus iurgiosa contentione &
multo cum sudore peteretur. Caterum in serijs recti
& honesti amans, iusticiæ usq; ad seueritatem erat te-
nax; dabatq; enixè operā, ut nihil in iudicijs esset ue-
nale, aut ad gratiam corruptum, quādo pœna inex-
orabili certissimòq; præmio cuncta constarent, & u-
na præsertim annohæ uilitate, tanquam parato ad id
populari plausu maximè letaretur. Sublatis uerò un-
diq; latrocinij, castigataq; licentia militari, & pro-
pagata apud cunctos ordines commerciorum securi-
tate, ita amari simul & metui cupiebat, ut nonnun-
quam sordidi mercatoris simulato habitu discurrens
per ditionis regiones, oblatos in uia, aut in diuerso-
rijs hospitalibus simplicissimos homines ad serēda de
principe colloquia pertraheret, eruendoq; certissi-
mos de se rumores, utraq; nominis sui fama frueretur
paratus

Paratus utiq; ad præmium exoluendum, aut infligendam poenā. Nam in Pado, Abdua Ticinoq; custodes ad tractū lintribus præpositos qui à se precibus atq; pecunia tentati essent, ut sine ressera properantem transuerberet, ex merito aut supplicij extremis, aut per amplis præmijs afficere cōsueuerat. Audiebat autem cum uoluptate literarū & sapientiæ studio præstantes uiros, & benignè quidem attollebat, contendeatq; graui sumptu, ut Ticinense Gymnasium professorum celebritate, & studiosæ iuuentutis frequentia cæteris omnibus præcelleret. His artibus cū boni splendidiq; principis nomen tueretur, premebat eius famam intemperantes uagæq; libidines. Nam eatum erat ex multo ocio luxuriantis seculi conditio in ipsis præcipuè nobilioribus matronis, ut totum pudicitie decus ab humanitate aulæ alienum prorsus & subagreste putaretur, ideoq; princeps ad licentiam libidinis proclinatus, & iuuentis uigore uenustateq; oris supra omnes spectatu dignissimus procacibus seminārū oculis & desiderijs cupidissimè deseruiret. Erat enim tum uulgatum inter foeminas, nullā ex principis concubitu fieri impudicā, earumq; maritos qui ineptis hirci uideri possent, ita excellere aurcis cornibus, ut dignitate cūctos anteirēt. Per hūc modū Galcæ eius cum undiq; beatus, arridentis fortunæ fastigium teneret, Allobrogico bello uictor, è castris durissimæ hyeme Mediolanum redijt, ut Natalis Christi diem solenni hilaritate cū uxore & liberis atq; amicis celebraret, coniuratisq; simul in necem suam limen ape-

riret. Coniurauere diuerso animorū habitu Andreas Lamponianus, Carolus Vicecomes, & Hieronymus Olgiatus cubiculo principis adscripti. Andreas consumpto magna ex parte patrimonio, propter rei domesticæ inopiam superbiæ ipsius atq; luxuriæ aduersam, turbido ferociq; ingenio res nouas moliri, quas ex cæde principis certo sibi cōmodo cessuras, & coniurare omnino statuerat: ad audendum uerò immane usq; adeo & periculosum facinus uehementer incitabat illata sibi iniuria à Castellioneo Comensum antiſtite, à quo sacri latifundij possessione contra ius interrupta locatione, se periniquè spoliatum querebatur. Totum autem eius iniuriæ odijq; uenenum uerte bat in principem, qui à se suppliciter deprecante eam contumeliam, sæpe rogatus aduersarium in extrahenda lite præpotentem, neq; auertere neq; mollire uoluisset. Carolus gentilium suorum totius principatus fortunam ad Sfortianos delatam ægrè ferens, germanæ sororis probro, quam Galeacius adamaret atque subigeret, permouebatur: tanto indignantius, quod eam decoro adolescenti, qui ætatis florem principi fruendum dedisset, conciliaſſe & communicasse suspicaretur. Principem enim in amore improbum atque adeo impudentem pleriq; uel falsò existimabant, ut aliene libidini lenocinij obsequium lubens præbere crederetur. Olgiatum uerò penè imberbè leuissimūq; adolescentē inani spe parande gloriæ inflauerat Cola Montanus literarij ludi magister; si occiso tyrāno patriam in libertatem assereret; sæpe Castios & Bru

tos in schola magnis extollens laudibus, qui gloria ducti pulcherrimi facti consilium olim suscepissent. Hic Cola quondam Galeacij pædagogus dirū in principem odium conceperat impotenti eius contumelia percitus, quòd ille pueriliū uerberum nimis memor, postquam adoleuit, imperiumq; suscepit, ipsi Colæ tanquā immiti subagrestiq; præceptori, acceptas olim plagas nudatis clunibus loro palam rependi iussisset. Huius Colæ diris cohortationibus coniurationem inchoatam ad exitumq; perductam fuisse, Olgiatus ipse ex questione perscripsit. Igitur obstinatis efferatisq; animis ad id patrandum scelus confirmati, principē inter frequentem custodiam corporis diui Stephani templum intrantem, ut sacris solēnibus interesset, circumsteterunt, additis sub sinistri brachij manica pugionibus. Primus à fronte Lamponianus in speciem turbam dimouentis, porrigentisq; literas sese insinuans, nihil à familiari metuentem ad infimam uentris partem perfodit; repetitoq; ictu leuū percussis tempus. Carolus autem & Olgiatus à tergo inermē letalibus plagis consauciarunt, sic ut undiq; petitus à Deipara uirgine frustra opem implorans repente concideret, & expiraret; iuxta quem traiecto pectore prostratus occubuit Ripeus ex custodibus promptissimus, quum in percussores gladium strinxisset. Per hunc modum cadente principe, exortoq; inde terribili tumultu, cum quisq; ad fugam metu percussus se expediret, tanta conflictatione procursum est, ut multi è turba in templi foribus eliderentur, deser-

toq; ab omnibus templo, sacerdotes è sacrario pro-
 deuntes tria tantum cadauera fodato multo cruore
 pauimento iacentia reperirent. Nam procul è princi-
 pe Ripeoq; ipsius Lamponiani cadauer solum lin-
 gua et denibus commordès iacebat. Eum enim per
 mediam mulierum turbam incuruo passu euadere co-
 nantem, satelles Aethiops cui Gallo fuit cognomè a-
 dsto per imam sedem lato hastilis ferro coseceerat. Ce-
 terum sacrificuli principem ut abluerent, in sacrarii
 calentibus adhuc membris retulerunt. Lamponianus
 insultantis plebis et puerorum turbæ ad ludibrium
 concessus, iniecto laqueo per cunctas urbis regiones
 raptatus est. At Carolus et Olgiatus quum immixti
 effugientium turbæ, elapsiq; templo uarias latebras
 quæsiuissent, biduo post diuersis in locis, quod tanquã
 execrables parricidæ à nemine uel propinquo reci-
 perentur, ad teterrimum supplicium rapti sunt. Ol-
 giatus ipse mirum uisu audituq; uesana constantia ob-
 stinatum animum in conspectu carnificis gerens, se-
 seq; in ipsa morte confirmandus hæc contumaci ore
 protulit uerba; Collige te Hieronyme, stabit uetus me-
 moria facti; mors quidem erit acerba, sed tormentum
 breue, atq; eius fama perpetua. Hæc quidem digna
 uiro sorti uideri poterant, nisi impium facinus intem-
 pestua atq; inhumana crudelitas eleuaret, quod pro
 tyranno, equum bonumq; principem, nec ab ipso quic-
 quam hostile meritum occiderit, scilicet ut diurnum
 ciuibus suis luctum ex infelicitate ad externos pro-
 lapsi principatus pararet. Hos etiam quod miremur
 in car-

in carcere uersus pangere potuit, quos ad argumen-
tum imperterritæ mentis quāquam rudes, huius Tra-
gædiæ elogio subiiciendos existimauimus.

Hieronymi Olgiati percussoris.

Quem non mille acies, quem non potuere phalanges
Sternere, priuata Galeaz dux Sfortia dextra
Concidit, atq; illum minime iuuere cadentem
Astantes famuli, nec opes, nec regna, nec urbes.
Hinc patet humanis quæ sit fiducia rebus,
Et patet hinc seuo tutum nil esse tyranno.

Cola quoq; Montanus aliquanto post in Alpibus Bo-
noniensium comprehensus, quod dira malignitate in
principem percussores ad coniurandum concitasset,
meritis sceleris pœnas dedit, quādo eum Laurentius
Medices inusitate immanitatis ultor egregius, latro-
num more laqueo necari iusserit.

Iouñ iunioris.

Quis te dira cohors? & quæ insania tanta
Impulit, horribili stimulata
Eumenidum rabie, & seuis agitata colubris,
Vt domini nil tale merentis
Corpus in egregium, crudam conuertere dextram
Auderis, scelerisq; nefandi
Pro laqueo, & meritis pœnis, tibi præmia certa
Sperares, nomenq; perennes?
Te non eximij iuuenis deterruit alto
Insignis reuerentia uultu,

Impia; sed nec te tenuerunt templa, nec ara
 Nec superum solennia sacra:
 Non (ut rere) ferum crudeli morte tyrannum
 Conficis : at iustum innocuumq;
 Rectorem Insubri Imperij, cunctisq; colendum:
 Quo simul una concidit omnis
 Spes Italum, longos semper lugenda per annos,
 Scilicet ut nostros populatus
 Urbibus euersis fines in viscera nostra
 Cum Gallo seuiret Iberus:
 Vos uos o Scylla, formaq; tricornis umbra
 Harpyiaq; & uos Gorgones atræ
 Ardenti fontes animas immergite Auerno
 Et Stygio exercete flagello.

Sub effigie Caroli Burgundiæ ducis.



HIC qui seueraminaciq; fronte districto
 gladio & coruscantibus armis conse-
 rere manum cupere, Martioq; spiritu
 fulgurare uidetur, Carolus est Sequa-
 norum & Belgarum princeps, qui ui bellica, castren-
 si apparatu, magnitudineq; animi, non suæ modò, ue-
 rum superioris etiam ætatis dices sic antecessit, ut
 summe gloriæ fastigium asecuturus crederetur, nisi
 eum arduis & audacibus innixum consilijs, immode-
 rataq; fortitudine quæq; aspera aggredientem, tur-
 bulenta & insolens fortuna perculisset. Nam Philip-
 po è Gallorum regia stirpe, cui OPTIMO cogno-
 menti fuit, patre genitus, consanguineorū arma usq;

adco uehemēs & ferox exercuit, ut Ludouicum XI.
 apud Luteciam Parisiorum acerrimo circumuentum
 bello ad pudendam pacem redegerit, quum ad mon-
 tem Alerium ingenti edito praelio, quanquam uulne-
 ratus uictor euasisset. Exinde Ludouicus dissimula-
 ta potius quàm confessa pacis necessitate, quòd cōspi-
 rationem multorum Gallie procerum timeret, cum
 armato fœdus iecit, pudēdum hercle, sed demum sibi
 & Gallie utilissimum; nam coniuratorum animi at-
 q; eorum arma repente conciderunt. Eo modo Caro-
 lus reconciliatus propinquo regi, debellatis Eburoni-
 bus, Leodioq; ipsorum urbe ferocibus armis expu-
 gnata deletaq; in Heluetios inauspicata arma con-
 uertit, eo euentu, ut fatali sua peruicacia experire-
 tur, quantum interesset inter nobiles Gallos pro glo-
 ria pugnare, moderateq; uti uictoria solitos; & agre-
 stes, qui ab insita animi ferocia, de una tantum uita
 cum hostibus dimicarent. Neque enim fas erat, qui
 Gallicam nobilitatem armorum strepitu, & nominis
 fama contudisset, ab ullis omnino quàm à fortibus po-
 pulis, quibus animorum peruicacia indomitum ro-
 bur efficeret, frangi atque opprimi posse. Heluetij
 namq; iure fœderis pro Renato socio Lotaringie re-
 gulo, quem Carolus oppugnaret, arma ceperant,
 quo bello unam atque alteram ad Gransonem & A-
 moratum uictoriam secundis praelijs consecuti, ita
 Carolum superarunt, ut ille in primo exutus castris,
 impedimenta, totiusq; exercitus opes, suamq; in-
 primis pretiosam supellectilem amiserit; in secun-

do supra quatuordecim milia lectissimorum militum
interfecta desiderarit. Ab his duobus acceptis detri-
mentis iratus & fremens, tertij certaminis aleam subi-
re non dubitauit. Nam cum Nanseum oppidum oppu-
gnantem, pertinaciusq; harentem, Heluetij per niues
ad soluendam obsidionem progressi adortiq; cum il-
le incepto abstinere indecorum putaret, inito prelio
fuderunt, circumuentumq; nec agnatum trucidarunt;
cum desertus esset à suis insigni perfidia. Campobassi
Neapolitani: qui quum aliquando colaphum à Caro-
lo insolenter accepisset, in id tempus uindictæ patrâ-
diq; sceleris occasionem distulerat. Fuere qui eum ef-
fugisse, & Mosæ pontem transiisse affirmarent, quod
diu in Burgundia creditum est. Verum puer è Colum-
nia Romana familia cubiculo eius assuetus inter ca-
dauera repertum à nauo lateris, enormiq; ungue dex-
tri pedis, confirmante eius medico certius agnouit.
Turbulatus est apud templum diui Nicolai in Lota-
ringia, finibusq; Mediomatricum. Reliquit filiam ex
Lusitania uxore natam, quæ nupta est Maximiliano
Federici Caesaris filio, ex qua Philippus susceptus est,
qui huius Caroli quinti imperatoris inuictissimi pa-
ter fuit. Ceterum in Carolo id unum ad summæ per-
illustrisq; uirtutis cumulum defuisse uidetur, quod Ge-
nij sui capti sensumq; quam alienæ prudentiæ placi-
ta sequi maluerit: quasi arrogantis & elati supra æ-
quum ingenij esset amicorum beneconsulta contene-
re, & contrâ peculiari sententiæ suæ semper adulari.
Quæ res plerosq; perdidit: nam qui sua intemperan-
tius

hūc amant, obliu rationis, citiſſimè præcipites dātur,
ut reliqua ſua omnia cū fata urgent, penitus euertāt.
Carolus enim nimio ſortaſſe gloriæ ſtudio adductus,
uirtutes quas in eo maximæ erant atq; admirabiles,
ſplendoris, munificētiæ, facilitatis, exactæq; bello di-
ſciplinæ, & in pace pietatis; una obſtinatione animi
dum ſibi irato acriter indulget, corrupiſſe uidetur.

Pauli Iouij iunioris.

Vidiſti ne ut Pyrrhi effigies armata ſariſſam
Vibret, & à ſummo ſpargantur funera ferro?
Vtq; ſerus Lybicam contorqueat Annibal haſtam
Huc ſimul ac conuerte oculos, fulgentiaq; arma
Egregij ducis, ac latè mucrone coruſco
Inſpice turbatos uultus, ſpirantiq; ora
Martis adhuc triſtes pugnas, atq; horrida bella.
Hos olim inſignes habitus atq; ora gerebat,
illum ſanguineis quum formidauit in undis
Et Liger, & trepidi ſpectator Sequana belli,
Infractæ Gallorum acies, & Belgica paſſim
Agmina letiſſeræ ſenſerunt fulmina dextræ.
Heu miſer, heu nimium pugnandi dira cupido,
Heu laudis ueſanus amor, quem Gallia diues,
Belgarumq; omnes procerum tremuere cohortes,
Contempſere rudes populi, gens Barbara uictrix
Funeribus ſtrauit medijs uictumq; trophæis
Expoliat cunctis, nudumq; relinquit arena,
Vix tandem inuentus parua requieſcit in urna.

Sub effigie Iuliani Medicis.



HÆC uera est imago Iuliani Medici, qui magni Cosmi ex Petro filio nepos, & Clementis maximi pontificis pater fuit, à celebri pictore ita scitè expressa, sicuti seniores testantur qui uiuentem uiderunt, ut Clemètem pontificem toto oris habitu respondisse ad patris lineamenta uiderimus. Euaserat Iulianus quum adhuc uiueret, æqua gloria editis equestrium ludorum spectaculis, paribusq; omnis elegantie, comitatis, atq; magnificentie muneribus, Laurentio fratri propè par, quod natus minor esset, populari fauore princeps uentutis fuerat acclamatus. Capessens uerò Reipublice munia, eamorum actionumq; moderatione fratrem summis nitentem uirtutibus emulabatur, ut cunctis ciuium ordinibus esset carissimus, supraq; ceteros ciues ipsi duo fratres mirè concordēs eminerēt, & Reipublicam paternis auitisq; artibus feliciter administrarent; utpote qui ueteres opes, maiorumq; perpetuam inter ciues existimationem ualidis affinitatibus numerosis clientelis, & noua deniq; uirtute corroborarent; distributis usq; adeò appositè ac sapièter Reipublice officijs, & collatis ad æquitatem honoribus, ut nullo cultu, nullo eminentiore nominis appellatio ne supra ciuilem, nulloq; deducitium comitatu, à ceteris ciuibus differrent; sola tamen autoritate ceteris omnibus præstare, & præclara uirtute atq; potentia ciui-

tia ciuitatis principes censebatur; ideoq; fiebat, ut sua
 diosē colerentur ab his qui publicum bonum, & ci-
 uitatis tranquillitatem, omni ueteri odio, aut nouo
 obrectationi anteponendū iudicabant. Hunc in Me-
 diceis fratribus non obscurū in ciuitate principatum
 una gens Pactia ferre non poterat, satis quidem cum
 uiris & cognationibus tum etiam fortunis abundās:
 sed quæ esset moribus admodum superba & insolēs,
 multiq; auida pecunia simul & tenax, ideoq; apud
 populum minimē gratiosa, ac ob id in necem fratrum
 conspiraret; quoniam uigentibus stabili authoritate
 Mediceis, nullum sibi satis honestum in Respublica lo-
 cum relinqui arbitraretur. Erat familie princeps Ia-
 cobus equestris ordinis, qui cū nulla uirtute emine-
 ret, perpetuo aleæ studio perditus, iraq; precipiti &
 contemptu superū putabatur infamis. Hunc impule-
 rat Franciscus fratris filius ore pallens, ingenio liui-
 dus & perpetuus honesti moris irrisor. Is Romæ nu-
 mariæ negotiationi assuetus Xysto pontifici erat fa-
 miliaris, a quo si fas sit de homine sacro non iniquē su-
 spicari, nefarij consilij ratio omnis emanasse credi-
 tur, scilicet ut Hieronymo Riario, cui erat auuncu-
 lus, maiores opes adstrueret, quæ ei obuenturæ pu-
 tabantur, si Florentinæ ciuitatis statū sublati Medi-
 ceis cōmutasset. Franciscus quoq; Saluiatus Archiepi-
 scopus Pisanus, nullā uel mediocrē ex literis proba-
 tisue moribus laudē meritus, utpote qui ambitu adu-
 lationeq; & prauis omnino artib. ad eū honorē con-
 tendisset, ex contētionē sacerdotij acre odium in Me-

diceos conceperat, & ad Riarium Pāctiosq; ipsos se
 totum contulerat, ratus pulcherrimum fore patriam
 in libertatem uenlicare, & purpurei galeri decus à
 pontifice, uel execrabili nauata opera promereri.
 Quibus autē initijs, quōue exitu susceptum paratūq;
 sit id immane scelus, Angelus Politianus, summa do-
 ctrina uir, ut qui cūctos atrocis eius Tragediæ actus
 spectaret, peculiari Commentario, qui impressus ex-
 tat, luculentissimè perscripsit. Nos atrocissimi eius edi-
 ti facinoris summā tantum attingemus, ut bonis mor-
 talibus præclare constet, superos impiorum uindices
 solere esse certissimos. Igitur coniuratione diu ante a
 Rome secretis deliberationibus agitata, & Florentia
 demum in Mōtughio Iacobi Pāctij suburbano instru-
 cta, Raphael Riarius Cardinalis è Gymnasio Pisano
 Florentiam uocatur: specie quidem inuisendæ pul-
 cherrima atq; ornatissima urbis, uerū ut coniura-
 torum animos presentis personæ autoritate confir-
 maret: quanquam uti planè iuuenis captiūq; ingenij
 parum grauis, tantæ rei constitutæ ignarus esse puta-
 retur. Egere Pāctij multo astu, ut is à Mediceis fratrē
 bus in Fesulanam ipsorum uillam honoris & incun-
 dæ uoluptatis causa ad conuiuium uocaretur, ut ibi
 ambos fratres inter hospitales mensas trucidarēt. Sed
 cum Iulianus ex modesta pituita impeditus interesse
 nolleret, deiecti ea spe, rem ad sacra quæ ex festo Solis
 imminebant, in ipsumq; templum maximum reiece-
 runt; in quod ambos fratres tum religionis, tum ho-
 noris causa erga Cardinalem omnino conuenturos

indicabant. Conficiendi autem negotij munia inter se eo ordine dispartiti sunt, ut Franciscus Pactius & Bernardus Bandinus obtruncandi Iuliani partes desumerent; Antonius Volaterranus cum Stephano Pactiorum pedagogo Laurentium aggrediretur, accepta tum ex condito & distringendos gladios tessera cum medijs in sacris seruatoris hostia sacerdotis manibus attolleretur. Antistes uero ipse Pisanus cum Iacobo Poggio, & Saluiatis propinquis suis, fidaq; clientium occultè armatorum manu in speciem salutandi uexilliferi, curiam occuparet. Iacobus autem cum equestri dignitatis, tum ætatis honore conspicuus, ubi patrata fratrum cædes esset, equum conscenderet, & armatis clientibus septus per forum discurrens, populum uocaret ad libertatem, & Saluiatis curiam occupantibus uires adiungeret. Iam cœpta erant sacra concinente sacerdotum choro, & tesserae tempus instabat, cum Pactius atq; Bandinus deambulante Laurentio, Iulianum oculis frustra requirerent. Quapropter ad Mediceam domum conuolarunt, ut in Iuliano omnem prodeundi moram iucundis adhortationibus abscinderent, nunciâtes quasdam formosas, adamatq; nominis matronas in templum peruenisse. Itaq; uiri efferata mentis, quod mirum est, hilari uultu aptè compressa perfidia, Iulianum retardâte fato segnius se expediëntem, mediū honoris causa, & insercis iuuenili comitate subter humeros brachijs in templum deducūt, pauloq; post unâ deambulante ad tessera repētē districtis siccis circūstūt. Bādinus mediū

sub papilla transfodit, eadentiq; illico incumbit Patius, & ferro in uentrem & iugulum adacto conficit, usq; adeò atroci & seruida manu, ut crebrò repetens ictus, seipsum in genu prealto uulnere consauciaret. Bandinus quoq; furiata mente Norium Iuliani familiarem obruncat. Sub idem temporis punctū Laurentij percussores incondito impetu illum adorti, unam tantum neq; letalem ad iugulum plagam inflixerunt, quòd is presenti animo educto statim gladio, & reiecta intortaq; ad laeuam chlamyde, constantissimè se defenderet, & ab amicis in proximum sacrarium duceretur; ubi obseratis foribus ab imminente Bandino seruatus est; atq; inde obligato uulnere, stipante armatorum amicorum caterua domum deductus est; sèpe sciscitans an frater esset incolumis, ne Cardinalis uiolaretur edicens, quem linteati sacer dotes in eo tumultu custodiebant. Dum hæc fierent, percussaq; metu omnis turba diffugeret, & terribili strepitu tanti tumultus templum corruere uideretur Pisanus antistes cum suis curiæ scalas ascendit, postulatq; à ianitoribus, ut ad Vexilliferum ad quem haberet mandata pontificis, admittatur. Is erat Cæsar Petruccijs, & tum fortè cum Decurionibus, ut festo die sèpe accidit, tempestiuè prandebat; admirantibus cõuiuis importunum hominis aduentum, quòd ea hora serijs colloquijs aliena prorsus atq; inepta uideretur: sese tamen Cæsar è mensa celeriter expedit, cumq; exceptum in suam deducit cellam. Vix coepto colloquio Cæsar in Antistite perplexa & malè coherētia

uerba

uerba, obliquo item obtutu oculos inconstantes, & uultum magni euentus expectatione suspensum animaduertit, atq; inde insidias spectat, relictoq; in Cella Antistite, ad Decuriones foras se proripit, & sublata uoce ministros Curiae assuetos aduocat, atque item apparitores cum argenteis clauis, priscorum lictorum more summum Magistratum praecuntes, & ut erat egregie forti atq; expedito consilio, Poggium arreptum crinibus solo deturbat, & in superiorem turriculam cum Decurionibus properare se subducit, arreptoq; uerum est proxima culina, scalae aditu tuetur. Magno autem miraculo accidit, ut cōsurgentibus undiq; ad opem ferendam ministris, coniurati & Perusinorum exulum manus Antistitem secuta, diuersis in coenaculis Curiae includerentur, obserantibus sese ultro ualuarum seris, quae sine peculiari clauē aperiri non poterant. Quo casu quum diducti, nec consensu ualerent, nec collatas in unum uires ad conandum haberent, cūcti per partes ad unum omnes, praecunte Poggio clarissimi oratoris filio, iniectis laqueis ē fenestris praecipites dati sunt, usq; adeo iratis & furētibz omnium animis, ut praecisis primorum capistris ad singulas columnellas, secundis & tertijs suspēdio locus pararetur, & praecipitata cadauera Plebs cruoris & praedae auida dissiparet, & in frustra concideret. Iam enim populi fremitus aream occupantis, uulgata Iuliani cade ad Curiam peruenerat, magnoq; studio Plebs Mediceis fauens, proditores, occupatoresq; Curiae ad supplicium deiici deposedebat. Interim Frācisus

ipse Paclius, è domo Iacobi patrui nudus extractus, delatusq; in Curiam, quum neq; hisceret, neq; contumaces oculos attolleret, iniecto laqueo è fenestra suspenditur. Nec multo post cum Pisanus ipse Antistes, totius inauspicatæ coniurationis seriem perscribere iussus, in eadē lintea stola sacerdotali, ita longiore capistro præceps datur, ut Pacliano cadaueri coherēs, papillam rapidis dentibus appeteret, in eoq; atroci indignantis & fugientis anima habiū, regentibus oculis, meritis concepti sceleris poenas daret. Eandem quoq; foedæ necis sortem tulere, duo Iacobi Saluiatiz quorum alter erat frater germanus, alter patruelis. Iacobus uerò ipse Paclius, qui armatus in equo ad aream Curie procurrerat, ut populum ad libertatem uocaret, quum ab optimis ciuibus irrideretur, & è summa Curie corona lapides in eum iacerentur, incitato equo Cruciana porta sese eiecit, biduūq; post à montanis agrestibus in fuga captus est, Florentiamq; perductus, ubi descripto expressis coniuratorum nominibus foedissima necis supplicium tulit, usq; adeò in eum cōcitata plebe, ut sepultura honore indignus putaretur; bisq; tumultatus, semel in templo, iterum in pomerio, indeq; erutus, quòd supremas Christiana pietatis cohortationes, sese itidē Cacodemoni impiè deuouens, reieciisset; diu à pueris per urbem raptatus, in Arnum traheretur. De Renato quoq; Paclio, qui ad armados agrestes in Mugellanam uillam præcesserat, par supplicium est desumptum; retractusq; etiam est ex fuga Montescicus qui Hieronymi Riarii famili-

familiaris militiaq; peritus, totius coniurationis erat
conscijs. Is ab initio interficiēdi Laurentij partes sus-
ceperat, sed eius postea hominis uirtute atq; admira-
bili humanitate ex multis colloquijs delinitus, eā cæ-
dem uti in uilla promississet, in templo se patraturum
pernegarat; scilicet ne homicidio detestabile sacrile-
gij scelus adderetur, proptereaq; unus omnium hone-
stiore dignus supplicio, securi percussus est. Laurētij
quoq; percussores, qui triduū in Cœnobio latuerant,
nec a cucullatis prodebatur, latebra extracti, detrun-
catis naso atq; auribus, eādem latronum more laquei
poenam tulerunt. Reliqui Pactianæ familiæ in carce-
rem coniecti sunt; unusq; omnium Guliermus, qui
Laurentij sororem in matrimonio habebat, in uillam
impetrante uxore, relegari meruit, & Raphael Car-
dinalis ab omni iniuria & contumelia in honorem
Pontificis seruatus est. Hanc in uindicāda atrocissimi
sceleris audacia, senatus seueritatem uel ipse Barba-
rus & nostræ religionis hostis, Balazes Turcarum
imperator insigni religione probitateq; comproba-
uit, quum Bādinum ex fuga elapsum Constantinopo-
lim, deposcenti Laurentio, tanquam parricidam, &
impium tēpli uiolatorem ad supplicium tradidisset.
Atq; ita ille cunctis damnatus gentibus, ab eadem fe-
nestra laqueo suspensus, iustum ciuibz uindicatæ fe-
ritatis suæ spectaculum præbuit. Neq; Hieronymus
Riarius coniurationis author, ultores Deos diu fēfel-
lit, quum apud Forolium, oppidanorum conspira-
tione in mensa trucidatus, & per fenestram in forum

precipitatus, uel seras nefariae malignitatis suae pœ-
nas expenderit.

Petri Angelij Bargæi.

At, ô deorum quisquis in cœlo soles
Nefanda sæpe facta uindex persequi,
Nec ferre inulta, perfidi num Padij
Dedere sat superq; pœnarum tibi
Cum Iulianum patriæ nouum decus
Quiuere templo in ipso adorti occidere
Nil suspicantem tale; cum foedissimè
Turpata fuso permaderent sanguine
Sola ipsa Fani limina, atq; altaria.
Nanq; haud furentis hercle senos impetus
Fugere Plebis, haud latèbris abditi
Cauere dexteræ piorum uindices.
Non & paratam Thracij regis fidem
Sensere; nam cum Barbarus tantam luem
Perhorruisset, execratus patriæ
Remisit usq; ab ultima Propontide.
Inserta quare plurimis cadauera
Collum capistris ciuias letissima
Spectauit; illa nec inserta fontium,
Quin insepultus, horridus, nudus, lacer.
Canesq; auesq; pauit, & pisces, datus
Præceps in amnem, manibus Iuli tuis.
Bandinus ille perditus sicarius,
Bandinus ille, Thracius quem Bosphorus
Vti piaculum, & scelus teterrimum,

Existi-

Existimavit impium & nefarium,
 Suisq; longè deferendum a fluctibus.
 Sic, ò rubentis Iupiter uindex tuæ,
 Vt iura discant colere, discant legibus
 Parère certis, temnere & quid sit, Deos
 Puni cruenta perfidos ui dexteræ.

Benedicti Varchij.

Nam quis te liuor, quæ te tam dira furentem
 Patrandi sceleris rabies, regniûe parandi
 Ambitio, patrios tecum euersura penates,
 Impulit effera gens furijs ultricibus olim?
 Vt iuuenem florentem opibus, uirtute decorum,
 Conspicuum forma, dulci grauitate uerendum,
 Præstanti insignem eloquio, nil tale merentem
 Incautum, ante aras, & dijs spectantibus ipsis,
 Aggresa (infandum) media testudine templi
 Allectum blandè, prætentatumq; dolosè
 Conficeres, ferro toties per pectus adactos?
 Et clarum obscuro foedares sanguine fratrem,
 Totius Italiæ simul absumptura salutem?
 Heu facinus nullo delendum tempore, nulli
 Acquandum, non ulla unquam sat cæde piandum.
 Impia corda, immania secla, immitia fata,
 Fata malis hominum gaudentia, quid mage seuum
 Damnosumûe magis uidit sol? Castore laeso
 Occidit Ausoniæ Pollux, columenq; decusq;
 Et si non aliud, Medicæ spes altera gentis,
 Clementisq; pater, totus cui paruit orbis.

Sub effigie Mahometis secundī Tur-
carum Imperatoris.



Hoc atroci uereq; Tartarico receden-
tū oculorū obitu, malignoq; pal-
lore buxci vultus, et enormi cotinē-
tiū labra nariū curuitate, Mahome-
tes fuit, quē Turca nō modō ceteris
Othomānis superiorē, sed exaequatis uitijs atq; uirtu-
tib. Alexandro Magno parē uolunt. Nam rerū gesta-
rū gloria et magnitudine animi progenitores, cum
cunctos qui in eo seculo maxime florerent, cogniti or-
bis reges, uel qui postea his sexaginta annis regna-
runt, proculdubio superauit. Natus erat ex Despon-
Seruile filia, quae puerū Christianis praeceptis et mo-
ribus imbuerat, quorū mox oblitus adolefcentido, ita
ad Mahometis sacra se contulit, ut neq; hos neq; illos
ritus teneret, et in arcano prorsus Atheos habere iur-
utpote qui unum tantū bonae fortunae nomen cole-
ret, quod praeclare conciliari uiuida efficaciq; animi
uirtute praedicabat. itaq; nulli addictus religioni, ch-
storum hominum acceratas de dijs, tanquam huma-
na nihil curantibus, cogitationes irridebat: eo animi
decreto, ut nullum unquam ius amicitiae aut foederis,
nisi ex commodo, exceptaq; ad proferendum impe-
rium occasione, colendum atq; seruandum arbitrare-
tur, et rem bellicam usq; adeo enixē et liberaliter cu-
raret, ut cuncta munia, uetere Graecorum lege ad po-
nam et praeuium reuocaret. Praecepta autem maio--

rum

rum ex disciplina militiæ constituta, quibus illi tantū imperium peperissent, pleraq; emendādo augendoq; uti opus foret, novis artificijs, ac ampliore omnis generis armorū apparatu exaggerabat. Primus Othomannorum navalia instituit, quod maximū apud antiquos in classe ad omnes res gerendas momentū, positum esse intelligebat. Qua una re Venetorum uim mari ab antiqua laude inseparabilem, postea contempsit. Sed primum eius, & nobilissimū bellicorum operum fuit, Constantinopolis terra mariq; fortiter expugnata, caesoq; Cōstantino supremo Græcorum imperatore, antiquissimum Græciæ imperium funditus euersum. Exinde Peloponnesum ingressus, Græcorū & Venetorum copias secundis prælijs deleuit, Hexamylīq; murum à Venetis in Isthmo magno sumptu et lōgo labore restitutum, ex usu uictoriæ totum diruit. Nec multo pōst Eubœam insulam expugnata Chalcy de Venetis ademit, atq; item Lesbū deleta prope Mytilene urbe. Tanto uerò apparatu Illyricum adortus est, ut Stephanum Boznæ regem, Iaiza urbe, totoq; regno expelleret, et occideret. Eodem quoq; terrifico impetu in Epirum descendens Croiam urbem, quam pater Amurathes frustra oppugnarat, atq; item Scodram expugnauit: Homaremq; & Malcoccium duces per Dalmatiam ad Euganeos usq; penetrare iussit. Quibus irruptionibus graue vulnus Venetis est inflictum, caeso à Barbaris ad Soncium amnem Nouello eorū imperatore. Easdem quoq; immaniū cædum & incendiorū clades Stiria & Carinthia gen-

tes, ad quas Barbari deflexerant, senferunt. Pannonijs quoq; arma inferre ausus, Belgradū improspere tentauit. Mox ad septentrionem conuersus, in ipsa Taurica Chersoneso, Theodosiam quæ Capha dicitur, Bosporani regni caput, Genuensium coloniam occupauit, & Trapezuntium imperium ad Euxinum euerit: Colloianne & Dauide fratribus e regio sanguine captis & interfectis. Exinde tot partis uictorijs, ad orientem est conuersus: Pirametoq; Cilicie rege debellato, & regno in eius provinciam redacto, aduersus Persas, offensus Vsumcassanis noui regis felicitate & gloria, ad Euphratē Othomānica signa promouit, eo belli euentu, ut ipsum Vsumcassanem multis inclitum uictorijs, uno præsertim tormentorum apparatu, ad Arsengam superarit. Erant utiq; ea quæ gesserat per ampla timendaq; finitimis, quum insatiabili gloriæ cupiditate concitatus Rhodum inuadere, ac simul Italiam rerum quondam dominam adoriri, atq; item coacto ingenti tertio exercitu, in ulteriores Persas penetrare constituit. Itaq; missus est ad oppugnandum Rhodū cum ualida classe Mesithes purpuratus, e gente Paleologa: in Italiam autem Acomathes, cui ab exciso anteriore dente Gendico cognomen fuit. Hic ab Aulone in Salentinos traiciens, Hydruntem expugnauit: summūq; inde terrorem toti Italiæ intulit: sed dispari euentu Mesithes Christianæ militiæ uim, quum Rhodi moenia tentasset, infeliciter expertus est. Quū interim Mahometes aduersus Persas ire pergens, apud Nicomediæ lacum repentino intestini

dolore

dolore correptus, extremū uitæ suæ diem, tridui cruci-
 ciatu festinata morte absoluit, anno ætatis quinquage-
 simotertio, imperij autem trigesimo secundo: magno
 quidem Christianorum commodo. Nam Acomathes qui amplius
 sesquiannum circumfusa Christiana arma contempserat,
 cognita imperatoris morte, præsidio atq; Italia, cum
 supplementa nouarum copiarū expectaret, interrupta
 spe ingentis uictoriæ, moerens & gemens excessit.
 Caterum Mahometes qui impietatis apud suos, apud
 nostros uerò perfidiæ, & inhumanae crudelitatis notā
 subiit, hanc saltem confessione omnium certam laudem
 a Barbaris repudiatam, non insulse tulisse existimatur,
 quod ei literarum, & præcellentium artium decus
 cordi fuerit: quando cunctas clarissimarū gentium
 historias, sibi uerti in Turcicam linguam iuberet,
 ut inde haustis militiæ præceptis, actionum suarum
 disciplinam, exemplorum uarietate confirmaret,
 & præclaros artifices pictoresq; præsertim insigni
 liberalitate complecteretur. Nā & commentaria rerum
 ab ipso gestarum à Liberto eius Vicentino conscripta
 legimus: uerāq; eius imagine sumus potiti, quā
 Gentilis Bellinus, è Venetijs Byzantium euocatus
 pinxerat: quum ibi regiam multis tabulis rerum
 nouarum ad oblectationem iocundissimam referisset.

Leonardi Griffij, ut fertur.

Qui uici innumeros populos, tot regna, tot urbes
 Solus & immensi qui timor orbis eram.

Me rapuit quacunq; rapit mors improba: sed sum
 Virtute excelsa ductus ad astra tamen.
 Maior Alexander non me fuit, Annibal & non
 Euderit Aufonios tot licet ille duces.
 Vici victores Danaos, domuiq; feroces
 Caonia populos, Sauromatasq; truces.
 Pannonius sensit quantum surgebat in armis
 Vis mea, quæ Latio cognita nuper erat.
 Arsacide sensere manus has, sensit Arabsq;
 Et mea sunt Perse cognita tela duci.
 Mens fuerat bellare Rhodum, superare superbam
 Italiam: sed non fata dedere modum.
 Hei mihi, nam rapuit mors aspera, quæq; sub alto
 Pectore condideram, uertit & hora breuis.
 Sic hominum fastus percunt: sic stemmata, sicq;
 Imperium, atq; aurum, quicquid & orbis habet.

Sub effigie Federici Feltrijs du-
 cis Urbini.



IC est ille Federicus Feltrius Urbina-
 tium princeps, qui in spectaculis eque-
 stribus ab ictu lanceæ dextro orbatu
 oculo, iniquam honestissimo ore de for-
 mitatem præfert. Is ab adolescentia datus in contuber-
 nium Francisco Sfortiæ, totam Sfortianæ militiæ disci-
 plinam ita hausit, ut quum in eo certissima magni fu-
 turi ducis in dolens excelleret, ab inuidio imperatore
 ex fratris filia gener asceisceretur. Hunc militari &

demum

demum imperatoria florentem laude, usq; adeò patrum nostrorum ætas admirata est, ut eum prisca illis ducibus, qui ab eodem orbitatis incommodo summa uirtutis opinionem et famam sunt consecuti, non temerè compararent: quòd singulorū peculiare quassdam uirtutes emulari, argutissimòq; ingenio decerpere uideretur. Nam quæ propria Philippi Macedonis laus fuit, multo consilio bella suscipere, multoq; maxima celeritatis uehementia conficere: ob orientes rerum casus ad rationem flectere: nouas semper occasiones ad alendum bellū aperire: frustrari longa mora hostes, eorumq; præfectos, pecunia saepe tentare, et cōmentitijs literis suspectos et inuiles reddere, probè didicerat. Astutijs porò, planeq; Punicis artibus Annibalem æquabat, quo nemo unquā callidius insidias tetendisse: nemo peritius instruxisse aciem: nemo arma pròptius atq; ferocius expedisse traditur: quādo etiā in toto rei bellicæ negotio, subita inexpectatæq; prudētiae mira laus effulgeret, ei profectò persimilis, quæ in Romano Sertorio uiguisse. Nā præoccupare inimicorū hostiū consilia, munitiora loca castris antecapere: hostes imagine cōmittēdæ pugnae distingere, diuq; ludificari, ac fatigatos demū longi laboris atq; uigilia mora, idcoq; uinci paratos, peracri repennòq; impetu inuadere consueuerat: sic, ut nō omnino sit mirū si qui oñtes collatis signis cōfluxisse traditur, bis tantū æquo Marte pugnauerit, quū sexies uictor profligito atq; exuto castris hosti triumphalem lauream retulerit. Ceterū bello et pace enīebat in eo

ingenium graue admodum, sed sine ulla seueritate, quando in omnes lenè miteq; esset, sine mollicie, & nusquam ad contumeliam iracundum. Facundia ualuit efficaci, atq; apprimè temperata, qua neminem offendens cunctos custodiæ & probitatis admonebat, potius quàm acerba increpatione castigabat. utpote qui milites ingenuosq; præsertim, pudore certius quam poenæ metu in officio cōtineri prædicaret. Eū porrò militiæ morē tenebat, ut Tyrones equites, quos ex nobilissima iuuentute instituebat, ad parandū decus semper accenderet. Ab his autem quos alacres & gloriæ auidos fore providebat, hoc sibi unum præstari postulare erat solitus, ut quum in conspectum hostium deuenirent, non prius eorum aciem reformidarent, quàm in eam audacter & fortiter primas hastas confringerent: quo impigrè facto, si ita uideretur, ut secunda pericula uitarent, tum demum equos resisterent. Nihil enim ipsos ex eo receptu uel pudoris, uel ignominie subituros. Dux nanq; præliorum & eius seculi morum eximie peritus, existimabat ad primos impetus plerumq; parari uictoriam, qui longè uehementissimi ab effreni, & ætatis uigore concitato milite, quum à ueterano decurione inducitur prouenire consueissent. Multis siquidem militiæ exemplis compertum habebat, Tyrones uti nondum duri Martis pericula expertos, ab inconsulta ineundi prælij cupiditate, quòd hostem elatis animis facile cōtemnunt, uehementem & plerumq; insuperabilem uim asserre sic, ut eam perturbata primo impetu aduersariorum acie,

acie, quæ non faciliè reparari atq; restitui queat, cœ-
 ptæ semel uictoria secundissimus euentus cōtinuò sub-
 sequatur. Hanc in eo perpetuam bellicæ laudis existi-
 mationem splendidissimè cumulabant literarum ho-
 nos & magnificentiæ studium. Nam qui prætorium
 laxitate & structuræ elegantia Urbini ædificarat; in
 eo etiam Bibliothecam cōdidit, codicibus disciplina-
 rum omnium refertissimam; existimabatq; nihil esse
 alienius & turpius in bono principe, quàm nescire li-
 teras, cuius incommodi socerum, eundem atq; nutri-
 cium maximè pœnitere memoria teneret. Raptus est
 fato suo, quum Herculem Atestinum aduersus Vene-
 tos formidolosa Ferrariensibus arma inferentes, op-
 positis ad Stellatam oppidum copijs tueretur. Ex his
 enim locis à Padana aura insalubribus, & palustri so-
 lo dānatis, letalem concepit morbum, quem iam pla-
 nè senex diu ferre non potuit; eo fortè die moriens
 quo Robertus Malatesta post relatā ad Xystum Pon-
 tificem de Alfonso Aragonio ad Velitras profligato
 triumpho lauream, in urbe uita excessit.

Petri Angelij Bargæi.

Artes si docuit Punica gens suas

Captantem insidijs Annibalem duces;

Si præstante Philippus

Fudit consilio hostium

Inuictas acies; si sapientia

Sertori potuit bellica cadibus

Non unis legiones

Affecisse Quiritium;
 Ingenti quoq; te Sfortia gens suo
 Astu, consilioq; & sapientia
 Instructum bone Feltri
 Bellis præficere horridis
 Quiuit. sic similes quos Dea præpotens
 Orbatos oculo fecerat altero,
 Virtus ipsa coegit
 Inuitos tibi cedere.
 Cui præter decora hæc maxima, maximas
 Reddunt Aonidum numina gratias,
 Culti & ripa Metauri
 Et fluxu Tyberis rapax.
 Dum terras igitur conteget undiq;
 Cælum, cum Latio Græcia nobili,
 Quod uiuit tibi semper
 Se debere fatebitur.

Sub effigie Magni Caythbei Mem-
 phitici Sulthani.



A C peracri atq; retorrída fronte ma-
 gnus Caythbeius apud Memphim pi-
 ctus uisebatur, quum Selymus gemina
 potitus uictoria Mamaluchorum re-
 gnum interfectis duobus supremis regibus euerteret,
 opulentissimæq; regie ornamenta reuelleret, ut se
 nequicquam præpedientibus arenis multa arma
 Memphim usq; protulisse, discessisseq; inde uictorem
 testaretur. Fuit Caythbeius natione Circassius, con-
 ditione

ditione seruus; uerum ab admirabili uirtute atque fortuna dignus eo imperio, quod per duos & uiginti annos singulari cum gloria rexit & auxit. Nam more gentis ex uenalitio seruorum ordine Mahometanae legis beneficio liber factus, sed perpetuus maceps regis, ut primum è literario, militariq; ludo adolescens prodijt, incredibili prosperoq; semper cursu, singulorum ordinum honores percucurrit atq; promeruit, creatusq; demum Diadarius, qui est summæ præfecturae honos, cū multis foribus factis, tū uarijs in aulæ primates obsequijs, latè gratiā eo euētu adeptus est, ut in comitijs inter multos uel egregiè fortes et gratiosos frustra ambiētes, suffragijs uictor, et rex, et Sulthanus acclamaretur: neq; de se rectè cōceptam efficacissimā uirtutis opinionē usq; fefellit; in hoc unū semper intētus, ut instaurata militia, quæ longo æuo emarcuisse uidebatur, ueteres equitū alas lectissimis supplemētis corroboraret, & in expeditionē educeret. Legebātur aut ex ipso præcipuè Circassiorum genere, iuuenes acerrimi & robustissimi. Eius enim gētis homines toto habitu maximè lacertosi, ualidos artus, imperterritas mētes, & tolerātia omnis laboris corpora ad militiā afferebant. Circassij nanq; squalida in regione, rerum propè omnium inopes, luxurieq; propterea prorsus ignari, & Aquilonis flatibus obiecti, perpetuoq; rigentes gelu, ita prædatoribus Scythijs expositi sunt, ut mortaliū miserrimi existimētur, & captiuitatis iniuriam non magnopere doleāt, nec paremes perpetua damnati inopia, interceptos

liberos diu lugeant, quando etiam filios & propin-
quos ab ipsa statim infantia paruo pretio mercatori-
bus diuēdant, à quibus pueros ideo expeti persuasum
habent, ut honestos milites, præclaros duces, & si ita
fati forsuehat, maximos reges efficiant. Circassij po-
puli cum Euxini maris tractum incolunt, qui à Col-
chis atq; Mengrellis ad Bosphorum cōtra Tauricam
Chersonesum extenditur, ea porro lege atq; his ceri-
monijs Christum Deum adorant, quibus Moschi &
Roxolani Græcorum ritus sequentes, uti solent. Cæ-
terum Caythbeius è sordidissimo loco à prima pueri-
cia Memphum perductus, atq; institutus his moribus
atq; artib. quibus Mamalucchi equites certatim in-
cumbunt, ad summum rerum fastigium peruenit. Vbi
uerò primis comitijs sine ulla repulsæ suspitione rex
exiit, & per Caliphum sacrorum principem desum-
pto Sulthani titulo, more gentis consecratus est, nihil
omnino antiquius habuit, quàm proferre fines, impe-
rij limites armis tueri, Arabumq; præsertim infestas
manus repellere, debellare contumaces, & neminem
aduersum se insolescere pati. Magnanimo nanq; &
potentissimo finitimorum Arabum impudentis auda-
ciæ latrocinia ualidis armis uindicanda uidebantur,
& Persæ qui sepe repentinas in Comagenem & Sy-
riam irruptiones fecerant, Euphratis transitu deter-
rendi; reprimēdaq; item Othomānorum arma, quæ
formidolosa erant Syris ad Ificum sinum finitimis,
quòd Turcæ præsides Ciliciæ, nuper sublato rege Pi-
rameto in prouinciam redactæ, ueteres fines trāsire,
alienaq;

alienaq; inuadere arroganter auderent. Itaq; tribus
bellis ingenti animo susceptis, pariq; fortuna cōfectis,
Arabes nequicquam se longa fuga eripientes, iustis
affecit cladibus, antiquisq; eorum domicilijs & sedi-
bus latè expulit, eo rerum euentu, ut ad unum omnes
reguli Arabes, atq; his permixti Mauri & Aegyptij,
qui regiones inter Nilum, & dextrum Rubri maris
littus incolunt, sese conferre ad auctoritatem Mēphi-
tici regis, & tributa pēdere cogerentur. Persæ quoq;
duobus tumultuarijs prælijs fusi, ultra Euphratem in
Mesopotamiam pellerentur, & in Cilicia Mamaluc-
chi ad Tarsum castrametantes Turcas adorti, captō
Cherseogle purpurato, qui Baiazetis erat gener, cla-
rissimam de inuicta gente uictoriam retulerint. His
secundis successibus, quum Memphitici imperij fines
ad occasum per Africam usq; ad Cyrenem extēdisset,
in repentinum atq; inexpectatū, ideoq; grauiissimum
bellū incidit; cōspirantibus scilicet subuersis Aethio-
pibus in Mamalucchorum cādem, planeq; rebellāti-
bus, quibus magna multitudo Arabum, & Aegyptio-
rum, tēdio præduræ seruitutis se coniunxerat. Sed
Caythbeius expedito equitatu turbam nequaquā mi-
litaribus armis, sed oblati tantū casu atq; his inua-
lidis armatam telis, quanquam contumaci spiritu sese
in libertatem uendicantem, per partes aggressus mul-
to labore disiecit, atq; perdomuit. Ab eo diuersorum
preliorum cruento exitu, magnus Aethiopum numē-
rus cōmunicatæ perfidiæ pœnas dedit. Pars uerò eo-
rum fermè tertia compedibus est reuincta, ut qui nuf-

quam ipsum uerè libertatis bonum experti emptiq;
 pretio fortibus dominis seruire condiscerent. His re-
 bus gestis Caythbeius plenus gloria, & apud nostras
 gentes, pari uirtutis atq; fortunæ illustri fama Sultha-
 norum clarissimus euasit. Nam is est qui externæ am-
 citiæ appetens ad proferendum nomen Laurëtio Me-
 dici Camelopardalim dono misit. Id animal præaltis
 anterioribus cruribus, quum humiliora terga, bre-
 uesq; suffragines haberet; Ceruinumq; caput ab ere-
 cta rigidag; ceruice, duobus insigne corniculis dor-
 sum eius candidis in orbem maculis in rufo colore di-
 spersis, mirè uarietatū spectaretur, uti prorsus inno-
 xium, non Etruriæ modò, sed toti Italiæ diu mirabili
 spectaculo fuit, utpote quòd ab ipsis usq; Romanis tē-
 poribus Italia non uiderat, quum in extremis Aethio-
 piæ regionibus ad Nili fontes difficillimè capiatur. Si-
 mili quoq; munificentie studio paulo antè ad Galea-
 cium Sfortiam Elephantem perdomitū, & Tigridem
 oblongis atris uirgulis maculosam, ab insita feritate
 terribilem dono miserat; quas belluas pictura elegan-
 ter expressas in arce Mediolani hodie etiam specta-
 mus. Ceterum senescentem Caythbeii Dultibes uxor
 Arabici generis, ideoq; ambitiosi spiritus mulier, per-
 petuis adhortationib; perpulit, ut Mahometè filium
 imperij heredè relinqueret, antiquata scilicet ea lege
 qua filius patri successor esse uetabatur, quum Ae-
 gyptios reges uetere maiorum instituto nequaquam
 obseruata successione liberorū, sed cōmunibus equi-
 tum suffragijs creari mos sit; eadem penè iuris for-
 mula,

mula, qua Romæ summos Pontifices à Senatoribus in
 Comitio creari constat. Nec defuere Proceres qui ab
 impudenti adulatione Regine consilij assentirent,
 multa utiq; corrupti largitione, quum essent ex eo nu-
 mero qui nullam gratiæ spem pro se in comitijs habi-
 turi uiderentur, extraq; sortem petitionis positi me-
 lioribus, ut sepe fit, tanti principatus fortunam inui-
 derent. Itaq; primarum classium princeps abrogata
 comitiali lege, nouum decretum intulerunt, ad nutum
 imperiosa & satagētis Regine promulgatum, quod
 non inepta æquitatis & exempli ratione, cunctis ferè
 probaretur. Id non erat omnino absurdum, quoniam
 fortissimo principi, atq; optimè de Republica merito,
 & agrè conceptū ex senectæ uilijs morbum sustinen-
 ti, adiutorem dandum censebant, qui ingentia cura-
 rum pondera in patre, recentibus uiribus subleuaret;
 sicuti antea maiores suos Saladino Sulthanici impe-
 rij cōditori ad honestissimum posteritatis exēplum tri-
 buisse meminerant. Nec multo pōst Mahometem ui-
 ginti quatuor annos natum ab eximia pietate, patris
 adiutorem, & cōsortem imperij nouis appellationi-
 bus salutarunt. Sed ab excessu demum Caythbei, qui
 damnatæ quorūdam Procerum rumoribus adoptio-
 ni, non diu superfuit, Mahometes non multum ea in-
 auspicata hereditate letatus est. Nam Mamalucchos
 dolore erepte sue sortis, interruptaq; prærogatiue
 iniuria perculsos, dira intestini belli rabies ita inua-
 sit, ut Mahomete interfecto, quatuor secundum eum
 principes creati, paucorum mēsum spatio turbulen-

tiſſimis comitijs trucidarētur; eo anno qui fuit à par-
te Virginis ſupra milleſimum & quadringēteſimum,
nonageſimus ſextus.

Iouij Iunioris.

Si quondam Heſperio quos miſit Boetis ab orbe
Dalmatiae, aut Lybies Mauris circumſona tellus
Aeneadum faſces, Capitoliāq; alta tenentes
Obſtupuit populus Latialis, & incluta Roma
(Externos quanuis dominos) æquauit Olympo,
Inſueta admirans alienæ nomina terræ,
Nonne erit hic etiam toto admirabilis orbe?
Qui genere ex humili Riphæis natus in oris
Aduerſi fines mundi, rigidamq; relinquens
Arcton, Cimerias ubi Boſphorus aſperat undas,
Venerit ad magni ſeptenſlua flumina Nili?
Atq; ibi ſeruiles habitus exutus, & ora,
Conſenſuq; ducum magno prælatus honore,
Tum demum Aegyptū, & Pharias cōpeſcat habenas?
Et Syriam quacunq; rapax procurrat Orontes,
Scepta tenens latè magna ditione gubernet?
Scilicet hæc tantæ uirtuti, ingenuoq; labori
Conueniunt, nanq; ille diu in ſua damna ruentes
Victor Erythræi depellit littore Ponti
Prædones Arabum, ſimul & felicibus auſis
Trans fluium Euphratem, trans pictæ Perſidis arua
Cogit Ithyræo gaudentes uulnere Parthos.
An memorem quod Coryciæ prope moenia Tarſi
Rettulit infeſto ex Turca ſublime trophæum,

An subito oppressa Aethiopum seruilia bella?
 Sed nec adhuc tanto fame contentus honore
 Muneribus placet Italiam penetrare, suaq;
 Laude frui: magno sic uestra per aquora sumptus
 Bellua, quam prisca coniuncta uoce Camelo
 Pardalim appellant, geminum cui uertice cornus
 Fulget, & insigni distinctum tegmine corpus.
 Felix ille quidem cunctis qui cognitus oris,
 Non uitam ferro amisit, sed morte quieta
 Et natus lachrymans posuit sua membra sepulchro.

Sub effigie Matthiae Coruini Pan-
 noniae regis.



NON inuictis modo armis, sed magnitu-
 dine animi, admirabiliq; uirtutum om-
 nium concursu Matthias Coruinus Pan-
 noniae rex, cūctorum suae aetatis regum
 decus superauit. Patrem habuit Ioannem Huniadem,
 secundis pariter ac aduersis, ducem omnium, qui cum
 Turcis arma contulerint, longè clarissimum: utpote
 qui Turcarum fulmineus terror appellaretur, quo-
 rum magnā multitudinem in Belgradi fossis prostra-
 uisset. Is natione Semidachus & Valachus, duos ha-
 buit filios, Ladislau & Matthiā. Ladislaus, quod Vl-
 dericum Cilie comitem regis propinquum, qui capi-
 tales inimicitias cū Hunniade semper exercuerat, a-
 pud Albam confodisset, à Ladislao rege securi percus-
 sus est, Matthia custodiae tradito, abductoq; in Bohe-
 miam, ut ibi de nobilissimi adolescentis supplicio, ex-

tra Hungarorū oculos consideratius atq; liberius de
cerneret. Nani tamen si Matthias eius cadis conscius
fuisse putabatur, quod tamen interfecti Ciliensis cruo
re manus minime polluisset, nec duodeuigesimum at-
tigisset annum, plerōq; Procerum ad misericordiam
commouebat, quum unica proles Hunniadis interitu
ra crederetur. Quid enim eius uiri memoriæ ab Hun-
garica gente, uel gratius uel honestius persolui pos-
set, quam si eius sobolem à teterrima nece seruarent:
quum ab Hunniade se toties seruatos, Turcicisq; tro-
pheis nobilitatos esse faterentur? Eo modo fluctuan-
te Rege, fata uiam aperuerunt, quo captiuo seuam
securem expectanti, non salus modò, uerum et Pan-
nonici regni corona pararetur. Ladislaus enim rex
dum Praga nuptijs uacaret, ueneno intra paucas ho-
ras sublatus est, Bohemiæq; regnum arripuit Geor-
gius Pogibraccius, qui uigore animi, clientelis atque
opibus, Procerum erat potētissimus. Caterum morte
regis audita Michael Zilagus, Matthiæ auunculus,
apud quem erāt ueterana copiæ, quæ sub Hunniade
stipendia meruissent, cum matre Matthiæ Budā con-
tendit: quorum aduentu Hungari proceres permoti
matris lachrymis, presentisq; exercitus studio et ui-
ribus adducti, cōmendatione Hunniadis sobolem Mi-
chaele, extemplo uel uinctum adhuc cathenis apud
Pragam Matthiam regem declararunt: missisq; lega-
tis à Pogibraccio postularunt, ut sibi Matthiam red-
deret, quem publico consensu Pannoniæ regem salu-
tassent. Nec mora Pogibraccius consiliū expedit, ob-
tempe-

temperandumq; Hungaris censet, quod putabat confirmando nouo regno nihil sibi fore opportunius, quam si Hungaros eo beneficio obstringeret, & Bohemis consociaret. Itaq; non cathenas modò detrahit Matthiæ, sed ei ad certissimū amicitia pignus filiam despondet & tradit; ornatumq; Regij cultus muneri bus Budæ regnaturū dimittit. Fuere qui existimarent à Pogibraccio regnum affectātī, uenenum Ladislao præbitum fuisse, cuius uxor quæ Caroli Quarti Caesaris, Bohemiæq; regis neptis erat, uterum gestaret. Ea partus expectatio ciuile bellum in Hungaria excitauit, graueq; negociū attulit Matthiæ, quum de regni possessione cum Regina armis cōtendere cogeretur. Sed post editū infelicem partum, Regina cōtentioni finem fecit honestis conditionibus, legitimeq; demum antiquo regū diademate apud Albam coronatus est: sic, ut regnarit supra annos triginta sex, occupatus semper nouo bello, quum perpetuis, & inuictis animis undiq; sibi amplissimam laudem & gloriam parandam existimaret. Non sustinuerē ardentis Ducis uim Poloni, qui arma Vngaris inferre ausi fuerant. Hæc eadem Germanorū robora perfregit, quum Austria Viennam Federico Casari adimeret. Valachorū exercitum ancipiti prælio profligauit, quo ipse sagitta vulneratus, sed planè uictor discessit. Binis quoque prælijs, Turcarum ab Illyrici limite irrumptentū audaciam ita contudit atq; repressit, ut Mahometes eorum imperator, omnium propè gentium uictor, successorq; eius filius Baiazetes, æquissimis legibus pæ-

cem petierint. Gessit & aduersus Slesitas ad Vratislauiam urbem acre bellum, tãta utiq; felicitate, ut in toto Hungarici regni limite deuictarum ab se gentium summæ gloriæ trophæa spectarentur. Verum ob id maiore præconio dignus uidetur, quod transmisit auxilijs Italiam Turcarum metu, qui Hydruntem in Salerninis occuparât, liberassent existimari possit, postquã inuicti ante pertinacissimeq; resistentes Turcæ, unius Blasium Magarem & Matthiæ præfæctis pugnacissimum timandum esse, ipsa demum deditione post egregios multarum eruptionum conatus ostenderint. Eminēbat in Matthia eruditum & graue perspicacis ingenij iudicium, quum rerum bellicarum omnis generis & literarum intelligentia polleteret. Neq; enim Regem aut ducem absolute uirtutis & gloriæ famam adipisci posse prædicabat, nisi literarum præsidio munitus, omnis ætatis instituta militia, ipsaq; antiquorum stratagemata, ex historijs percalleret: quando ea documenta quæ magno usui militiæ forent, ab ignavis literarum, nisi longissimo tempore experiundo percipi non possent, quæ alij ex ueterum exemplis legendæ facile consequeretur. Propterea peculiari propè studio in Regiam sibi uiros ascuerat, non optimorum modo studiorum, sed nobiliorum etiam artium laude insignes, quorum consuetudine legendo & disputando mirum in modum oblectabatur. Quicquid enim ocij est grauissimis occupationib; suffurari poterat, id totum euoluendis annalibus impendebat: multusq; uidebatur in ea Bibliotheca, quã exquisitis libris nullo deterrente

deterrente sumptu refertissimam esse curauerat. Forum uero Budæ præcellentium artificum tabernis exornarat, qui ex Italia præsertim certis inuitati præmijs, Budam confluebant. Regia enim Budæ ueræ uirtutis domicilium, perpetuq; splendoris hospitale diuersorium cunctis gentibus patebat. Quãdoquidem uincere hostes, & scribenda facere, & uirtutem liberaliter exonerare, Regiæ fortuna proprium munus esse duceret. Inuexerat toti prouinciæ Italicas artes, cultum domesticum. Hunnicæ gentis mores ad arma & latrocinia natæ, ita molliuerat, ut regnū ex plumbeo aureum, deterasq; rubigine splendidū reddidisse Pannonij fateretur. Hac illustri fama Christianorum regum florentissimus, quū uigeret, agitareq; animo ingens bellum aduersus Turcas, & latissime pransus esset, Bolanumq; Venetum legatum honoris causa equestri dignitate inter sacra solennia perornasset, repente apoplexia correptus expirauit, anno ætatis quinquagesimo sexto, à partu autem Virginis nonagesimo supra quadringentesimum atq; millesimum, eo festo die qui Palmarum celebritati dicatus est. Effigies eius armata equestris, luculentissime depicta Romæ in campo Floræ, contra Podium cubiculi mei in angulo Laurentianæ domus spectatur, ad quam arripit altera persimilis Andræ Mantiniæ manu picta, quæ in Museo nostro conspicitur.

Anthonij Thebaldei.

Coruini brevis hæc urna est, quem magna fatentur
Facta fuisse Deum: Fata fuisse hominem.

Pauli Iouij iunioris.

Vos o qui celeri gradu
Lucum Castalia rupis, & ardua
Parnassi iuga scandere
Certatis uiridem per nemorum comam,
Qua riuo resonans sacro
Leni lympa fugax perstrepat alueo.
Aurata citharæ modos,
Insignemq; lyram ponite, ponite
Si quis posse putat suo
Cantu, & grandiloqui carmine Pindari
Regem Pannoniæ decus
Coruinum meritis tollere honoribus.
Nam si Mæconij senis,
Seu quæ Virgilij Musa canit Deos
Sese reddat ab inferis,
Nec curet Sicula regna Proserpina
Haud unquam ualeat satis
Summis quam deceat, tollere uersibus
Coruinum egregium ducem,
Quem nec laurigeri posset Apollinis
Laus, nec Pierij chori
Princeps, dulces canens Calliope melos.

PAVL

ELOGIORVM LI- BER QVARTVS.

Sub effigie Caroli VIII Gal-
liæ regis.



OC oris gestu & armorum
cultu Carolum Galliæ Regem
eius nominis octauū, Alexan-
der Pontifex in mole Hadria-
ni pingi iussit, quem Rex ipse
pictori se exprimēdum accu-
ratè præbuisse. Is Ludouico

undecimo patri succedens, deficientes ab se Britones
ermis subegit, capto in acie Ludouico Aureliano at-
que in carcere cōiecto, quem certa iura Regij sangui-
nis ipsi successorem destinabant. Ab hac uictoria Rex
iuuenis, quāquam nec ingenio stabili, nec satis firmis
pulsus corporis uiribus polleteret, pacati tamen atque
opulenti Regni subnixus facultatibus, bellicosorumq;
procerum uocibus incitatus, aduersus Aragonios re-
ges terra mariq; bellum suscepit, euocante eum atq;
adiuuante Ludouico Sfortia, qui Aragonio nomini e-
rat insensissimus. Ea namq; tempestate fatali malo Ita-
liæ nati, exitialibus inter se consilijs dissidebant Alfon-
sus rex Neapolitanus, & Ludouicus Sfortia Mediola-
ni princeps, qui tum potentia atq; autoritate nomi-
nis supra ceteros eminere credebantur. Ille apprimē
ferox, bellicosus & insolens; hic uerò ingenio subtili,

mus, quæ demū ferendo bella ex bellis nobis
 parum mat urè insanire desinentibus importa
 ta, si non cautiore & fortiores fecit, uti propul
 sanda pericula flagitabant: patientiores certè
 reddidisse videtur ad perferendā inusitatæ cō
 ditionis ignominiam. Neq; alter nos ipsos vl
 trò præcipites datos cōsolari possumus, quàm
 quòd primos tantæ cladis authores æqua vl
 trix scelerum furia meritas pœnas dare coege
 rit. Hic itaq; rex Gallus, qui vel nolēs domum
 tuam suo impetu euertit, te præclaro exemplo
 admonet, vt irruptiones externarum gētium,
 quarum vis vehemētissima intolerandaq; esse
 consuevit, graui maturoq; consilio auertendas
 potius quàm armorum fiducia sustinendas ar
 bitrere. In hanc enim publicæ salutis curam &
 Cosinus & Laurētius, maiores tui summæ pru
 dentiae viri semper excubarunt, vt quantū con
 silio præstari posset, externa arma longissimè
 arcerent. Neq; enim aliter quàm his inunda
 tionibus obrui & cōuelli potest hic tuus Prin
 cipatus, haud dubiè fato datus, & mirifica de
 mum tua virtute cōfirmatus, quandoquidem
 nulla omnino intestina fraus extimescendavi
 deatur, agenti Principem ob solutæ pietatis
 atq; iustitiæ auspicijs, qualem in rectè
 constituta Republica æquè boni
 maliq; ciues optatissimum
 esse consentitur.

E L O.

ELOGIORVM LI- BER QVARTVS.

Sub effigie Caroli VIII Gal-
liæ regis.



OC oris gestu & armorum
cultu Carolum Gallie Regem
cuius nominis octauū, Alexan-
der Pontifex in mole Hadria-
ni pingi iussit, quem Rex ipse
pictori se exprimēdum accu-
ratè præbuisset. Is Ludouico

undecimo patri succedens, deficientes ab se Britones
armis subegit, capto in acie Ludouico Aureliano at-
que in carcerē cōiecto, quem certa iura Regij sangui-
nis ipsi successorem destinabant. Ab hac uictoria Rex
iuuenis, quāquam nec ingenio stabili, nec satis firmis
pulsī corporis uiribus polleteret, pacati tamen atque
opulenti Regni subnixus facultatibus, bellicosorumq;
procerum uocibus incitatus, aduersus Aragonios re-
ges terra mariq; bellum suscepit, euocante eum atq;
adiuuante Ludouico Sfortia, qui Aragonio nomini e-
rat insensissimus. Ea namq; tempestate fatali malo Ita-
lie nati, exitialibus inter se consilijs dissidebant Alfon-
sus rex Neapolitanus, & Ludouicus Sfortia Mediola-
ni princeps, qui tum potentia atq; auctoritate nomi-
nis supra ceteros eminere credebantur. Ille apprimē
ferox, bellicosus & insolens; hic uerò ingenio subtili,

astuto, maximeq; ambizioso, odia contraxerant, quæ
 minimè expiari possent, nisi dijudicante belli fortuna
 alteruter præceps daretur. Itaque Carolus uehemèti
 impetu Italiam intràs, & subito percurrrens, quātum
 Galli armis ausuq; ualerèt, cū ignominia Italica disci-
 plina pluribus pralijs ostendit. Hæc enim frè tota,
 aut inscitia atq; auaritia superiorum ducum, aut lon-
 go ocio restincta perierat; sic, ut nemo ducum aut mi-
 litum superesset, qui cruētam aciem se uidisse testaretur.
 Quo uitio accidit, ut faciliè Gallus honestum præ-
 tendens titulum, Pisanos eiectis Florentinis, hos uerò
 eiectis Mediceis & Senēses pulso Pandulpho Petruc-
 cio, uendicasse in libertatē uideri uellet. Exinde Pon-
 tificem terrore inuecti in Urbem exercitus subactum
 ad fœdus ineundum cōpulit, Gemēq; Batazetis Tur-
 carum imperatoris fratrem sibi tradere coegit, quo
 adiutore in Graciam se traiecturum confecto Arago-
 nio bello prædicabat. Qua iniuriata Galli hostis felici-
 tate cuncta obuia sternētis perculsus Alfonso, ideoq;
 nihil pro pristina sua militari laude ausus, ita despon-
 dit animum, ut Ferdinādo filio Regnum cederet; ex-
 tēploq; cum Regia Gaza in Siciliam profugeret; eo
 euentu, ut filius pari hostium impetu undiq; pulsus ur-
 be Neapoli atq; arcibus, Regnoq; demū toto, ocysumē
 pelleretur. Obstupere statim ad eius ingentis cele-
 risq; uictoria cursum cūcti principes; usq; adeò con-
 sternatis metu animis, ut in unum pro publica salu-
 te, dignitateq; Italici nominis conspirarent, & arma
 cōtra Gallos undiq; cogerent. His rebus cognitis Ca-
 rolus

solus Campanis, Brutijs, Apulis, & Samnitibus, ualido copiarum præsidio cõfirmatis, regredi extemplo, & contra infestos uiam ferro aperire constituit; atq; ita profugiente Alexandro, Romam præteruectus, Pisas repetijt; & per Apuanos Ligures superato Apennino, ad Tarrum amnem profectus, Venetas, & Sfortianas copias, eum transitu prohibere conâtes cruento edito prælio ita prostrauit, ut penè intactus, & nusquam postea laceßitus in Galliam rediret, nec Italici belli obliuisceretur; renouata nãq; amicitia cum Ludouico Sfortia, restitutaq; ei Nouaria, quam Aurelianus occuparat, Ferdinãdum Regem paternum repetentem regnum longo exercuit bello; eo tamẽ rerum exitu, ut Galli duces militesq; ad unũ propè omnes uarijs casibus interirẽt, & ipse demũ tertio anno postquam Neapolim ceperat, apud Amboßiam oppidum, ex ludo paruæ spheræ rediens, ignobili in cella, subito animæ deliquio correptus expiraret. Vixit annos uiginti septem, imperauit decem. Id uerò tãto regi insigni probro datum est, quòd intempestiuus amoribus deditus, enervatusq; molli ocio apud Allobrogum diffluentia longo luxu oppida, Aureliano Nouarie obfesso opem ferre noluerit, repudiatamq; cõiugio Margaritam Maximiliani Cesaris filiam ab se expetitam, desponsatamq; , ad patrem remisit, ut Anna Britanniæ citerioris Reguli filia, hæresq; maiore commodo duceretur; quòd reges nullis pudoris potius, quàm commodi priuati legibus obediant.

Landriani Mediolanensis.

Impiger aerias Carolus dum transilit Alpes,
 Parthenopen stricto dum petit ense ferox:
 Horrui illum omnis bello clarissima tellus
 Itala, & inuicti frena superba tulit.
 Victorem sed ne hunc æternum secla uiderent
 Nostra ducem; ante annos inuida mors rapuit.
 Sub effigie Vitelliorum fratrum.



A C una latiore in tabula Vitellij quatuor germani fratres cū sene patre conspiciuntur: quos admirabili media ætatis uigore atq; illustri bellicæ laudis fama florentes, inuida uirtuti ante diem immitis Parca furripuit. Hos Nicolaus pater post longam contentionem eiecto Iustino æmulo, atq; eo demum interfecto, in patria Tipherno non obscuræ potentie principatum adeptus, in disciplinam Virginio Vrsino tradidit, qui tum Romanorum procerum splendore dominus, & multis militia partis honoribus erat clarissimus. Qua liberorum animosa prole, atq; ea enixè ad summum militia decus contendente, planè beatus senex pater uideri potuit, quā excedens uita, familiam certissimo militarium iuuenum præsidio confirmasse crederetur, nisi occultior aliqua uis sati adultæ iam uirtuti indignam atq; inexpectatam perniciem attulisset. Præcipiti namq; impetu fortuna in Vitellij nominis sobolem incurrens, ex breui interuallo singulos perculit atq; prostrauit, miserabilem hercle in modum.

dum, quādo partim foeda, partim ignobili morte cō-
 ciderint. Ioannes siquidem natus maximus, quum ad
 Auximum Piceni urbem in oppugnatione uersaretur,
 immensi tormento discerptus interiit. Camillus
 huic proximus, in Apulia Circellū oppidū apposita
 scala conscendere et capere cōtendens, molari pro-
 pē lapide supernē deiecto, nequicquam protegente
 galea oppressus est. Is tum Gallis, Virginioq; duci o-
 perā nauabat, et multis bello fortibus factis, pugna-
 cissimi ducis laudem eo praesertim die fuerat cōsequi-
 tus, quo non procul à Luceria Germanorū integram
 phalangem Aragonijs militantem, inductis et saepe
 circūductis in orbem sagittarijs equitibus deleuerat.
 Primus in Italia sclopettariorum equitum turmā in-
 stituit, quod equitum genus postea intermissum est,
 quum nimia atq; inhabili sclopetti lōgitudine praepe-
 direntur; sic, ut hodie non miremur breuiore et le-
 uiores, aptiore industria à Germanis institutos, qui
 nostris nuper hastatis equitibus maximo terrori in
 Germania fuerint. Moriēs Camillus Vitellium filium
 reliquit, quem Venetis et quatuor Pontificibus, uti
 erat bellicae rationis et multi consilij apprime gna-
 rus, impigram fidelemq; operam nauasse uidimus. Ca-
 terum in Paulo et Vitellochio aetate minoribus uis ar-
 dens impauidi animi, et in arduis belli casibus mirē
 efficax ita enituit, ut uterq; ad militaris imperij no-
 men non temerē aspirare milites crederent. Paulus
 ingenio excelsior, et iudicij grauitate praestantior
 expediēdis consilij, atq; armis promptissimus habet-

batur; sed aliquāto fortasse seuerior et seuior, quod
dormitantes uigiles impune interfici, et sclopetarijs
hostiū captis erui oculos, et precidi manus iuberet,
quod indignum esse uideretur strenuum sepe nobi-
lemq; equitē ab infimi ordinis despiciato pedite mul-
to uulnere prosterni. Nōdum enim inuēdo externa-
rum gentium cruento more, Itali milites sanguinarij
et multae cædis auidi esse didicerant. Paulus hac uir-
tute disciplinaq; pronectus, quum Venetas copias in
Apennino profligasset, Pisanosq; egregie suam tuc-
tes libertatem, aliquot oppidis expugnatis cōterrui-
set, eorum incensibus tormenta admouenda esse cen-
suit. Sed eius conatus, quanquam uehementissimē cœ-
ptus, eum habuit exitum, ut maligne obtreptante col-
lega Ranuccio Martiano disparis dignitatis atq; uir-
tutis duce, perfidiosa potius quam necessaria cessa-
tione à semicapro Stāpacis propugnaculo retraxisse
tormenta crederetur; quasi eius urbis subactae lati-
tiam Florentinis inuideret; inanissima quidem suspi-
cione, quum inde à probro auidoq; ueri decoris duce
per ampla triumphī laus peteretur. Itaq; à præpoten-
te factione ciuiū, urgenteq; Ranuccio perfidiae accu-
satus, uir insons captus, præcipitiq; iudicio in curia se-
cūri percussus est; quanquam uel inusitati generis tor-
menta adhibita, in acerbissima quæstione nihil quod
integritatis famam lederet, elicere potuissent. Eo e-
nim supremo malignitatis decreto concidit, quod uiri
susplicaces, et Reipublicæ causa maxime seui, factio-
siq; immerito tortum nequaquā ex tuto dimitti pos-
se uis-

se iudicaret. Sed eius immanis iniuriæ ultor postea
 exiit Alexander filius, quem hodie patris æqualem
 laudes, & Hūgarico & Germanico bello clarum Ita-
 lia inter paucos duces adnumerat. At Vitelloctium im-
 manior vis atq; seuitia Cesaris Borgiæ sustulit, quum
 is cruentissimo homini, perfidiose astu ex recenti dese-
 ctione in gratiam receptus apud Senogalliam se cre-
 didisset. Ibi enim simulatione colloquij militaris per-
 ductus in domū cum Paulo Vrsino socero, Frāciscoq;
 Vrsino Grauiæ Regulo, & Liberotto Firmiano, ad
 eandē necem destinatis, strangulatus interijt; meritis
 certo iure pœnas pendens, quod se à sangumario, ne-
 farioq; tyranno syncerè in fidem receptus impruden-
 tissimè putarit; quanquam ea reditus leuitas exitiū
 cunctis futura ab ingenio Pauli soceri largitione pro-
 missisq; corrupti Vitelloctio improbāte emanasse cre-
 datur. Vitelloctius primus in Italia Germanicæ disci-
 plinæ phalangem peditum ex Tiphernatibus suis in-
 stituit, quibus & hastas, & secures, ferreaq; pectora-
 lia, & galeas, externorum imitatione tradiderat; or-
 nauitq; ut densata acie procurrere, consistere, regre-
 diq;, & decurrere in cocleam, nihil perturbatis ordi-
 nibus condiscerent; cuius phalangis inuictō robore
 fretus, paulō antē Vgonem Moncatam Borgiæ Casa-
 ris ducem, in Vmbria profligarat; & capto ad Bas-

sanum Guidone Feltrio Vrbiniatium princi-

pe, Pontificias copias insigni edi-

ta pugna deleuerat.

Michaelis Syluſij Luſitani Cardinalis
de Camillo Vitellio.

Victorem Pyrrhum poſt magna atq; inclyta facta,
Feminea fama eſt occubiſſe manu.
Et te ſurripuit poſt inclyta facta Vitelli
Feminea dextra miſſus ab arce lapis.
Heu fatum occultum, multis diſtancia ſeculis
Clara duorum facta exitus unus habet.

Antonij Franciſci Rainerij de
Paulo Vitellio.

Vrbis ut ingrata ſcelus, & uictoria Pauli
Audivit immitti colla reſecta manu
Scipiadum maior; Tua quid bene facta Vitelli
Quid ualuere mea? ah dixit, & ingemuit.

Iouij Iunioris de Vitellochio.

E heu quid faciāt, cuiquā homines cūrue habeāt fidē
Ten' ſic negligis? atq; ipſe tui nil memor, impij
Te imprudens potuiſti manibus credere Borgie,
Infauctis manibus, ſacrilegis atq; neſarijs?
Quid ſi non tibi notiſſimus uſq; & ſatis, & ſuper
Cunctis ille fuiſſet ravidus, Barbarus, impotens,
Humani generis pernicies, atq; hominum lues:
At non te latuit quid fugiens Cæſaris impetum
Olim dixerit ē carminibus Mæconij ſenis
Pompeius, Pharij quum peteret litore perfida
Regis nunc cita. Non equidem uita ferocibus

Committ-

Committenda Tyrannis, iter haud tutum ad eos satis
Dixit: sed mala fors omne animi consilium rapit.

Rainerij de Vitellocio.

Non me diua potens atq; uolubilis
Motu quæ rotat hæc omnia præpeti
Depreſsum Ionio merſit in improbo,
Nec Mars belligeræ dum feror agmine
Hinnitu alipedum cum litui ſono
Letantem, rapido ſuſtulit impetu:
Nec me æuo & ſpolijs tot grauidum nouis
Hæres, nobilium patria principum
Linquentem gelido marmora ſunere;
Victorem tumulo condidit aureo.
Sed me perfidior Borgius æquore,
Martis fulmineo ſeuior agmine,
Parcarum Lacheſi ſurdior ultima,
Et fatum, atq; fides credula, perdidit.

Eiuſdem.

Nō mare me, nō Mars, ſeu aũ mors perdidit: at me
Perdidit, omnibus his Borgius aſperior.

Sub effigie Petri Medicis.



ETRVS Medices, quem Laurentius
pater authoritate atq; opibus florẽtem
in Republica principem reliquerat, hæc
militari ſpecie thoracatus & prolixè co-
mauiſ pungi uoluit. Nam tum uiros radi ſolitos non

decubat barba, contrariòq; more nostro capita præ-
 longi crines adornabant. Multo enim iuuentæ seruire
 alicui, robustos gestandisq; armis habiles artus eque-
 stribus spectaculis ad bellicam imaginem ostentare,
 aduersis sæpe hastis in ludoeo currere, uariq; pugna
 simulacra edere erat solitus; quòd ita ad popularem
 gratiam expediret; sicuti patrem & patrum cum
 præclara laude fecisse meminerat. Verum hæc studia
 quanquam digna essent eo iuvene, quem Palmæ de-
 cus accenderet: eum tamen aliquanto longius quàm
 oporteret à ciuilibus officijs abstrahabant, à quibus
 secus ac pater iusserat, ita abhorrrere uidebatur, ut sæ-
 pe uenationi falconumq; aucupijs, ac amatorijs uan-
 itatibus occupatus, actiones magistratuum inspicere
 negligeret; alloquia ciuium fastidiret, & contem-
 ptu quodam rarò intraret curiam. Quibus moribus
 fiebat, ut paternæ modestiæ, & Etruscæ frugalitatis
 obliuisceretur, obiterq; superbiæ & luxui, atq; item
 libidinibus quibus offendi ciuile decus posset, propa-
 lam se dederet, quum honestas quasdam familias assi-
 duo atq; licentiore matronarum cultu probrosas effi-
 ci nonnulli suspicarentur. Sed hæc grauior cæteris la-
 bes quæ proterui atq; intemperatis famam premebat,
 citò deseruit ex nuptijs lectissimæ uxoris Alphonina
 quam ex Ursina gente duxerat: conciliante id coniun-
 gium Clarice matre ex eadem orta familia. Erat Pe-
 trus ingenio patri dissimilis, uti sæpe ferocior tñ ma-
 ximè quum fortè meracius biberet, acriter ad iracun-
 diam parato: sed quòd amoenitate Musarum & Mu-
 sicis con-
 leste con-
 erat do-
 obseur-
 do alter-
 rent, quæ
 fusa au-
 & Gra-
 tis nig-
 per am-
 pax ser-
 batur.
 non ter-
 animu-
 nū gr-
 mores
 spem
 ventu-
 Alex-
 Gallis
 legat-
 Petru-
 non e-
 ter of-
 male-
 Amic-
 ideo
 bus s-
 super-
 ficu

Acis concentibus citò molliretur, & quò luberet, facili flecteretur. Nam à Politiano præceptiore institutū erat domi certamen Etruscorum Poetarum, quo nō obscura laus, summa iocunditate querebatur; quando alternis dicerent, & ad pares numeros responderent, qui extemporaneæ facultatis plausum à circumfusa audientium corona petebant. Latinarum namq; & Grecarum literarum studia, ea tempestate Florentiæ uigebant, ita ut arguti iuuenes Etruscos rithmos per amoenis floribus adornarent. Hos mores optima pax ferebat, atq; his pacata ciuitas honestissimè latabatur. Sed ubi ē Gallia terribile classicum cōcrepuit, non temerè cōceptus pavor totum in experti iuuenis animum occupauit: sic ut facile in consilio longè omnium grauissimo foedere satisfaceret, & ciues antiquæ memores libertatis ad pristinum odium redirent, & in spem excutiendæ seruitutis erigerentur. Erant tū Florentini Aragonijs regibus foedere coniuncti, & cum Alexandro pontifice sentiebant. Ingruentibus autem Gallis socius aderat Ludonicus Sfortia diu antea per legatos Petrum ab Aragonijs diucllere conatus. Sed Petrus ita comprobante Ciuitate, censuit ius foederis non esse uiolandum. Quo decreto Sfortiam uehementer offendit, quoniam astuta eius consilia ab encipiti, maleq; fido ingenio, sibi detecta ad Gallos detulisset. Amicē enim Sfortiæ legatus in colloquio dixerat, nō ideo euocari Gallie regem, ut Italiam externis gentibus subigendam, & proculcandam daret: uerū ut superbi & cōminantis sibi Alfonsi ferocia, insensibili-

mi regis metu fenaretur. Itaq; Petrus repentina per
 Lunensem agrum Gallorum irruptione perterritus,
 se re pœnitentiæ consilium sumpsit: ob id quod Ferdi-
 nandus Alfonsi regis filius, in Aemilia alteram Gallo-
 rum & Sfortianorum manum minimè sustineret, &
 classis Aragonia Liguriam improspere tentasset, Flo-
 rentia profectus ad Sergianum descendentem Carolo,
 obuiam iuit: ut honesta conditione proposita, pacem
 impetraret. Sequebantur eo tempore regem planè ui-
 ctorem Laurentius & Ioannes Medicei, Petro insen-
 sissimi hostes, quod ab eo ex leuissimis offensionib. in
 exilium acti fuissent. Horum deprauatione procures
 Gallos ab se alienatos Petrus reperiebat: neq; aliter
 ab rege in amicitiam recipi poterat, quàm si arces cu-
 stodiendas regijs præfectis traderet, quæ erant qua-
 tuor Pisana, Labronensis, Sergiana, & infra lucum
 Feroniæ Petrasanctensis. His ob signatis impetrati foe-
 deris tabulis, Florentini ciues qui in ea legatione ad
 regem Petro collega aderat, usq; adeò animis exacer-
 bati sunt, ut à Petro Rempubicam priuati commodi
 causa prodi dictarent, & in eum concordibus consi-
 lijs conspirarent. Nec multum inde Petrus cōfecto eo
 negotio, quum ad exornandas ædes, quibus regem ex-
 ciperet, Florentiam rediisset, & ad Decuriones ascē-
 dere uellet, à Iacobo Nerlio curiæ ianua est prohibi-
 tus. Quæ insolentis facti acerbitate percussus, redeū-
 temq; domum, populus sublato clamore, & coniectus
 lapidibus usq; adeò cōtumeliosè insectus est, ut uix
 mentis compos euadendi, fugiendiq; tumultus consi-
 lium

lium expediret, & sancti Galli porta, principatu, patriam atq; penatibus unius horæ momento excidens, se fecisset, Bononiâq; perfugeret: tanta trepidatione ut uix Ioanni Cardinali fratri, qui cucullati habitum desumpserat, ut sese occultaret, elabendi spaciū daretur. Errauit in exilio integros decem annos, sapius cōtumacis fortunæ suæ, fallacissimos nutus expertus, unde ei reliquæ opes absumptæ, & nullū æs alienum contractum est, oppigneratis scilicet Alfonso uxoris dotilibus bonis. Nam ab initio Virginius Vrsinus quum accepta in stipendiū pecunia, cum reducturus ad Rapollanæ aquas usq; peruenisset, commutato repente consilio, in Apuliam se conuertens, spes eius infregerat: biennioq; post Liuiani audacis beneuoliq; ducis consilium secutus, ad Romanam portam, ita copias signaq; promouerat, ut obseratis repente ualuis exclusus, irritò conatu regredi cogeretur, eo quidem grauiore detrimento, quòd propinqui aliquot ciues, Mediceiq; nominis studiosi, tanquam hostilis eius accessus conscij, capita plecterentur. Promissis demum Borgia Caesaris ad repetendam patriam perductus, quum ille exercitum ipsis propè Florentiæ mœnibus admouisset, non modò conceptam spem, uotaq; eius fefellit, sed existimationem exulis & salutem in summum periculum coniecit; quòd Borgia male fidus, rebus clandestinè compositis, inter conditiones Petrū tanquam hostem iudicatum Florentinis expetentibus traditurus esse diceretur. Nec multo post Vitellochio etiam adhæsit, ex nece fratris Florentinis inimicissimū

mo, quā is occupato Aretio bellum intulisset. Sed eū
 terrorem ualida Gallorū auxilia ab rege Florentinis
 socijs missa, ita susculerunt, ut Petrus eandem aduersi
 conatus sui sortem tulerit, usq; ad Gallicum bellum,
 quod Magni Consalui uirtute ad Formias parua ui-
 ctoria, confectum est. Erat tum in partibus Gallorū
 Petrus; qui prostratis socijsq; deletis partium copijs,
 ut se ad Caietanū periculo eriperet, quum onerarium
 lintrem conscendisset, et secundo Lyri amne deuehe-
 retur, in ostio fluminis summersus interijt; nauigium
 tormentis cumulātē onustum, facile absorbente irato
 mari; quum impetu tumentis amnis illidentes decu-
 mani fluctus, contrario repercussu pulsarentur. Hoc
 ignobile mortis genus ei merito accidisse pleriq; exi-
 stimarunt, quod in morte Laurentij patris Leonium
 illustrem medicū indignum prorsus ea immanitate,
 ut de infelici curatione pœnam exigeret, in puteum
 præcipitasse crederetur. Reliquit auspiciatoris fortu-
 næ heredem Laurentium filium, quem à Leone pon-
 tifice patruo, electis Feltrijs, Urbini principem cōsti-
 tutum, sed non diu eo munere latatum uidimus: ex
 quo genita est hæc Catharina, quā hodie eruditis mo-
 ribus excultam, et lætæ prolis fecunditate perbeatā
 in thoro Henrici optimi Gallie regis conspiciamus.

Andræ Anguli.

Quisquis es, armatam effigiem longamq; ferocis
 Medicei iuuenis suspice casariam:
 Huius enim Lyris tantum se funere tollit

Gallorum

LIBER QVARTVS.

Gallorum, quantum clade fluit tumidus.
Et magni virtute patris Laurentis, Etruscum
Arnus pacatas in mare uoluit aquas.
Hunc gemini decorant fratres, quibus Tybris amœnus
Pontificum titulos, sacraq; sceptrâ dedit;
Summisitq; Vmbra nato fœra colla Metaurus,
Nunc neptim Rhodanus, Mosæ, Ligerq; colunt.

Sub effigie Christophori Columbi.



QUIS non miretur hac honestissima frō
te hominem, qui inusitata animi magni
tudine portētoſoq; immenſi ingenij ui
gore ualuerit, aſpero ignobiliq; Arbi
zolo Liguria uico iuxta Sauonā naſci potuiſſe? Hic
enim ille eſt Chriſtophorus Columbus ſtupendi alce
rius & nullis ante ſeculis cogniti terrarum orbis re
pertor; quem proſectō benigna ſalutarium ſyderum
conſpiratione natū fuiſſe exiſtimare fas eſt, ut incom
parabilis Ligurius honos, eximium Italiae decus, &
praſulgidum iubar ſeculo noſtro naſceretur; quod
priſcorum Heroum, Herculis, & Liberi patris famā
obſcuraret: quorum memoriam grata olim morta
litas æternis literarum monumentis cælo cōſecrarit.
Columbus à prima adoleſcentia diuerſis nauigationi
bus patrio more deditus cuncta emporia, inſulas lit
toraq; mediterranei maris peragrauit: & uti erat
Geographiæ apprime ſtudioſus, curioſi ingenij ner
uos omnes contulit ad contemplationem earum natu
ra rerum et regionum, quæ terræ globo cōtinentur,

adeo pertinaci spiritu laboreq; ut ex astronomia tro-
picatorum, equatorisq; & climatū mensuras, totiusq;
item nauigatoria membranae & magnetis usum ex-
actissime perciperet, inflammatusq; studio atq; admi-
rabili cupiditate explorandi Oceani raperetur, ut po-
sitos columnis Herculeis terrarum limites irrideret.
Nec inanibus coniecturis alias omnino terras ad oeci-
dentem solem extendi predicaret: quarum Plato ip-
se, & Seneca, & pleriq; alij Graecorum & Latino-
rum non nulla expendenda Cosmographis argumen-
ta reliquissent. Ea quoq; spe Columbus magis ac ma-
gis implebatur, quod paulo ante patrum nostrorum
memoria à uiro Gallo, cui nomen fuit Bethancor, in-
sulas Fortunatas et à Lusitanis Hesperides ultra Viri
de promontoriū, repertas esse didicerat: superatūq;
demum esset Henrici Lusitani regis classe, extremum
Aethiopiae promontorium, quod Bona spei nomen tu-
lit, ultra Capricorni circulum Antartico polo sub-
iectum. Inuidebat profecto hanc gloriam exteris gē-
tibus homo Ligur elato, pertinaciq; ingenio, iniquē
ferens, Ligures qui inueterata naualis disciplinae au-
thoritate & laude cunctas nationes anteirent, praeco-
cupato ab alijs ausu, occasione ingentis parandi no-
minis spoliari. Haec eius uota aliquandiu delata ad re-
ges & semper reiecta, ad extremū Hispaniae rex Fer-
dinandus sic impleuit, ut adductus perseuerantia peri-
tissimi hominis, quinq; naues ab se impetrari patere-
tur. Quanquam id concedende expeditionis munus,
pleriq; non periculosum modò, sed planē insanum et
impium

impium esse prædicarent, uastissimis Oceani fluctibus
naues & Hispanos homines cõmitti ad libidinem ua-
ni Liguris & decoctoris, qui uitæ suæ iacturam par-
uiduceret; si in eadem pericula multi ipso peritiores
nautæ, fortioresq; homines perducerentur. Itaq; Co-
lumbus cum paulò minus ducentis hominibus Hispa-
nici generis è Gadibus soluens, inter occidentem atq;
meridiem cursum tenuit, aquatusq; apud Fortunatas
Octobri mense in dextrum uela flexit, & sulcato per
multos dies Oceano, nusquam apparentibus terris,
conspiratione nautarum penè oppressus est, quum
peregrini unius amētia uniuersam omnium salutem,
desperato nauigationis exitu minime credendam ar-
bitrarentur, quando infinitus pateret Oceanus: nec
suffectura essent alimēta, si serò pœnitentibus redeun-
dum in Hispaniam esse decernerent. Sed eos uel atro-
cissimè consternatos sacramēti militaris seuerè admo-
nuit, quo regi fidem dedissent, se nusquam ab authori-
tate imperioq; ipsius esse discessuros; multisq; ratio-
nibus ostēdit, certam eos proditiōis pœnā in Hispa-
nia subituros, si temerè summi cōmodi, summæq; glo-
riæ coepta, & feliciter ad finem penè perducta, timi-
ditate inani, aut importuno incerte mortis horrore
perturbarēt. Vix dum socijs naualibus pacatis, & ad
officium redeuntibus, Columbus uolantes aues con-
spexit, prædixitq; non longè abesse terras è quibus il-
le euolassent. Nec eum fefellit opinio; breui enim per-
uentum est ad insulas serè innumerabiles, maximāq;
earum adeuntes, ualde nemorosam & luscinijs, &

psittacis refertissimam, sed humano carētem uestigiō,
 Guadalupe[m] uocarūt. Inde perpetuis prouectus Eu-
 ris, atq; his unō tenore perflantibus secundissimo cur-
 su, quōd nusquam fluctus inter se refringantur; ad in-
 sulam ingentem, nomine Hispaniolam peruenit. Ea
 distat à Gadibus rudi supputatione, miliariū Italicorū
 circiter quinq; milibus, Cancrig, Tropico suppo-
 sita, in longitudinem tota proscinditur; refertq; casta-
 neæ folij formam, magnitudinēq; Britāniam excede-
 re perhibetur. Eius insula gentes Columbus blandis
 nutibus atq; munusculis ad se facile pertraxit; didi-
 citq; ex mulierum inauribus, & quibusdam armillis,
 auri copiam in ea reperiri, quum omnium rerum se-
 getisq; præsertim sint inopes, captiq; ingenij adeo
 simplices, ut literarum prorsus mediocriumq; arti-
 tium sint ignari; utpote qui nocturnos lemures ado-
 rent, quos nūquam uiderint; sed inerrare domicilijs
 eorum noctu persuasum habeant, qui arbitri uitæ si-
 mul & fortunæ cuncta bona pariter & mala, mor-
 talibus dispensare soliti sint. Horum lignea simulacra
 incisorio pyrite lapide usi ruditer effingunt, religio-
 seq; uenerantur, Zeminos appellantes utriusq; huma-
 næ sortis largitores. Hos populos tormentorum por-
 tento, aspectuq; uelificantium nauium territos & stu-
 pefactos, facile ad uenerationē Christianæ crucis in-
 duxit, fœdereq; icto cum aliquot præpotentibus insu-
 le regulis, cognouit manare aureas harenas ex am-
 nibus qui ex præaltis montium iugis in Oceanū defle-
 rantur. Itaq; cōtentus hoc bene auspicato nauigatio-

nis initio, relinquere apud regulos ex suis Hispanos homines, totidemq; ab his indigenas mutua fidei obfides accipere, reuertiq; in Hispaniam ad regem cōstituit; à quo demum perfuso tantæ felicitatis gaudio, quadruplo maiore clāse impetrauit, ut reliqua scrutarentur; aggregantibus se ei certatim Hispanis tantquam ad certam prædam ex aurea gleba ire prope- rantibus. Hac secunda nauigatione Columbus, Am- rantis, regijq; præfecti nomen promeritus, eas quas innumerabiles diximus insulas partim desertas, par- tim ab immani & truculēta Canibalū gēte incolipi- raticisq; eorum latrocinijis cuncta infesta esse didicit. Ii mortaliū cruentissimi atq; effertissimi, humanis uescuntur carnibus; nullum numen adorant; nullum æquitatis ac humanitatis ius colunt; constuprāt sœ- dē mares, & uenenatis instructi sagittis remigātes in alueis unilignis longissimè prædantur. Cæterum Co- lumbus recto cursu ab Hispaniola ad Occidentē per- tendens, insulam Hispaniola duplo maiore apprehen- dit, quam propter lōgitudinem ab initio cōtinentem esse crediderat; sed anfractibus eius enormi flexu su- peratis integrè circuiuit, & Cubam appellauit: parā auri copia & simplicitate incolētū Hispaniolæ per- similem; atq; inde demum in aduersam ingentiū ter- rarum & regionum continentem ad Austrum sitam, Boreæ flatibus appulsus tenuit. Hunc terrarum inco- gniti antea orbis tractum æqua fronte Septentriones spectantem, & introrsus sub æquatore situm, alij San- ctæ crucis terrā, alij Pariam, alij Darienem uario in-

loco uocauere. Columbus ostium immensi fluminis
 subiit, quod ideo os Draconis appellatum est, quoniam
 tortuosis uorticibus nauigia absorbere posse credere
 tur. Eius terrę gentes Antropophagos esse, nec ullis
 donis mansuescieri posse cõpertum est; uestiri eos uer
 sicoloribus psittacorum penis; arcibus & ligneis cla
 uis preliari, nostrorum acies periculo facto reformi
 dare, atq; refugere in nemorosas latebras consuesse
 constabat. Tot aditis exploratisq; gentibus Colum
 bus factus mortalium celeberrimus; non uno in loco
 constitutis legendi auri officinis multisq; castellis ad
 præsidium edificatis, atrocis inuidie ictus effugere
 nõ potuit; accusatus enim ab Hispanis innata crude
 litatis & auaritię, causam pro se dicere coactus est,
 felici quidem euentu, confutata emulorum malignita
 te, quum ab rege gratissimo atq; iustissimo præfectu
 ram Hispaniolę fratri impetrarit; ipseq; non multo
 post auctus opibus, & sua fama felix, quum tranquil
 le senesceret, in Hispania obiit, relinquens aurifera
 regna, audentium Hispanorum uirtute proferenda,
 uti mox euenit ad summam Hispanię felicitatem. Sic
 ut Columbus dignus omnino uideri possit, qui à Ligu
 ribus presentia potius, quàm uetera hodie miranti
 bus, luculentissima statua Genuę decoretur.

Iani Vitalis.

Tu maris & terrę trans cognita claustra Columbe
 Vectus naue cita penetraſti
 Ignotos populos, atq; abdita maxima regna

Antipo-

Antipodumq; orbem extremorum.

Hic aliæ uentorum animæ tua lintea leni

Impleuerunt Aquilone, nec alto

Fulserunt Helices, clarissima lumina cœlo,

Nec uertit mare tristis Orion?

Hic legem accipiunt Zephyriq; Notiç,

Aequora nec tolluntur in altum.

Tu gentem incultam quarum uel pomifera arbos

Numen erat, uel purpureus flos,

Vel fons irriguus liquidis manantibus undis,

Formas uera religione.

Tu uitam humanam instituis, tu moenia & urbes

Stare doces opulentas,

Et parere grauidam non uno è semine terram,

Et connubia iungere certa.

Vnde etiam extremi letis cum uocibus Indi

Te memorant, patremq; salutant.

Salue non Ligurum modò, sed decus orbis, honorq;

Noctri secli magne Columbe,

Cui merito Iouius Heroas dedicat inter

Nominis æterni monumentum.

Sub effigie Sfortiæ Cardinalis.



SCANIVS Sfortia senatoriæ digni-

tatis supremum decus quanto nunquã

antea uel postea sit uisum, ornatissimo

amiliæ delectu cultuq;, officiosissimi

nominis autoritate & rerũ omnium apparatu opu-

lentissimo, ita expressit & impleuit, ut multorum in-

dicio sacraui uiri existimationem atq; amplitudinem
 supergressus esse censeretur. Nam post eius mortem
 obsolescente sensim Pontificie aule maiestate, con-
 spirationeq; inusitata quarundam gentium eneruatis
 Romanis uiribus, usque adeo iactata despectaque
 est religio qua sacre opes nitebantur, ut neminē po-
 stea uel maximum Cardinalem ei equari posse fatea-
 mur. Nam si unis diuinijs unisq; tantum fortune mu-
 neribus potius quā animi uirtute & dignitate mo-
 rum illustriū sacratos uiros omnino aestimandos et su-
 spiciēdos existimemus, nemo ferē Ascanio ueniet cō-
 parādus. Lectus fuerat in senatum à Xisto pontifice
 cōmendatione Ludouici fratris, qui Catharinā Galea-
 cij germani fratris filiā Hieronymo Riario pōtificis
 propinquo nuptui dederat. Inde Ascanius opimis sa-
 cerdotiorum redditibus, ipsoq; patrimonij censu di-
 tissimus euadens, eum in Vrbe tenorem uite insituit,
 ut domo maxime hospitali, egenisq; perbenigna, &
 erga omnes insigni pręditos uirtute apprimē libera-
 li, summa beneficētię fama potiretur, essetq; aliquan-
 to principi propior quā sacrato sacerdoti, quōd
 ante omnia uenatorię uoluptatis & nobilioris aucu-
 pꝝ exercitationes regio sūptu studioq; perpetuo tue-
 retur. Hoc tanto nomine prouectus, diu facili princi-
 pem inter senatores gessit. Sed autoritate atq; opi-
 bus, & noua deniq; gratia auctior euasit, cum ab ex-
 cessu Innocētij Octauī pontificis comitia rexisset; cir-
 cumductis nāq; suffragijs, ad Borgiā totum se conuer-
 sit; emptusq; proculdubio profusissima largitione,
 ut ille

ut ille omnium deterrimus pro optimo pontifex renunciaretur, adhortator & author præclarus exitit quum nonnulli eius ordinis candidati, Borgia potiores repulsam tulissent, qui Hispanum occultæ malignitatis summæq; simulationis hominem exitio cunctis futurum, stultissimè pontificem creatum nequaquam falsi uates denunciabant. Caterum Ascanius qui domum Borgianam peramplâq; munera ex ea suffragatione fuerat consecutus, aliquot post annos exitialis amentię suæ poenas dedit: nam Alexander ut filium Cesarem Borgiam ad summas opes proueberet, cum Gallie rege Ludouico in perniciem Sfortianæ & Aragonia domus conspirauit tanta immoderati animi acerbitate, ut cunctos Italici sanguinis regulos expellendos anitis imperijs, & scelestam manu per necandos susciperet. Itaq; Ascanius cum fratre Ludouico Gallicis impar armis, eo euentu in Germaniam profugit, ut cum mox Heluetijs fretus armis Mediolanum repetisset, Ludouico fratre ad Nouariam ab ipsidem Heluetijs destitutus, ipse coniectus in fugâ prodeunte cum pari perfidia Conrado Lando Placentinô ad Ripaltam Castellum supra Trebiam Venetis equitibus traderetur. Exinde perducto iam in Galliâ fratre, cum aliquandiu Venetijs præalto in carcere custoditus esset, repente cum Ludouico rege in Galliâ pertrahitur, sed triennio post, quod mortuus esset Alexander pontifex, Romam a Georgio Ambosio Cardinale perductus est, quoniam maximè idoneus putaretur in toto comitiorum negotio conciliandis

suffragijs : nam Georgius nō obscuro ambitu ad pontificatum aspirabat. Sed fata Pio tertio pontificatum detulerunt, simul & celeriter eripuerunt: paucissimis namq; diebus excessit ē uita, instauratisq; comitijs Iulius secundus pontifex ei suffectus est. Hic Ascanium Ambrosio frustra contendente, in Galliam abduci uentui, quod indignum esset sacerdotem nihil tale meritum, paterniq; imperij fortuna expoliatum in carcere custodiri. Per hunc modum Iulij beneficio liber factus, & pristina restitutus dignitati, cum ad repetendum Mediolanense imperium, ingenti solertiq; ingenio consilia cōtulisset, consocioq; Consaluo magno et Liuiano adiutore, Gallis bellū moliretur, ueneno sublatus triduo interijt eo minus infelix, quod diri pontificis teterrimam necem epoto temerē ueneno quod conuiuius erat destinātū, uidisset. Eum aduersus tot fortune contumelias infracti animi laudē meritū, Iulius marmoreo sepulchro honestauit, quod ad Flumentanam portā in templo Deiparę uirginis conspicitur.

Pauli Amanij Cremenensis.

Hec est quam mira depictam conspicias arte
 Augusta Ascanij effigies, magni illius inquam
 Sfortiadę, cui non uultu fortuna minaci
 Vnquam animi effregit uires; est Gallia testis,
 Hadriaciq; maris domini, qua mente superbum
 Quam forti tulit imperium; captiuus & hostem
 Quam se prudenti seu a ditione redemit
 Consilio, ac tandem Italiam uacuasq; reuisit

Summi

Summi pontificis sedes, & Tybridis oram
 Ipsa ubi erat sacri decus & pars magna senatus.
 Quod si non atris peperissent pocula succis,
 Dirum illi exitium, extremos tetigisset honores:
 Ast illum huc uirtus, illuc sua fata trahebant.

Sub effigie Ludouici Sfortiæ Mediolanensium principis.



VDOVICVM Sfortiam Mediolanensium principem, cui Moro cognomen fuit, nequaquam à fuscitudine oris, quòd esset æquo pallidior, ita uocatū ferunt: uerū ab argumento quod pro insigni gestabat Mori arboris, quæ idcirco sapientissima arborū censeatur, quoniam tardè & non prius germinet & florescat, quā hyemis iniuriā effugerit, statimq; tuto partu ocysimè fruticet, quasi hoc ingenio suo esse insitum indicare uellet, in omni actione nunquā prope-
 re, sed grauius consilia inire, atq; ea sicuti oporteret maturè & celeriter explicare. Verū id postea gestamen cōprobante euentu longè uanissimū extitisse uidemus; quandoquidē à tanta opinione prudētiæ nihil demum sibi sapere sit uisus, cum exultus principatu, miserrimus omnium mortaliū clatrato in carcere perierit. Erat eo ingenij instinctu Ludouicus, ut omnem ingenite prudētiæ uim subtili astu & multo simulationis artificio muniendā arbitraretur; propriāq; item uota contegere, dissimulanter mentiri, fallere ex cōmodo, atq; traducere simpliciores homines, ex

disciplina, officioq; nō insulsi principis esse putaret, quoniam ad aperti & libera sentientis persona, in expeditis sepe iniurijs nimis exposita crederetur. Ceterum in eo uigebat facundia illustris, nonnullis liberalis doctrinæ præceptis temperata & gravis, quam oris & corporis habitus apprimè generosus & excellens magnopere cōmendarent; quibus dotibus cōiuncta erat congressus & alloquij nunquam fucata facilitas. Et perhumaniter responsa daret plena grauitatis & æquitatis, in neminem iratus aut asper; utpote qui subamara & ingrata his qui peterent, quodam sobria locunditatis lepore mitigare consueket. His moribus permultos annos aut fratris filij tutor, aut eo demum sublato princeps appellatus imperiū cum insigni gloria dignitateq; Sfortiani nominis rexit, cōsilio potius semper usus, quàm expeditis armis quod ex incommoda ualeitudine uir natura nec bellicosus, nec acer ab armorum exercitatione studioq; facile disceisset, dicereq; soleret scriptorij calami quā ferrei aciem plerūq; efficaciorē habere uim in gerendis administrandisq; bellis, quæ ad præliorum aleam uel multa cum ratione deducta, inopinatas sæpe calamitates dimicantibus importarent. Quibus institutis atq; consilijs cum aridente fortuna singularem non inanis gloriæ suæ fructū perciperet, et foris prudentiæ nomine magnus & clarus haberetur, mirè sibi placere poterat, quod ab initio tutela fratris filij depulsus & Pisas relegatus, ea autoritate rediisset, ut inimicos, Ciccumq; præsertim Simonetā authorem

exilij

exilij capite damnaret, eiectionēq; dolis Eustachio uete-
re fidelis, custode Mediolani arce potiretur, ac Hel-
uetios & Sedunos arrogāter ad Domofulā irrūpen-
tes, cruenta illata clade reprimeret, & egregia de-
mum cum laude ex Gallico bello post saua pericula
honestissimā pacem sibi atq; Italia peperisset; supra
id quod maxime decorū uidebatur, principatus orna-
menta & titulos à Maximiliano Casare fuisset conse-
cutus. Verū ubi Carolum rogē immatura & repen-
tina morte surreptū quo cum tuta pax uigebat, illi au-
tem Ludouicum Aurelianum ueterē hostem suū suc-
cessisse didicit, ingēti metu praesagientis animi ita cor-
reptus est, ut pauor qui ei fatalis erat egrē dissimula-
retur, sed nihil tamen in eo mentis rationem elideret.
Omni siquidem ingenio atq; ope celeriter contendit,
ut ea imminēs ab Alpibus clades auerteretur. Verū
Dijs inuitis, praesidia paranti omnia frustra fuerunt.
Nam Gallus desumptis statim regijs insignibus auido
atq; anteparato animo ad Italiae totius imperiū aspi-
rans, cum Alexandro pontifice Venetoq; Senatu exi-
tiale toti Italiae & Galliae maxime fane sū sordus per-
cussit. Nec Veneti ceca proferēdi imperij libidine in-
ducti, à supplice exorari potuerunt, quin accerferent
ab Alpibus Gallos, ipsis demum certam perniciem al-
laturos, quod apud Senatum recentis offensionis do-
lor, qua ereptum sibi Pisanum imperium quereban-
tur, plus ualisset, quā Balneolanae pacis memoria,
qua sfortiae industria graui summi belli metu atq; peri-
culo liberati fuisset. Quāobrē Ludouicus in pio certē

sed necessario consilio Baiacetem Turcarum imperatorem contra Venetos concitare coactus est, cū à Maximiliano Cesare auxilia desperaret, qui iū Gallo-
 rum opera Heluetico bello premebatur; & Federici Aragonij auxilia a quo remotiora & languidiora fore perspiceret. Conatus demum est cum rege hoste grauis tributi pactione pacem redimere, ut sibi tantum liberisq; suis paterni dominatus possessio iuraq; relinquerentur. Sed has conditiones, quæ dubij belli pericula tollerēt, & antiqua Aureliana domus iura confirmarent, ab initio auribus libenter admissas, rex postea insolēter reiecit, quod undiq; uim ac insidiatores in Sfortiam comparasset, quos ille procul dubio nō diu sustinere posse iudicaret; in eius rei negocium enixe satagente Triuultio, qui peculiari incensus odio, Sfortiani nominis capitalis erat hostis. Is manebat in præfectura apud Astam Aureliani urbē, & cū etia quæ opus erat ad bellum impigrè callideq; parabat. Nec multo post Obegninus atq; Ligninus clarissimi duces cum iusto exercitu magnoq; tormentorū apparatu in Italiam missi, Sfortianos urbe Alexandria depulerunt, sed de profugiente Galeacio Sanseuerino qui adulterinis Calatini fratris literis, Mediolanū in medio ardore belli perfidiosè fuerat reuocatus, sic ut inopinata profectione omnes ferè copias defereret, Gallisq; sedè relinqueret, & serò de fratris perfidia cōquereretur. Eo nūcio et defectione Calatini ad Gallos, importunè terrefactus Sfortia, ideoq; consilij factus inops, properè in fugam se coniecit, quod undiq;

dig, perfidiam timeret, & tum fortè Simon Horrigonus Insuber aequè perfidiosus & scelestus ad interficiendum principem frustra summiffus, Landrianum ararij præfectum trucidasset; in quo expediendæ pecuniæ ratio omnis sita erat. Eugientē cum liberis Ascanioq, fratre Comenses receperunt, aqud quos concionantem admirabili constantia, & de consilijs suis multorumq, perfidia differentem, ego tum puer maximè sum admiratus. Atq; inde miser & à multis desertus Lario cmeso, & superato Adua monte, quem montē Graium hodie uocant, unde Abdua profluit, in Germaniam est profectus, paucisq; inde diebus cum esset ad Bolzanum in Rhetia, Mediolanensem arcem nefaria proditione Bernardini Curtij cliētis sui, Gallo traditam cognouit, simulq; occupatam à Venetis Cremonam pari perfidia tradente arcem avarissimo custode, cui Bataleoni nomen fuit. Dum in Rhetia Cæsarem conuenisset, & de reditu consultaret inter multas belli deliberationes, grauem sibi pecuniæ iacturā imminere prospexit, quòd ea à Cæsare auidius expetireq; auxilia maturè expediri uiderentur. Itaq; comprobante Ascanio priusquam auri inopiam sentiret, conandum sibi aliquid existimans, Heluetijs & Grisonibus inter se foederatis gentibus commisit. Hi nāq; expeditas legiones, quibus eum reducerent, pollebantur, quòd iam inuisum Insubribus Gallicum nomen esse cœpisset. Nec mora adiuncto etiā sibi Sequanico equitatu, ab Alpibus Rheticis descendens, à Comensibus, Mediolanensibusq; latissimè receptus est,

Ligninio nihil obfistēte, & cum Gallicis praesidijs ultra Ticinum profecto. Sed cum Ludouicus in expugnanda Nouaria aliquot dies absumpsisset, noua Gallorum auxilia Tramulio duce superuenerunt, & cū his multo plures Heluetiorum cohortes, quā essent apud Sfortiam. Secuta tunc est ea Sfortiae calamitas, quod in Gallorum planus deuenit, deferētib; cum Heluetijs, Sequanis & Burgūdionib; equitibus quos mercede coniunctos adduxerat, Aloisio scilicet Valdreio Bastardoq; Rosio ducibus, Ligninij opera atq; pecunia corruptis. Perductū in Galliam rex Gallus accuratis precibus expetentem, ut uictorem regem uenerari sibi liceret, ad se perducī uetuit, quanquam eum postea ex itinere praetoriani a quitis insignia & arma mentitus intentis oculis spectarit extra clementiae pudorem, eū regiae humanitatis in captiuum penitus obliuiscendam putaret. Natura enim praedurus & recenti suo efferatus carcere in Locensem turrē, erepto scribendi solatio miserum inexorabili seuitia coniecit, ita ut quinto tandem anno uexatus, isteritis morbo diuturnam miseriam morte effuderit. Audiui ego postea à Petrofrancisco Pontremulo, qui in eadē custodia fidus comes perpetuo seruitio Sfortiae fuerat concessus; eum toties infortunij sui miseras uirili pioq; animo pertulisse, saepeq; dixisse, hanc sibi pro ueteribus delictis extremae calamitatis penam à magno Deo fuisse impositam; postquam consilia sua humane plena prudentiae, nihil aliud quā occulta uis fati praeruertisset; ita ut in ea unam dirae necessitatis causam

causam referret, quòd amici & socij penè omnes uel
 summis obstricti beneficijs, fidem impudentissimè se-
 fellissent, præter unum omnino barbarum Baiazetè,
 qui ex condicto Venetiis terra mariq; arma inferens,
 sibi promissa quanquam sera auxilia in ipsam usque
 Venetiam transmisisset.

Pauli Iouij iunioris.

Quantam ruinam præcipiti dabit

Lapsu, tonantis tacta Iouis manu

Turris, quæ ab excelsa minetur

Mole, Deis, medioq; cælo,

Sic concitatus, quos rapuit furor

Regni parandi, atq; ambitio mala

Euxit ad summum cacumen,

Sæpe ruunt grauiore casu.

Nam te quid olim consilium iuuile

Quid cum dolosi pectoris artibus

Astus iucre, atq; in periclis

Ingenij experientis usus?

Felix cruento S FORTIA prælio

Si concidisses, nec miserabilis

Fœdum exitum uitæ uidisses;

Quum patria, solioq; auito

Expulsus, altè in carcere Gallico

Pœnas dedisti, quòd nimis improbus

Non tutor, at crudelis hostis

Præripis imperium nepoti.

Ergo insolentem pone superbiam,

Qui fideis altis uiribus ingenij,
 Fortuna sic gaudet iocari,
 Vertere cum cupit ima summis.

sub effigie Cæsaris Borgia Valentini.



AESAREM Borgia[m] qui sanguinario ingenio, immaniq[ue] seuitia ueteres tyrannos æquasse cense[re] potest, uiroso sanguine execrabilisq[ue] semine progeniem seruit; quod faciem atro rubore suffusa tuberculis, qui saniem leuiter expuerent redundātem, oculosq[ue] introrsus recedentes, et atroci uipereoq[ue] ob tutu scintillantes ac igneos ostenderet; quos nec amici quidem et familiares cotuendo ferre possent, quāquam eos inter foeminas iocabundus, mira cōmutatione ad lenitatem cōuertere consuesset. Caterum artus reliqui ad decorē egregiē respondebāt, cū ei esset habile corpus ualida neruorum compage firmissimū, quod tam aptē quā impotenter ad cūctas pedestris et equestris armature, ludorumq[ue] omnium exercitationes afferebat; utpote qui longissimē et peritissimē iaculari; in palastra uel robustissimū quēq[ue] prosternere; currentem in arena taurum uno machere ictu decollare didicisset. Susceperat eum in minori fortuna Rodericus pater ex Vannotia Romana, quā à forma uenustate, et morum illecebris, miraq[ue] demum foecūditate legitimæ propē uxoris loco habuisse constat. Vigebat adolescente in Cæsare peracutū et erectū ingenū, proptereaq[ue] missus fuerat Pisas, ut in Gymnasio

Gymnasio iuri ciuili operam daret. Sed ubi pater pontifex est renunciatus, in urbem properè rediit, galericusq; purpurei dignitate collata in Senatum cooptatus est: què honorem postea fastidiuit atq; reiecit, cum ad firmiores opes, magnaq; imperia effreni libidine raperetur. Primum omnium permutati ingenij & fluxæ fidei documentum præbuit, cum à Carolo Gallorum rege Neapolim contendente, cui à patre pontifice legati specie, comes & obses datus fuerat, è Velitris Romam profugisset. Exinde armorum studio teneri, contemnere galericus decus, & Candiano fratri qui ductaret exercitum, inuidere cœpit, eo quidè insanæ emulationis exitu, ut ipso fratre Candiano quo cum hilariter apud matrem cœnarat, iugulato proiectoq; in Tyberim, se totum à senatorio ordine abdicata purpura, & desumpto militari sago, ad arma trāsferret, & pontificis copijs præficeretur; conuiiente prorsus ad immane parricidij scelus patre pontifice, qui & ipse uim sibi afferri ab efferato filio proculdubio metuebat. Itaq; sublato principatus æmulo, quod ita ad explendas cupiditates expediret, Gallis se coniunxit, fecitq; sponsalia cum Carlota Alabretæ familiæ regij sanguinis puella, apud Aquitanos pernobilis. Tum enim pontifex totus in eam incubuerat curam, ut ingentes filio opes, perampliq; imperij facultates, uel summa cum iniuria pararet, electis primò urbe Latioq; Columniæ familiæ proceribus, Vrsinisq; demum insigni dolo pernecatis, & excisa propè Cætanorū familia, eum eius procures, occupato eorum domi-

natu, ueneno, aut ferro sustulisset. Verterat quoque eandem seuitia atq; perfidia rabiem in reliquos pontificie ditionis regulos, quatuorq; simul Camertium procures Varanie antiquissime stirpis strangularat; Guidonem Feltrium Urbino pepulerat; Ioannē Sfortiam Pisauro adempto paratam eandem effugere coegerat; expulsis etiam Arimino Malatestis: & cum Gallicie togata imperium affectaret, Catherinam Sfortiam Hieronymi Riarij quondam uxorem, Gallicis fratris auxilij, Foroluiū & Forocorneliū deiecerat, captamq; constantissimi animi scēminam magno probro, & parum uirili superbia in triumphum Romanū perduxit. His tanti belli sumptibus quum sacrosancti ararij pecunia minime sufficeret, opulentissimum queng; ex aula sacerdotem, & in his aliquot Cardinales ueneno tollendos curabat, ut eorum diuitijs in Fiscum redactis potius profusissime largiretur. Vna enim liberalitate, qua milites sibi obnoxios & fidos redderet, famam querebat, ita ut eum ascuisset sibi in stipendium multos undiq; manu promptos, & ex secunda classe Romanorum ciuium, censu atq; audacia præpotentes, affectare Romanæ ciuitatis imperium; urbem Hispanis inquilinis replere, & per eos nobilissimi sanguinis procures quos eiecisset, diu arcere à patria speraret. Hæc cum impio patre cogitās, attonita in urbe noctu uagabatur, cum nusquam interdiu uiseretur, quoniam lucem libenter effugeret, ne deformis & truculenta facies spectaretur. Nouissime tot cedium cruore nondum satiat, Astorem

Mansfe-

Manfredum quem Fauentia expulerat, quod esset decorus adolescens, scelestè & immaniter prius cō-
stupratum, & mox fracta ceruice necatum, Tyberi
mersit. Hanc infamis seculi pestem quum neque Dig-
neg; homines ferre possent, fatalis Pincernæ error ad
præclaram magni numinis prouidentiam, utrūq; su-
stulit, quum in Vaticana uilla cœnantes, ex medicata
Falerna uini lagena parataq; ad exitium nonnullis
Cardinalibus conuiuius, uenenum bibissent. Pater se-
nex non diu ueneni uim ferre potuit, at ipse qui dilu-
tius bibisset, atrocissimo, sed non lethali morbo corre-
ptus est, sic ut magnis conseptus copijs dux acer sibi
usui esse nequiuert, dilabentesq; copias & duos ue-
teres hostes paucissimis diebus pontifices creatos ui-
derit. Sed Iulius hominem mille neces meritum, quē
in mole Hadriani custodiri iusserat, ea pactione di-
misit, ut togata Gallie arces reciperet. Elapsus itaq;
Cæsar ab Ostia nauigio Neapolim peruenit, ubi à Ma-
gno Consaluo iussu regis cōprehensus est, atq; in Hi-
spaniā deuectus, ne uir bellicosus, cū ad eum magnus
militum concursus fieret, recentis in Italia partē pa-
cis tranquillitatem perturbaret. Ad extremum Cæsar
post tertium annum deceptis custodib; Medinæ arce
funibus se deiecit, beneficioq; Beneuētani reguli na-
ctus equū, ad Ioannē Cantabriæ regem cōfugit. Apud
hunc armis cū Alarino regulo contendente, militans
quodam tumultuario prælio ad Mendaniam uictor,
glande traectus concidit; sic ut nō agnitus & exutus
armis, qui triumphū meruerat ad regē nudus sarcinæ

modo uili iumento impositus, pendentibus brachijs
 Et cruribus referretur, quo exitu ferox animus cor-
 pore excedens letari potuit, cū ea uictima non hosti
 ignoto, sed manibus tot insignium procerū, quos cru-
 delissimē perneceisset, acerbissimis tormentis dilania-
 ta omnino mactari debuerit. Sepultus est Pompelo-
 ne, arguto Hispani poeta carmine honestatus, quod
 Latin. postea Antonius Vacca ad eandem sententiam
 sic uertit.

Antonij Vacca.

Terræ qui modò terror uniuersæ
 Valentinus erat, sepultus hic est.
 Tantillo hoc spatio quiescit, orbem
 Bello qui potuit mouere totum.
 Hospes qui freta longa, quiq; terras
 Curris, res audius notare dignas,
 Siste hic adueniens gradum, neq; ultra
 Iam quoquā properes; uidere maius
 Toto nil potes orbe, dignius ūc
 Quā quo tantus homo iacet sepulchrum.

Andreæ Angulij.

Heu quantum fuerat satius dux maxime Caesar
 Borgiæ, tū claris Romæ natalibus ortus
 Hispano patre, magnarum puer indole fulgens
 Virtutum, Et iuuenis donatus honore Galeri
 Purpurei, nunquam tam foedē insignia tanta
 Tu despexisses; regnandi dira cupido
 Inuasit quum te rorantem sanguine fratris,

Vel

Vel saltē est animum aggressus quum bellicus ardor
 Ille tuum, priscos quo æquasti Marte Quirites,
 Totq; duces, ualidasq; acies, totq; oppida & urbes
 Vicisti, indutus mentemq; animumq; tyranni
 Aut nihil, aut Cæsar demens iactare solebas.
 Debueras pro fama aterna, pro laude perenni
 Prælia tractare, ut Romæ celeberrimus olim
 Mos fuit, at non illa inhians & sanguine & auro
 Exercere, domo dominosq; expellere auita,
 Totq; horrenda animo committere funera seuo,
 Quæ pudor Hispano me ortum genitore, Quirini
 Inq; Vrbe, & tectis hisdem tam sæda referre
 Nunc prohibet; sacri quum spreti iniuria honoris
 Magna olim edocuit mortales satq; superq;
 Cantabriæ miser ut cecidisti inglorius agris.

Sub effigie Nicolai Vrsini Petiliani.



O C honesto caluitio deraſaq; barba,
 & uetere leuis armaturæ cultu, Petilia
 nus maxime uigilantis, & uerè ſtatarij
 ducis ſpecimen præbebat, quum Vene-
 tis militaret, & Vrsinæ familiæ decus, poſt enectum
 Neapolitano in carcere Virginitum, illuſtri armorum
 ſtudio tueretur. Is plura ſupèdia uario militiæ mune-
 re Pontificibus, Florentinis, atq; Aragonij fecit; cau-
 tiq; ſemper & egregiè conſtantis famam eſt conſecu-
 tus. Bis aliena potius perfidia, quàm ſua culpa in po-
 teſtatem hoſtium deuenit; ſemel ad Ceſennam Ferdi-
 nando Aragonio militans, quum fortè ad urbis Decu-

rachij
 us cor-
 n hoſti
 os cru-
 tilania-
 mpelo-
 , quod
 emiam

riones pro expediēdis comitatibus ascendisset; cum
 namq; inermem & nihil tale suspicantē Guido Guer-
 ra uir factiosus & insolens comprehendit frustra re-
 clamante Cesennatium senatu; sed ab ea ut temerē il-
 lata, Guido qui Gallis adhaerat, eum habuit euentū,
 ut ab Aragonijs in urbem irrupentibus continuo
 pelleretur. Iterum uerò ad Nolam quo ipse & Virgi-
 nius cum Aragonijs copijs, ingruere ad Capuam Ca-
 rolo sese cōtulerant; ibi enim dedentibus urbem No-
 lanis, ea conditione ut duces copiarū, regia incolum-
 mes forent, Arsius Gallus cōtra fidem pactionis ipsos
 duces manu cepit, & copias hostiliter diripuit. Eo mo-
 do captiuus quum in Galliā à Carolo perduceretur,
 è medio Tarrensis pugnae tumultu ad Venetam aciem
 profugit; sic ut se uero uehementiq; suo hortatu, nu-
 tantes copias, & scdam proclinas in fugam oppor-
 tunè retentaret, restitutisq; animis ad conseruandos or-
 dines egregiè cōfirmaret. Qua cohortatione summa
 proculdubio clades auersa est, & grauioris ignomi-
 niæ dedecus Italo militi ademptum, tanta cum laude,
 ut mox ei à Legatis Venetis & Sfortianis seruati e-
 xercitus gratiæ certatim agerentur. Exinde Veneto
 cōductus spūdio in obsidione oppugnationeq; No-
 uaria strenuam nauās operam, Gallici tormētū pila
 iuxta renes ad dubiæ salutis euentum uulneratus est.
 Post id uerò bellum prosperè cōfectum Veneti colle-
 cta autoritate florētē, in Francisci principis Man-
 tuani discedentis locum, imperatorem crearunt, qui
 honos perpetua cum dignitate nominis, usq; ad uite
 exitum

exitum ei permansit. Eius ductu Germanorum copia
 iussu Caesaris per Athesis Vallem irrumpentes, quum
 Gallorum auxilia Triuultio duce, et Hispanorū co-
 hortēs cōtra Germanos Venetis accessissent, post ex-
 pugnatum Petræ Castellum repressæ sunt. Nec multo
 post diræ coniurationis bellum in Venetos est exor-
 tum, cōspirantibus in unum cunctis Europæ regibus
 ad excidium Veneti nominis. Cuius atrocissimi turbi-
 nis procellâ, Venetus diu ferre nequiuit, amisso scilicet
 ad Abduam exercitu, quo die aduersus Gallū re-
 gem Petilianus ullo usui uel eximie cautus et fortis
 imperator esse non potuit, quum in id malè explora-
 tum pugna discriminē ab incōsulto præpropereq; col-
 lega Liuiano, uel renitēs et nolens raperetur. Ab ea
 clade Venetus cūctis propē copijs et urbibus exutus
 est: nam singulæ ciuitates aduentantis cum terrore
 uictorij regis nec impetum, nec ipsam urgentem fa-
 mam sustinentes, extemplō rebellabant. Solus Petilia-
 nus ē suorum strage se recipiens, ut iterum operam
 præstaret, animum non despondit; suasitq; patriijs
 Venetis, ut de Republica non desperarēt; positis nāq;
 castris ad Mestrium oppidum, et collectis profligati
 exercitus copijs, cōstanti animo substitit; amissoq; Pa-
 tauio, ut Taruisium in potestate retineretur, immisso
 præsidio curauit. Neq; diu post, non semper immitis
 Fortuna, inflictarum pertæsa gladium ita commutata
 est, ut præ pudore Venetis uiam aperiret, qua Pata-
 uium reciperent. Excubante siquidem eam curam
 Petiliano, Andreas Grittus Venetus legatus ē Tarui-

sio cum expeditis copijs noctu mouēs, eius portæ quæ Caudalonga uocatur, pontem, fœni plauistro de industria obsessū occupauit; oppressisq; præsidij Germanis, urbe atq; arce potitus est. Qua contumelia singulariq; iactura, accēsus Cæsar, intra paucos dies è Germania descendit; castrametatusq; ad Fanū beatæ Helenæ, Pataviū ingentibus tormentis expugnare adortus est; cecissetq; ea urbs amplitudine & uetustate pernobilis, proculdubio Cæsari non suis modò è Germania magni roboris copijs, uerū etiā Gallorū & Hispanorū auxilijs confirmato, nisi Petilianus supremo Romanæ uirtutis opere edito, murū perruptum hostilibus tormentis, iamq; ad ingressum audacia hostium patentem, memorabili fortitudine defendisset. Cæsar enim alioqui bellicosus, & in dubijs ausibus perunq; pertinax, ubi militare decus emereret, postquā Hispanos fortiter repulsos, & foeda missilū ignium, omniumq; telorum clade obrutos uidit, ab ultimi certaminis alea temperandum multis de causis iudicans, irrito conatu elusus & inglorius in Germaniā redijt. Neq; fata Petilianū parte gloriæ suæ diu superstitem esse uoluerunt; nam septuagenario maiorem diuturnæ uigiliæ, immoderatusq; labor, administrandis regendisq; præsidijs susceptus, facili cōfecerunt; sic ut eum lenta febris, & concitata aluus ad Leonicum Vicentini agri oppidum non multis diebus extinguerent. Senatus tanquā summæ fidei atq; prudentiæ ducem non temerè luxisse uisus est, quando ei postea pacem frustra desiderarit; ob idq; ei honoris causa è

ligno

ligno equestrem statuam erigi iussisset: eo tamen decreto, ut ei tranquilliore Reipublicæ tempore, anea inaurata poneretur; uel ob id perenne decus meritò, quòd pro externis regibus, uti Romanum decebat, nusquam arma ferens; pro gloria tantum aut salute Italici nominis omni tempore dimicarit.

Antonij Francisci Rainerij.

Vrsini uenerare ducis picta ora manusq;
 Erydanum quicunq; bibis, Tyberimue Atthesimue,
 Tyrrheno quicunq; mari, Hadriacoue potenti
 Allueris: celsi aut iuga suspicis Apennini.
 Ille etenim Ausonios cum se effudisset in agros
 Horrida tempestas, totamq; inuoluier armis
 Cerneret Italiam, & trepidantes pectore patres
 Italiae Venetos decus, & cum maximus hostis
 Fulminibus claram Pauani contunderet urbem
 Exitium in magnum, stetit imperterritus ille
 Huc illuc aciem uoluens, urbemq; pererrans,
 Romulidum prisca fractus qua Barbarus arte
 Viq; animi inuicta, Ausonij excessit ab oris.
 Salue o bellipotens, tot qui unus millia contra
 Sublapsam nobis uigilando restituis rem,
 Qui fera Gallorum, & Germanæ robora pubis,
 Innumeras acies qui comprimis Hispanorum
 Et coniuratos Italia in præcordia reges.

Sub effigie Francisci Alidosij Cardinalis Papiensis.



ON ineptum fore putauerim, ad instituendam recte atq; honeste uitæ disciplinam in sacratis uiris, si ad exemplū posteritatis Frācis̃ci Alidosij cardinalis uita improba, & non serò subsecutus peruersos mores inusitatus interitus, exprimatur. Sic ut eius nobis hæc imago ex uiuo vultu ducta magnæ sit admiratio ni, quòd tantum in se decori & liberalis aspectus dignitatem præ se ferre uideatur, ut hinc coniectari liceat deprauati animi labem illustris formæ specie aliquandiu posse contegi, abscondiq; facili uel peritissimis physionomis artis magistris. Ortus erat ex nobili Alidosiorū familia, quæ in Aemilia uia Forocornelii principatu olim potita est; educatusq; liberaliter, sed aliquanto licentius, quàm exuenti pueritiam ad tuendum pudorem expediret. Adolescens nāq; roseo ingenuoq; ore cōspiciuus, Iuliano Roucreo adhaesit, qui postea pontifex Iulius secundus appellatus est. Apud hunc multis & arcanis, expediti ingenij & parati corporis obsequijs, quantam nemo alius inter æquales, gratiam promeruit; quanquam eam, aduersus prostrate pudicitie rumor uehementer eleuaret, quòd inuerecūda cōsuetudine aula principes sibi cōciliasse crederetur; unde illi purpurei galeri honos maturè collatus est, permagnaq; illi ex sacerdotijs diuitiæ, nūquam frustra petenti affluenter obuenerint, sed

sed quibus coniunctæ (uti mox apparuit) insitæq; essent familiares superbo eius ingenio pestes, cum libidinis & gula, tum procacitatis & alee, maligniq; liuoris, quæ hominem natura irrisorem, & ab æquo & bono dissidentem, ad sermones contumeliosos & impuros, impudentibusq; mendacijs refertos impellebant, ut ex commodo proferendæ ambitionis & uoluptatis instrumenta pararentur. Mirè enim sibi placebat, quū plerosq; eius ordinis splendoris & munificentiæ gratiaq; nomine prorsus anteiret, postquam ei literarum & ueræ uirtutis ornamenta deessent, & non obscure Forocornelij dominatum optimo iure se petere à non ingrato pōtifice profiteretur, quòd eam urbem olim Alidosij maiores obtinuissent. Cæterum in ea re Iulium spe sua duriores inueniebat: occupatum scilicet Gallico bello, & concilij à Gallo rege indicti offensionibus circumuentū, nec quicquam aliud coquentem, quàm ut pontificij imperij opes augeret, studio religionis, amoreq; patriæ cōmunis, quàm in libertatē asserere aduersus externas gētes magnopere contendeat. Verum Fortuna generosa atq; sanctissimis cōsilijs aduersa, ita Iulij cœpta perturbauit, ut undiq; uictor Gallus, impotētibus fretus armis maxime urgeret. Quo rerum successu Alidosiū peruersè potius letatum quàm malo publico consternatum ferunt, utpote qui pristina innixus cupiditati Forocornelij urbē beneficio Galli uictoris, quàm Iulij munere adipisci mallet: proptereaq; perfidiosus artibus, importuna ad sustinendū, gerendūq; bellum impe-

ELOGIORVM

aimenta, Francisco Mariæ Feltrio, qui pōtificis præ-
 erat copijs afferre diceretur, ut Gallis incumbentib.
 uictoriam aperiret. Erat enim Bononiæ in munere le-
 gationis expediendis castrensibus rebus atq; pecunijs
 obscuro quodam astu semper aduersus, & usq; adeo
 auaritia, libidine atq; seuitia infamis, ut à Bononien-
 sibus Verre Tulliano rapacior & seuior uocaretur;
 ob id præsertim quum infantes nec ullo iudicio cōui-
 ctos, simplicissimo tantum liberoq; ore locutos patri-
 tios quatuor, ad inanem ciuitatis terrorem strangu-
 lasset; eoq; acerbius, quod nulla pontificij iussus in eo-
 rum necem documenta extarent. Fuere ij Albertus Ca-
 stellius, Innocentius Armingherius, Sallustius Guidot-
 tius, & Bartholomæus Magnanius, qui nunquam de
 prodenda urbe somniassent. Itaq; alienato populo &
 Gallis appropinquatibus Triuultio summo duce Fel-
 triana copie, & Veneta item auxilia his sub urbe cō-
 iuncta primo repentinoq; impetu, scede prosligata
 sunt; ita ut irrumpentes Bentinoli ueteres tyrāni in
 urbem reciperentur, aperiente Galerīā portam Lau-
 rentio Arioſto, quem Alidosius Bentiuolæ factionis
 studiosum cohortibus conscriptis portarum custodia
 perfidiosè aut imperitè præfecerat. Erat tum Rhauē-
 ni Iulius pontifex, ad quē Feltrius amissis copijs per-
 uenerat, quum eò etiam Alidosius urbe atq; arce de-
 sessus, se in fugam eiciens, conuolasset: ut scelesti ad-
 missi erroris ueniam incusata fortuna deprecaretur.
 Verum hoc meditantī surda fata & superi scelerum
 uindices non arriserunt: eum siquidem mula uectum,

indu-

indutumq; acri coloris penula, Hispanicoq; pileo, de
 positis purpure senatorie insignibus, Feltrius pedes
 ad pōtificem ire pergentem, iuxta Vitalis adem, ade
 ptus, mucrone per ilia grauitur adacto, è mula detur-
 bavit. Quum cadenti Mondulphus equitū præfectus
 latiore sica malā cum auricula discidisset, Philippus
 demum Auria repetente ictus Feltrio iacentē impres-
 so ad præcordia gladio humi cōfixit, nihil se commo-
 uentibus prætorianis aliquot equitibus, qui stupente
 atq; attonito Guidone Vaino ipsorum duce, præto-
 rijq; præfecto, neq; animos neq; arma, ad ferendā ca-
 denti opem expedire potuerunt. Iulius ad nunciū tan-
 ti patrati facinoris exclamans, neuter, inquit, eorum
 me fefellit, quod ominabar enim nō serō euecturū scie-
 bam: sed me fratris filij dispudet, quod dextrā sacrato
 sanguine polluerit, quū priuato indulgere odio, quā
 publicæ saluti, immitis, patrui desertor maluisse uide-
 ri possit. Sed Triuultius hostis egregie pius et prudēs,
 Iuliū Rhauennā tumultuosè excedentē persequi no-
 luit, recepta scilicet Bononia cōtētus, quā Gallicis ad-
 iutus armis pōtifex ante quinq; ānos acquisisset. Eius
 patræ cædis nomē diuersi iudicij famā tulit, quū a-
 lij ad sacrosacti ordinis immaniter uiolaticōtumeliā,
 execrabilis inusitatæq; cædis facin⁹ detestaretur, quo
 Feltrius scelesto exēplo adiutū ad Cardinaliū cædē pa-
 tesecisse uideretur; alij porrò extra aulæ adulationē
 positi, hominē impēsē celebrarēt qui æquissimo iure
 sacri senatus probriū et purpure decus, tāquā planē
 mōstrū, generosa et uerè Herculeā manu sustulisset.

Iouij iunioris.

Improbior Caco, Lernæq; immanior hydra,
 Geryone asperior,
 Ille est, Ausonia non enarrabilis aula
 Pestis et opprobrium
 Iam tum vulgatum cunctis Alidosius oris:
 Quem tamen impavidus
 Sustulit Herculeo confossum Feltrius ictu,
 Scilicet ut meritò
 Sublatus terris Stygias inuiseret umbras
 Tergeminumq; canem,
 Perpetuas illic pœnas, et seua daturus
 Supplicia: heu miserum,
 Te pudor et pietas, et religionis honores
 Deferuere simul.
 Pro quibus inuidiam et rabiem exercere solebas,
 Imperium patriæ
 Affectans, tumidi dum te uictoria Galli
 Erigit, atq; putas
 Illius auspicijs cuncta exoptata referre,
 Sed uetere Dei.
 At uos iam dudum cæso gaudete Tyranno
 Patritiorum animæ,
 Et tu cum placido latere Bononia Rheno.
 Nam quis erit scelerum
 Tantorum inuentor, qui tristes improbus iras
 Effugiat superum?

Sub

Sub effigie Baiazetis secundi Turcarum Imperatoris.



BAIAZETEM qui Othomannorum principum octauus fuit, Græcorum senum potius quàm Turcarum more prolixa barba usum fuisse constat, cum ex hac imagine uerissima, tum etiam ex grauis nec infacetiscommatis Selymi filij dicto. Hic enim quū fortè Hismaelis Persarū regis legato familiariter causam querenti, cur subtonsa ad mentum barba uteretur, quando promissa potius magnos reges deceret, sicuti Vsumcassanes, & Sulihanus Campson, paterq; ipsius Baiazetes nutrire consueuissent: illico respondit, se nolle ab ea inutili atq; importuna densa barba ansa expositum uideri, ut corripī & circumduci posset à purpuratis suis, quorum improbam uim pater inde correptus & pertractus unquam effugere nequiuisset. Erat enim Baiazetes nō pertinacis interdum, sed ualde obsequentis ingenij, sic ut è media purpuratorum consultatione nonnunquam inuitus ad ea quæ nollet actionum consilia sæpissimè raperetur; quanquam in eo non deesset bellicus uigor, constantia laudem affectans & iudicium in expēdendis rebus æquo & temperato principe dignum, utpote qui Scythicæ stirpis insolentiam atq; duriem & natura insitam genti uiolentiam, multa præcellentium studiorum grauitate, et ex historijs sacris aptissima exemplorū ubertate temperaret. Natura siquidem tranquillitati &

64,

Sub

sapientiæ deditus peripatetici Auerrois opinionibus
 oblectabatur, placitaq; Mahometanæ legis, diligen-
 tius quàm regem bellicæ gloriæ avidum deceret, ri-
 mari credebatur. His cogitationibus occupatus, quū
 pater Mahometes mortuus esse nūciaretur, atq; ipse
 tum esset in Cappadocia, ab ipso sperati imperij limi-
 ne, à prætorianis purpuratorum malignitate conci-
 tatis, penè exclusus est, Corcutho nepote in Regiam
 sedem sublato. Sed non multo pōst, cum ipsa pueri im-
 becillitas, tum obortus inde iustus pudor, imperium
 auo debitum & ereptum prætorianis largitione pa-
 catis facile reddiderunt, eoq; facilius quòd Comes Ba-
 iazetis frater ad imperium aspirans, comparatis co-
 pijs aduēiret. Verū fortuna Gemem tribus uictum
 prælijs ita perculit, ut Rhodum confugere cogeretur,
 captusq; ibi Romano pontifici custodiendus Romam
 duceretur. Exinde Baiazetes intestino bello libera-
 tus, more maiorum in Christianos arma cōuertit, quo-
 rum impetu serè perpetuo Valachos ad Istri ostia ad-
 dempto Moncastra multis incommodis afflixit, ingē-
 tiq; pugna edita Illyricorum Pannoniorumq; & Croa-
 torum copias pro communi salute in unum cocuntes,
 apertisq; in campis contendere ausas per Cadumbas-
 sam Eunuchum non longè à Sauro trucidauit; neq; us-
 quam præterquam ad Tarsum uincens egregiè
 Mamaluchis, aduersam belli fortunam expertus est.
 Exorto demum Veneto bello non terrestri modò, sed
 nauali apparatu patre ualidior, ita irrupit, ut Schen-
 derbassa luctuosa incursione, ultra Tiliauentū in Eu-

ganeos

ganeos penetraret: & Deuthes præfectus classem Venetam Grimano duce ad Sporadas insulas in fugam conijceret, & Venetas opes exolescente eorum disciplina sibi in posterum mari contemnendas ostenderet, quum anno sequenti Barbarus ipse audacior factus Peloponnesum intras, expugnata fortiter Methone, & ad eundem uictoriæ terrorem, Corone, Pylo, Criseo, Naupactoq; in deditionem acceptis, & paulo ante occupato Dyrrhachio terra mariq; uictor euasisset. Sed Hispaniæ Galliaq; regib. in publica religionis causa Veneto opem ferentibus, ea conditione pax à Baiazete impetrata est, ut recepta dudum Cephalonia, Venetæ uti antea fuerat, esset ditionis, & Leucas, Nerythusq; insula quam Pisaurius Venetus nauiter expugnarat, Turcis redderetur. Eius autem conciliandæ pacis Grittus author eo Barbarum facilius persuasit, quoniam in Perside Hysmael Sophus ex progenie Vsumcassanis sese regem effecerat, inuecta nouæ religionis opinione, quam ingenti fama superstitionis simi quiq; earum gentium credulitate nouæ legis persuasi ardentissime sequerentur; usq; adeo supra religionis causam felicibus armis formidolosus, ut Othomannico imperio hostis immineret. Nam eius clientes sectatoresq; in Cappadocia fines trahendorum in causam populorum nomine penetrarant, binosq; iam Bassas Caragium & Halim geminosq; exercitus duobus oppressis ducibus occisione deleuerant. Huius belli timor eò Baiazetem senem perpulit, ut de successore deligendo cogitaret, purpuratorumq; in Asia Sele-

mus filiorum natu postremus, quem paulo antè præ-
lio superatum parricidam appellarat, fraude & do-
lis patre eiecto Constantinopolitano imperio potire-
tur, & senem patrem uir seuus atq; impius exutum
regno, ueneno tolli iuberet. Per hunc modum Baid-
zetes ad Dimotocum uicum hortorum amœnitate
nobilem, iuxta Põticum litus ire pergens, quum re-
gnasset annos triginta duos, ærumnosam uitam exo-
ptata morte commutauit; eo quidem seipso minus
miser, quod Acomathis & Corcuti filiorum nepo-
tumq; aliquot regia indole iuuenum, atrocissimam
necem non uiderit, quum uixisset annos septuagin-
ta tres, sub id ferme tempus quo Iulius Pontifex, pro
salute dignitateq; Pontificij nominis aduersus Gallos
concilium excitantes, controuersiam armis finien-
dam susceperat.

Iani Vitalis.

Dum rerum exquiris causas, & dum procul Hunnos
Carmannos Cilices, Sauromatasq; domas,
Baiazete domi proles tua te petit armis,
Et te per fraudes amouet imperio:
Adjicit inde nouum sceleri scelus, & tibi miscet
Pocula lethiferis illita graminibus.
Intempestiuos crudelis uipera foetus
Per sua sic tandem funera, rupta, parit.
Quid tutum est cui sint ingentia regna tyranno,
Si timeat natos, progeniemq; suam?

Sub

Sub effigie Gastonis Foissei.



Vis uel imperitus ex humano uultu interni moris coniector in hac decora imberbis iuuenis facie, diuerſas inter ſe pugnantes partes non admiretur? Quādo hinc diffuſus per genas argenteus fulgor, ad matura frugis pallorem ſenſim euadens, uſq; adeo generoſum os commendet, ut uehementer ſpectantes alliciat: illinc uerò radiantes, cauiq; oculi, præſeroſis animi indices, contuentes abſterreant. Hac enim ſpecie ſpirantem bellicam uim Gaſtonem Foiffeium ſæpe uidimus, quum feruido ingenio arma quatiens inſignes uictorias & triumphos agitare. Is ab auunculo rege Ludouico, quem oris atq; animi indole reſerebat, in Italiam cum imperio miſſus, tanta ui celeritateq; ſua atq; aliena arma exercuit, ut prius dux quàm miles; ante triumphator quàm acclamatus imperator extiterit, ſummis proſectò nobilioris ſeculi ducibus præferendus; niſi in ipſo uictoriarum curſu adoleſcens plenus gloria cecidiſſet. Incredibili nanque celeritate ad parandam ei inuſitatam laudem & immaturum uitæ exitum properantibus ſatis, irrupētes in Inſubrum agros, hoſtes Heluetios acerrimè ſuſtinuit, & in patriam repreſit. Bononiam per lutulenta itinera præduræq; hyemis glaciem raptato exercitu, formidoloſa Hiſpanorum obſidione atq; oppugnatione liberauit: neq; rapidior inde digreſſus, Venetas copias ad Atheſim ſuſo Baleono duce protriuit, atque

eodem cursu per arcem Brixiam ingressus, praesidiij Veneti, Brixiamq; populi cruentissima strage edita, rebellantem urbem recepit atq; diripuit; sic ut mox tanta subnixus uictoria rursus ad Hispanos uertetur, ut Rhauënatium campos, insigni certe uictoria, sed fatali suo interitu nobilitaret. Inflammatus namq; immoderato ardore delendi hostis quum iam plane uictor stratis aduersariorum alis & legionibus incitato equo cū paucis, recipientes sese hostes persequeretur, sub aggere profluentis amniculi confossus interijt; eo quidem euentu, ut morte sua seruasse reliquos hostes, & rem Romanam in summum adductam discrimen, metu atq; periculo liberasse iudicetur. Verum ab ea mox cruenta exitialiq; uictoria Galli, execrante eos damnatēq; impietatis Iulio Pontifice premētibusq; iterum Heluetijs, Italiae possessione deiecti sunt. Ob eas res gestas Matthaeus Sedunēsis Cardinalis Heluetijs legionibus praepositus: ut irato Pontifici obtēperare uideretur, Gastonem Mediolani aurata in arca magnificētissime tumulatum ab excelsa testudine templi maximi detrabi iussit, quod ossa infensissimi & sacris interdicti hostis, indigna eo superbae pompae spectaculo iudicaret; quādo ad exornandum impiae uictoriae trophaum sacrosancti Pontificis uexilla ad ignominiam tholo suspensa spectarentur.

Antonij Francisci Rainerij.

Funera quis memoranda canat, clademq; Rhauenna,
Et tua summe ducum facta, obitumq; simul?

Ingentes

Ingentes cū tu incedens per corporum acervos,
 Iam victor strage concidis in media.
 Gallica sensere Hesperij, quā uiuida uirtus
 Sensere, ultrici cū cecidere manu.
 Sic obitu iuuenis Decios imitaris, & armis
 Sic geminos belli fulmina Sciadas.

Sub effigie Ludouici x i i Gal-
 lia regis.



N LVDOVICO Gallia regē
 eius nominis duodecino flagrantis-
 simum armorum studium enituit,
 quo in utrāq; fortunam diuerso e-
 uentu longē clarissimus extitisse ui-
 detur; sed qui in omni uita profe-
 rendi imperij, quā praeclari nominis auidior à ple-
 risq; sit existimatus, quod cōtrā insitū generosis Gal-
 lorum regibus morem parum pius, & seuius, pecu-
 niēq; tenax haberetur; quanquam ipse cō nomino
 quod Romanum Pontificem impugnet, impius Cae-
 sarum exemplo dici nollet, & seuitiem plerūq; tuen-
 do regno necessariam esse diceret, nimiaq; auri prosu-
 sione regni uires à sano rege minime eneruandas arbi-
 traretur. Eum nāq; nulli sumptus, à suscepto semel
 bello nunquam deterrebant, quum parsimonia potius
 quā populorū expilatione gauderet. Proinde uiri
 militares eum tanquam illiberalem, minimeq; largi-
 torem, ex animo non amarent, & ex aduerso populi
 eum tanquam innoxium, & licetiam militarem edi-

Etis & poenis coercere solitum impensè ueneraretur.
 Ceterum ei uel minus benigno quàm aule luxus ex-
 peteret, recti atq; a qui erga omnes mortalium classes
 præclarum ius merat, quando nihil debere, potius
 quàm multa largiri sapietem regem oportere prædi-
 caret. Neq; enim quisquā uel infimi ordinis creditor
 diu cunctantem questorem expectauit; nam regij hu-
 iusmodi expediendæ pecuniæ ministri, usq; adeò exi-
 gentibus prompti aderāt ad abolenda mala nomina,
 ut militi præsertim stipendiorum suorum statis tempo-
 ribus certissimus esset prouētus; qui tamen, donatiui
 extraordinariæq; munificentia auidi, tāquam impu-
 nitis superioris seculi rapinis assueti, noui lucri spem
 sibi ereptam, regia eaq; planè ignobili moderatione
 querebantur. Visus quoq; est natura seuior aut certè
 æquo seuerior, quū ulcisci quàm parcere mallet, &
 penè totam, magnis expetitam regibus clementia lau-
 dem, tanquam sepe noxiam aut inanem repudiaret.
 Tum enim aut inepte aut parum generose sese inexo-
 rabilem & immitem ostendit, quum Ludouicum sfor-
 tiam pulsum dominatu, infamig, proditione captum,
 & coniectum in carcerem, erepto scribendi solatio,
 miserum mori coegisset, tantiq; modò nominis princi-
 pem cōspectu suo indignum arbitraretur. Ab eadem
 etiam belli felicitate Federicū regem Neapoli eiectū,
 & ad se cum inuidia Hispani regis, in Galliam cōsu-
 giētē, ad pedesq; proiectum, nullo uel mediocris ur-
 bis principatu collato, in spē honestioris uitæ erigen-
 dum putauit; quū non multo pōst Federicus & exu-

& mi-

Et miser, ex dolore irritæ spei fato concesserit; sæpe
dolens & in luctu gemens quod opinione sua esset de-
ceptus, quum infidelis propinqui regis malignitatem
optima ratione detestatus, apud uerū hostem clemen-
tiā omnino querēdam iudicasset. Implacabilis quoq;
seuitia non multo post damnatus est, quum Auoga-
rium teneræ adhuc ætatis adolescentem regia in aula
aliquandiu nutritum, eius Aloisij filium qui Brixiam
Gallis ademerat, proptereaq; à uictore Foisseio disse-
ctus in frustra, admissi sceleris poenas dederat, tāquam
obsidem paternæ fidei, eadem securi percuti iussisset.
Verū hæc exempla inhumanitatis, atq; seuitiæ con-
firmādo imperio opportuna putabantur, in Italicas
præsertim gentes, quæ metu potius quàm ullis lenita-
tis officijs, tanquam subactæ armis in fide contineri
posse crederentur. Qua in re Gallos postea deceptos
fuisse cōpertum est, ipsa ad euentum belli docēte For-
tuna: nam Ludouicus qui sine uulnere Sfortiano po-
titus imperio, Aragonij nominis leges sustulerat, &
Genuenses populari defectione antiquam repetentes
libertatem, terra mariq; domuerat, formidandāq; li-
beris populis arcem eorum humeris imposuerat, &
Venetos una acie cruentissima ab Abduam deella-
rat, Iuliumq; Pōtificem summis illatis cladibus, & e-
repta Bononia, ipsa propè urbe Roma depulerat, in
exitu uictoriarum suarum hæsit, uiditq; se Neapolita-
no deiectum regno, & expulsū Mediolanensi impe-
rio, Gallos præfides Genua eiectos; receptamq; Bo-
noniam, ac obiter Venetos in bonam spem ueteris in-

staurandi imperij perductos, quum Britannicis pariter, ac Heluctijs Hispanicisq; armis in Gallia circumuentus, qui externis terrori fuerat, sese ægerrimè patria in terra tueretur. Cūcti nanq; ueteres eius hostes pro causa religionis, dignitateq; exagitati Pontificis, aduersus Gallos ex cēsura Christiana impietatis damnatos, arma desumpserant, tanto impetu, ut ea uis publica ad ipsos etiā ueteres Gallorū socios, uti eodem impietatis scelere cōtaminatos recideret. Ioannes siquidem rex Nauarra oppugnātibus Hispanis regno excidit, & Iacobus Scotiæ rex egressus fines, ut Henricum è continenti in Britanniam retrahere conaretur, conserta impropherè ad Tuedum pugna, uictus interfectusq; est; & Florēini in Gallorum gratiam, concilio Pisis sedem concedere præbereq; ausi, reductis à Iulio in patriam Mediceis ueteribus dominis, amissa libertate stultæ temeritatis poenas dederunt. Sed Ludouicus demum se probè à Fortuna multatum cernens, ad sanitatem ita rediit, ut ab infestis hostibus uel iniqua conditione pacem redimeret, & ei à rege Henrico soror amabilis puella uenustatis, in matrimonium traderetur. Verū ab his nuptijs rex iam senex & diu pertinaci & seuo uexatus morbo, ex nuptiali face sibi rogi succendit, quum regnasset annos quindecim, uixisset propè sexaginta: dignus profecto ex cumulatis toties uictorijs supra cunctos ætatis suæ reges, præalto atq; ornatissimo trophæo, nisi uetus Christianissimi cognomentum ab inconsulta, superbaq; dissensione, quum Romani Pontificis dignitatem

tatem in
declarat

Ioann

Prostrat

Et Ro

Palma ti

Abstr

Nec feci

Vira

Sub

E

ter adep

triumph

ceret

nandus

Elogiū

eius uita

rimus. N

potest h

omniū

tempesta

bellica u

densie p

tatem impotentibus armis conuellendam susciperet,
 declaratus sacer & impius amisset.

Ioannis Bellay Cardinalis Parisiensis.

Prostratis Venetis, uicto Ligure, Insubre capto,

Et Romæ afflictis, Hesperiaq; opibus

Palma tibi Ludouice ingens accreuerat: hanc fors

Abstulit, at non sic abstulit illa animum;

Nec fecit (neq; enim sunt hæc sua) Gallia ne non

Vtraq; te patria diceret esse patrem.

Sub effigie Consalui Ferdinandi

Magni ducis.



AC præclara planeq; heroica, et uerè
 maximo duce dignissima facie sese Nea
 politanis ostendebat Consalius Ferdi
 nandus, quum plures uictorias cōtinen

ter adeptus Gallicum bellum secundissimè cōfecisset,
 triumphaliq; laurea (nisi eam singulari modestia rei
 ceret) militari iudicio acclamationeq; populi exor
 nandus censeretur. Cui ideo breuius atq; perstrictius
 Elogiū optimo iure supponendum arbitramur, quod
 eius uitam & res gestas, peculiari libro edito scripse
 rimus. Neq; enim angusta papyro satis honestè capi
 potest hic imperator meritò cognomine consensuq;
 omnium ferè gentium Magnus appellatus, qui nostræ
 tempestatis uniuerfos ferè duces magnitudine animi,
 bellica uirtute, totiusq; ciuilis humanitatis atq; pru
 dentie præconio sine controuersia superauit. Sic u

eum tanquam summi nominis existimatione clarissimum ducem, Ludouicus Gallia rex, uel in hoste uera uirtutis admirator, Ferdinando Hispania regi inuide re te status sit: quum duobus his regibus apud Sauoniam una coenantibus, Consalius ipse honoris causa conuiuia tertius accessisset, & à Gallo demum rege post accumulatas laudes, aurea torque è collo regio in eius cernicem iniecta donaretur.

Petri Grauinæ Neap.

Te prius accepit, quàm fecerit in chlyta Magnum

Sors tua, te uirtus undicat una sibi:

Nec Fortuna tuæ tribuit cognomina laudi

Te duce, sed potius sors bona nomen habet,

Cui tantum hoc debes quod te comitata priorem

Non dux, sed Magnum est fida secuta ducem,

Abs te quicquid habes tibi prouenit; omnia tecum

Magne tenes, ante hæc maxima, magnus eras.

Felix ipse tuo, non sortis nomine felix,

Qui geris æternum, non aliunde decus.

Sub effigie Bartholomei Liuiani.



N Bartholomæo Liuiano ficuti nos uidimus, & ex hac uera imagine coniectari licet, quanquam ab humili corporis statura, ac ignobili subagrestis acerbique oris ductu nullū ipso dignum persona decus emine-

ret, uiuidi tamen & peracres oculi, innata uirtutis indices, quantū excelso efficaciq; ingenio ualeret, facile ostendebāt. Neq; enim illustri sanguine, neq; opulentis parentib; uti apud Albanū tenue Tuscia oppidū natus erat: sed ascitus à Virginio Vrsino tanquam impiger, & maxime fidus cliens adoptiua nobilitate præstantiq; militiæ studio clarus, ad sūmos honores ascenderat. Nactus siquidē ualde opulentū, ingētisq; famæ auidū Romanæ militiæ magistrū, pertinaci industria, singulariq; labore, & incredibili uigilantia, aditū sibi ad militaris imperij nomen patefecit. Nam post Gallos ad Attellā Apulā, Ferdinandi Aragonij et Consalui Magni uirtute debellatos, postquam Virginiū captū uidit, è custodia per fenestrā euadens, uarijs demū sese bellis immiscuit, quum Braccianū Virginij oppidū aduersus Pōtificias copias cōstantissimè defendisset: exortoq; bello inter Columnios proceres & Vrsinos, Carolo Virginij filio strenuā nauasset operā, uel multū aduersante Fortuna, in eo præsertim præliq; quod ad montem Coeliū Vrsini intercepto ab hoste Carolo superati sunt. Adhæsit demū Magno Cōsaluo cū reliquis Vrsinis procerib; quū eius factionis copie spernerētur, à Gallis impēsē tū Cæsari Borgia fauentib; Hunc quippe Vrsini omnes uno cōsensu ad ulciscendam iniuriā parati atq; intenti quæritabāt, qui tot familiæ proceres immaniter enecasset. Itaq; Cōsaluus præcellēti atq; præcipua Liuiani uirtute usus, post deletos ad Lyrin Gallos cū S. Marci urbe in Brutijs donauit: fama q; est cū non multo post ipsius

Consalui & Ascanij Sfortia consilio atq; pecunia in-
 structum Pisas coacto exercitu penetrare, atq; inde
 Gallis ut eos Mediolano depelleret, arma inferre cu-
 piuisse. Sed progredientem ad Campiliam nō procul
 a Volaterranis uadis Florentinorum copia M. Anto-
 nio Columnio Iacobog; Sabello in prima acie acerri-
 mē dimicantibus cū fuderunt. Contulit se inde ad Ve-
 netos, trucidatisq; ad Cadubriū tumultuario in præ-
 lio Germanus, & aliquot eorum oppidis, Tergestoq;
 antiqua urbe Maximiliano Casari ademptis tantum
 inclaruit, ut Petiliano imperatori, æquato propē ho-
 nore ex decreto senatus iungeretur. Verū ea bellici
 honoris incrementa, cum ipsi, tum Reipublice inau-
 spicata fuere, quum ingruēte Ludouico rege Gallie,
 Liuianus uel reluctantē Petiliano, manus conferere
 properasset. Ab ea siquidem infelici pugna ad Abduā
 usq; adeo funesta clades contracta est, ut inde Venetiū
 imperiū, amissis urbibus penē totum sit euersum; ipse
 uerō uulneratus & captus in Gallicum carcerem sit
 coniectus, in quo memorabili astu, rerum suarū com-
 mentarios perscripsit, quos legimus, in scabra uiliq;
 papyro, & latrinis tantum dicata diligenter exara-
 tos. Nam postquam à custodibus scribēdi facultatem
 impetrare nō poterat, ex furculis scoparum calamos
 fabrefecit, intritoq; carbone, et super inperso uino,
 atramentum parauit. In his legere fuit, se caso matris
 utero in lucem editum fuisse, quum Martis astrum di-
 rectum cœli uertice obtineret; unde sibi ab Astrolo-
 gis prædictos militaris imperij honore, & certa ca-
 pitis

pitise frontis uulnera quæ uitare nequisset, denun-
ciata fuisse assuerat. Exacto triennio carcere emis-
sus, & a Venetis Gallo conciliatis, in demortui Peti-
liani locū suffectus est, moxq; iterū improspere cum
Cesarianis ad Vicentiam confluit; usq; adeo tristi soe-
doq; euentu, ut funestissima clades acciperetur, ipseq;
tranato flumine in quo nonnulli duces ex fuga perie-
rant, Patauium ægre perfugeret. Quod dedecus atq;
incomodum acceptum aliquot postea opportunis ex-
peditionibus contra Germanos & Hispanos ad Por-
tonum atq; Rhodigium susceptis; egregia cum laude
resarciuit. Nouissimum eius operum fuit Abduæ tra-
iectus, præstitumq; Francisco regi insigne studium &
auxilium ea in pugna qua Heluetij iuxta Mediolanū
superati sunt. In eos enim continuato per noctē præ-
lio fatigatos & perturbatos, sed adhuc acerrimè resi-
stentes, quū recentem equitatum suum induxisset;
rusticanamq; domū, qua hostes mira cōstantia se tue-
bantur incendi iussisset, aduētareq; peditatus, tandē
hostis ferocia uicta protritaq; est. Sed ea uictoria mi-
nus lata Liuiano obuēnit, quod Cepinius Petiliani fi-
lius in eo tumultu cecidisset: ipse uerò iam senex &
thoracatus, cum pugnae feruore, tum ardore solis ue-
hementer succensus, letalis morbi initia concepisset.
Nam nō multos post dies oborta febre, atq; intestinis
in herniam defluentib. sexagenario maior ad Vicum
Ghedas supra Ollium amnem ereptus est. Post mor-
tē autē in qua omnis decedit inuidia, maximè acer
& pugnae, uigilantiq; item & integra fide præcla-

rus dux existimatus est: sed qui teste Gritto Reipublice Venetæ parum esset opportunus, quæ cautum potius & cunctatorem ducem exposulat, quam feruidum bellatorem, utpote cui minime grauis sit ullus trahendo bello sumptus, quando libera ciuitatis is omnino mos sit, non insalubriter institutus: ut incertos & ancipites præliorum casus non ineptè reformidet.

Iouñ Junioris.

Cæsar eras quondam exectus iam matre perempta,
 Infans uitales blandi dum luminis auras
 Haurires, cœlum medium Mauorte tenente:
 Mox quia te cunctis clarum tua maxima uirtus
 Fecit, & æterna uexit super æthera fama,
 Quod te magnanimū, quod fortem pectore, & armis
 Contra mille acies, atq; agmina milia contra
 Hadriaci sensere patres, Venetūmq; Senatus.
 Certè non aliud tibi, quàm de Cæsare nomen
 Sumere debueras: quis enim te dignior illo?
 Quum toties ualidum bello deieceris hostem,
 Et toties referas Veneto uictore triumphum?
 Testis erit Germana suo cum Cæsare puëx
 Fulminea disiecta manu, longeq; fugati
 Finibus Insubrum Heluetij, gens effera, testes.
 Improbis at si aliquis tibi fortè obiecerit illud,
 Vt te pugnandi cupidum nimis impiger olim
 Vicerit, inq; suo seruauit carcere Gallus;
 Nesciet heu demens quantum sibi uendicat ipsa

Fortuna

Fortuna omnipotens: non hoc obiecerit unquam
Qui sapiens, rerum dominam cognouerit illam.

Sub effigie Campsonis Gauri Aegy-
pti Syriæque Sulthani.



Neminē, ut uideri potest, uel ab
initio blandius, uel in exitu acer-
bius & petulantius Fortuna iocata
est, uti impudens & lubrica specta-
tae probitatis obrectatrix, quā
in ipso Campsone Gauro Memphi-

tico rege. Is enim ē Scythicis pruinis puer eductus, &
manceps educatus in ergastulo apud Memphim, Ma-
maluchorum disciplinam, & cūcta per aetatem mili-
tiae munera nequaquam segniter apprehendit: tanto
bonae famae successu, in nullo correptus ambitu, & au-
rea mediocritatis fructu contentus medijs in classibus
consensescere, honestiq; nominis potius quā praecla-
ri primatis dignitatem tueri uelle uideretur. Sed de-
functo Caithbeio, occisoq; subinde Mahomete eius fi-
lio, quum per intestina bella proceres de imperij hæ-
reditate ad interitū propē totius ordinis dimicarent,
nec ij ullum cruentae controuersiae exitum uiderent,
qui primae classis decus sustentabant, ut plerūq; sit, re-
gem elegerunt, quem nemo timeret, nec quisquam ha-
beret odio, ut innoxiae tantum probitatis fama cogni-
tum impensis adamarēt, & coleret. Itaq; Campson
hoc innocentiae suae titulo extra inuidiam omnemq;
ambitus suspicionem positus, cogentibus Proceribus

ultro delatum, inuito similis imperium excepit, eaq;
 illud moderatione dignitateq; tutatus est, ut Mamalu
 chi simultates deponerent; augetur uectigalia; par
 taq; rerum tranquillitate, ab Othomannis regibus su
 spiceretur, & ab Hismaele Persarum rege coleretur,
 tanquam intermedius maximarum opum, summaq;
 nominis autoritate rex amplissimus. Hoc enim insti
 tuto Campson non imprudenter utebatur quo effre
 natas utrinq; & nunquam satis perdomitas duorum
 prae potentum regum uoluntates et uires, deterrendo
 & coercendo in dubio colendae pacis officio contine
 ret. Sed ab hoc non semper salubri consilio, quam pa
 rabant immitia fata ad res perturbandas uiam inue
 nerunt. Deuouerat se bello Persico Selymus, ut His
 maelem in Calderanis nuper campis superatum, fun
 ditus euerteret. Obstabat Selymi audacia aequissimus
 belli arbiter et spectator Campson, ab ea aequitatis ra
 tione prorsus infelix. Nā uti periculo proximus, per
 motusq; recenti adhuc exemplo Tarsensis pugnae, &
 superiore Vssumcassanis audacia, qui nunquam flu
 men ipsum Euphratem imperij sui limitem esse, pati
 uoluisset, in neutra inclinabat partem, & se utrinq;
 totius belli disceptatorem & iudicē, exoptari & deli
 gi cupiebat. Verū Selymus superbo ingenio interdi
 centis arma uanissimi senis, minas & uires contem
 nens, easq; ferro retundendas esse existimans: postpo
 sito Persa, magnae sibi gloriae futurum duxit, si supe
 rato Amano monte in Syria inexpectatus irrueret.
 Ab eo nuncio percitus ira Campson, & suorum persi
 dia

die ignarus, promotis à Damasco castris, in Comagene ad Singā amnem Selymo obuius fuit, & exemplo cum hoste collatis signis cōflixit; eo uictoriæ euentu ut Cayerbeio Alepiano præfecto insigni perfidia Campsonem non deferente modò, sed infestis persequente armis, Mamaluchi quanquam eximie fortes, amissis ducibus funderetur; & Campson ipse fugientium suorum incursum uti erat ætate, multoque abdomine grauis, ingentiq; præpeditus hernia, in multo puluere nemine agnoscente, cadenteq; equo proculcatus interiret. Repertum cadaver, triduoq; ostentatum Syris subitam rerum cōmutationem admirantibus, non Sirie modò, sed Iudææ atq; Aegypti occupandi Selymo uictori ianuam aperuit.

Iani Vitalis.

Fortuna ceca & surda uerè diceris,
 Et mente uana prædita:
 Ad alta tollis scamna in imo conditos,
 Ut mox cadant profundius,
 Morosa tu mortalium appetentium
 Votum omne fulmine ocyus
 Fugas, deinde te nihil petentibus
 Benignitate prodigis
 Campson ut ille Gaurius nil ambiens,
 Nil te proterua flagitans
 Inuitus imperator ore Aegyptiæ
 Tumultuosa militum
 Ex fece plebis factus, insolentia

Supra uolabat nubila,
 Inter receptus altiora sydera
 Mox excidens altissimus
 Absumptus armis hinc & hinc rebellibus,
 Grauis senectæ pondere
 Fit ludus atrox impotentis alea
 Tuncq; peruicaciæ,
 Amisit & cum uita opes, quas maximo
 Cum regno habebat maximas.

Sub effigie Tomumbeij ultimi Aegy-
 pti Syriæq; Sulthani.



AMNATIS hercle auspicijs, & iam
 fatali ruina cōcidente Mamaluchorum
 imperio, Tomumbeius imperium exce-
 pit, ut labantibus & fere perditis rebus
 succurreret. Ita uerò attollentibus cunctis procerum
 ordinibus annuit, ut se tãquam indignum excusaret,
 parumq; paratum ad periculosissimi belli uim susti-
 nendam; sic ut amore patriæ potius, publicæ salutis &
 dignitatis causa, quàm ullo ambitu diadema suscipere
 uideretur. Eum namq; longè optimum atq; fortissi-
 mum credebant, qui reparando bello cæteris omni-
 bus aptior, & ad defendendam communem iniuriam
 magnitudine animi, militariq; ausu promptior cense-
 retur. In hunc præcellenti uirtute sua, militumq; om-
 nium studio nixum, & dijs inuitis arma expedien-
 tem, Fortuna admirabili excitato ludo, infesta iacula
 contorsit, usque adeò atrociter, ut peculiari decreto
 præstans-

præstantissimi hominis uirtutem, sibi omnino excin-
 dendam susciperet, qua cadente, ipsum unâ concide-
 ret Sulthanorum imperium, propter elatæ gentis su-
 perbiæ, sæuâq; tyrānidem cunctis hominibus, præ-
 fertimq; Aegyptijs intolerandum & inuisum. Itaque
 Tomūbeius explicatis consilijs aduētanti Selymo ad
 Matarcam sua castra opposuit; frustra tormētis, cæ-
 cisq; fossarum insidijs permunita; magnoq; statim ar-
 dore & pari spe uictoriæ, utrinq; classica cecinerunt.
 Sed admirandæ pugnacissimi regis fortitudini, ne Se-
 lymus deleteretur, obstitit illa eadē perfidia, quæ Cam-
 psonem oppresserat: nam transfugæ cuncta ea quæ
 Mamaluchi insidiosè parassent, ita Turcis indicarāt,
 ut longè omnium iniquissimo & cruētissimo prælio
 certaretur, & Tomumbeius munimētorum suorum
 spe deiectus numerosi hostis tormenta non diu susti-
 neret. Amisissis enim illustribus præfectis, & flore e-
 quitum multa cæde perturbato intra urbem Mem-
 phim eo animo se recipit, ut per obseptas magnis trā-
 bibus regiones de imperio, & de liberis ac uxoribus
 egregio conatu decertaret. Verū Selymus cui fida
 comes & nusquā abscedens Fortuna aderat, fortiter
 aggressus urbem cuncta perrupit, & continuata per-
 triduum dimicatione magnam partem Mamaluchor-
 um uel pertinacissimè repugnantium trucidauit, frus-
 traq; reliquos, ad Deorum inanum templa confu-
 gientes, & sub fide deditos, interfici iussit. Nec tanta
 accepta clade Tomumbeium ultra Nilum se recipien-
 tem & nouas comparātem copias Fortuna persequi

desijt, uti nōdum tot illatis iniurijs exaturata, scilicet
 ut in regem ab ingenti iniuriāq; uirtute constantissi-
 mum, impotentis suae libidinis totam iracundiā effun-
 deret. Ipsa nāq; inuita reparatis copijs & ad Nili ri-
 pam pontemq; supremo audaciae conatu edito consli-
 gentem perculit; quarentemq; latebras per paludem
 calamis obsitam, prodentibus incolis, Selymo uictori
 captum uinctumq; tradidit; ut de rege summæ, sed in-
 faustæ uirtutis clarissimo, spectaculum uerè deforme
 Scythicumq; prorsus ederetur. In eum siquidē Sely-
 mus abdicata omni uel regiae clementiæ, uel iustæ hu-
 manitatis laude, quæ singularis fero eius ingenio pro-
 ponebatur crudelissimè statuit, quum diu in quæstio-
 ne de thesauris acerbissimè tortum, impositumq; uiti
 camelo, & per urbem circumductum, ad Basuelam
 Syriæ portam laqueo necari, uncoq; ferreo suspendi
 iusserit; ut Aegyptij se uictorem esse faterentur, qui
 sublati duobus supremis regibus, Sulthanorum im-
 perio finem attulisset.

Aoniꝝ Palcarij Verulani.

Non fuit in toto rex æquè oriente beatus,
 Nec magis in toto rex oriente miser
 Quam dolor Aegypti, olim Tomumbeius, auro
 Ingenti, atq; armis, & ditione potens;
 Captus ab hoste fero miserum simul, atq; beatum
 Exemplo potis est commonuisse suo;
 Quid rides temerè? quid flet? uis te cohibere?
 Et natum posthac te meminisse hominem?

Mi tra-

Mi trabeam induto, gemmis auroq; corona
 Cingebat fulgens, & diadema caput:
 Mi quondam ornabant pretiosa monilia collum;
 Nunc fractam uili respice fune gulam.

Sub effigie Iacobi Triuultij.



ATVRAM non sepe cuiquā sua do-
 na cumulatē largiri solitam præclaro
 Iacobi Triuultij exemplo intueri licet;
 quippe quæ ei parum liberalis & deco-
 ri oris rictum, eūq; à simo naso in obtusam cuspide
 prominente, prorsus ignobilem dederit: atq; item iu-
 sto humiliore, quāquam quadrata, & ferendis armis
 habili statura esse uoluerit; ita ut ingentis spiritus ui-
 gorem qui plenissimè inerat, nequaquam generosa
 uultus specie, personæq; dignitate subleuaret. Natus
 est Mediolani, patre non admodum opulento, sed ma-
 ioribus claris; diuersa tamen fama. Nam Acōcius Tri-
 uultius inter percussores Ioannis Mariæ Mediolani
 principis annumeratus, eius parricidij nomine dam-
 natus est. Ex aduerso autē Erāsmus apud Philippum
 interfecti fratrem & successorem forti fidelisq; studio
 nō præclaros modò militiæ honores, sed ipsius etiā
 principis consanguineā cum dote opulenta in matri-
 monio habere promeruit. Post hunc Erasmm, An-
 tonius & Ambrosius, Francisco Sfortiæ Philippi so-
 ceteri imperium & hereditatē adeunti semper aduer-
 sati sunt. Ipse uerò Iacobus tāquam acer & ex Guel-
 pha factione ualidus hostis, secus ac Rēnatus frater;

Ludouico semper dissensit, & quòd dominatum fratris filio ereptum ferre non posset, foris sese grauius uarijs bellis exercuit; in Etruria primò, & deinde contra Auximates, atq; inde ad Aragonios reges se contulit, quos Ludouico insensissimos esse cognouerat. Ab hac noua amicitia conciliante Ferdinando rege, Alonsi Dauali regia gratia præpotentis fororem in matrimonium duxit. Verum ingruente in Italiam Carolo Gallie rege, profectus in Galliam togatam cum Ferdinando iuniore nulla re memorabili aduersus Gallos gesta, cum ipso Ferdinando Romam atq; inde Neapolim se recepit: uisusq; est parum opportuno tempore missionem impetrasse, & ad uictorem Gallum illico certa militie conditione concessisse; propterea quòd audisset Ludouicum Sfortiam cum cæteris regibus nimia Caroli felicitate perculsis noua fœdera aduersus Gallos percussisse; summo nanque uoto, ut his se applicaret, Sfortiani nominis hostes quærebat. Itaq; redeunti Carolo, Tarrensi in pugna ante primam aciem, operam tam fortè quàm felicem præstitit, & famam strenui peritissimiq; ducis consecutus est. Defuncto autem Carolo Ludouicus Aurelianus successor, eum Astæ urbi cum ala equitum præfecit. Inde q; mox subscribente notis Fortuna, maximum eius operum fuit Ludouicū Sfortiam Mediolanensi imperio depulisse. Nec multo post eum etiam captiuum in Galliam perduxisse; unde ei liberalitate regis magnas opes uel graui cum inuidia obuénisse constat, quando ab his

meritis

meritis Marefchalcus quod est apud Gallos equitum
magister, fit appellatus, & ab hoc insignis dignitatis
munere, memorabiles sæpe uictorias Gallico nomini
pepererit. Quarum omnium nobilissima, proculdubio
fuit ea, qua Feltriū, Balcunūq; ad Bononiæ mœnia
castrametatos, sine suorum uulnere profligauit, Bo-
noniamq; Bentiuolis restituit. Quæ uictoria pruden-
tiæ & felicitatis nomine, eo plenior & clarior exti-
tisse uisa est, quod non multo post Gasto Foisseius ad
ingentem aspirans laudem, cum summa Gallorum
elade, iacturaq; totius Italici principatus, ad Rhauen-
nam in ipsa funesta uictoria concidisset. Sed qui nus-
quam prælio fuerat superatus, ad Nouariam inusita-
te Heluetiorum audaciæ ita cecidit, ut uindicasse iniu-
riam biennio post ad Mediolanum censeatur, quum
Heluetiorum legiones, ipso apud Franciscum regem
depugnante perdomitæ superatæq; sint, & Mediola-
nū uix toto uertete anno aduersus Maximiliani Cæ-
saris impetum peculiari ipsius consilio constantissime
fuerit defensus. Caterum non multo post Triuultium
sua illustri laude, & ciuili parsimonia gaudentem, &
uti erat elegantium literarum appetentissimus publi-
ca Gymnasia admirante iuuentute frequentantem, ue-
hementer exagitauit inuidia, inhiâte scilicet eius op-
pidis Lotrechio, qui summa regis gratia subnixus,
Mediolani erat in præfectura. Qua de re, uti indigna
suis meritis exacerbatus, noua fœdera cum Grisoni-
bus Heluetiorum socijs, sibiq; ad Mesochiū castellum
antiquæ suæ ditioris finitimis renouauit, ut dignita-

tem suam tueretur, aduersus immodicas Lotrechij cupiditates, quæ ad eripiendum Viglebanum uoluptarij secessus urbem extēdebantur. Hanc nouam renouati fœderis pactionem, obrectatores usque adeo regi suspectam fecerūt, ut senex septuagenario maior uocatus in Galliam, tanquam ad dicendam causam media hyeme per Alpium niues contendere cogeretur, quæ in re uel ob id minus benignum quàm sperasset Franciscum regem inuenit; eo quidem acriore animi cum dolore, quod ab ipso patre Camillum filium spurium perfidiosè atq; impiè defecisse reperiēbat. His conflictatus curis indignabundus senex apud Carnutes exorta stranguria facillè interiit; uir profectò Italarum ducum celeberrimus & optimus, nisi grauissimam & propè perennem inuidiam, quum externæ gentis iugum patriæ primus imponeret, cum execrabili seruientium ciuium detestatione subiisset. Tumultus est Mediolani apud eadem Nazariâ suæ tribus sumptuosissimo sepulchro ab se condito, quod postea Iacobus nepos eius & hæres, accumulatis ornamentis, luculentius fecisse uidimus.

Parthenij Parauicini.

Non uiolâ, aut paphiû florē, mollē mœ hyacinthum
Spargite, non magni poscunt hæc munera manes:
Sed galeas clypeosq; ensesq; & Martia dona
Ferte, & honorata feretrum præcingite lauro.
Hoc ducis egregij funus, sacræq; Triuulii
Inferiæ, quo fama Italûm, Maiorsq; Latinus

Extin-

Extulerat caput, & priscum affectabat honorem.
 Armorum proceres celebrem lōgo ordine pompam
 Ducant, & tanto persoluant iusta sepulchro,
 Concusisq; frequens exercitus assonet armis.
 Tum uos Scipiadae manes, umbræq; Camilli,
 Vos Decij, Fabijq; duces, & clara Quirini
 Progenies, ubi nox furuas extenderit alas,
 Ferre pedem, & cineres uenerati. & nobile bustum
 Magnanimi excipite Herois, faustoq; sequentes
 Agmine, ad Elysios umbram deducite campos.
 Hoc Mauors illi, Pallasq; indicit honores.

Rainerij.

Insuorum columen Triuultius hæc tulit ora,
 Quem ad magnum Bellona edidit Erydanum,
 Mauorti permixta Deo: treis pectore vultus
 Treisq; animos habuit, ter geminasq; manus,
 Ter leto sternendus erat: sed dente maligno
 Vna ducem inuictum sustulit inuidia.

Hieronimi Vulpj.

Sunt tumuli Iacobe tui certamina, captae
 Vrbes, captiui, regna, trophæa, duces.
 Hos tumulos tibi tu propria uirtute parasti,
 Nos tibi pro titulis carmina bina damus.
 Vicerat hic hostes animis: at nomine mortem
 Vicit, & inuictus uixit, & interijt.

Sub effigie Tristani Acunij Lusitani.



AC hon: sta canitie uiridis adhuc sene
 ctæ, cultiq; nobilibus margaritis pi-
 ato, ac inernitente passim insignium
 gemmarum fulgore, supra quàm dici
 posset ornatissimo Tristanum Acuniū Emanuelis Lu-
 sitaniæ regis legatum uidimus, quū Flumentana por-
 ta præeunte elephanto in urbem inueheretur. Indica
 uictorie suæ trophæa ostentās, donaq; afferens Leoni
 Pōtifici, ut supreme Fortune decus præclara magni
 numinis providentia ad felicitatem seculi collatū gra-
 tularetur, quando eum etiam tanquam sacrorū prin-
 cipem ritē creatū, religiose atq; suppliciter uenerari
 iubebatur. Munera sacre planeta, & pluuias, Dal-
 maticæq; uestes, unis solennibus sacris dicatæ, quas in-
 numerabiles margaritæ Phrygijs operib. intertextæ
 mirabiliter adornabant. Prorex siquidem in India
 Tristanus multas sibi pretiosiores diuitias congesse-
 rat, præclaris rebus cum grauitate præstantis inge-
 nij, tū bellicosa manu gestis: ad apertis scilicet aut in-
 stitutis Indicæ negotiationis emporijs ultra Calecu-
 thum usq; ad opulentissima Cambaia, Narsinga, &
 Bōzale regna: passimq; per oram amicitias iūxerat,
 tributaq; aromatu imponens, ultra Gangem Lusita-
 ni nominis famam propagarat. His rebus gestis re-
 deuntem ad triumphū superantemq; extremum Ae-
 thiopiæ promontorium, quod nauæ Bonæ spei uo-
 cant, rapidissimi Aquilones ultra circulum Antarcti-

cum

um tanta ui propulerunt, ut in uasto pelago longis-
sini tractus terras adierit, quas non ingentis insule,
uerum eius continentis immense regionis quæ ad Pe-
rurana & Cusana regna connectitur, esse crederet:
quam nemo tamen præter eum hætenus inuenerit,
non secus ac Magalano accidisse uidemus, qui per an-
gustas quasdam fauces in occidentalem Oceanum cir-
cuito toto terrarum orbe, stupenda nauigatione pe-
netrauit. Sed Elephantus aurea instratus stragula,
& turrato ephippio Indos homines gestans in se ad-
miratis populi ora conuertit, quæ extenta probosci-
de eaq; nemini noxia, & passu ad modulos tibiarum
temperato iocundissime lasciuires. Obstupere in
tanta molis bellua Romanus in primis populus, &
suburbane gentes, tam docile ingenium, humanis-
que adeo sensibus propinquum; quod magistri sce-
ptro ferreo imperantis uocibus pareret, uenerariq;
principem & augustiore habitu homines certo ge-
stu uideretur; circumfusaq; puerorum turba adu-
lari didicisset. Ceterum Elephas publicæ hilaritatis
oblectamentum, uix toto biennio Romani coeli lu-
cem uel diuersæ passionis intemperiem perferre po-
tuit; quum fluente aluo paucissimis diebus interiret.
Eius mortem plebs tota non secus ac incomparabilis
ciuis diu luxit, quod communis omnium uoluptas
quæ ad famam dignitatēque Urbis pertineret, im-
maturo alioquin uiuacissimæ bestię interitu, ere-
pta uideretur. Ob id Leo Pontifex non obscuræ præ-
properis extincti fati subiratus, ut populi desi-

derium, quanquam inani picturae solatio deliniret.
 Elephantum simillima effigie mensuraq; membrorum
 iuxta turrem Vaticanæ portæ pingi iussit, cui et hoc
 quoq; Epigramma inscriptum est.

Beroaldi Iunioris.

Monte sub hoc Elephas ingenti contegor ingens,
 Quem rex Emanuel deuicto Oriente, Leoni
 Captiuum misit decimo: quem Romula pubes
 Mirata est, animal non longo tempore usum.
 Vidit et humanos in bruto pectore sensus.
 Inuidit Latij sedem mihi Parca beati,
 Nec passa est ternos domino famularier annos.
 At quæ fors rapuit nature debita nostræ,
 Tempora, uos superi magno accumulate Leoni.

At rex Emanuel ad extendendam subactæ ab se Re-
 diæ laudem dignum fama sua ratus, si recentis mune-
 ris gratiam nouo munificentie officio cumularet, rhi-
 nocerontem etiam misit, qui ex itinere longissimæ na-
 uigationis, in littus prouinciæ Narbonensis exposi-
 tus, insigni Gallie spectaculo fuit. Erat hæc bellua
 paulò humilior elephanto, si altitudinem spectes,
 sed longitudine propè par, nostratis bubali formam
 referens. nam ungulas habet bisulcas, uerum tergo-
 re laxeæ coloris, eoq; ab impenetrabili duritie dupli-
 cato, tanquam perpetuo thorace protegitur; arma-
 turq; pedali osseo cornu supra nares eminente, quo
 ferre sub utero, atq; transfodere elephantem pecu-
 liarem.

Liarem suum & internecinum hostem solet, si tamen
 iniecta ad collum & ocyssimè strangulantis probos-
 cidis uim effugiat; nam in cōgressu perpetuæ simul-
 tati, aut parata uictoria, aut certè decora morte satis-
 facit. Sed hanc inusitata feritatis belluam, quæ in are-
 na Amphitraci elephanto ad stupendum certamen
 committi debuerat, Neptunus Italia inuidit, & ra-
 puit. quum nauigiū quo aduehebatur, Ligusticis sco-
 pulis illisum, impotentis tempestatis turbine mersum
 periisset: eo grauiore omnium dolore, quòd bellua
 Gangem & Indum altissimos terræ patriæ fluuios
 tranare solita, in ipsum litus supra portum Veneris,
 uel arduis saxis asperrimum enatare potuisse crede-
 retur, nisi compeditus cathenis ingentibus, nihil pro-
 ficiēte euadendi conatu superbo maris Deo cessisset.
 Ferunt hunc rhinocerotem, quum ab Oceano Vlyx
 ponēsi in portu exponeretur, aspectu atq; odore suo
 elephantum Romano grandiozem, qui tum erat in
 Regia, usq; adeò truculenter terruisse, ut elephas ipso
 naturæ miraculo præcipuus hostis, concepto incre-
 dibili pauore, septum caueæ ferreis ingētibus clatris
 permunitum, humerorum et capitis præcipiti impul-
 su perruperit, & in longam se proripiens fugam, ter-
 ribiliq; barritu edito, stridens & furens cuncta obuia
 prostrauerit. Vtriusq; belluæ imagines ex uera natu-
 raliq; magnitudine picturis expresse, in ipso Musei
 nostri atrio spectantur, cum hac inscriptione singulis
 uersiculis animantium naturam demonstrante.

Humanos Elephas retinet sub pectore sensus,
Rhinoceeros nunquam uictus ab hoste redit.

Antonij Satisfelicij de Rhinocerote.

Rhinoceros ego sum fusco deuctus ab Indo
Hinc, ubi uestibulum lucis portæq; diei,
Hesperia classem ascendi temeraria uela,
Ausâ nouas terras, aliumq; inuisere solem.
Spectarat quondam urbs nostros in munere circi
Congressus, hostemq; elephantum obiecit arena.
Hic patrias iras, eternaq; prælia mecum
Exercet, fidens immuni corpore moles.
At loriamur triplici nos tergo, et arma
Præualidus mucro, atq; inuicta cuspide cornu.
Ipse cadit Barrus, dum telum figitur aluo,
Expugnat uiræ, stultæ prudentia solers.

PAVLI

PAVLI IOVII EPISCO

PI NV CERINI PRAEFA
tio in quintum librum Elogiorum
suorum ad Cosmum Medic.
Florentiæ Ducem.



EROVM quos in-
clyta virtus nostro se-
culo clarissimos fecit
quintus hic liber Elo-
gia continebit, eritq;
vti reor, superioribus
multo iocundior; quoniã illorũ laudes
ardentissimæ virtutis auspicijs partas
exprimat, quorũ ex reb. præclare ge-
stis recentissimã hodie memoriã reti-
nemus. Mirificè siquidẽ iuuat eos ex
veris imaginib. representatos, rursus
vti adhuc superstites oculis intueri, &
benigna cogitatione suspicere tanquã
defunctos atq; omni prorsus inuidia ca-
rẽtes, quos ipsi de facie nouerimus, ge-
rẽtesq; bella varijs periculis atq; victo-
rijs inclaruisse viderimus. Habet enim
in se hoc illustris & excellens virtus, vt

ea præditos & cæteris præstantes, vel apud ipsos hostes ac inimicos, in admirationē rediūna cū laude perducant, inſciatq; elegantiorib. ingenijs quendā honestę cupiditatis aculeū, agnoscendis scilicet eorū formis & vultib. q̄ res literarū memoria dignas, forti cōsilio & pugnaci dextra cōfecerint. Quādoquidē res magnę & memorabiles plerunq; ex varia tot casuū reputatione, à legentib. scripta, aut picta ora spectantib. voluptatē & dolorē, proq; habitu præduri vel mollioris animi, interdū ex indignitate improbè atrociterq; factorum, miserationē & lachrymas eliciāt. Tu verò magnanime Cosme pro natura ingenij tui, quod nihil nisi perillustre atq; honestissimū respicit, rectè studiosęq; feceris; si quæ legendo ex moribus tot insigniū ducum exempla accuratè notabis, ea felici delectu imitāda suscipies, & quod propriū ingenuę verēcūdeq; tuæ probitatis esse videmus, singula vitia quæ temperati moris modum exceſſerint, repudiāda penitus, vitandaq; censebis. Vale.

E L O.

ELOGIORVM LI- BER QVINTVS.

Sub effigie Francisci Gonzagæ Mantuani Principis.



M C est ille Frāciscus Gonzaga Mantuanus Princeps, qui ab illustri inu-
sitatiq; animi magnitudine et im-
mensō ardore pugnacis ingenij. a
Venetis delectus Imperator, primus
nostro seculo cruenta Tarrensi acie Italica atq; ex-
terna uirtutis glorioso congressu, quanquam insas-
to periculū fecit. Constat enim eo pralio plus sangui-
nis fusum, quā duobus antea seculis; ab eoq; incom-
modo didicisse Italos, nequaquā seruidis animis, sed
stabili cōsilio, et certa arte disciplinæ militaris, exer-
cenda esse arma: cum his præsertim gentibus quæ or-
dines seruare, diuersas repētē acies efficere, nihil uul-
nera et mortem, aut deniq; ænea tormenta reformi-
dare consueissent. His enim documentis, qui tum præ-
lio uictus uideri potuit, gemino demum bello uictor
extitit, cum insigni gloria, recepta scilicet Nouaria,
et Gallis omnibus Neapolitano regno pulsis. Non
arrisit ei demum Fortuna, quum pro Gallis conuerso
studio militaret. Eius siquidem impigre uirtutis uim,
et conatum omnem, contumeliosi quidam Gallorum
duces, aded importunè atq; impudenter præpediue-
rūt, ut mox cum superbia, tum imperitiæ suæ ad L. 7.

tes, vel a-
in admi-
ducat, in
quendā
noscen-
tib. q res
cōsilio
Quādo-
iles ple
atione, a
spectan-
habitu
interdū
iterq; fa
mas eli
me pro
nisi per-
picit, re-
egendo
n exem
delectu
priū in-
tis esse
perati
udiāda
ale.
ELO.

rim annem pœnas darent. Aliquanto autem post, quum Veneto bello sese immiscuisset, & cum ala Gal-
lorum in Pataunum agrum ad Caesaris castra con-
tenderet, noctu apud Insulam Scaligeram, Veronen-
sis agri pagum, Græcorum equitum multitudine cir-
cumuentus, in potestatem Lucij Maluetij deuenit,
diuq; seruatus Venetijs in custodia, tandem Iulij Pon-
tificis beneficio liberatus est, quum Federicum filium
fidei obsidem Romam misisset. Fuit Franciscus inge-
nio liberali, aperto, nusquam fallaci, & deniq; nus-
quam maligno, sed qui sermone iocoso fœminarum
pudori intemperanter illuderet. Verum qui uaga Ve-
nere oblectabantur, fœdum atq; letalem morbum, ut
tum ea sæua tempora produxerant, facile tulit, quo
miser ante diem inter uarios cruciatus expiraret. Per
omnem autem uitam, quod uix ex censu credi pote-
rat, cum Regia hospitalitate ac eximio totius aule
cultu, tum rerum omnium ornamentis, & magnifi-
centia operum, splēdidorum etiam Regum æquabat
decus. Sed supra omnes eius ætatis Regulos, equorum
copia, delectu, uarietate, nemine æmulari auso, sum-
mam proculdubio gloriam promeruit, quandoqui-
dem equarum greges aleret ad sobolem propagan-
dā, accitis usq; ab ultima Hispania atq; Numidia, Hi-
berniāq; item, equabus & admissarijs. Eo namq; tem-
pore quotannis per Italiam liberis in urbibus institu-
ta erant more ueterum Græcorum certamina, equo-
rum, pernecitate & cursu contententium; unde ce-
lebrerrima laus cum opimo præmio expetita multis,

nis uerò
retur. Ge
es, neq; pi
os accura
nentorum
neq; satu
um filium
illi edific
isset. Cete
ne permu
is uideri p
ernarum
presertim
quum inde
geniem &
omnino fe
atefimi so
mo editum
ad summo
lectissimis
& familia
rentem, &
raga dom
trophæis,

Lali

O decus
Sceptra te

annis uerò semper Gonzagæ equis promerita pararetur. Generosos autem, & ad arma natos sonipedes, neq; plures quisquam neq; nobiliores habuit, aut eos accuratiore disciplina perdomuit. Quorum armentorum instituta animaduersis disparis cōiugij uariæq; sæturæ prouentibus, aliqua ex parte Federicum filium postea emendaturum uidimus; nisi insatiabili ædificandi studio allectus, aliud sumptum transulisset. Cæterum Fræciscus his lectissimis equis, qui uariè permatato semine nouæ atq; pulcherrimæ sobolis uideri poterant, indefesso munificentie studio, externarum gentium Principes sibi conciliauit, unaq; præsertim Othomānorum amicitia clarus excelluit, quum inde Thracum & Cilicum lectissimos, ad progeniem & bellicos usus impetrarit. Sobole filiorum omnino felix excessit è uita, quum ex Isabella Alfonso Atesini sorore tres liberos reliquisset, Federicum primo editum partu, matura iā paternæ uirtutis indole ad summos militiæ honores uadentem, & Herculem lectissimis moribus & literis institutū, paratamq; sibi & familiæ debitam sacrati cultus purpuram promerentem, & deniq; Ferdinandū militare decus in Gonzaga domo, clarioribus superadditis uictoriarum trophæis, ad summam gloriam euecturum.

Lælij Capilupi Mantuani Cento
ex Virgilio.

O decus Italia, quondam dum uita manebat,
Sceptra tenens, tardis ingens ubi flexibus errat

Mincius. & tenera prætexit arundine ripas,
 Semper honore meo semper celebrare donis,
 Dum memor ipse mei, dum spiritus hos reget artus.
 Salue uera Iouis proles, tu maximus ille es
 Vnus qui nobis magno turbante tumultu
 Ante annos animumq; gerens curamq; uirilem
 Vltro animos tollis dictis & pectore firmo,
 Arduis arma tenens, fulgentis ære cæteruas
 More furens torrentis aquæ, Gallumq; rebellem
 Sternis humi, campiq; ingentes ossibus albens.
 Parthenope meriti tanti non immemor unquam
 (Dextera causata tua est) solio consedit auito.
 Quid memorem spolia illa tuis pendencia testis
 Tam uulgata? quibus cælo te laudibus æquem
 Flos ueterum uirtusq; uirum? cui cura nitentis
 Pascere equos, merita expectent qui præmia palmæ
 Europa atq; Asia, tanta est uictoria curæ.
 Tu decus omne tuis, tu seruantissimus æqui
 Omnibus exhaustos iam casibus, omnium egenos
 Vrbe domo socias, tua terris didita fama.
 Munera præterea ex auro solidoq; elephanto
 Coniungere tibi (cuncti se scire fatentur)
 Regnatorem Asiæ genus insuperabile bello,
 Et penitus toto diuisos orbe Britannos.
 Salue sancte parens Italum fortissime ductor,
 Felix prole uirum, siquid mea carmina possunt,
 Semper honos, nomenq; tuum, laudesq; manebunt.

Io. Baptista Posseuini Mantuani.

Inuicti effigiem Gonzagæ nobilis artē
 Eximia expressit spirantem pictor; at illi
 Non potuit duris partum decus addere bellis,
 Non præsens animi robur, populisūc regendis
 Iustitiam, & largæ præstantia munera dextræ.
 Ceu quondam radijs exutum ardentibus ora
 Mortali uultu, gradientem montibus Idæ
 Phoebe manus te docta sacros effingit in usus.
 At Iouius clara splendorem reddidit arte,
 Aeternamq; dedit Gonzagæ ducere uitam
 Duces inter primos, quos nulla tacebunt
 Secula, nec ueteris lædent obliuia famæ.

Sub effigie Maximiliani Cæsaris.



MAXIMILIANVM Cæsarem Fri-
 derico tertio imperatore genitū, quem
 eruditiores Germani pro Maximiano
 quod nomen est antiqui Cæsaris, cui Io-
 uij cognomen obtigerit, Maximum Acmilianum ap-
 pellant, hæc tabula ab effigie simillimum reddit. Fe-
 runt Austriacæ domus nobilitatē Romani sanguinis
 stirpem respicere, perducto scilicet stemmate a Per-
 leonum familia, ex qua fuerunt celeberrimi olim Co-
 mites ex tribu montis Auentini. Hos enim ad Appura-
 gum consedisse constat, inter Rhetos, Noricos et Vin-
 delicos, non longè ab Heluetijs, coalescenteq; sensus
 potentia, Austriaci principatus, uti ipse Cæsar suæ
 originis religiosus indagator asseuerabat; iura & ti-

tulos condidisse, eiusq; dominatus claritudinē bellicā
 quæsitam uirtute, & longa uetustate constitutā pro-
 pagasse. Hinc euenit ut facile credamus, augustam
 hanc Romani imperij dignitatē ad Austriacos prin-
 cipes, quod Romani sint generis, fatali quodam iure
 peruenisse. Quando iam pridem abolita sit militaris
 acclamationis consuetudo, qua imperatores olim a-
 pud exercitiū in castris fiebant, & ipsa etiam septem
 Germaniæ procerum suffragatio penitus obsolescat,
 toto scilicet hoc honore per manus præpotentum Cæ-
 sarū legitimē tradito confirmatoq; qui iam altas ie-
 cerit radices, ut in una familia non dubie heredita-
 tis nihil intercisa serie, decentius atq; stabilius resto-
 rescat. Cæterum hoc Cæsare nullus suæ ætatis regum
 luculentiorē militariū habitus dignitatem, uel cer-
 tius ac illustrius probi, uereq; augustioris decus ad
 imperium attulit. Per omnes siquidem eum bellica
 tum ciuilis uirtutis numeros, generosi spiritus inui-
 ctūq; animi magnitudinem, quam in aduersis pariter
 & secundis rebus homines mirarentur, ita præfere-
 bat, ut contemnere fortunam uideretur, eamq; seue-
 ra fronte tanquam insolenter improbeq; semper in-
 iustam & instabilem, damnati fallacissimiq; numinis
 antiquorum infamem Deam appellaret, propterea
 non multum uel eius benigne aridentis gratia, uel a-
 cerbissimē seuiantis odio supra æquum angeretur.
 Inerat enim Maximiliano animus pecuniæ contem-
 ptor, opulentiorē Cæsare dignus. Eam siquidem ubi
 possideret, uel non integrē exactam, diuidere statim
 atq;

atq; largiri amicis & hospitibus, quàm in erarium
ex ignobili parsimonia inuidia plenū congerere ma-
lebat. Existimabat enim nihil unquam à suo felici sy-
dere & arcanis cuiusdam sanctioris oraculi promif-
sis, sibi & posteris opulentissimam regnorum ditio-
nem esse defuturam, quæ bella gesturo in perpetuos
liberalitatis usus sese effundèri per amplas atq; inex-
haustas signati auri facultates suppeditaret. Qua su-
perba & sepe inani opinione imbutum, & nervos
sibi immodicè præcidentem, necesse erat sentire im-
prouisam egestatem, & in medio bellorum cursu ita
hære atq; satiscere, ut non aliunde quàm ab ipso sti-
pendiorum defectu semipartæ iam uictoriæ interpel-
lari, & è manibus eripi dicerentur. Arriserat nāq; ei
fortuna ab initio, cum imberbis adhuc interfecto ab
Heluetijs Carolo socero, Belgici eius regni hæredita-
tem adiunxisset; quippe qui alacriter beneuolentissimè
q; susceptus, cōmutatis demum seditiosissimæ gēis stu-
dijs apud Brugēs cū uxore custodie traditus, diuer-
sam omnipotentis Deæ uim, sed moderatè & fortiter
tulerit. Exinde cū pristina dignitati atq; imperio re-
stitutum, diuersa excreuerunt arma, quibus insignè
decus uel adhuc iuuenis adeptus est, fufis ingentibus
Gallorum copijs apud Ghingatā, & perdomitis Me-
napijs atq; Sicābris. Sed non multo minor ei laus ces-
sit peritiæ atq; ausus militaris, cū Bohemos non pro-
cul à Ratisspona, uel sese castraq; sua perpetua scuto-
rum ingentium munitione defendentes cruento edito
prælio superasset, & Pānonios ex semio occupato No-

rico inuadentes Austriam, non semel repressisset, ne-
demum eadem felicitate Heluetia arma laceßiuit. Ab
his enim non longè à Rauracorū finibus, fuso ipsius
exercitu, graue uulnus accepit, frustra;q; Italiam aspe-
xit uetantibus fatis, quam proculdubio Caroli nepo-
tis imperio reseruabant. Improspere siquidem expe-
ditio in Etruriam pro Pisanis aduersus Florentinos
suscepta, & bellum longè grauißimum Venetis illa-
tum, uexilla; amplissimi exercitus in conspectum
Mediolanensium promota, terribiles quidem primò
impetus, sed mox inanes atq; irritos conatus habue-
runt. Erat Caesar pace & bello supra quàm dici possit
credulus & suspicax; sic ut qui acie uinci non pote-
rat, bello per moras facillè uinceretur. In uniuersum
integræ pietatis atq; incòparabilis munificentia, ca-
strensisq; disciplina laudem promeruit. Excessit è ui-
ta sexagenario minor apud Velsum oppidum, cùm
leui tentatus morbo intempestiuam acrioris pharma-
ci potionem bibisset.

Iouñ Junioris.

Vatum Musa decus Pierium, quæ laticem colis,
Tolle, ô magnanimum, tolle precor laudibus inclytis
Iam pridem superum consilio ad sydera Cesarem
Euectum; cithara, dulciloquæ seu fidibus lyra
Hunc cantare iuuat. Quàm iuuenem gloria maximis
Factis extulerit, Danubius nouit, & impiger
Qui lambit ueterum moenia circumflus urbium
Rhenus, dum rapidis Oceanum uorticibus petit.

Hunc

Hunc olim trepidis extimuit Sequana fluctibus;
 Regem namq; suum, proh pudor, illa inclyta Gallia
 Spectauit fugientem, Austriacis uiribus imparem,
 Spectauit fugientem iuuenis Cæsarei impetum,
 Findentis gladio perdomitis hostibus agmina,
 Qualis quum tumidus profluit è uertice Vesuli.
 Vastans arua Padus, ceu Boreas cum fremit infidus
 Neutas attonitos æquoreis fluctibus obruens;
 Vel cum irata Poli porta furens intonat ære
 Sternens templa Deum fulminibus celsa cacumina.
 Verum Barbaricis assuetum nil nisi prælijs
 Tentare Italiam quippe iuuat, miles ab Alpibus
 Ductu Cæsareo dira fremens Theutonus euolat.
 Nouere inde Patres Hadriaci quàm celeri manu
 Moles contuderit flammis, & propugnacula:
 Quum Verona sui, scuta uirum, & corpora fortium
 Deplorans Athesis sanguineo uoluerit aluco
 Spectauit facibus fulmineis spargier omnia:
 Tormentoq; strepenti indoluit moenia concuti.
 At qui Tusca uolunt littora, qua pulcher Etruriæ
 Arnus rura rigat, uel uoli olim domini maris
 Pisani, eximia laude canunt illius inclytum
 Nomen, iustitia percelebre, & munificentia.
 Salue Auguste diu, teq; simul magnanimus nepos
 Inuictus Carolus perpetuis auctet honoribus,
 Ardenti Lybies perdomitor. Nam tua gloria
 E splendore suo nobilior fulget, ut aureis
 Ex Phœbi radijs pulchra micant cornua Cynthiae.

Sub effigie trium ducum Balonæ fa-
milie, qui una in tabula expres-
si continentur.



BALEONOS qui supra seculum unū
inter cines Perusie authoritatis princi-
patum tenuerunt, quod militie dediti
spectata semper uirtute arma tracta-
rent, Baioarici sanguinis fuisse tradunt. Summam au-
tem familie dignitatem attulisse fertur Malatesta, qui
a uorum nostrorum memoria sub Braccio Monto-
nio imperatore militie disciplinā hausit, et per gen-
tiles suos propagauit. Huius pronepos fuit hic Pau-
lus, qui in tabula cum duobus liberis Malatesta atq;
Horatio pictus spectatur, haud dubie familie clarissi-
mus eiusurus, nisi propinquorum inuidia Leoni pon-
tifici criminossimè delatus, deceptusq; sua spe, in ag-
noscentis alioqui benigni, sed tum ambigui princi-
pis sensibus, ceruices ulro securi prabuisset. Petruc-
cianus namq; coniurationis gnarus fuisse ex damna-
torū confessionib; putabatur. Sed id in eius necē Leo-
nis animum maxime perpulit, quod hominem inge-
nio acrem, et manu promptum, imperatorisq; mune-
ris secundas partes apud Venetos promeritum, pro-
ptereaq; Perusinis ad imaginem inuidiose tyranni-
dis dominatē tollere cupiebat, satagentibus in eius
necem affinis atq; propinquis, qui nec aliter quam
morte potentiā eius conuelli posse existimabant. Si-
quidem Balonis omnibus hoc semper fatali emula-
tione

hione fuit infitum, ut similitatem nunquam ferè inter
missam, inter se cruentissimè exercerent: & quum
pulsæ Oddorum familia, præpotētes atq; æmuli ciues
deessent, sese ipsos gētiliū sanguine descendarent. E-
nituit in Paulo oris & corporis eximia dignitas, elo-
quentia militari studio requisita excellens; mores bel-
lo & in castris nemo carperet, pace multi laudarent;
nisi nusquam oblitus factionis uetera etiam odia uir-
dicare, & incestis amoribus suam alienasq; familias
ad decorare consueffet. Malacta filius paterna scui-
tia atq; libidinis uita detestatus, quum foris sub Li-
giano imperatore, cui nupta erat ipsius amita, præ-
clara cum laude militaret, egregium sibi præfeturæ
locum apud Venetos parauit, exulq; à Leone factus,
Perusiam patriam, pulsus inde Vitellio & Gentile Ba-
leono, fortiter recuperauit, cum antea in expugnan-
da Cremona, pellen disq; Laude Pompeia Cesarianis,
plurimum inclaruisset. Ad extremum Florentinis cō-
stantissimè libertatem suam defendentibus, quum an-
num propè integrum pertinacia Clementis pontificis
& inuicti Cesaris arma obsessus sustinuisset, despera-
tis auxilijs, obortaq; fame aspera, maluit florentissi-
mam urbem seruare ab immanitate & scuitia exter-
narum gentium, quæ opulentissimæ prædæ inhiarēt,
quàm parere imperitis & obstinatis aliquot ciuibz,
qui desperata uenia unā secum ciues extrema suppli-
cia perpeti, interireq; patriam, & incendio absumi
potius quàm se dedere, & subactos confiteri cupie-
bant. Nec ob id facium fidei suæ famam læsit apud

equissimos ciues, à quibus iure optimo auream statuam urbis statuam meruisse potius, quàm maligna obreftatione lacerari, communi bonorum hominum iudicio, & pontificis testimonio uideri potuit. Non uixit inde integrū bienniu atroci & diuturno morbo succumbens. Rudolpho filio hærede relicto, quem hodie singulari cum laude bellicose familiæ dignitatem tueri uidemus: cum Horatius patruus multis fortibus factis, Salernoq; præsertim expugnato clarus: uerum Malatesta factiosior & seuerior Florentinis copijs præpositus, in obsidione Neapolitana Lorechio Gallorum duci operam nauans, non in acie, sed fortuito glandis ictu sine liberis perierit.

Iouij iunioris.

Tres simul Heroas pictor, tria fulmina belli
Pinxit in hac tabula.
Hospes summissis genibus ter lumine lustra:
Ter uenerare duces.
Gaudeat ut geminis pater inelytus, aspice, natis,
Et pariter gemini
Vi patre latentur nati, Mauortia pubes.
O celebranda diu
Norica progenies, centum dominata per annos
Te mea Musa canet.
Nam patrem insigni clarum uirtute, maligna
Perculit inuidia,
Credulis heu nimium summissit colla securi,
Præsidis Ausonij.

At vos Etrusci, meruit nam sculpiet auro,
 Carmine perpetuo
 Ductorem uestrum Balconum tollite ad astra,
 Ob patriam atq; domos
 Hostibus creptas, seruataq; templa decorum.
 Nec minus interea
 Egregius toto celebratur Horatius orbe.
 Viuite in Elysio
 Felices animæ, quorum tenet athera uirtus
 Sydere nobilior.

Sub effigie Selymi Turcarum
 imperatoris.



ELYMVS Othomannæ familiæ
 nonus imperator, hoc ore truci fe-
 rocibusq; oculis, insitam animo suo
 uim diramq; seuitiem ostendebat,
 quum in sanguinem gentilium suo-
 rum & reliquorum qui ad imperiosi genij nutus pa-
 rum expedite responderent (hos enim præcipuè ode-
 rat) immaniter deseciret. Hic prorsus ingens, si uel
 æqui uel iniqui ausus gloria certius expendatur, Ma-
 hometem auum crudelitate simul atq; animi magni-
 tudine superasse uideri potest. Stratis namq; Persis
 in Calderanis campis, ipsoq; Hysmaele Sopho iusta
 acie deuicto, & regia eius quæ uocatur Taruisiū, oc-
 cupata atq; uastata, tantum inclyti nominis prome-
 ruit, quantum satis esset satiandæ ambitiosa eius
 gentis regum cupiditati, nisi ad longè maximum glo-

riæ cumulum accessissent duo geminata uictoria Sy-
 riæ atq; Aegypti reges armis deuicti atq; interfecti,
 Campion scilicet infelix senex ab equitatu suo in fu-
 ga prostritus, & fortissimus Tomumbeius, qui extre-
 mum cum uita sua, tum Sulthanico imperio finē mi-
 serabili supplicio affectus, attulerit, cum uniuersum
 propē terrarum orbem rerum à se fulminea celerita-
 te gestarū, admiratione atq; terrore suspendisset. Ve-
 rum magni numinis providentia factum fuisse fas est
 credere, ut illa uis indomita & insuperabilis sese in
 orientem effunderet, ut Europe intestinis bellis labo-
 ranti, nihil hercle merētibus Christianis regibus par-
 cretur. Regnauit annis octo, uixit quadraginta sex:
 & cum maius aduersus nos bellum esset suscepturus,
 canceroso renum ulcere uerē pestilenti apud Chur-
 lum Thraciæ pagum morte solutus est, Pyrrho Basæ
 in cuius sinu atrocem animam exhalabat, Solymaniū
 filium commendans, seuerēq; præcipiens, ut in Chri-
 stianos tanquam ueros hostes arma uerterentur, ne-
 glectis Persis, quorum inanem superbiam satis ipse
 contudisset. Euenit autem ut eo fatali sibi loco, in quo
 Baiazetem patrem circumfusa acie adortus oppri-
 mere cogitarat, meritis immanis parricidij pœnas da-
 ret, sed nequaquam flagitijs pares, utpote quæ omnē
 immanitatis notam excedant; postquā Acomathem
 & Corcutiū germanos fratres, & tot fratrum filios
 regiæ indolis ad unum omnes suffulerit, ut Solymano
 filio omni emulatione uacuum Othomanni imperij
 cedium pararet. Quanquam & huic successionis atq;

heredi-

heredi-
 nim, cu-
 lum ex-
 die pu-
 rum aff-
 hman-
 lisse. Si-
 deatur,
 mo plus
 non des-
 tanqua-
 gnare a-
 regnat-
 liuiscer-
 tis est,
 regna-

Has Se-
 Mo-
 Truxi-
 Imp-
 Bumer-
 Spiri-
 Mis-
 Fra-
 Ipse sa-
 Par-
 Fluc-

hereditatis ius ipsum aliquando inuiderit. Terunt enim, cum ueste ueneno intus atrocissimo delibuta, filium extinguere cogitasse, ut quadā eius uerba immo diee pungētia uindicaret: sed eius exitiose uestis donum astuta matris misericordia repudiatum, pro Solymano cubiculario datum, ocysimē perniciem attulisse. Sic ut hoc exemplo immanitate feras anteisse uideatur, monstro quā homini similior, qui ex animo plusquā Tartarico nemini suorū pepercerit. Sed non defuere, qui in eo abominabilem carnificinam tanquam ei necessariam, qui sine emulo metuq, regnare decreuisset, uerbis excusare contenderet, quōd regnatura omnis diuini atq, humani iuris penitus obliuiscendum censeant. Vsq; adeo enim imperij dira sitis est, ut uel flagitiosissimis artibus apud quosdā regnā tueri fas esse uideatur.

Antonij Francisci Rainerij.

Hæc Selymi effigies Scythico quæ pallida uultu
Mortalibus minatur, et magnis dijs
Trux illa est, inhiant Lycia sub tegmine telæ
Impexæ atroces undecumq; uipere.
Eumenidum decus, et Vulcania lumina, letum
Spirant, et ora uim, nefas, et impium.
Miscuit incano dira hic Aconita parenti,
Fratresq, leto extinxit omnes horrido:
Ipse suo (ni uana ferunt) fata ultima nato
Parauerat, superba quæ sors distulit.
Huic tamen horribiles peperit uictoria laudes;

Et insolenti adaucta sceptrâ dextera.
 Nam quâ Sol agili circum rotat ardua curru
 Hyrcaniam, cruceq; Persicum sinum,
 Quâq; coloratis longè deuexus ab Indis
 Deserta Nilus arua lambit Aethiops.
 Gens Eoa omnis, uaria armis, dissona linguis
 Flexere regi colla barbara effero.
 Sulthani euersum imperium, atq; Aegyptia regna
 Quum totus undiq; orbis expauesceret.
 Nec dubitamus adhuc priscis picta illius ora
 Miscere nostris (ah nefas) heroibus.
 Othomannorum quin ora perempta potentum
 Urbis hæc superbis illinit coloribus.
 Fallimur, et Roma hæc non extulit ora, sed hæc tu
 Nobis Ioui diuine spectanda erigis,
 Italia imaginibus uaser, hisce ut pectora tentes,
 Exurgat ultor si quis inde spiritus,
 Nostra illis adimat qui signa, uicesq; rependat,
 Replens cruore cuncta, cæsisq; artubus.
 Macste hac arte pater, stimulis qui corda nepotum
 Ad ueræ aurum gloriæ excitas decus.

Sub effigie M. Antonij Columnæ.



EMINI, uti nos summa cum admira-
 tione uiderimus, rariora spectatioraq;
 uel cœlestis gratia, uel ardentis nature
 dona contigerunt, quàm M. Antonio
 Columnæ. Hic enim nobilissima Romani sanguinis
 stirpe progenitus, ante omnia stature proceritate, fir-
 mitate,

mitate, atq; amplitudine singulorum artuum, decore frontis, & splendido quodam enee barba nitore, manifestateq; torosi pectoris, ueteres aequabat. Heros, ob idq; praesertim, quod praecclaro insignium uirtutum concursu, multipliciq; optimarum artium eruditione ad eximium decus ornaretur; usq; adeo constantem uel ciuium uel externorum studio adamatus & cultus, ut quum coleretur a singulis, cuncti cum in unuersum uel diuersae factionis obseruarent atq; suspicerent, eumq; unum Iulius pontifex tanquam Romanorum procerum lectissimum, collocata ei in matrimonium Lucretia consobrinae filia, generum sibi affisceret, cum graui iudicio Rouerens familiae nomen, sicuti antea Felicem filiam Iordano Ursino collocarat, clarissimis Romani sanguinis stirpibus inferendum existimasset. M. Antonius patre orbatus, quod is Etrusco bello apud Alphonsum Aragoniū militans perijisset, Prospero patruo, & Fabritio huius patrueli celeberrimis ducibus adhaesit, ab hisq; certissimis militiae praecipis imbutus, ita exactam hausit disciplinam, ut Prosperi natura cunctatoris cautum & inuictum robur; praeseruidam uero in expediendis armis Fabritij uim, nobili salubriq; temperamento moderari didicerit; tanto illustris fame prouentu, ut cum in Apulia, Latium, Etruria, Galliaq; Cisalpina, uarijs praelijs interfuisset, utroq; patruo deceptis eorum uirtutibus, honore auctior & maior euasurus crederetur; nisi immitia fata eius paratis honoribus properè nimium inuidissent. Is namq; cum defensa nouissimo uirtutis

opere fortiter Verona aduersus immensam vim oppugnantium Gallorum & Venetorum aliquod se nauata opera premium nancisci putasset, & à Ceurio Belga Caroli adolescentis nutricio, per moras supinè se contenti fastu Romano succensus, nò diu pateretur, ad Franciscum Gallie regè è Belgis contendit, à quo, uti is natura rexerat omnis uera uirtutis liberalissimus estimator, prefectura aliequitum, & consacrati regis ordinis torque honestatus est. Sed ea militiademum infausto omine suscepta, quòd tum Leonis et Caesaris armis Lotrechius Gallorum dux Mediolano pelleretur, Antonio bellici laboris & uite immaturum finem attulit. Nam dum instaurarèt Galli bellū, & Mediolano copias admouissent, ut circumuallatæ arcis obsidio solueretur: M. Antonius nondum quinquagesimum ætatis annum attingens, ingentis colubrinæ pila ictus occubuit, eadem etiam pila discerpto, & ad latus cadente Camillo Truulij clarissimi imperatoris filio, quum obequitantes in aggere hostium munitiones inspicerent. Corpus eius Prospero hostium duei à Lotrechio concessum est, ut moestissimus patruus, fratris filio, tantæ spei, & tum fortè Veneti exercitus imperatori designato iustis exequijs parentaret. Luxere eum atrocissima morte surreptiū socij atq; hostes paribus propè lacrymis, ideoq; uberioribus, quòd masculam prolem, quæ pateris uirtutis esset heres, nullam reliquisset.

Augusti

LIBER QVINTVS.

Augusti Cocceiani.

Hac in tabella pictus est Columnius,
Heros inter iure primas obtinens,
Quos Roma genuit omnium fortissimus,
Quos Roma uidit omnium pulcherrimus;
Virtutis est Verona testis optima
Seruata quondam à ui & furore barbaro,
Et pulcher Athesis moenia eius persuens
Atro cruore sepe tinctus hostium.
Est uasra testis gens Ibera, est horrida
Germana pubes; terga que sepe dedit
Illius armis, ceu fugaces capreae
Multa premente agrestium manu solent.
Formae paternae signa sunt certissima
Praesentis cui filiae pulcherrimae,
Iouis Deorum regis atq; Apollinis
Dignae cubilibus. Deum hinc credi licet
Illum fuisse, qui dijs simillimus
Virtute, forma, uiribus planè fuit.
Hinc suspicata magna turba coelitum,
Humana ne quem ledere aut fors aut manus
Nequiret, hunc nec ipsa fata attingere,
Vel morte sera uel cruenta ui queant,
Homoq; ob id uitam deorum degeret,
Subinuida, in Columnium potissimum
Coniurat, ereaq; tormento aereo
Missa pila; tonante coelo, ut fulmine
Heros sternit; Mars dolore lacrumat.

Sub effigie Matthæi Cardinalis
Sedunensis.



MATTHAEVS, cui Langō
cognomen fuit, & honorem
postea purpuræ adeptus est,
apud Sedunum urbem fœdera-
tamq; Heluctijs & Rhetis, na-
tale solum habuit, humili qui-
dem patre genitus, sed eo pro
captu Alpinae gentis nihil à literis abhorrebat. Quā-
obrem ab eo, ut primum adoleuit, in Italiam est mis-
sus, eo consilio ut Italicam perdisceret linguam, &
Latinis pariter literis operam daret, demumq; (uti
cuenit) sacris initiaretur. Itaq; Matthæus post pri-
ma literarū rudimenta qua in patria perceperat, Co-
mi sub Theodoro Lucino nobili (uti illa ferebant tē-
pora) grammatico poetaq; , tantos processus fecit in
studijs, ut nihil earum rerum quæ uel audiret, uel le-
geret, robusti auidiq; ingenij memoriam subterfuge-
ret, utpote qui sæpe ægri præceptoris munia, docen-
do felici emulatione obire esset solitus, magnāq; par-
tem Maronis Aeneidos & Heroidum Nasonis, quan-
quā subagresti uocis sono recitaret, amplectereturq;
supra cunctos authores librum de consolatione Boe-
tij Seuerini, qui liber moralibus multis exemplis re-
fertur, delectos, quotidianis actionum suarum sermo-
nibus flores & exempla cunctis propè casibus oppor-
tuna, ita suppeditabat, ut eius eloquētia nō Germani
modò

modò, sed Itali etiam eruditiores magnopere mirarentur, conciliaretur inde Sedunensi populo ad promerendum Episcopatus sacerdotium, quem populus spectatum moribus per suffragia deligere, & Pontifici maximo mitra exornandum offerre consueisset. Vbi uerò stolatus & insulatus de more in templo sacras habere conciones cœpit, tantò concursu omnis generis hominum audiebatur (quòd mores exactè sobrios castosq; præferret, qui ipsam eloquētiā laudem sine controuersia superarent) ut ampliore sacerdotio dignus haberetur. Nam multus erat, & efficax in componendis controuersijs quæ inter ciuēs atq; finitimos intercederent, usq; adeò recto atq; in corrupto iudicio, ut nemo uel factiosus, cum ulro oblatum arbitrium reiiceret. Eo modo collecta auctoritate apud suos populares, probitatis atq; industrie nomine potens & ualidus, in id incidit tempus quo exortum est bellum inter Gallos & Iulium Pōtificem, quum Ludouicus Rex, in fausti dānatiq; nominis causam suscepisset, excitandi cōcilij, cuius sanctionibus atq; armis impotenter dignitas Pontificis conuelli posse putabatur. Iam q; eò res erat perducta, ut Iulius ex Rhauenate cruento prælio uictus spoliatusq; Bononia, & nefarijs undiq; armis circumuentis ab externis gentibus Hispanis atq; Britannis, Heluetijsq; præsertim, opem implorare cogeretur. In ea controuersia Matheus integræ pietatis studium, egregiamq; operam sic præstitit, ut à Iulio supplēte Senatū, in honorem Heluetiæ gentis, purpuræ dignitate honestaretur.

Nec multo post Matthæus multis concionibus apud Helueticos habitare gregè persuasit, ut pia arma susciperet aduersus Gallos, qui res diuinas profanis commiscere conaretur. Quod ob id non magnopere difficile fuit, quoniam gens Heluetia paulo ante sese ab amicitia Ludouici regis alienarat, tanquam ingratis spreta et fraudata donatiuis atq; stipendijs, auari aut certe nimis parci Regis acceptam contumeliam uindicare percuperet, eosq; grauius et properantius, quod pro Heluetijs legionibus auxiliarijs Gallus Germanorum cohortes mercede conducere cepisset; cuius iniuria is fuit exitus, ut Matthæus cum suo astrictus officio, tum purpurei galeri beneficio obligatus, uniuersam gentem aduersus Gallos concitaret, eosq; Ticino pulsos, et ad Alpes et in Galliam fugientes, Cisalpinæ Gallie imperio expelleret. Nec in ea celebri uictoria, qua haud dubie Pontifici sua dignitas est restituta, Matthæus aut studium suum erga Pontificium decus aut odium in Gallos intermisit. Nam mortuo Iulio, Leonem Decimum pro recipienda Parma atque Placentia bellum mouentem mirifice adiunxit, Gallosq; Duce Lotrechio iterum Mediolano depulit, instauratoq; sepe bello, quum Leo Pontifex fato esset ereptus, atq; ei successus Hadrianus Sextus cuius comitibus interfuerat, nunquam ab autoritate Pontificij nominis discesserat. Mortuus est Romæ non planè senex primo Hadriani pontificatus anno, uir inter exacte uirtutis Imperatores, potius quàm inter Senatores numerandus, si corporis ac ingenij robur et rerum strenue

nue gestarum cumulum spectes. Maxime uero ei gloriosum fuit Fræncisci Regis iudicium, quum asscueret, me audiente, aliquanto plus sibi sumptus atq; periculi Sedunensis facundie indomitam uim, quam tot legionum eius gentis cuspides attulisse.

Placidij Placentini.

En tua purpureus decorat Matthæ Galerius,
Tempora digna sacro triplicis splendore corona.
Scilicet exultans telis ferus accola Rheni,
Pondus arenosum rapidis qui flexibus urget
Oceani in gremium, demens, hostibus armis
Imperia, & leges diuim lacerare profanus.
Irruerat; miseræq; nouus tremor ossa tenebat
Italîæ, ualidis quum te duce castra manipulis
Heluetia aduentant, bisq; acres cuspide Gallos
Fundunt, Pontificemq; armis uictricibus ulta
Tandem nubiferas Alpes transcendere cogunt.

Augusti Cocceiani.

Helueti, gens una Ioui clarissima summo
Et cara Martis pignora.
Inuicti bello populi, certissima Regum
Bellantium spes, ac metus:
Nullône Heroas uestros celebratis honore?
Nullo ere? nullo marmore?
Certè etiam externos, claræ uirtutis amicæ,
Artes fouebunt Itale.
Ipse Pater Iouius quam mira expresserit arte,

Illustrium formas Ducum
 Cernitis, & uestri ductoris imagine uera, ut
 Dotes & ora effinxerit,
 Qui late Italiam fama compleuerat omnem
 Virtutis ergò fulgidæ.
 Quare purpureo corpus uelabat amictu,
 Sacro coruscus ordine:
 Cartabantq; uirum sublimen tollere ad astra
 Bellona, Peitho, Sanctitas.

Sub effigie Prosperi Columnæ.



AEPE hac specie prolixè comatum
 fereq; circumnatum, & priscae probi-
 tatis os subagreste, sed tamen oculis
 ingenuum, & quidem militare præ-
 ferentem, Prosperum Columnam ui-
 demus, atq; item his armatum insignibus. In eo Roma-
 norum procerū nobilissimo, apprimè grauis & con-
 siderati Imperatoris decus enituit, quod procul dubio
 ad antiquæ Romanæ uirtutis specimen referri posse
 pleriq; existimarunt. Quandoquidem in eo multa mi-
 litaris consilij uis, egregiaq; constantis animi probi-
 tas, & recti honestiq; appetēs, moderatus animus con-
 spiceretur. Nemo enim eo tēperatius uel inter factio-
 sos arma exercuit, nemo humanius à sanguine mili-
 tum temperauit; nemo deniq; abstinentius innocen-
 tium hominum agricolarumq; præsertim fortunas à
 licētia militari cōseruauit. Has propter uirtutes qua-
 in huius duræ ætatis Ducibus desiderari facilius pote-
 rant,

rant, quàm reperiri, non semel præclara uoce apud
 Insabres, Cenomanos et Venetos, paganorum defen-
 sor, & Italicæ gentis pater appellatus est. Fuit Pro-
 spero dissimili morum genere, & pari propè gloria
 militari præconio celebratus Fabritius patruelis: quo
 collega diuersas utriusq; uirtutes in mutuum consen-
 sum, parandis uictorijs opportunū, ita miscuisse con-
 stat, ut uterq; ab eo tēperamento, seipso maior et cla-
 rior euaderet. Sed Prosper qui diu aduersus Gallos
 inuicta armatulerat, improviso superuentu Gallorū
 equitum fœdè apud Villafrancam subalpinae gentis
 oppidum oppressus, captusq; est. Obegnino atq; Pa-
 licia eius expeditionis Ducibus quos antea Neapoli-
 tans bello ipsius maxime insigni opera captiuos ui-
 disse. Sed non multo pōst, clementia Francisci regis,
 quum se dimidia pecunia redemisset, eam cladem ac-
 ceptam nouo uictoriæ prouentu resarciuit, quum Lo-
 threchium & Gallos ex longa contentione Cisalpi-
 nae Gallia imperio depulisset. Ab his rebus gestis
 Sfortiano dominatu Mediolani cōstituto, summos mi-
 litaris imperij titulos à Carolo Casare promeruit. Ve-
 rùm inde leuem ab initio, sed mox euentu letalē con-
 traxit morbum, quum iam sexagenario maior, affe-
 ctæ etatis oblitus illustrium marronarū amorib; in-
 temperanter indulgisse crederetur. Luxerunt eū to-
 tius Cisalpinæ regionis ciuitates, hominūq; ordines,
 tanquā Patriæ parentem, incredibili hercle cum mœ-
 rore, præsagientes utiq; uerissimis lachrymis immi-
 nentem durissimorū temporū conditionem, qua cun-

Atas ab Hispanis atq; Germanis praesidiarijs acerbitate
tes perpeſſi, omnino crudelius atq; ſaneſtius à ſocio
quã ab ab hoſte, cõcaſuras ipſorũ fortunas diuinarẽ.

Petri Grauinæ.

Nil obſtat Dux magne tuis, nil amplius auſis
Fortunæ obſequium ſigna ſequentis habes,
Vidimus in domiti ſuperata pericula belli
Vidimus hoſtiles ſuccubuiſſe manus.
Oppida ui capta, & ualidis traiecta manipulis
Flumina, & oppoſitos terga dediſſe Duces.
Reſtabant arces tormentaq; bellica, tandem
Ceſſerunt arces, flumina, ſaxa, minæ.

M. Antoniꝝ Caſanouxæ.

Tres modò fama Duces circa tria munera belli
Ante alios primum iuſſit habere locum:
Caſtra locare fuit Pyrrhi, Fabijq; morari,
Marcelli proprium conſeruſſe manus:
T Caſtris, hoſtemq; mora, & certamine Proſper
Viciſti, atq; triumph quod fuit, unus habes.

Sub effigie Hyſmaelis Sophi Perſarum Regis.



B hac illuſtri, & ſupra mortale decus
radiante, imperioſaq; facie apud Perſas
ſuos ſe ipſo admirabilior fuit & augu-
ſtior Sophus Hyſmael, qui noſtra memo-
ria totum terrarum orbem nominis ſui fama comple-
uit.

uit. Is namq; magni Vssumcassani regis ex filia nepos
Haidare, cui Hardueli cognomen fuit genitus, ac in
obsuro nutritus adolescens, specie formosissimi oris
cunctos æquales antecessit. Vir integra ætatis, milites
omnes dignitate firmissimi habitus et equitadi sagit-
tandiq; peritia superauit. Seniores uero, ut primum
se se ætas inflexit, aptissimarum rerum scientia, & ca-
strensis prudentiæ laude ita excelluit, ut per omnem
ætatem quæ ei supra æquum angustior contigit certo
numini propior quàm mortali, uti augustissimus co-
leretur. Erāt enim res eius bello gestæ, cum uictoria-
rum pondere, tum magnitudine euentuum, & qua-
dam perpetua atq; felici cursus celeritate mirabiles:
utpote qui persuasione commutata religionis excita-
tis in eius sectam Orientis gentibus, Tacuppi regis a-
uunculi filios, regni hereditate depulerit, hisdemq;
armis quibus mortem patris uindicabat, & nouæ re-
ligionis nomen tuebatur, extinxerit. Nulla siquidem
armata manus uim sustinere poterat Sophianorū, qui
à purpureis capitū integumentis Persica lingua Cu-
selbasse uocabantur. His enim non uno in loco in a-
ciem eductis, & passim uictor, per Armeniam, Me-
diam, Persidem, Parthiam, Mesopotamiam, & Assy-
riam eius nouæ religionis sectam, eademq; capitū in-
signia propagauit. Inde quoq; aucto numero ea insa-
na, & credula multitudinis turba, tumultuarijs, i-
deoq; prægrauibus, quòd sacra diserentur, armis, in
Othomannicos fines peruaserat. Verum is Sophia-
norum incurfus talem habuit exitum, ut per Baiaze-

tis acerrimos duces, Galatia & Cappadocia mutuis
 cum cladibus pellerentur. Secundum Baiazerem fato
 suo functum. Selymus filius Persicum suscepit bellum
 Hysmaelis offensus gloria: superatq; Eufrate, ad Ar-
 taxatam Calderanis in campis cum Hysmaele consli-
 xit; eoq; acie pulso & retrocedente, Taurisio Regia
 urbe potitus est. Sed reparantem copias Hysmaelem
 & iam aduentantem ueritus, continuò in Cappado-
 ciam se recepit: magnæ hercle & memorabilis uicto-
 riæ, nisi ea multo Turcarum sanguine constitisset, tro-
 phæum erecturus. Exinde Sophus Hyrcanorum in-
 iurijs laesitatus, in eos arma conuertit, diuq; ea ple-
 runq; uictor exercuit, quâ interim Selymus immen-
 sa gloriæ cupiditate incensus, ad excidium Sultbanici
 Imperij arma conuertisset. Ceterum Hysmael plenus
 gloria perdomitis et pacatis undiq; finitimus, quartû
 & quadragesimû agens annum, in magna spe longio-
 ris uitæ, cōtracto ex asperissima uenatione fatali mor-
 bo paucis diebus absumptus est. Edixerat inusitati ge-
 neris uenationem, qua Regio apparatu syluestrium
 equorum greges petebatur, in aspera nemorosaq;
 regione quam Seruanam uocant. Ea est Medorum &
 Albanorum in finibus non longè à Cassij maris con-
 spectu ad Caucasii montis radices posita. Id regionis
 spatium, uenatorum ingens multitudo iusti propè in-
 star exercitus, exploratis earum ferarum sedibus &
 pascuis completitur: perpetuaq; corona sensim coer-
 cendo præcingit; atq; in dies tanquam indagine clau-
 sas undiq; territando & iaculâdo pulsas in magnum
 campum

campum compellit, in quo Rex primus defertur, atq;
ita circumuente fera uoluptarium de se spectaculum
adeo uolentis conatibus ad effugium editis, præbent,
ut magno periculo, ac nisi procul iniectis laqueis ca-
piantur, multiplicatisq; restibus diuerso uenatorum
nixu contineantur. Ea siquidem feritas illorum est, ut
nisi desisse cursu, & siti, inediaq; confecta & perdo-
mitæ fustibus mansuefieri queant, uixq; per aliquot
menses multa periculosaq; domitorū industria, stra-
gulam & sessorem admittunt, quum dentibus & cal-
cibus libertatē defendant. Hi aspectu sunt truces præ-
longis atq; horrentib. comis rigida ceruice, & arie-
tino capite deformes. nam strigiosiores habēt clunes,
sed crura cum toto femorum & suffraginum nexu,
adeo ualida, ut bidui cursu minimē fatiscant: nec un-
gule late admodum atq; præduræ ferreis soleis indi-
geant, quandoquidem nec in asperis rupibus, lapido-
sisq; locis atterantur. Sed domitis graui lupato opus
est, & ualido capistro, quod subter crura uentre te-
nus deductum, uim eleuantium frontes & sessorū ca-
pita pulsanitium coerceat. Id itaq; ferorum equorū ge-
nus laboriosum capi, perdomariq; difficile, usu uerò
longissimi cursus supra quā existimari possit mirifi-
cum, ob id unis tantum dicatum est regibus. Is equus
colore cinereo nigris ad poplites internitentib. uir-
gis Onagros refert. Tradunt autem Persæ (ut ab Ar-
menio Patriarcha qui Hysmaelis familiaris fuit, audi-
uimus, nisi ea fabulosa superstitionis putetur) horum
equorum greges in tutela quorundam agrestium nu-

minum esse cōstitutos, proptereaq; eos nefas esse per
 sacros lucos, & tesqua dijs manibus Syluanis & Fau-
 nis dicata, consecrari, capere iei: quando uiolantes sa-
 crum grege & lucos consecratos dijs, sedes repenti-
 nus sequatur interitus, ut non impunē accidisse Hys-
 maeli pradicabant, qui siue defatigatione & labore
 nimio difficillimē uenationis cōuulsus, siue fatali per-
 cussus iniuria syluestrium numinum, immatura certē
 morte, & fortasse non immerita perierit: quum prae-
 dicentium admonentiumq; seniorum sacerdotū prae-
 scita, atq; oracula neglexisset: eo quidem praeclarius
 quod Sumachiae Regulū in eandē uenationis uolupta-
 tem accersitum, eadem fatalis ausus causa susculisset,

Parthenij Parauicini.

Hanc tibi Apellea referentem ex arce colores
 Effigiem fama, laudumq; appendimus, ergo
 Persarum decus, ô Heros, quem Gangis ab oris
 Extremoq; oriente, ingenti gloria plausu
 Littus ad Hesperium, Solisq; cubilia uexit,
 Clarum opibus, facie insignem, & praestantibus ausis
 Egregium, dum pro sacris cultuq; Deorum
 Pollutaq; tui pro religione Tonantis
 Insurgis, piaq; arma moues, totq; oppida uictor
 Tot populos & regna tuis tot finibus addis,
 Atq; Asiae magno fundis certamine Regem.
 Quin etiam (rarum Ducibus) studiumq; Mineruae
 Excolis, Aonidumq; artes, nil deniq; inausum
 Nil intentatum, ingenioū manuūc relinquis

Maſte

Maſte o iuſtitia Princeps, & pacis honore,
 Præclare & bello, Ducibusq; æquande Latinis,
 Te curuo in Lari fulgentia littore teſta
 Pieridum, ſacræq; domus quibus altus Apollo
 Præſidet, & ſpretis Cyrrhæ nunc incolit antris,
 Accipient: ubi conſpicuum in primisq; micantem
 Magnanimos inter reges, Martisq; coronam
 Suſpicient populi, nec auari temporis ultra
 Debentem inuidiæ quicquam mirabitur omnis
 Poſteritas, Iouiſq; tuos celebrabit honores
 Qui nunc æternis mandat tua nomina faſtis.

Sub effigie Antoni Grimani Venereti principis.



Nattollendo premēdoq; Antonio
 Grimano alternātibus diuerſæ ſor
 tis impulſibus, Fortuna mirabiles
 edidit ludos. Nā quatuor annorū
 puer Marino patre mortuo, ſub tu
 tela patri maritima negotiationi
 à prima ſtatim adoleſcētia adſcriptus, ſummos labo
 res ſummaq; tempeſtatum pericula alacriter ſubiit,
 utpote qui cuncta propè Syriæ, Aegypti, Africæq;
 Emporia adiit, tanta aſperrimarum rerum tolerātia,
 ſingulariq; parēdi obſequio, ut ſatis honeſtos ex dili
 genti mercatura quaſtus faceret, uſq; ad legitimā pe
 tendis honoribus ætatem. Reuerſus ſiquidem Vene
 tias per omnes Magiſtratus in ciuitate decucurrit, ſic
 ut nuſquā repulſam ferret propter ſpectatam fidem

cum summa gerendarum rerum prudentia coniunctam, maiora semper atq; ampliora quam peteret consensu suffragantium ciuium promeritus. Quum uero ad splendidissimæ legationis munus uocaretur ad Federicum Cæsarem in Germania agentem, id cum pudore recusauit, quod pleriq; Senatores eius uiri grauissimarum rerum experientis personam, domi quam foris Reipublicæ utiliore iudicarent. Impetratum idcirco est, ut Dominicus filius optimis instructus literis, qui postea Cardinalis fuit, pro patre in eam legationem mitteretur. Exinde suas partes in Republica eximia cum moderatione semper implens, perpetuo tenore gratus apud populum, maximeq; probatus apud procures Senatus fuit: eo præsertim tempore quo ad maris præfecturam euectus est. Nam tum Veneticum Carolo Gallorum rege bellum susceperant, et Aragonios reges ex fodere socijs armis defendendos existimabant. Itaq; Grimanus cum ualida classe in Apuliam profectus, complura eius oræ oppida occupata à Gallis, manu cepit, Monopolimq; urbem ad motis tormentis fortiter expugnauit: quo terrore Polygnanum, Molam, Brundisium, et Hydruntem in Salentinis, in potestatem Veneti nominis redegit, auctorq; extitit et suaser apud Senatum, ut Veneta pecunia Aragonius subleuaretur, isq; oppida tanquam oppignerata Venetis tuenda relinqueret. Quo consilio et fractæ Gallorum res, et aduersariorum quæ erant difficiles, in melius restituta sunt. His rebus gestis, fidem spemq; totam apud ciues de sua uirtute conceptam,

ceptam, cumulatè impleuit; meritoq; factus procura-
tor diui Marci, in id tempus incidit, quo Senatus Ve-
netus commutato studio, & reiecta Sfortiæ amicitia,
cum Ludouico Gallorum Rege foedus percussit, quo
Cremona nouæ amicitiae premium petebatur. Tanta
enim incitatione Senatus in odium exitiumq; Sfortiæ,
tantaq; amplificandi Imperij cupiditate descensum
erat, ut sanioribus consilijs nullus omnino locus relin-
queretur. Reclamabat libero ore Grimanus uti uerus
uates, sicuti nos ab ipso successoreq; etiã Gritto acce-
pimus, inuidiã inde grauioraq; pericula uertus, mo-
derationisq; Senatus primores admonebat, ut infir-
mum Regulum potius quàm potentissimum externæ
gentis Regem accolam mallent. Sed iuniorum suffra-
gia aduersus bene consultos senes, fatali quodam im-
petu ualuerunt. Veneti enim in uniuersum à Sfortia
se transuersis artibus impeditos, quo minus Pisis poti-
rètur, ægerrimè ferebant. Itaq; Ludouicus reiectus à
Veneto atq; hostis declaratus, deceptusq; item ab Ale-
xandro Pontifice, nec adiutus alacriter à Casare, po-
stremam à Batazete Turcarum Rege opem implora-
uit. Visa est Barbaro digna occasio inferendi belli. Id
enim unum Sfortia postulabat, ut terra mariq; Vene-
ti, ne cum Gallis iures cõiungerent, suarũ rerum pe-
riculo distinerètur. Itaq; Batazetes misero & mali-
gnè circũuento Sfortiæ opẽ ferèdã ratus, Schender-
bassam Illyrici præfectum, in Venetiam usq; luctuosa
incursione prouhere sese iussit, & Deuthem amplif-
simæ classis Præfectum, in Græciam misit. Qua in re-

rum periculo Grimanus omnium suffragiis iterum de-
 lectus Imperator, exornata pulcherrima classe aduer-
 sus hostes nauigauit. Sed id nauale bellum cum mali-
 gnitate Fortune exitum tulit, ut quum apud Spora-
 das insulas congressurus classibus non dubio euentus
 superari Turcas posse appareret, commutatis uetis,
 nec opportunè parentibus quibusdam Trierarchis,
 Grimanus tota spe uictoriæ deijceretur, Barbariq;
 hostes incensis duabus onerarijs, in quibus Andreas
 Lauredanus, & Albanus Armerius patritij fortes pe-
 rière, in Naupactum sinum euaderent, dedenteq;
 ibi arcem Mozenico præfecto, aut auarè aut timide,
 Turcæ Naupacto potirentur, Grimano frustra se à
 Trierarchis per summam malignitatem atq; igna-
 uiam proditum conquerente: nec tamen in eos, quod
 essent nobilissimi ordinis, Imperij seueritatem exer-
 cente. Eius scedæ potius, quam male gestæ rei nun-
 cius, Grimanum summæ inuidiæ exposuit, ut commi-
 nuta repenti eius gratia, atq; auctoritate successō-
 rem ei Senatus decerneret Melchiorē Triuisanum
 ueterem inimicum, qui Grimano compedes iniiceret,
 captumq; ad dicendam causam Venetias cōtinuò de-
 uehi iuberet. Quo nuncio Grimanus uti insons, &
 egregiè animo constans, Senatui omnino parendum
 existimans, non expectato successore compedes sibi
 ultrò iniecit, & peculiari myoparone Venetias deue-
 ctus est, patribus sese compeditum, & iudicij poenam
 subire paratum ostendens. Nunquam antea Venetijs
 frequentibus atq; celebrius ullius rei spectaculum fuit.

quum

quē eo habitu senex Imperator, & nihil tale ex æquo
meritus, à rerum capitaliū ministris in carcerem du-
ceretur, & plerisq; manarent lachrymæ ex memo-
ria antea actæ uitæ, fortunæq; atq; eo etiam uberius,
quod filius in ipsa purpura Cardinalis, mœsissimi pa-
tris compedum pōdera, dum scalas ascenderet, sacra-
tis manibus sustineret. Eum postea duro in carcere diu
custoditū, atq; acerbissimè à Nicolao Michaelē accu-
satore exagitātū, optimi quig, ciues indoluerūt, eius
uerò iudiciij causa non in rogatorum, ut aiūt, Senato-
rum modò, sed in publico ciuium consilio actitata est,
eo euētū ut incomparabili gratia, tum sua tum Sena-
tus omnib. propē suffragijs absolueretur; ad minuen-
dam tamen inuidiam, quod eo bello Venetus nō Nau-
pactum modò, sed Pylum, Chrissæum, Coronē, & ip-
sam à Baiazete expugnatam Methonem amisisset, in
Ossarū alteram Absyrtidum insulā relegaretur. Sed
pertæsus danatæ Insulæ nomē, Romam migravit, ut
cū Senatore filio, maiora præsidia turbatis rebus suis
pararet, & Patriæ cōmodis integra fide consulendo
propēssimè studeret. Vixit in luce populi Romani ca-
rus Pontifici, & à cūctis ordinibus crebrò salutatus,
quē luculentissimā nullam sub Quirinali ædificasset.
Tādem Venetys extincta inuidia, patrū iudicio reno-
satus est, integritatis atq; uirtutis ergò. Hæc enim uer-
ba fuere publici decreti, quod nusqua præclarā iussū
officij pietatē ulla in re erga patriæ decus intermisiss-
set. In id decretū mille trecēti & sexaginta quinq; pa-
tritij in suffragiū ierūt, nec aduersa supra centū tulit.

Quo exemplo uideri potuit ueræ uirtutis nomen insolentis Fortuna fluctibus iactari quidem, sed nunquā mergi atq; opprimi posse; sic ut iam ciuitas uniuersa constanti iudicio ei principem locum (uti euenit) studiosissimè destinaret, summoq; plausu tāquam postliminio redditus complecteretur; eoq; maiore Grimani cum laude, quod Nicolao accusatori, omnis eius acerbitalis oblitus, capitalem iniuriā remississet. Secundo loco creatus sancti Marci procurator splendidissimam atq; grauissimam legationem suscepit ad Franciscum Regem, cui summæ claritudinis adiuncti collegæ sunt Dominicus Triuisianus, Georgius Cornelius, & Andreas Gritius, qui senatus nomine ei uictoriam de Heluetijs partam prolixè gratularentur. Exinde magni semper Consiliarij nomen continuato honore usq; ad Lauredani Principis mortem promeruit, cui post longam cādidatorum contentionē successor Princeps creatus est, pridie nonas Iulias, eodē anno quo Leo Pontifex uita functus est. Fuit in Grimano habitus corporis gracilis, sed procera statura, uiuidum usq; ad extremam senectam ingenium, atq; oculi uiuaces. Fuit uir fragilitatis eximia per omnem ætatem indomitq; laboris atq; animi ad omnes Fortunæ casus firmissimè compositi. Vixit annos nonaginta, præfuit Rei publicæ tribus. Exornauit Prætorium luculento ædificio, cui nomen eius decreto publico est inscriptum, quod paucissimis contigit.

Ludouici

Ludouici Dominici Placentini.

Principis effigies hæc est reuerenda Grimani,
 Quem pater æterno superum dignatus honore
 Intrepidi monumentum animi superaddidit astris;
 Scilicet ante obitum superemq; funera, sese
 Instabilis diuæ spolijs fulgentibus ornans
 Inuictus potuit uarios eludere casus.
 Hic primum explorans fato Neptunia Regna
 Ceruleis sinibus iuueniles credidit annos,
 Ut uir postremo spectato Marte triumphos
 Ad patrium littus certos ex hoste reserret.
 Denique natura leges ac bella triumphans
 Sponte sua uinctumq; manu, se pectore firmo
 Præripit ad patres, uinctus ciuilia uicis
 Prælia, famamq; æterno iam terminat axe.

Sub effigie Francisci Ferdinandi Piscarij.



VNC quem spectas elata ceruice ga-
 leatum, & decora excepta uultu uulne-
 ra intrepidi & summæ sortis animi ar-
 gumeta præferentem, ille est Ferdinan-
 dus Daualus cognomēto Piscarius, qui ante meritum
 & acceptum militaris Imperij munus, ex ipsa tantum
 peditatus præfectura maiorum Ducum bello dux, ad-
 mirabiliumq; militiæ operum magister atque author
 incomparabiles uictorias Carolo Casari parauit; non
 obscuro quidem cum pudore ueterum huius seculi Du-
 cum, quum iuuenis uix dum integræ ætatis, eos omnes

expediti consilij grauitate; & quosque manu prom-
ptissimos singulorum ordinum praefectos, in obeūdis
periculis, praclaro impauidi animi ausu, æquē mirus
& felix superare didicisset. Neque propterea fas esse
putauerim eius usq; adeo praestantis atq; inuicti uiri
immensum decus, breui angustae tabellae elogio circū-
scribi, si uim potius atq; ipsum pondus inclytæ uirtu-
tis, quam inanes honoris titulos, qui saepe libidine Re-
gum obueniunt, aestimare uelimus, quādoquidem glo-
ria rerum gestarū latē propagata, modicis recte scri-
bentium terminis includi nequeat. Quāquam ego
præcipuus (dū ille uiueret, & bello plenus laude uer-
saretur) Piscarij sedulus admirator, peculiari uolumi-
ne edito, nomen eius praesenti & uenturae famae com-
mendarim; nunc uerò liquidissimè constet ex eius uiri
recordatione collationeq; , satis multos militiæ Du-
ces eminentibus titulis claros conspici, quum rari ap-
pareāt qui parem susceptis honoribus, non absolute
quidem uirtutis, quæ hodie Imperatorum nemini fe-
re contigit; sed nec mediocrem, sine alicuius insignis
macula probro operam praestare uideatur.

Incerti authoris.

Quid sceptra ad tumultū, uincti quid compede Reges?
Quidue tot inuicta signa relata manu?
Quid galeæ, quid scuta nitent, quid gesta, quid enses?
Quid uiret æternis laurus opaca comis?
Num Mars, nū Daualus tumulo iacet? hic situs hic est
Heu Daualus, quin Mars cum Daualo ipse iacet.

Sub

Sub effigie Ioannis Bentiuoli Bononiensium Tyranni.



Ae tres quæ una ferè in tabula sibi co-
 hærent imagines, trium seculo nostro
 præpotentium potius quàm illustrium
 Principum figuras ad ueram simili-
 tudinem exprimunt, Ioannem scilicet Bentiuolum,
 Pandulphum Petruccium, & Petrum Soderinum, o-
 ris quidem ductu, cultu togati amictus, & conditio-
 ne ingenij dispares; sed qui finibus ditionum, & con-
 siliorum sensibus inter se coniunctissimi, eadem pro-
 pè dominatus Fortunam tulerint, quum quisque eo-
 rum sua in patria pari consilio, sed diuersissimis ar-
 tibus nominis dignitatem tueri niteretur. Bentiuo-
 lus Bononiæ primum locum maiorum suorum, quæ
 nobilitatis erant Principes, uirtute partum, ita ade-
 ptus fuerat, ut Tyranno quàm Principi ciuitatis pro-
 prior haberetur. Huius auum eiusdem nominis sedi-
 tiosus atq; ferocius suas tuentè partes Eugenius Por-
 tisfex capite damnatum sustulerat: patrè uerò Anniba-
 lè Canetuli factiosæ familiæ ciues coniuratione facta
 usque ad eò crudeliter & temerè trucidarunt, ut in ip-
 so cædis uestigio admissi facinoris poenas darent. Ex
 hoc Annibale Ioannem puerum Sanctius qui se in Ben-
 tiuolam familiam adoptarat, educandū, magnoq; ciuitatis
 studio paterne auitæq; amplitudinis in ciuitatem
 Principem instituendum suscepit, acciditq; ut San-
 ctius per aliquot annos prudentissimè administrat

Republica, & ciuibus alumno conciliatis, uita exce-
 deret, eiq; Genebram uxorem ad futuras nuptias re-
 linqueret. Hec erat Sfortiani sanguinis Constatio Pi-
 saurese Principe genita, uirilis animi mulier, & usq;
 adeo imperij auida, ut maritum mitem natura potius
 quàm ulla in re uiolentum, ad cedes damnationesq;
 emulatum ciuium edendas impelleret, & ad clauum
 totius cōslij superba & insolēs sederet, & tum præ-
 sertim detecta Malueticorum cōspiratione in ipsos a-
 trocissimè scuiendum esse censuisset. Punitis & eue-
 sis per hunc modum Malueticis, integra ciuitatis pos-
 sessio, summaq; non obscuri dominatus potestas, Ben-
 tiuolo cessit. Creuerat is numerosa liberorum sobole,
 uarijsq; connubijs opportunas propinquitates para-
 uerat, acceptis nuribus ex splendidissimis Italia fami-
 lijs, & filiabus ditissimo cuique Regulo nuptui datis,
 sic ut exaggeratus undique, & uere usq; ad posterita-
 tem confirmatus dominatus esse uideretur. Aedifica-
 rat insuper magno sumptu luculentissimæ structurae
 turritam domum instar arcis, quæ pulchritudine &
 laxitate Cosmianam Florētiae, & Feltrianam Urbini
 quāquam lateritia superare uidebatur. Ad hæc libe-
 ri eius, patris magnificentia atq; opibus inuitati sin-
 gulas & ipsi minores domos extruxerant, quas ciuiū
 copijs in sua horrea, suumq; penum impudenter tra-
 ductis, replere, & uarijs ornamentis instruere erant
 soliti. Incidit autem in id tempus Cæsaris Borgiæ im-
 mensa cupiditas augendæ potentie, suspecta Bentiuo-
 lis, quod is ad urbem usque castra promouisset. Cuius
 aduentus

aduentus Marefcotti è prima nobilitate ciues, autho-
res & rei facti ab Hermete filiorum fupra omnes fan-
guinario iugulati funt. Ea cædes vniuerfam ciuitatē
cōterrui: patrata fiquidem fuerat in prætorio apud
Magiftratus, nemoq; propinquorū hifcere audebat
quòd tot liberi multoq; famulatu, multisq; ficarijs cir-
cumfepi, minaces foro mambularent; nec iam dubia
& atrox tyrannis mucta cerneretur. Succederat A-
lexandro pontifici Iulius Secundus Bentiuolo ex ue-
tere fimultate infenfus. Is opulētiffimæ ciuitatis, cui i-
pfe in minori fortuna præfuiffet, conditionem mife-
rat, bellum inferre, totq; tyrannos omnino tollere cō-
fuit: profectusq; Roma, & auctus Gallorū auxilijs,
ad urbem Bononiam cafta promouit. Eo autem suc-
ceffu bellum eft confectū, ut tyrannis qui cafta Gal-
lorum, auerfis eo corriuatisq; fluminibus inundarat,
& propè opprefferat, animum deffpondens, infensq;
populi tumultum ueritus, ea conditione urbe excede-
ret, ut præfidio Gallico quod pecunia coemerat, tu-
tus cū uxore egrederetur, exulatumq; ad Buxetū Par-
menfis agri appidum Pallauicimorum hofpitio fufce-
ptus abiret. Nec multo pōft Bentiuolus quum in af-
dua reditus cogitatione uerfaretur, Genebram ux-
orem amiffit repētino dolore exanimatam, quòd ei im-
prouifus nuncijs fuperueniffet, quo audierat liberos
fuos tumultuarijs collectis copijs rediū ad patriā in-
tempeftiue præparantes, Hippolyti cardinalis Atefti-
ni, & Ludouici Mirādulani fuperuentu, qui Pōtifici
fauerent, fufos in itinere, & foedè profligatos fuiiffe,

qua iniuria exacerbatus Iulius, Bentiuolorum clien-
tes, uel tum captos, uel inde conquisitos, damnatosq;
laqueo suspendi iussisset, & tyranni domum uel Bo-
tonie totiusq; Italiae ornamento à conditore destina-
tam plenus ignobili ob idq; pudenda iracundia, excin-
dendam furenti populo obiecerit. Nec diu post ipse
tyrannus senex, desperata Gallorum ops, quū in eam
spem elusus, ueteres thesauros exhausisset, sacris in-
terdictus, & planè miser interiit, quum amplius tri-
ginta annos dominatum exercuisset, uixisset annos su-
pra septuaginta, dignus hercle eo patriæ dominatu,
nisi ingenium eius impotentes liberi, auaritia, libidi-
ne, & crudeli fastu cuncta perturbâtes, ad exitialem
insolentiam propulissent.

Antonij Francisci Rainerij.

Bentiuole, illa olim uestra ingens gloria, summis
Nixa opibus, patriæ titulis & fascibus auctis
Vndatum imperio populorum, & prole uirenti,
Marmoreaq; domo, & regali diuite luxu,
Quod rapida reuoluta manu, ceu turbine torto
Corruerit, sonitu per inania nubila facto
Ne mirere, animo inuictæ & præstantibus ausis,
Elysijs ne ue hæc te cura laceßat in aruis.
Scis tu etenim, scis tu subiti quàm plena pericli
Fortune alea sit, uolucris uertigine quantum
Heraumq; hominumq; trahat, quàmq; ardua pulses.
Vel iuga, uel tumidas eadem superintonet undas,
Exactos quum tu Reges, domitosq; tyrannos

Enume-

Enumeras, perfracta arma euersosq; triumphos
Troiu genum, & Danaum, et Parthorum, & sceptræ
Quiritum.

Te tamen indignantem animo, & fera fata gementē
Hoc solare, humili quod non tua pondere pressa est
Gloria, sed summi concussa est numinis ira
Roboribus Iouis in terris, & fulmine terno;
Scilicet à magno quaterentur ut ardua Iulo
Primorum capita, & neutri foret aucta potestas,
Quo Latium, & tota plaudit Iulo Ausonis ora,
Barbara sanguineas horrescunt pectora elades,
Famaq; perpureis liquidum secat Itala pennis.

Sub effigie Pandulphi Petruccij
Senensium Tyranni.



QVANTVM Bentiuolus ad principis
nomen magnificentia operum, & filio
rum fastu accessisse uideri potuit, tantū
Pandulphus Petruccius apud Senenses
ē ciuili ordine se extulisse existimatus est: sed qui esset
occultior, neq; tamen animo melior, quippe qui nū-
quam uestem Senensibus consuetam (id erat pallium
atri coloris) mutarit, nisi solennibus Ludis, nunquam
modesti frugiq; ciuis in cōuitu disciplinam ullo epu-
larum luxu corruerit, edificarit modicē, et cōmodē
quidē potius quā sumptuosē aut elegāter, humanita-
tis porro & temperantiæ laude humiliores ciues in
tota uita superarit, nec externa connubia, ambitiosē,
sed paria fortunis atq; nobilitate, ad auertēdam in-

uidiam quæsierit. Quæ omnia ex aduerso in Bentiuo
lo usq; adeo modū exceßerant, ut eudenda etiam mo-
neta munus impetraret à Cesare, non obscure in-
contumeliam pontificij imperij, sic ut in aureo numis-
mate ipsius tyranni comata effigies cum serrato scu-
to complectente id Caesaris Aquila, spectaretur. At Pā-
dulphus nihil unquam usurpabat quod apud ciues in-
uidiam cōflaret, ut qui modico comitatu, multoq; dis-
simulationis artificio gratiam atq; potētiam sensim
parandam arbitraretur, ingentiq; astu, et occultiore
solertia sibi agendū esse statueret in ciuitate, quæ qua-
drifariam diuisa insanis factionibus seruiebat: quibus
ciuitatis status commutari conuelliq; posse, ut sæpius
antea accidisset, manifestè prospiceret, si diuersa ci-
uiū studia negligerentur. Pacem enim auctoritatem
alternantib. partium studijs in Republica obtinebant
quatuor honestissimarum familiarū ordines, quorum
summus erat uetustæ nobilitatis, isq; propterea No-
bilitium uocabatur. Secundus pari prope dignitate po-
pularium. Tertius ex utroq; ordine commissis fami-
lijs constitutus, Nonarius appellabatur, quod is ordo
à nouè delectis ciuib. qui æquissimi uiderentur, an-
tea fuisset erectus. Huius ordinis aliquot erant Patri-
tiorum familiæ, inter quas eminebat Petruccia, cuius
facile princeps habebatur ipse Pandulphus, Iacobo
maiore fratre qui exceßerat è uita sibi locum relin-
quente. Nonario autē ordini succedebat ultimus, qui
Reformatorum appellatus est, quod hi tanquam ex-
actæ prudentia ciues, malè consentientis ciuitatis uitia

emen-

emendare formareq; in melius Rempublicam superio-
 re tempore uoluisent. Caterum Pandulphus & ab
 his aliorumq; orationum conspiratione cum Nonarijs
 urbe pulsus aliquādiu in exilio sic uixit, ut nihil uiri
 lis consilij efficacisq; industria remittens, nō diu post
 in patriam uictor rediret: coactis scilicet in unum nō
 amplius quā trecentis suæ factionis hominib. urbem
 noctu scalis adortus transscensis illico mœnibus, refra-
 ctāq; demū porta. urbe & curia potiretur, & aduer-
 sarios urbe expelleret, eo euentu ut qui modo extor-
 res fuerant, eiectionis aduersarijs Rempublicam admini-
 strarent, & cuncti ciues in omni Senatoria delibera-
 tione Pandulpho obseruatis eius nutibus atq; suffra-
 gijs assentirentur: ipseq; unus in toto suo ordine au-
 thoritate atq; opibus potens, plebūq; etiā studio sub-
 nixus emineret. Hanc eius potentiam agrè ferebat
 Nicolaus Borghesius inter ciues maximè honoratus,
 quanquam filiam Pandulpho collocasset. Verū tan-
 ta erat Borghesij ambitio, eaq; liuidi animi acerbitas
 ut facilè cognationis obliuisceretur, & generi autho-
 ritatem conuellendā arbitraretur, & quod aliter ma-
 turè fieri non posse uideretur, consilium eius quoquo
 modo tollendi susciperet. Sed insolentiā soceri, eiusq;
 diram obtreffationē, impotentis generi seuitia præ-
 occupauit. Borghesius nanq; quum iret in forum, trui-
 cidatus est. Huius cæde conterritis ciuibz, summa po-
 tetia Petruccijs, Pandulphoq; in primis adstructa est.
 Ab hoc patrato scelere, damnatoq; apud ciues, Pan-
 dulphus offensus infamia, usq; adeo religiose in poste

rum à sanguine ciuium temperauit, ut quum aliquan-
 to post in ipsius cede Bellantios, auctore principemq;
 numerose eius familie Leonardo, deprehendisset,
 quos iure optimo occidere poterat, sincera fide obla-
 ta clemētia cōseruaret. Exinde mira calliditate apud
 Decuriones egit, ut triumuiralis in Repub. Magistra-
 tus crearetur: cuius muneris esset Reipub. curam su-
 scipere, pretoriaq; præsertim cohortis, quæ in foro
 apud curiam stationem habebat, iura stipendiorū tue-
 ri. Id uerò facile impetratū est, resq; ita cecit ut ipse
 unus è tribus crearetur, duobusq; mox collegis altero
 magnis muneribus corrupto, altero autem quod esset
 ingenij pinguioris facile contēpto, solus ea magistra-
 tus munia obiret, militares animos, indulgendo, uber-
 rimeq; stipendia persoluendo sibi cōciliaret. Noui de-
 mum cōsiliij rem difficilem, & specie parum equam,
 sed omnibus propè ciuium ordinibus utilissimam ag-
 gressus perfecit. Abscindere enim opulentiorib. Senen-
 sis imperij oppidis certas agrorū partes, atq; eas per
 familias certis portionibus diuidere et adiudicare cō-
 stituit: quo munere insigniq; beneficio cunctæ uel ad-
 uersorum ordinum familie sibi astringerentur. Eam
 legem à Pandulpho, suam latamq;, Decuriones atq;
 amplior Senatus facile promulgarunt, frustra recla-
 mantibus oppidanis, qui iniquè eripi sibi sua alimen-
 ta querebantur, letis ex aduerso promiscuè ciuibus,
 qui ex aliena iniuria extra ordinum inuidiā augeri
 suas opes uiderēt, cuius decreti munificentia ad unius
 Pandulphi gratiam atq; potentiam amplificandam
 sine

sine controuersia rediret. Eo facto Pandulphus opes suas confirmauit, et ciuium amicorū adauxit, & prope totam reliquorum ordinum emulationem ita extinxit, ut ordo Nonarius supra ceteros summum auctoritatis & gratiæ locū teneret. Hec erant optimè prouisa parataq; aduersus uim intestinā: sed quæ externa aduerterent arma, ciuitati ualida deerant praesidia, ut cum accidit, quū Caesar Borgia ad perturbandam Italiam natus ad Pientiā usq; urbem copias promouit, eo animo, ut Pandulphum Senis extruderet, atq; ea urbe, uti erat immodicus, potiretur. Agnouit Pandulphus ambitiosi crudelisq; uiri insidias, generosoq; consilio effugere eam tempestatem, & Senenses ciues periculo liberare constituit: concionatusq; apud ciues nihil sibi incolumi patria esse carius ostendit, propterea se cessurum malignitati atq; audaciæ exerceri seuissimiq; tyranni, ut maturè demum rediret. Atq; ita interdum mercentibus plerisq; atq; lugentibus, cum honesto potius quàm ualido comitatu urbe excessit, commentaria ciuibz relinquens, quibus ad confirmandam tuendamq; patriam summæ prudentiæ præcepta præscripserat. Huius facti mira celebritate deterisit non modò inuidiam, sed ampliorem etiā gratiam apud cunctos ordines adeptus est. Neq; cum fellit opinio. Decedente siquidem Senesi agro Borgia decreto publico ad tutelam patriæ, qui sponte se fecerat exulē, rauocatus est. Eo Borgia periculoso aduentu admonitus communiendum se nouis amicitijs atq; foederibz existimauit, in primisq; conciliandos sibi Flo

retinos ratus, prorogari sibi ueteres inducias quæ iā
 tum planè effluerāt, postulauit, Petro Soderino qui
 tum præerat Reipublicæ ea conditione longiores cō-
 cedente, ut Montis Politiani oppidum de quo ex anti-
 qua cōtrouersia nimis fuerat decertatū, possessumq̃,
 tum à Senēsibus, Florentinis in præmium admissæ so-
 cietatis concederetur, quæ transactio Senenses ciues
 amariore fecit, et Pandulphi gratiam in uniuersum
 uehementer imminuit, quod ut priuatis rebus consule-
 ret, publicis singulare detrimentū detulisset. Nec mul-
 to post aduersus eum excitata est eadem Borgiæ ra-
 bies ex aduentu Gallorum, qui Neapolim armis repe-
 tebant, concitantibusq̃; nonnullis, eò res deducta est,
 ut Pandulphus procellam in se immanū armorum
 effundi cernens ad pristinum deferendæ urbis consi-
 lium rediret. Tumq̃; erat in itinere quū exoptatus de
 morte Alexandri pontificis nuncius ei superuenit: libe-
 ratusq̃; periculo ad consueta administrandæ Reipub-
 lica reuersus est. Pio autem tertio Senēsi in demor-
 tui locum successō non magnopere letatus est, quod il-
 le esset diuersi ordinis, et tanquā uerè pius in libera
 patria unū præ cæteris ciuem dominari indignè pa-
 teretur. Ceterum immatura Pij mors intra paucissi-
 mos dies erepti, Pandulphum eo metu ita liberauit, ut
 sibi gaudio esset Iulius Secūdus Ligur ei successus, cu-
 ius gratiam certis officijs atq̃; muneribus facillè pro-
 meruit, studiūq̃; sui eum tulit fructum, ut Alfonsus eius
 filius, coempto non dubie purpure honore in Senatū
 legeretur. Destinabat enim sibi Dominatus successorē

Bor-

Borghesium à filiis natu maximū, cumq; fraternis sacris opibus fauoreq; Pontificio confirmandum iudicabat. Sed ea consilia superi multis de causis improbarunt. Nam ipse non multo post, angustia pectoris laborans, quum ad Philippeas aquas isset, apud sancti Cyriaci oppidum fato concepit, climacterico ætatis anno. Liberi uerò eius in se ipsos insana arma conuercentes à Leone eo euentu Senis sunt depulsi, ut Borghesius atra uexatus bile miser interiret: Alфонsus uerò Cardinalis temerè inita in Leonis perniciem coniuratione in mole Hadriani, non purpuratorum modò, sed insimorum etiam hominum miserrimus à carnifice strangularetur.

Iouij Iunioris.

Occulti ne iuuere tibi sub pectore sensus
Petrucci, tacitæ ne artes, secretaq; rerum
Consilia, atq; astus ueteris prudentia solers?
An contexta dolis mendax tibi credita uirtus:
Atq; humeris pullata diu circumdata uestis,
Nullaq; celsa domus, comitum tibi nulla caterua?
Dum tu dissimulans pro libertate tuorum,
Artibus his blandis incautam decipis urbem;
Et patrias leges renouans, soceroq; preëmpto
Arripis Imperium, atq; in te iura omnia transfers.
Laude equidem dignum facinus, si numine dextro
Di foueant; aut sors non auersata secundet.
Sed qui te casus, quæ te Fortuna sequatur
Aspice; bis exul nunquam tranquilla uidisti

Tempora turbata par mille pericula uitæ.
 Adde quod & nati, quibus impia Regna parasti,
 Conuulsi inter se sedē, pars casa securi,
 Haud uixere diu regnandi heu dira libido;
 Discite mortales contenti uiuere paruo.

Sub effigie Petri Soderini Floren-
 tinorum Vexilliferi.

DIVERSISSIMA ratione, honestio-
 req; titulo Petus Soderinus apud Florē-
 tiam Reipublicæ præfuit, prudentiæ &
 moderationis commendatione ad Vexil-
 liferatum prouectus, qui honos nequaquam uti a-
 liis bimestris, sed perpetuus esset ad imaginē Roma-
 næ Dictaturæ. Nam sicuti Decuriones supremæ pote-
 statis qui bimēbres erāt, breui spatio magistratus uim
 inueterata cōsuetudine finiebant, nec suspectæ pote-
 statis esse poterāt: ita vexillifero qui eis præesse sole-
 ret, aliquanto angustiora quā flagitarent grauissi-
 marum rerum consilia, terminandis sententijs spatia
 obueniebant. Propterea expedire Reipublicæ reban-
 tur, ut unus perpetua authoritate ad clauum sederet,
 superiorumq; consiliorum atq; actionū gnarus, cer-
 tum perennis nec interitæ prudentiæ præsidium, to-
 ties mutatis Decurionibus afferret, dignitateq; augu-
 stior populo uideretur; in hoc imitati Venetos qui Se-
 natus ducem creant, cuius potestatem admirabili spe-
 cie amplissimā, sed nihil plus ceteris quā altero sus-
 fragio ualentem, certisq; legibus ideo circumscribūt,
 hic ad

ne ad Tyrannidem aspirare queat, personam tamen Principis ad Veneti Imperij dignitatem decoris insignibus tueatur. Soderinus hoc honore illustris factus in Curiam cum familia uxorem traduxit, ut in omni negotio assiduus Ostouiris supremæ potestatis adesset, sensim per hunc modum popularis effectus est, nouis hominibus in Senatū accersitis, quum antea Patrii in uniuersum, honoratisq; ciuibus patuisset. Fauti autem ei præsertim ciuium ordini qui Sauonarolæ dånati crematiq; in foro, memoriam pertinacissimè celeret, et Medicei nominis studia semper odissent, quãquam ipse omnis expertus odij, nequaquam se factiosum ostenderet, et tãquam æquisimus libertatis defensor in nullam inclinaret partem, eoq; populari inuecto statu patriam diu tranquillam, opibusq; florentem futuram arbitraretur, ac optimi inde præsidis et patriæ parentis laudem, quæ nemini post Cosmum contigisset, multorum iudicio promereri crederetur. Sed non mediocriter offenderat Patritiorum animos studiosorumq; Mediceæ factionis, à quibus mirifico studio erat subleuatus, quod ingratis oblitus beneficij, secus ac antea promiserat, eos propè in ordinem redegisset, nec uigete popularium factione illos eminentiore ullo honore dignos arbitraretur; quo neglectu ex perpetua popularitate eos sibi non obscure inimicos pararat, quorum postea Saluiatis Principibus, ipsoq; præsertim Iacobo uarijs artificijs et machinationibus ipsius authoritas cõuulsa sit, et ipse tandem Dictatura honore spoliatus, dominatu et patria eiectus in exi-

lium abierit. Sed tum existimatio ei erat incolumis et
 florēs, quod eius auspicijs perdomite receptaq; Pisæ
 fuerāt, post sextumdecimū continuati serē belli an-
 num, quo haud dubiē Florētini nunquam remissa spe
 uictoriæ, nunquam remissis sumptibus atq; laborib.
 uel sæpius repulsi, Pisanorum constantiam aspererrimis
 diuturni belli periculis efferatam & indomitam supe-
 rassent. Adiecerat etiam Florentino Imperio Montis
 Politiani oppidum certa induciarū pactione ultro à
 Senēsibus cōcessam. Curarat quoq; diligentissimē rem-
 frumentariam, leto semper atq; exultante populo ad
 ubertatis & copię nomē. Verum quā medias ciuium
 classes foueret, hisq; aditum ad Rēpublicam præbe-
 ret, angebātur Patricij, utpote qui offenderentur nu-
 mero nouorum imperitorumq; sæpe hominum, qui
 Reipublicæ munia nobilioribus debita insolenter u-
 surparent, curiamq; indigna urbis fece repleuissent;
 ipsi uerò neglecti, sæpeq; superantibus ignobiliū suf-
 fragijs, reiecti, honorū repulsas ferrent, frustra q; po-
 pularis status inclemētiam damarent. Sed Soderino
 semper integra mansit autoritas populari studio, &
 sua insigni uirtute cōfirmata, donec enatū est bellum
 quo nullum Italiæ perniciosius fuit, quo eiusdē digni-
 tas cōtinenti ueluti ruina in præceps traheretur; ini-
 tio ad Concilij nomen exorto. Id enim uictor undiq;
 Ludouicus Gallorum Rex indicēdum celebrādumq;
 susceperat, ut Iulius Pontifex ex publica censura tan-
 quam indignus sacrosancta potestate, gradu pellere-
 tur. Is enim impotentia Gallorum timens arma, atq;

idcirco

idcirco seruituræ mox Italiæ cauendum existimans, & conspiratium Regum scedere discesserat. Quãobrem diuinis atq; humanis rebus scedè perturbatis, Rex Gallus à Soderino magnoperè fauente Senatuq; Florentino impetrauit, ut urbs Pise tãquam celebrãdo cõcilio opportuna concederetur. Ea res Patritios excitauit qui cõtradicerent, atq; exclamarent propediem Pisas in potestate Gallorum futuras, qui iam frequentes aduenissent Lotrechio duce; quorũ aduentu Pisani ad repetendam libertatem parati, atq; de industria inuitati uideretur. Ea res non temerè credita eum tulit exitũ, ut Cardinales, ceteriq; Sacerdotes qui Pisis conuenerant, cum Lotrechio præsidij præfecto urbe pellerentur, Mediolanũq; profugerent. Eius Concilij Pisis constituendi oborta inuidia, Soderinum non sponte, sed impulsu Cardinalis fratris authorem inuisum ciuibus, atq; odiosum irato Pontifici fecit, usq; ad sedem ut uir ille natura contumeliæ insolens, & implacabilis, eum Dictatura deijciendum, Medicosq; in Patriam reducendos decerneret. Medicei nanq; in eam excubantes occasionem Raimundum Cardoniũ à Rhaennatis prælij detrimẽto Hispanicis reparantes copias, adiuvante Pontifice sibi cõiunxerant, expugnatoq; Prato oppido prius quàm Florentiæ præsidia parari possent, à beneuolis propinquis, patritioq; ordine in urbem recepti, superioris Fortune Principatu potiti sunt. Soderinus ipse mira insontis animi tranquillitate, quòd nemini nocuisset, & custoditos in Curia tãquã suspectos ciues numero supra uiginti, sup-

plicio affici uetuiſſet, extra omnem contumeliam de-
tractus ſolio, & ad Pauli Victorij domũ deductus eſt.
indeq; egreſſus urbem in Vmbriam, Picennũq; proſe-
ctus, nõ multo poſt ab Ancona Epidaurum, quod Ra-
guſium uocant, ut tranquille ibi degeret, traiecit. Me-
dicei uerò ad arbitrium Rempubicam cõſtituerunt,
nec quenquam ex antiquis inimicis poena dignũ cen-
ſuerunt, quartoq; menſe recepta patria Ioannes Me-
dices Cardinalis, qui ad Rhauennã captus è Gallorũ
manibus effugerat, Põtifex eſt renunciatus. Is genero-
ſo animo Soderinum humaniſſimis literis euocadũ
complectendũq; ſibi, & augendũ honoribus ac-
ceſſiuit. Ea uerò oris tranquillitate dignitateq; Sode-
rinus Urbem ingreſſus Põtificẽ inuiſit, ut cunctis ef-
ſet uenerabilis, adẽntibusq; & dextrã appetentibus
amabilis, & perhumanus. Libenter enim rerum ſua-
rum actiones enarrabat, mihiq; præſertim ſyncerẽ et
diſertẽ tãquam annales perſcribenti. Cupiebat ſiqui-
dem ea cũ integritate laudis poſteris tradi, qua Rem-
publicam Florentiæ per decem annos adminiſtraſſet,
ſic ut Rõmæ non ſecus ac Florentiæ Vexillifer ab om-
nibus appellaretur. Repudiauit autem omnes hono-
res quos propenſiſſima uoluntate Leo Pontifex offer-
ret, tanquam eo quod geſſerat minores. Vixit in ſum-
ma tranquillitate mentis, cum grauiſſimis uirtutibus
cõfirmatus, tũ ſua conſcientia præclare beatus, quan-
quam amiſi dominatus caſum duorum fratrum cul-
pa ſibi importatũ, ſine ullo doloris faſtigio ſateretur.
Alter enim Cardinalis ambitioſe corruptius ſpe cõſe-
quendi

quendi Pōtificatus, Pisas Gallis obtulerant, ratus fore, ut quum neq; in Pontificem neq; in Gallos uehemens studium ostenderet, tanquam medius post neutram partium offensam, Iulio Concilij uoce damnato subrogaretur. Alter nomine Victorius Mantuā legatus missus, ubi fœderati Gallorū hostes conuenerant, quum non multa pecunia cum Cardonio transigere posset, ut Hispani auerterentur, uti natura parcus, atque ineptē frugi, et pecuniæ tenax adduci nō potuit ut pecuniā representaret, atq; ita magno fratris incommodo fœdere excluderetur. Natus annos sexaginta duos in urbe regnāte Hadriano febre sublatus est. Ei exequias fecerunt iustis collatis honoribus Florentinorum collegia. Propinqui autem eius marmoreo sepulchro aliquanto post honestarunt.

Iulij Feroldi.

Effigiem hic hospes Soderini conspice, cuius

Est nomen astro clarius.

Hic est qui Patriæ labentem restituit rem,

Bene consulendo ciuibus.

Idem urbi pacem peperit, populoq; uolente

Princeps fuit Florentiæ.

Ac tunc illa quidem hoc saluo, clauumq; regentē

Vixit beata ciuitas:

At caro capite hoc eiecto, protinus una

Et concidit Respublica.

Ergo animam illustrem æternum saluere iubeto,

Qua Patriæ stetit salus.

Sub effigie Elisabellæ Aragoniæ.



VNC pallidi oris, & atrati cultus habi-
um ferebat Elisabella Aragonia Ioan-
ne Galeacio Sforzia coniuge orbata.
Hæc enim una inter uiros celeres ideo
pacem meretur, quod contra sexus imbecillitatē aspe-
ris in rebus uirilem animum præferens, arsuræ bello
Italiæ primas faces intulerit, quo famoso uereq; fune-
sto facinore, cum diuinarum simul ac humanarū rerū
perturbatione amissa ferè libertate perijimus, frustra
Aragonij, Sforzianiq; nominis memoriā exercētes.
Fuit hæc generosi & planè uirilis animi mulier, uti
Regia stirpe progenitā decebat, digna prorsus elogio
ualde luculento, si in ea animum maximarum calami-
tatum concursu inusitataq; mentis fortitudine nun-
quam superatum, non sine admiratione reputemus.
Quandoquidem feralis eius Tragœdiæ initium dede-
rit, quo opulētissima Aragoniæ & Sforzianæ domus
imperia conciderunt: Ludouici namq; Sforziæ circū-
uenti insidijs, ac indignè spoliata Regni possessione,
quum à propinquis opem imploraret, & Galli in Ita-
liam ingruissent, florentis ætatis coniuge Ioanne Ga-
leacio orbata est, eo quidem luctuosius atq; miserius,
quod is ueneficō sublatus crederetur. Exinde quoq;
nunquam siccatis lachrymis, Ferdinādum auum non
dubio merore eneclum, Alphonsumq; patrem eieclum
Regno, & in Sicilia deformi habitu exulantē, fratrem-
q; obiter Ferdinādū in limine recepti fortiter Regni

immiti

immiti fato ereptos reges cōtinenter luxit, nusquam
sibi ad exiguum calamitatis solatiū arridente Fortu-
na, nisi quum Ludouici Sforzie hostis sui calamitoso
uita exitu letaretur. Quando ille à suis militib. pro-
ditus, perductusq; in Gallia, tetro in carcere moritu-
rus, exitiosi ambitus et scelerū poenas daret. Verū
in hoc luctu egrē uitales trahētem spiritus nouo ictu
Fortuna perculit, quum Federicum regem patrum
seua externorum regum coniuratione regno exutū,
et in Gallia singulos miseriæ suæ casus frustra de-
plorantem fatoq; functum audisset. Tum enim clarissima
eius domus ingentis ruina mole cōuulsa atq; oppres-
sa, à stirpe penitus interijt, accumulato etiam dolore,
quod sub id tempus Franciscus filius qui in eadem ta-
bula cum matre pictus conspicitur, in uenatione cur-
rentis equi lapsu in Heduis exanimatus esse nunciare
tur. Hunc enim uel inuita deposcentibus Gallis tradi-
derat, à quibus cucullati sacerdotis habitu in opulen-
ti sacerdotij cœnobii idcirco cōiectus fuerat, ne Sfor-
ziani regni legitimæ prolis heres superesset. Nec his
tantis funeribus egregiē constans et infractus fœmi-
næ animus cecidit, recepitq; sese in Bariū dotale oppi-
dum, ubi Regij splēdoris disciplinam ita exercuit, ut
eius nomen cum gentilitiæ munificentia, tum Christia-
næ benignitatis præclaram laudem, et in Italia, et
Prouincijs ferret. Qua illustri fama ductus Sigismun-
dus rex Sarmatarum Bonam eius filiam in matrimo-
nium duxit, eam honoris causa deducente Prospero
Columna Romanorum Ducum longē clarissimo. Nu

ptie apud Cracouiam ingenti procerum concursu celebrata sunt, letis quidem auspicijs, postquam noua nupta seni iam planè regi Augustum hodie regnàtem pepererit, secundoq; partu edita sit puella auiti nominis, quæ Ioàn postea Pannonia regi nupsit, in spemq; paterni regni hunc edidit Stephanum puerum, qui hodie in Dacia uetere, qua Transyluania est, dominatur, educante Georgio Varadinensi Episcopo, uiro pace belloq; inter Hungaros faciliè principi; ipso scilicet Solymano Turcarum Imperatore cum ex paterna amicitia in clientelam fidemq; receptum egregiè ab omni suorum iniuria defendente. Verùm hæc orientem felicitatem Elisabetha ex perpetuo ferè infortunio degustare non potuit, quū morbo aquæ intercute obijisset. Eo hercle pietatis nomine patientius atq; tranquillius quòd paulò ante sacrosancta Romana templa ad expiandum religiosè animum inuississet, eam Leone Pontifice perbenignè & liberaliter excipiente, matronis etiam Romanis primæ clasis officij causa aduentibus. Id spectaculum longè omnium ornatissimum atq; pulcherrimū fuit, quum circumfusa undiq; iuuentute prodeuntes in nuptiali ueste, ut tū moris erat, supra aurum & purpuram margaritis & gemmis perpicta, longo pompæ ordine in Vaticanis pedibus perrexisset. Cæterum in hac eximia uirtutis foemina improbe plebis rumor, non mediocriter pudoris decus perstrinxit, ob id grauior quòd quum florente etate impenetrabilem pudiciam prætulisset, in ipso demum ætatis flexu Prosperum Columnam sibi

cul-

cultum et officium assidue tribuentem, sepeq; pro-
sacem ad urbaniores locos admitteret.

Antonij Vulpj.

Hæc quæ spectantum ora tenet suspensa, rapitq;
Sensus atq; animam, et propè spirat picta tabella
Docta animata manu, speciem infelicis Elise
Fortunamq; habitumq; refert, animosq; uiriles.
Aspice ut in vultu maiestas Regia auorum
Et patris, et patrui, fratrisq; reluceat, isto
Vultu, iura dabat populis quum sceptrâ teneret
Coniugis, et nati, insubriæ et tractaret habenas.
Hoc etiam insensis superis, aduersa suorum
Fata tulit, morientis aui quum lumina claudi
Vidit, et expulsam regno patruumq;, patremq;
Et fratrem ereptum, quum iam cœpisset auitis
Sedibus, et sceptro summa uirtute potiri.
Quid memorem regno spoliatum fraude maritum,
Sublatumq; dolis? aut cari funera nati?
Quis ualet hæc siccis oculis audire? Sed illa
Non lachrymis urfit cineres, non questibus; altum
Sed tulit, infracta et præsit uirtute dolorem.
Cernis ut affectus uiuos animata tabella
Exprimat in vultu? ut summo certamine pugnet
Cum uirtute dolor? sexus cum ingentibus ausis,
Atq; animis? pulsi ut cedent sexusq; dolorq;.
Fortuna insignes aliquot fortasse uetustas
Iactabit Regum matres, et Regibus ortas:
Sed quæ agitata diu per tot discrimina rerum.

Per uarios casus, rapi lis iactata periclis
 Aequo animo insense Fortunæ exceperit ictus
 Nulla erit, antiqua aut ueniens quam conserat et de
 Fortunæ, satis, animo, infelicitis Elise.

Sub effigie Ludouici Pannoniæ atque
 Bohemiæ Regis.

HOC obesi oris gestu, & Germanico
 potius quàm Hungarico cultu con-
 spicius erat Ludouicus Pannoniæ at-
 que Bohemiæ rex, Sarmatico atque
 Aquitanico sanguine genitus. Nam
 Vladislaus pater genere Polonus fuit, cui Candalia
 Vasconum nobilissima stirpe edita nupserat. Ferunt
 Ludouicum quum utero matris excluderetur, infor-
 mem propè, & sine certis oris lineamentis Vrfini foe-
 tus speciem prætulisse, creuisse tamen ad iusto maio-
 rem hominis staturā, ita ut patris inertiam & multū
 aruinæ succum emulaturus crederetur, nec eius mo-
 lis artus decenter uiuidus, et illustris spiritus regeret:
 quanquam à nutritijs diligenter excitaretur, qui eū
 literarum pariter atq; armorum disciplina exercen-
 dum contenderent. Meruit tamen mansueti & obse-
 quentis ingenij bonitate, quæ egregiè iustus & pius
 princeps euasurus uideri poterat, ut Mariæ Cæsaris
 sorori connubio iungeretur, cōciliante scilicet eas nu-
 ptias Maximiliano auo, qui Annam etiam Ludouici
 sororem corroborandæ cognationis causa Ferdinan-
 do ne-

do nepoti collocarat, in eadem celebritate Viënsis
conuentus, in quo tres summi septentrionalis plage
Reges, Caesar, Vladislaus, & Sigismūus insigni mul-
tarum gentium spectaculo coiussent. Ceterum Ludo-
uicus decēnio fere post eas nuptias perpetua sterilita-
te damnatas cum turbulentissimorū Procerum atro-
ci uexatione, & uiuo adhuc patre, & defuncto, quasi
precario regnauisset, in id bellum incidit, quo impo-
tentibus Turcarū armis oppressus cecidit. In peruer-
sa siquidem malignitate Procerum suorum iustis desti-
tutus uiribus, desertusq; à propinquis suis finitimis
Regibus, Mugacciana acie miserabili casu Regnū cō-
uita amisit. Carolus nanque Caesar, & Ferdinandus
frater, quibus cordi erāt Italici imperij opes, eius pe-
ricula tāto inuadente hoste neglexerāt. Sigismundū
porrō patruū Sarmatiæ Regem facile tū auerterant
Moscouitarum bella, & funestæ Podolijs Scytharum
incurSIONES, quibus urebatur Sarmaticus ager: &
Clemēs ipse Pōtifex domestico occupatus bello, uix
Germanorū legionem & Vssaronū equitum alam, &
sacra pecunia ad Pannonia præsidium conduxerat;
Hungariq; Proctres auaritiæ atq; rapinis assueti ob-
litiq; penitus Hunnicæ uirtutis et disciplinæ, pessimis
artib; tractātes arma inter se foedissimè dissentiebāt,
nec externa præsidia superbo contemptu & stulta ar-
rogantia admissuri uidebantur. Tanta siquidem ani-
morum uanitate atq; ferocia ad bellum ferebātur, ut
uel innumerabiles Turcarū copias facile despicerēt,
& se ipsos ad tuendum gentis decus conseruandāq;

patria salutem, si non iniqui praelij facultas daretur, satis fore iactarent. Horum autem Princeps erat Paulus Tomoreus Colocensis Archiepiscopus pietatis instructus, & uetere praelij more, cum Turcis non iusta quidem acie, sed minutis praelijs pugnare solitus. Is Proceres non temere timentes hostem, ignauiae increpitans & ad conferendas manus militum multitudinem sacris concionibus accendens, eò Ludouicum consilij inopem iuuenem, nec ullum uitae discrimen ueritum perduxit, ut aduentanti hosti castra obuiam promouenda decerneret. Imperitus enim rerum adolescens, ingenioq; praesertim imbecillo atq; hebeti, tanquam bellici periculi ignarus, qui nunquam castra uidisset, facile eò perducipotuit, quo Tomoreus fatalis eo die Hungaris dux impositus educebat: uel cunctis ferè Proceribus pugnae casum omni arte uitandū esse censeret. Itaq; Ludouicus, aliena uerborum atque superbia miser, et proculdubio exitialis consilij maceps factus, Solymano ad Mugacium occurrit, quū nihil tale ausuros Hungaros Turcae duces putarent: nec Solymanus ipse aduci posset, ut regem hostē tam paucis instructū copijs in castris esse, & congregari praelio uelle crederet. Vix enim Christiana acies triginta milium peditem, simul & equitum numerum implebat, quum in aduersa ducenta equitum milia spectarentur. Eum itaq; Tomorei audacia Hungarorumq; temeritas exitum tulit, ut cum ingenti corona hostium circumdatis & obsessis castris, Rex infelix, & quod miserrimum fuit, in ipso margine Danubij aquatione prohibitus, diri-

dirigere aciem, & collatis signis conflagere cogere-
tur. Non tulere diu Hungari primi agminis um quam
quam admirabili ferocia resistentes, nec multi cadentes,
quando meritis insaniae suae poenas darēt. Cecidit
ante alios uecordi impetu pugnās Tomoreus, & una
ferē reliqui Duces & Antistites conciso proculcatoq;
toto nostrorum exercitu perierunt. Rex ipse quū in
fugam desperatis rebus se proriperet, in paludem in-
cidit praeterea crepidinis, quam exeundo apprehēde-
re conatus, equum ardua ceruice erectum in se refle-
xit, atq; ita resupinatus in ipso equi & armorum op-
pressus pōdere, in aqua bipalmis gurgitis suffocatus
interijt, spectante armigero suo, atq; cum mox arena
sepeliente, ne corpore atq; armis regijs potiretur ho-
stis. At Solymanus cum euasisse existimans, generosa
uoce pronunciauit, se hostem regem tot cognationib.
clarum in gratiam Sigismundi patrui, si reperiretur
Pannoniae regem repositurum, modō Othomannici
Imperij decus, & suae liberalitatis beneficium certo
tributo & id quidē exiguo, gratē atq; fideliter agno-
scret. Sed cadauer post multos dies, indicante eodem
scutifero, repertum eo quo potuit tumultuarij funeris
honore tumulatum est, quū Solymanus iam Buda at-
q; Pannonia uictor decessisset, ad ornandum Hunga-
rica uictoriae trophaeum, aeneas praestantissimi operis
statuas quae Matthiae splendidissimi regis fuissent, By-
zantium aduehens: quibus Hippodromum erectis ba-
sibus exornauit.

Petri Angelij Bargæi.

Te quoq; Sarmatico Lodouice è sanguine natum.
 Et nulla clarum uirtute, antiqua tuorum
 Religio immeritè regnis præfecit auitis:
 Vt foret unde animos ingentes incola Ponti
 Sumeret, & raptis regnaret Turea trophæis,
 Nostrorum multa tumefactus eade parentum.
 Scilicet is fueras opibus qui fretus, & alto
 Consilio, in uictas uirtute animoq; phalanges
 Fundere, & innumeras euertere milite turmas
 Exiguo posses, atq; omni arcere furentem
 Pannonia, insigni confectum clade Tyrannum.
 Nam si corpus eras sine pectore, si tibi nullam
 Dij dederant mentem, Rex amentissime quato
 Regibus æquaret fors indignissima magnis:
 Vitasses dubij saltem discrimina Martis.
 Aut cum præclaras animas per uulnera mille
 Vidiſti Heroas fundentes pectore ab imo,
 Te quoq; præcipitem Turcarum in tela dedisses.
 Iure igitur tanta fugientem è cæde tuorum,
 Vt turpi ablatus letho, & contactus harena
 Informi cumulo, lachrymis & honore careres,
 Obruit immerſum cœnoq; undaq; lacuna.

Finis Quinti Libri

PAVLI

PAVLI IOVII EPI-
SCOPI NV CERINI PRÆ-

*fatio in sextum librum Elogiorum
suorum ad Cosmum Medic.*

Florentiæ Ducem.



ECET profectò hūc
sextum Elogiorum li-
brum, qui fato functo
rum Heroum erit vl-
timus, bene auspicari
ab ipsa inuictissimi vi-
ri Ioānis Medicis effigie, quem tu Ma-
gnanime Cosme ab emula uirtute cer-
tissimum agnoscis patrem. Italia verò
omnis etiam nunc luget, quòd tum
immaturo fato fuerit ereptus, quum
in ipso defendendæ communis liber-
tatis glorioso conatu ceciderit. Hic
vir seculo nostro tantum monstratus,
quoniam uirtutis modum excessurus
crederetur, sicuti grauissimum indom-
iti vigoris, & perpetuæ constantiæ
suæ desiderium nobis reliquit: ita hos
Heroes qui fatali accersente hora cū

subsecuti sunt tāquam bello Dux Italorum omnium longè fortissimus, in ostentationem comparationemq; rerum gestarum non iniqua ratione perducit. Hos omnes, quod est exactæ prudentiæ tuæ præcellentisq; iudicij peculiare munus, inter se comparabis. & qui cunctas huius seculi parum felicis res gestas immensi ingenij tui captu comprehendis, recta æstimatione perpendes, quantum tibi iniusti propè oneris gloriosus pater imponat. Nā si tibi generosa æmulatione sit entendum, vt non æques modò familiæ tuæ decora, sed ea etiam magno interuallo superes: tanto magis cōtendere debes, qui imperij amplitudine atq; opibus patre maior es, atq; felicior, vt nō frustra Dñj superi tibi arrisisse videantur, si amplitudinem tuam certissimis (vti probè facis) virtutibus adaugendam censēs. Vale.

ELO.

EL

Sub



virtus tua
exclud
ra collatio
quidem ill
tate atq; in
A' prelato
luxurie co
fydera ser
huius secu
te in ipso c
ternū eten
rētum Mo
fuit respic
mo Frācij
tutis felici
steris eius
na ex Gal

ELOGIORVM LI- BER SEXTVS.

Sub effigie Ioannis Medices for-
tissimi Ducis.



QUONIAM condigno adorea lau-
dis præconio te ornauerim Magna-
nime Heros, armipotentis dextra,
& fulminei spiritus gloria inclyte?
Inusitata siquidem atq; admirabilis
uirtus tua, omnē uel ingētis facundia uim exuperat
& excludit, si multa atq; illustria bello edita facino-
ra collatione æqualium Ducum expēdantur: quādo-
quidem illorum fortia facta cum numero, tum uarie-
tate atq; ipso pōdere uictoriarum prorsus antecedāt.
A' prælato nang, semine ingenita uirtus tanta stirpis
luxurie coalescere cōperat, ut altitudine culminis ad
sydera ferri uideretur, nisi immitia fata ualde insigni
huius seculi infortunio, pro Italiae libertate pugnan-
tē in ipso cursu speratæ uictoriae prostrauissent. Pa-
ternū etenim genus directo stēmate superiorem Lau-
rētium Medicem, qui Magni Cosmi germanus frater
fuit respiciebat; quū maternū repeteret ab inuictissi-
mo Frāscisco Sforzia proauo, qui insigni bellicæ uir-
tutis felicitate Mediolanēsis imperij principatum po-
steris eius familiæ peperit. Huius erat neptis Catheri-
na ex Galeacio Principe genita, cui coniurantium ci-

Dux Ita-
mus, in
m q; re-
one pet
etæ pru
licij pe
parabis
um feli
tui ca
natione
sti pro
nat. Nā
eniten
liæ tuz
terual
ere de
atq; opi
r, ut nō
uidean
isimis
augen-

ELO.

uium dira malignitas dominatum & uitā inuiderat.
 Hæc Ioānis mater fuit antea Hieronymo Riario, Xy
 sti Pontificis propinquo splēdidissimē nupta, quæ in-
 terfecti coniugis mortem, uirili animo tutata arcem,
 seuerè uindicauit; numerosamq; ex Riario prolē re-
 linquēs pertasa cœlibatus, & cōscia suæ fecundita-
 tis Ioanni Medici Gallicas sequenti partes, tanquam
 præclara nobilitate, moribusq; lectissimo nupsit, ut
 hic Ioānes ex Christiano fonte Ludouicus appellatus
 paternum ferens nomen, primo eoq; supremo eius cō-
 iugij partu ederetur, qui bellicum materni generis ui-
 gorem certo Medicæ magnificētia splendore cumu-
 laret. Ceterum triēnis puer patrem amisit, captāque
 demum atq; exuta Principatu Borgianis & Gallicis
 armis Catherina matre, magnis aduersæ Fortunæ flu-
 ctibus iactatus est. Sed à matre demum, quæ beneficio
 Alegriæ Galli ducis, mole Hadriani educa fuerat, Flo-
 rentiæ educatus est, eo ætatis incremento, ut eius tute-
 lam benignè susciperet Iacobus Saluiatus illustris ci-
 uis, qui postea Ioannis socer fuit. Verū ea indole puer
 Martij spiritus habitum gerebat, ut praelia, & sæpe
 cruenta inter æquales sereret; uulnereq; inflicto quod
 uideri poterat mortiferum, reclamante saucij pueri
 patre, exilio mulctaretur. Sed exacto demū urbe So-
 derino, atq; introductis Medicis in ueterem domina-
 tum, non multo pōst adhæsit Leoni Decimo familiæ
 principi, & ad Pontificatum euecto. Nec diu pōst Io-
 annes inter initia Vmbrici belli, imberbis adhuc ita
 militiæ posuit tyrociniū, ut turmam equitum ex de-
 lectis

lectis familiaribus suo are perornatam, uti noue la-
 dis cupidus in aciem produceret, multisq; obiter ex-
 ercitus periculis, ad eam disciplina frugē, ad idq; in-
 uicti nominis decus, nunquam serē intermissa militiā
 perueniret, quo præclara & passim spectata uis eius
 magno partibus adiumento, & longē maximo hos-
 tibus esset terrori. Hinc fit ut ardēs & uiuida uirtus dif-
 fuso latē numine, breui elogio neq; includi, neq; ex-
 primi facile possit, cū nullis propē gloriæ finibus ter-
 minetur, & iustis annalium monumentis posteritati
 tradita, certā eternitatis spem cōcipiat & expectet.
 Quis enim nisi præ alto uolumine res eius incredibilī
 fortitudine inuicti semper animi gestas cōprehendēt?
 Quis innumera secundē inita prælia atq; oppida for-
 titer expugnata, & ereptū ē manibus Venetorum ho-
 stium, peculiariis alæ sue legatum, expresso instauratū
 prælij turbine narrauerit? Quis tranatum in conspe-
 ctu Galli hostis uorticosum Abduam, eoq; ausu terrē-
 tas & in fugam datas Gallorum turmas legētibus o-
 stendet? Quis deniq; Rbetōrum agmina in Bergoma-
 te agro retro auersa & profligata, & Heluctios de-
 mum ad Corsum pagū, qui strenuos sue alæ equites
 crudelius interfecisset, multa cede uindictos; & Hi-
 spanorum audaciā Ticini primū, et mox sæpius ad
 Mediolani portas acerrimē repressam atq; multatā
 iusta atq; integra eloquētiæ laude extollet? Nemo si-
 quidem eo celerius expedire arma, nemo intentius et
 uigilātius hostium motus obseruare, nemo uiolentiū
 hostes inuadere, nemo pertinacius uictoriam captare

didicerat. Erat profecto natus ad Italiā pulsus exte-
 nis in libertatem asserendam, si id cordi superis fuis-
 set. Insistens namq; Germanorum legionibus, nec us-
 quam uestigijs abscedens, dum ituros ad delendam ur-
 bem Romam perpetuis minutis prælijs demorari co-
 naretur, multisq; hostium secundum Padi aggeres tru-
 cidatis, se in castra reciperet, tormento ab ulteriore
 Mincij ripa in incertum emissio ipse unus genu ictus,
 est interfectus; pereūtis hercle Italiæ fato potius quā
 suo, cum uiginti septem natus annos tam planè miti-
 gata ardentis animi ferocia, uti sedatiora secutus cō-
 silia præter egregij bellatoris nomen, etiam ad maris
 ri iam & compositi Imperatoris famam contendere
 censeretur.

Antonij Francisci Rainerij.

Quæ tulit Eumenidum immane hoc imitabile fulme-
 Vnde inuictorum funera mille ducum.
 Hoc cecidit Medicum flos, hoc noua gloria Martis
 Quo feriente feræ tot cecidere manus,
 Roma gemit crus dum fractum secat ille, siletq;
 Ausonia euentu statq; caditq; suo.
 Ast obit: Inq; atram reuoluto hoc sydere noctem
 Arnus & in nigris Albula fluxit aquis.
 Illum etiam num acri minitantem uulnera uultu
 Aurato Iouius condidit in tumulo,
 Et laudes cecinit, picta & circumtulit ora,
 Ora Ioui æternum uiuere digna manu.
 Ille autem quod te in superas ante edidit auras
 Dux Cosmæ, Etrusci luxq; salusq; soli.

*Sic fertur, patriæ pater ut cum prospicit almæ
Ante obitum, Ausonia consuluisse suæ.*

Iulij Iouij.

Principis Etrusci genitor fortissimus Heros,

Qui noua belligeri gloria Martis eras:

Barbara gens uidit quantum pollebat in armis.

Vis tua, quæ semper terror in hoste fuit.

At te equidem constat percussum fulmine, fato

Italiæ potius quam cecidisse tuo.

Attamen es felix Italum fortissime ductor

Non quia perpetuos æt tibi fama dies.

Sed postquam imperium, tibi quod uirtute parabas

Magnanimæ proli fatâ dedere tuæ.

Sub effigie Caroli Borbonij.



VIS nam, qui Carolum Borbonium uiderit, ex hac uerissima effigie non agnoscat, ac item supercilio atq; oculis, inconstantis eius animi leuitatē, atq; perfidiam cum spirare non iudicet? Quis nō obiter diri impij; hominis seuitiā non excreetur, qui aduersus regem suum patriamq; suam nefaria arma intulerit? Et sacrosanctam Urbem gentium omnium liberale domiciliū profanarit et euerterit? Et deniq; scelestâ cogitatione renouata, cōuersaq; perfidia in Cesarem Neapolitanum regnum occupare uoluisse non credat? Licet enim et hoc de contemptore humani atq; diuini iuris nō absurdè suspicari, cum in lumine por-

tentosa temeritatis suae perierit; ultore quidem magno Deo, ne abominabili uictoria, & truculentissima tot insontium hominum cede letaretur. Gilberto Mompenserio patre genitus erat, qui Gallici exercitus imperator Neapolitano uictus bello, ex dolore rei male gesta apud Baias interijt. Reliquerat uero praeter hunc Carolum filios, Ludovicum scilicet quinto post patris mortem anno ad Capuam pestilenti febre ereptum, et Franciscum Heluetio praelio in conspectu fratris interfectum. At ipse opulenta hereditatis compos, & Comestabilis a rege appellatus, qui honos militaris in Gallia summus habetur; proculdubio procerum omnium longe clarissimus euaserat; utpote, qui perpetuo tenore uita domi & foris splendidus, erga milites liberalis, in hospites uel incöserte munificus, auctoritate, gratia, opibus, reliquos regij sanguinis regulos anteiret. Sed quantum sibi bellicae laudis Abduana praesertim acie, cum extraordinarijs Gallicae nobilitatis equitibus euocatisque praesesset; & apud Mediolanum, cum eam urbem aduersus terribile Maximiliani Caesaris aduentum constantissime defendisset, non obscure pepererat, tantundem amisit ad Melenianum Heluetiorum praelio, cum circumuento & praecursu fracti, opem reformidato periculo ferre nolisset, & ad Valentianum in Belgis sero cum auxilijs aduentans regio agmini obscura in nocte errabundo se coniungere recusasset. Verum cum haec uel aduersus ipsius regis testimonium dilui & excusari possent, se demum magna oneravit inuidia, scedeq; sese & Borbonia fami-

liæ nomen dedecorauit, inexprabili facinore edito, cū
à rege deficiēs in patriam externa Caesaris arma per
fidiosē conuerterit, scilicet ut leuē iniuriā ulciscē
retur, quōd Ludouica regis mater ei grauem & im-
prouisam litē intenderet, creptura haud dubiē ali-
quot castella, malignitate senatorum in ea causa per
iniquē ius dicentū, eo autē acrius urgebat atq; in-
cumbēbat Ludouica, quōd se spretā à Carolo crede-
ret, cui se ad cōnubium frustra obtulisset, ut etate ad
huc florens uidua, florentissimæ etatis nobilissimæq;
stirpis uiri coniugio potiretur. Hæc contumelia mu-
liebri in animo præaltas iecerat seui odij radices, nec
rex ipse proclius in obsequia matris, ut litē dirime-
ret exorari potuerat, quoniam nisi post dijudicatam
litē, eius cōtrouersæ arbitrum fore profiteretur.
Que cōditio grauissima idēdō uisa est Borbonio, quōd
nihil sibi ad æquitatem uel iura causæ, uel iudicium stu-
dia responsura crederet, si damnatus à properato iu-
dicio ex clementia tantum regia commodum expe-
ctaret. Itaq; indignabūdus coniurauit cum quibusdā
illustribus uiris, Cesarīq; implacabili Gallorum hosti
adherere constituit. Sed Franciscus rex incompara-
bili benignitate iam planē detecta coniuratione, Bor-
bonio ad genua prouoluto ita pepercit, ut se ullis uel
certissimis indicijs adduci non posse, ut crederet quē-
quam regie stirpis perfidiæ scelus concipere posse te-
staretur. Sed nō multo post Borbonius simulato mor-
bo cū Regia castra subsequi iuberetur, diuerso itine-
re & mutato habitu cum paucis in Sequanos persue-

git, atq; ea cōditione Cesarianis partib. sese addixit, ut ei Cesar Leonorā sororem, quæ Emanuelis Lusitanie regis uxor fuerat, desponderet, superis proculdubio nuptias uctantibus, ne summe nobilitatis regina homini perfidie labe notato iungeretur. Transiit de mum in Italiā, atq; inde cum ualido exercitu in Pro- uinciam irrupit; conspectaq; & uix tentata Masilia repulsus est, cum nemo reperiretur qui insaniā perfidiosi hominis imitari, quā patrium solum defendere mallet. Exinde transeunte in Italian regem cum copijs, quas pro salute patriæ coegerat, Ticinensi prælio interfuit, quo rex ipse deletus ab hostibus exercitus captus est; atq; ita Borbonius nefarij odij uoto potitus & uictor temerè sperauit, Cesarem Mediolanensis imperij dominatum sibi, tanquam sororis dotalem eiecto sfortia esse concessurum. Verum Carolus Lanioius Belga, qui uices Cesaris gerens, intimi illius cōsilijs erat gnarus, decepto Borbonio Regem captiuum in spem promerēdæ libertatis astutis persuasionibus inductum, in Hispaniam abduxit. Qua inopinati facti nouitate Borbonius usq; adeo commotus est, ut statim & ipse in Hispaniā enauigarit, & apud Cesarē se qui uictorie socius extitisset, ingrātē contemptum quereretur, Lanioiumq; malignitatis & impudentis probro compellatum ad singulare certamen prouocaret. Verum Cesar ita rixantes diremit, ut quæ Lanioius fecisset, publico commodoq; suo iussu fecisse testaretur. Nec diu post cū rege de eo dimittendo Cesar pecunia transegit; ad confirmandasq; noui fœderis pactiones

tiones, sororem antea dubijs uerbis Borbonio pro-
 missam, regi tum coelebi cōnubio iunxit, quo nihil a-
 marulentius Borbonio accidere potuit. Ea Caesaris
 eū rege conciliatio suspecta Italicis principibus fuit,
 quasi coniurassent, & cunctis iugū imponere cogita-
 rent. Sed eam suspicionem non temerè conceptā rex
 opportunissime detexit; persoluto namq; auro, & li-
 beris obsidibus datis, his quas perscripsisset cōditioni-
 bus tanquā iniquissimis & impotenter exortis, se mi-
 nimè staturum professus est, quasi optimo iure libe-
 ratus uideri posset, qui aurea moneta ducetas myria-
 des Caesarianis custodibus, quū liberos etiam daret ob-
 fides, adnumerasset. Itaq; Itali principes liberēq; ciui-
 tates, seruitutis metu ad arma consternate, in Cesare
 Cisalpinae Gallie imperio Sfortiam excludere conan-
 tem, authore Clemente pontifice, eo fidentius arma
 uerterūt, quod ipsis affuturū regem intelligerēt. Eius
 uerò bellicis exitus fuit, ut frustra obfesso à foederatis
 Mediolano, Caesariani uictores arce potirētur, & ex
 aduerso Laudem Pompeiam & Cremonam ab hosti-
 bus fortiter expugnatam amitterent. Ceterū aucti
 quatuor Germanorum legionibus Borbonio duce, in
 genti cursu superato ad Aretinas alpes Apennino ad
 Urbem Romam inuadendā conuolarunt, Pontificēq;
 perinducias decepto imparatoq;, primo appulsu per
 Vaticanum Urbem contra Obeliscum, ubi moenia hu-
 milia & uetustate collapsa facile praebebant aditum,
 facillimè irruperunt; miserabilēq; cede edita, summæ
 uenerationis templum toto orbe maximum & uene-

rabile, miserorum ad aras confugientium cruore profanatum est. Id uero perfidiose oppressis & praecuntibus solatio fuit, quod dux ipse Borbonius, dum ad casam muro coniunctam scalis apponi iuberet, crassiore glande traiectus in limine execrabilis uictoria sua occubuerit, sic ut postea aliqui hominum miserrimi incola, summas omnis acerbitatis perpesti calamitates, tolerariius ferrent, quod Dijs tutelaribus nostro errore nihil suas aras defendentibus, eorum numina id tormentum in inguen damnati caelo hostis, direxisset pie crederent.

Io. Baptistæ Gabij.

Dedecus Aruernæ gentis, patriæ improba labes
Transfuga qui leuis & perfidus hostis erat,
Ictu uno stratus temeratae in limine Romæ
Ne se uictorem cerneret, occubuit.
Debuit haud alias superis persolvere poenas
Perfidus ante homines, impius ante Deos.

Sub effigie Georgij Fraispurgi.



OC ipso armorum pedestrium cultu
atq; hac rubenti, & prope temulenta
facie truculētus exprimitur Georgius
Fraispurgius Mindlaui Sucuorum op
pido, iuxta Memingam liberam ciuitatem natus, edis
catusq; militiæ ab ineunte etate, sub disciplina Maxi
liani Caesaris. Menapiorum & Sicambrorum Phri
giorumq; bellis, multa potius egregiè laudis quàm bel
lici qua-

lici questus decora domum retulit. Verum sub Carolo
 Cesare multo luculentiora spectata uirtutis & fide-
 lis opera premia promeruisse uisus est, praelio præ-
 sertim ad Bicoecam facto, cū prouētis Heluetia pha-
 langis impetū ex fortuito rusticana uia aggere pro-
 pugnant, singulari constantia sustinisset, & Ticinē-
 si demum acie Germanicas Gallicarum partium co-
 hortēs quadam hiantis forcipis indagine circumuen-
 tas, ad non dubium summæ uictoriæ prouentum iru-
 cidasset. Deletis namq; Germanorum auxilijs quibus
 Lōgamantes præfuerat, res extemplō per sclopetta-
 rios aptē, prospereq; gesta est, fuso scilicet, stratoq;
 hostiū equitatu, profligatis Heluetijs, ac ipso demū
 Francisco Rege capto. Sed qui tantū sibi nominis ua-
 rijs bellis quæsierat, utpote qui iusto praelio quindec-
 cies, extraordinaria uerò acie supra uicies dimicasse
 ferebatur; suprema demū induit arma aduersus Cle-
 mentē Pontificē, summæ potentiæ, quū fata destina-
 bant felicitatē inauspicato inuidentem. Itaq; ad eam
 conflati bellifamam, Georgius oppignorato etiā pa-
 trimonio cū quatuor legionibus, eo diri uoti impetu
 concitatus in Italiam descendit, ut se Clementem tan-
 quam Caesaris hostem, laqueo suspensurū truculenta
 uoce profiteretur; laqueum auratū, quem sinu gesta-
 bat crebro depromens & ostentans, quo teterrimo
 supplicio homo nefarius atq; impius ueretur. Verū
 diram eius uocem & totū efferate mentis conatum
 Diui diuæq; omnes in irritum per nubes extulerunt;
 atq; ita senem abdomine turgido grauem, & uasto in

gentium artuum pondere fatifcentem, immisa para-
 bysi syderarunt, ut abominabilis uoti damnatus ex ire
 nere Ferrariam atq; inde in Germaniam lectica refer-
 retur; Scilicet ut intra penates Lutherana doctrina
 embutus suo pte peruerso ingenio à maiorum religio-
 ne discedens, interiret. Fuit Georgius membrorū ro-
 bore usq; adeo ualidus, ut extento tantum medio dex-
 tre manus digito, ualidissimum queng; firmo innixū
 uestigio facile dimoueret, prætercurrentem equū ar-
 repto freno sisteret, tormentumq; murale solus inni-
 tens humero quo uellet propelleret; in itinere facium
 do libenter abdicaret equum, ut pedibus gregariorū
 militum & iuuenum iustos passus anteiret. E tribus li-
 bris maiorem natu Gasparem militaris discipline
 haec rede n reliquit, sed qui septimū post annū, eo bello
 quo Caesar Narbonensis Prouinciæ Galliam inuast,
 morbosā tabe præcuntibus legionibus sit ereptus, cū
 Melchior natus secundus, in Vrbe euastata lethargo
 periisset. Balihasar uerò ultimus neq; ad frugē perue-
 nit, neq; ad propagandā sobolē diu patri supersites fuit

Antonij Vulpj.

Quis te Georgi magne ductor agminum
 Que mittit altrix militum Germania
 Vexauit olim furor, atque insania,
 Ut Capitolio Deorum sedibus
 Ausus sis ignem, & laqueos, & uincula
 Collo parare, pro scelus, Pontificis?
 Ecce ut repente stratus occidis leui

Morbo

Morbo, prius quàm mœnibus Quiritium
 Castra admoueres: placitum sic est Deis,
 Titanas olim qui superbos, & polo
 Arma inferentes contuderunt fulmine.
 Conatus iste nomini notam tuo
 Quauis inuratur; Ducibus claris tamen
 Quos prisca iactant secla, uel presentia
 Aequaris ausibus, manu & consilio.

Sub effigie Odetti Fusij Lotrechij.

HIC Odettus Fusius qui Lotrechius
 ab oppidi nomine in ultima ad Py-
 renaeos saltus positi, uocatus est, stre-
 nui & intrepidi, sed maximè super-
 bi uigoris inter Gallos duces nomē
 tulit. Vtpote quem nulla terrent pericula, neq; ulla
 rerum aut locorum difficultates ab incepto unquam
 retardarent. Verùm in consilijs capiundis, usq; ad eò
 aliena iudicia contemnebat, cum plus æquo solus sa-
 pere uideri uellet, ut prudentiæ militaris existimatio-
 nem sola & saepe fallaci constantia, quæ insana per-
 uicaciæ proxima esset, tuendâ arbitraretur. Huius au-
 tem obstinati moris uitia perpetua liberalitatis et in-
 stitiæ laude contegebat, nusquã uenalis aut rapax &
 extra æquitatis septa semper ita seuerus & inexora-
 bilis, ut in eadēis damnatorum supplicijs inhumanus
 & cruētus haberetur, quæ crudelitatis acerbitate per-
 stricti Insubres ab eo facile cum oportuit defecerint,

damnarintq; iidem Thome Lescuti seuitiam, qui Lotrechium fratrem aliquando ad lenitatem paratū seruidis impulsione efferaisset. Caterum Lotrechius, & hoc Lescuto, atq; item Asparoto germanis fratrib. qui pugnacissimi Duces fuere, in omni Imperij militaris munere implendo potior existimatus est; hisq; uel etate maior superstes fuit, quā Lescutus Ticinēsi praelio glande femur traiectus intra nonum uulnervis diē perierit; Asparotus uerō in Hispaniā ad Grunium acie uictus, contusa clauarum ictib. galea, multoq; inde delapso glaucomate, totum penitus oculorum lumen ita amiserit, ut militiae usui esse desierit. Hec uerō in toto militari negotio peculiaris laus Lotrechio cessit, quod urbiū expugnator, uti olim Demetrio Macedoniae Regi obtigit, appellatus est. Nā qui iuxta Gastonē Poisseium inclyti nominis Imperatorē Rhauennate praelio occisum multis uulneribus cruentus prostratusq; Hispani Centurionis, cui cognomen fuit Gurdo, misericordia seruatus fuerat, impigre etiā Heluetio ad Mediolanū teste Rege, & demū ipso nomē Imperij tenente ad Bicoccam, uel nequaquā uictor, intrepidi, sed non ualde memoris & cauti Ducis decus meruit. Brixia demū recepta atq; Verona expugnata, et aliquanto post Bosco, Alexandria & Ticino urbib. manu captis, & quod illi nobilium operum supremum fuit, Melphi urbe in Apulia tormētis expugnata, illam quam diximus laudem paucissimis concessam Ducib. adeptus est; quum postea ab eius uirtute Fortuna discedens, eum surdis auribus


rib. peritorum Ducum suorum consilia respuentem
penitus elussisset. Ipse enim ex fatali sua peruicacia
circumvallata et obsessa Neapoli intemperantius ha-
rens, qui armis uinci non poterat, pestilenti morbo e-
ius castra uastante, superatus interijt, cum de subactis
Caesarianis, perdomitaq; Neapoli insigne trophaum
erecturus crederetur, si abscedere incepto, et late per
uicina oppida saluberrimi aeris copias diuidere (uti
periti duces gnariq; locorum suadebant) quam in ue-
stigio funesti consilij perstare maluisset. Id uero ei in
suprema calamitate gloriosum fuit, quod cum ei uo-
ti atq; uictoriae compos hostis Aurantius sepulchri et
funeris honorem negauisset, non unius tantum dici de-
cus, sed perpetui honoris statas quotannis exequias à
Populo Romano meruerit. In Capitolio siquidem pu-
blico miroq; ciuium omnium assensu decretum est, ut
quotannis in Laterano templo ad cenotaphium Lo-
trechij solennibus inferijs parentaretur, tamquam Vr-
bis liberatori, quandoquidem aduentu suo, et captum
pontificem liberaſſe, et Barbaros in Urbana ædificia
grassantes Roma detraxiſſe cenſeri poſſit. Hoc uero
humane miſerie inuſitatum exemplum Lotrechius
de ſe præbuit, quod eius cadauer abominabili diligen-
tia Hiſpani militis tam auari quam impij, in cella ui-
naria multo ſabulo contumulatum, diu fruſtra empto-
re Gallum qui redimeret expectarit; poſt uigeſimum
autem annum iuſtum et luculentissi-
mum marmorei ſe-
pulchri decus ſit conſecutum, uno ſcilicet Hiſpanorum
nobilissimo Ferdinando Corduba qui Magni Coſalui

nepos fuit, ingenuo pudore indignante, quod excolē-
de uirtutis, quæ in hoste etiā grata & admirabilis ef-
se cōsuevit, studium penitus exolescere; atq; ita pre-
tio coemēte ossa, ad peculiarem nominis sui laudem
non obscura etiā suæ gentis cū inuidia, marmoreo
monumēto recondēda, et ritē funeranda decreuerit.

Antonij Francisci Rainerij.

Dicite qui Tusci colitis prope Tybridis undam
Templa Deūm, & magnis thura datis superis,
Dicite, cur Galli manes animāq; superbam
Lugubri celebrant carmina uestra sono?
Hec meruit ravidam illuicem qui perpulit, unde
Barbarico excussa est Vrbs labefacta iugo.
Quare ingentē umbram Lotrechi, animāq; potētē
Inserimus claris carmine cælitibus.
Pergite Romulidum proles, neu dicere laudes,
Neu pigeat manes excelsiūse pios.
At tu sperne utrum excisa, alio ē marmore facta
Summe Ducum, auratisq; addita imaginibus
Sic melius; tua sic se tollis ad æthera uirtus,
Vincat ut acrius culmine Pyramidas.

Sub effigie Vgonis Moncata.

 GO Moncata qui primus inuolatus
antea, ab ipsisq; Gothorum temporib.
templum Romæ in Vaticano, Petro &
Paulo diuis Romanæ urbis tutelaribus
dicatum, & à cunctis Christiani nominis gētibus re-
ligiosissimē

ligiosissime cultum profanauit, hæc effigiem ferebat.
Ortus est pernobilis familia regia stirpis citerioris Hispanie, iuuenis cum Carolo Octauo Gallorum rege in Italiã uenit, sicuti & pleriq; alij Hispani, qui post receptum ex conditione noui fœderis Perpẽtianum studio militandi Gallica castra sequebantur. Verũ Vgo discedente à Gallorum amicitia Ferdinãdo Hispanie rege, Cesari Borgia sese applicuit, duxitq; ordines, quum ille abdicata purpura, repente Pontificis exercitus Dux extitisset. Ceterum Vgoni qui astutus & diligentis strenuq; item Ducis famã tulerat, primæ pugna fortuna illudit, cum in Umbria à Vitellianis cohortibus Iacobo Rosseto phalãgis magistro, & Paulo Ursino Ducibus, qui à Borgia defecerat, ad eam sam quam uocant Mazzeam, cum Michaelletto Corcellia suo collega, profligatus fuisset. Exinde Borgia reparatis copijs, atq; insigni dolo dissimulata iniuria, Ursinos proceres & Vitelloccium necauit, expulitq; nobilissimos Italie regulos auita ditione, quibus peragendis rebus Vgo perpetuam manu & consilio operam præstauit. Mortuo autẽ Alexandro Pontifice et Borgia Gallicis fauente partibus, Vgo & ceteri Hispani duces ad Magnũ Consaluum trasuerunt, Vgone facillẽ Principe. Sed confecto in Italia bello, Borgiaq; in Hispaniã perducto, & ad Mendaniã demũ tumultuaria in pugna à Cãtabris occiso, nauali discipline se addixit, clarusq; aliquot expeditionib; aduersus Punicas gentes susceptis, ita inclaruit, ut opimum Rhodie militie sacerdotium, quod Euphemium uocãt

in Brutijs promeruit; semper audius noue fame & inquieto ingenio oram Africa uexabundus percurrents, quod erat honestissimi laboris munus, sed nō semper felicitis audacie. Nam eas Hispanorum copias, quas pontifici Leoni, auspicijs Feltrij acre bellū intulerāt, cum nauibus impositas ad Casaream, quæ hodie uocatur Algerium, expugnandam adduxisset, ferè omnes oborta tempestate, & totam penè classem, paratis scilicet ad eadem & prædam Barbaris, fœdè amisit, & aliquantō post nocturno prælio à Turcis prædonibus iuxta Sardinia ad diui Petri scopulos ita magnū accepit detrimentū, ut amissis duabus triremibus, & facie sagittæ ictu sub oculo deformata, uictus discederet. Promeruit exinde Siciliæ præfecturam, atq; inde aucta classe ad Moenicem insulam traiecit, ut Girapolis urbis Regulū expugnaret, apud quem prædonum omnium tutissimus erat receptus. Sed id bellū eo successu cœptum confectumq; est, ut Vgo repētino Barbarorum superuētū Christiana acie perturbata, summæ cladis & uitæ periculum adierit. Vulcratus namque ipse humerum infesta incumbentis Mauri lancea uix instaurare ordinareq; aciem poterat, nisi Germanica phalāx uel in præalta arena defixis uestigijs turbulentij procellam sustinuisset. Barbarus tamen nostrorum uim atq; cōstantiam non obscure timens, his legibus fœdus percussit, ut Casari annuū tributū se daturum polliceretur, et legationem in Germaniā usq; ad Cesarē mitteret. Explicatus eo periculo Moncas, ita demum Siciliæ præfuit, ut ibi multa auaritiæ

& cru-

& crudelitatis monumenta relinqueret, quā aliquot
 honesti nominis Siculos, et in his Camerata Regulum
 pro uetere licentia Siculæ gentis scditiosus agentem,
 securi percussisset. Exortum subinde est bellum atrox
 inter Franciscum Regē & Casarem, quo ipse ad Va-
 ragium Liguriæ uicū temerè è classe discedens, tu-
 multuaria pugna à Gallis superatus, & captus est; cū
 fortè Cesarianorū Triremes metu obortæ tempesta-
 tis, à scopuloso litore longius recessissent. Quum ue-
 rò Franciscus Rex à Cesare dimitteretur, Vgo & i-
 pse dimissus uenit in Italiā ut nouo bello Dux inter-
 esset. Pōtifice nāq; & Venetis seruitutis metu ad ar-
 ma consternatis, quod Cesar immodica cupiditate to-
 tius Italiæ Imperiū affectare uideretur, & Frāciscum
 Sforziā ex autoritate fœderatorū Mediolani Prin-
 cipem cōstitutum eijcere contenderet; iam planè cœ-
 ptum & cōflatum erat bellum aduersus Cesarianos,
 quo nihil magis detrimentosum nihilq; magis durum
 Italiæ incidit. Nam quum Columniæ familiæ Proce-
 res Pōpeio Cardinale authore sese Cesaris partes se-
 cuturos professi à Pontifice discessissent, & iuxta Vr-
 bem copias cogerēt, specie præsidij Vgo dolosus, nec
 satis magno militum numero cōfirmatus, Columnijs
 persuasit, ut inducias à Pōtifice postularēt, ut per eas
 deceptū & imparatū Pontificem inuadendum, atq;
 opprimendum susciperent; Quibus ad nefarium per-
 fidie cōsiliū nomine Cesaris impulsis, Vgo nihil mo-
 ra sibi attulit, quin cū suis intra paucissimos dies quas
 Neapoli compararat copijs, & Columniorum auxi-

lijs, in Urbem Laterana porta irrūperet, & per Xystinum pontem in Vaticanū instructa acie cōtendens nihil se cōmouente Populo Romano, & cōiectis in suā Pōtificie custodia paucis equitibus, Leonina urbe potiretur, statimq; sacrosancto tēplo scelestissimè direpto, & Pōtificijs aedibus militū praeda cōcessis, Pōtificē qui in arcē molis Hadriani trepidè cōfugerat, destituto militari praesidio, & cōsiliū inopē obsideret, cogeretq; sibi obsides dare, quibus certo bello abstinere, & ad amicitiam Cæsaris redire fateretur; ac nisi Vgo inexpiabilem inuidiam Cæsari conflaret, passionem trāsigere, atq; (hac in re non omnino impius) Vrbe excedere maturasset, proculdubio Pōtifex rerū omnium pressus inopia in potestate Pōpeij Colūnæ internecini hostis celerrimè peruenisset, sic ut uetus de Bonifacio Octauo Tragœdia instaurari uideretur. Sed Vgo scelesti facinoris & sacrilegij editi dignam benicio post subiit penam, quum supra Salernum nauali praelio cū Aurianis triremibus, quibus Philippus Auria uir impiger præerat, contendisset. Ea nāq; cruenta admodum pugna, prōptissimi Hispanorum supra mille qui paulo antè Urbem diripuerant, trucidati perierunt, & ipse Vgo præfectus, amissa classe, & prostrato suæ prætorie naui uexillo, quū frustra aduersus tot incidentes glandes scutum prætenderet, est interfectus: ita ut magnum Deum tanti sacrilegij præclarum ultorem extitisse pij mortales crederent, atq; obiter magnopere mirarentur, cur Fortuna ad rātas opes Vgonem euexisset, quando is nusquā uictor, sed ubiq;

abiq; uictus premium ingens, & plane odiosum ex
male gestis rebus, peruersa ratione, & malo exem-
plo retulisse uideretur.

Iani Vitalis.

Disce meo exemplo Mezenti, Rhulle, Proculus,

Quæq; alia immanis monstra Tyrannis habet,

Esse Deum ultorem; qui iam Moncata Triquetra

Sordidior Verre, publica pestis eram:

Diripui mundi reginam proditor Urbem,

Sed fuit haud uotis par ea præda meis.

Deniq; qui fueram terrarum maxima clades,

Inueni meritis funera digna meis.

Ictu obij, glandis calones inter, & inter

Lixat, in pelago Parthenopea tuo.

Si laudare licet sese, mea plurima laus est,

Quod potui inuitus semper habere Deos.

Sub effigie Petri Nauarri.



ET RVS Nauarrus qui admirabilium
operū machinator & artifex excinden-
dis ab imo arcibus, toto orbe famam est
consecutus, hoc sub agresti cultus atq; o-
ris habitu fuit. Familiariter autem nobis cognitus (ut
ipse dicebat) nauali discipline ut in Cantabria moris
est, sese aliquandiu dedit, sed mox fastidito mari in
Italiā ductate Fortuna peruenit, ea spe et uitæ cōditio
ne ut Ioāni Aragonio cardinali à pedib. seruiret, trā-
siretq; inde, mollioris aulæ otiiū detestatus, ad Lanese

bellum, atq; ibi sub Petro Montano Florētinis copijs
 prefecto aliquot menstrua stipendia triginta Liliatis
 denarijs fecit, sed qui mox duplici augetur stipendio
 quum supra gregarij militis captum, præcellētis in-
 genij operam præstaret, in excauandis præsertim cu-
 niculis, per quos immixtis tormētarij pulueris fomen-
 tis, adeo terribiles intus flammæ excitare didicisset,
 ut obstructis spiramentis, uiolentia obluant is intus
 flāmæ, non moenia modò, sed & supposite etiā rupes
 excinderētur. Verum Sergiano oppido à Florentinis
 in potestatem redacto, iterum maritimæ exercitatio-
 nis munera complexus, multa litoribus Africæ, Puni-
 cis prædonibus, infestus, detrimenta intulit. Ceterum
 Gallico bello, uti decebat, ad Neapolim Magno Con-
 saluo cohortis prefectus militauit, eo bellicæ laudis in-
 cremento, ut maximè Gallis formidādus, & Cōsaluo
 Imperatori apprimè carus ab efficacia inuisitæ uir-
 tutis euaderet. Itaq; multis fortib; factis ad Canusium
 atq; Tarētum editis clarus, expugnata demum apud
 Neapolim Oui arce, stupendo suo artificio usq; adeo
 mirus extitit, ut Galli eius portentosæ machinationis
 metu, reliquis præsidijs faciliè excederēt, quum abri-
 pi in sublime propugnacula Megaris Insula scopulis
 imposita, & furentibus flāmis cuncta tremere, hisce-
 req; & perfringi, cum ruina multorum mortalium per-
 spexissent. Tulit præmiū spectata uirtute dignum iu-
 dicio Magni Cōsalui nam Alucti oppidi, quod est a-
 pud Lyrim non longè ab Aquinatibus, Comes specio-
 so titulo appellatus est. Magno autem Consaluo Nea-
 politani

politani regni præfectura detracto, atq; aduecto in Hispaniam, quum Franciscus Xymenes e sacra pecunia copias coegisset, ut in Mauritaniâ trajiceret, Nauarrus unus omnium uirtutis nomine delectus est, qui classi & copijs cum Imperio præesset. Eo bello mira felicitate pulsus atq; perterritis Mauris, et magno portu qui Mazalchibir dicitur & Orano celebris emporij urbe potitus est. Inde cursum extēdit in Numidiā illatusq; in Olcachihem sinum Bugeā urbem gymnasio nobilem atq; opulentā cepit, atq; eandem felicitate longa Punicilitoris spatia præteruectus Tripolim, quæ magna Leptis olim fuit, inter Syrtes, terramariq; expugnata, magna Poenorum strage edita expugnauit. Quibus rebus feliciter gestis elatus successu in Moenicem Insulam, quæ hodie Gerbis est, retro flexa classe descendit, ut Girapolim Barbari Reguli sedem expugnaret. Sed copias descendentes in terram, & cū Barbarorum equitatu qui infestus laceſſebat, præliantes, uti accidit in maximis Augusti mensis ardoribus, usq; ad cō uehementis sitis affluxit, ut neq; ordines seruare, quum puteos quærirarent, neq; repugnando cōsistere possent, sed redire ad classē coacti sint; tanto tumultu, ut quum longē à uadoso littore naues abessent, nec scaphæ sufficerent, maligna multitudo militū in littore trucidata sit, inter quos Garxias Toletanus summæ nobilitatis et spei iuuenis qui ad Imperiū classis ab Hispania mittebatur, interijt. Exinde nusquā ferē Nauarro fortuna arridere uisa est. Nā aliquāto post, quum transuectis in Italiam Africanis legio-

nibus improspere Bononiam tentasset, & funestissimè
 demum cum Gallis ad Rauennam conflisisset, captus
 duri carceris in Gallia biennium est perpassus. Sed quū
 uir fortis atq; insolens contumelie, ex tot & tātis uir-
 tutis atq; industrie sue meritis, à Ferdinādo rege nō
 redimeretur, abdicatis antiquis muneribus, Francisci
 regis militia se se addixit, postquā auarè contēptus
 à suæ gentis rege uideretur. Præstitit inde fortem ope-
 ram cum Heluetio, tum Veneto bello aduersus Cæsa-
 rianos: uerū non eadem fortuna Ligustico bello sese
 implicuit. Nam quum sciam opem ferens Genuā ad-
 uenisset, expugnata urbe, atq; direpta à Piscario &
 Hispanis, in eo tumultu captus est, seruatusq; Neapo-
 li circiter triennium in arce noua, quam ipse manu ce-
 perat, usq; ad pacem in Hispaniam cum captiuo rege
 constitutam. Nam tum utringq; captiui omnes dimitte-
 bantur. Direpta autem urbe Roma, captoq; pontifi-
 ce, quū Lotrechius ad liberandum pontificem in I-
 talias transisset, expugnatisq; aliquot urbibus Cæsa-
 rianos persecut⁹ ad Neapolim uallata castra fecisset,
 obsessis diu hostibus is exitus belli fuit, ut tredecim se-
 re post dies, quā pestilens morbus Lotrechium Du-
 cem cum multo maxima exercitus sui parte absum-
 psisset, eadem tabe cunctis ferè cūctis singularum na-
 tionum ducibus, uix signa tantū dimidiarum cohor-
 tium cōstarent, Nauarrus & Michael Salassus (quod
 ipsi et Lotrechio multum antea faciendum fuit) sese
 ad Auersam recipiendi serum consilium susciperent,
 & Cæsariani pariter erumpentes deserta castra, &
 semi

seni
 fensa
 uarum
 à Vasto
 quod g
 post in
 contum
 etus est
 degau
 curi pe
 bisq; c
 eustos
 bus in
 dulgē
 te, par
 desine
 tem, sh

Quid
 Quid
 Quid
 Me
 Osten
 Ad
 Vici
 Et
 Multi
 P

semienectis passim & miserè iacentibus hostibus inde
fensa muaderent, persecuti demum abeuntes & Na-
uarrum et Salassum comprehenderent. Salassius ipse
à Vasto humaniter susceptus, cōmendatusq; medicis
quòd graue vulnus dextro genu acceperat, triduo
post interijt: Nauarrus uerò inter quorundam militū
contumelias, in antiquum nouæ arcis carcerem cōte-
ctus est, eo uite cœntu, ut quum Aurantiū uictor An-
degauensis factionis aliquot Proceres iussu Caesaris se-
cūri percussisset, & eadē pœna Nauarro bis rebelli,
bisq; capto immineret, eum lethali affectum morbo
custos arcis Hicardus, tāquam Hispano homini et ro-
bus in Africa aduersus Barbaros gestis inclyto, hoc in-
dulgeret, ut parua mora tanquā propinqua iam mor-
te, parati carnificis manus elaberetur: quanquam nō
desint, qui eum extrema instantis fati suspiria trahē-
tem, stragulæ uestis operimento suffocatū existimēt.

Ferdinandi Balamij Siculi.

Quid uicisse astu potius quàm uiribus hostem,

Quid sit & aggeribus cingere castra nouis,

Quid uic sub effossis ima tellure cauernis

Moliri ut tota mœnia mole ruant,

Ostendit belli Dux inclytus arte Nauarrus

Ad Lybiæ eladem natus & exitium.

Vidi ego quum Drepani ratibus consterneret æquor,

Et streperent curuis agmina littoribus.

Multorum clade ut Lybicas appulsus ad oras,

Protinus euerſa est diues opum Tripolis,

Captorum spolijs classes onerantur Iberæ,
 Et uchitur longo prada opulenta mari.
 Quod si tanto operi non sata insensa fuissent,
 Rege sub Hispano Punica regna ferent:
 Sed certe hanc laudem seruant tibi numina Cæsar,
 Et tua captivæ gloria gentis erit.
 Quæ restant monumenta tui uir magne laboris,
 Hec louj, & uatum scripta diserta dabunt.

Sub effigie Maximiliani Sforziæ
 Mediol. Principis.



I C est ille Maximilianus Sforzia, qui
 insigni beneficio Iulij pontificis, et Hel
 uetij, Venetisq; armis paternum in re
 gnum restitutus, neq; ore quicquā Sfor
 zianæ stirpis generosis vultibus respondit, neq; inge
 nij indole & moribus quicquā dignū ingenuo prin
 cipe ad paterni spiritus similitudinem exprimens ad
 Principatum attulit. In omni namq; actione sordidi a
 nimi et planè uecordiæ cogitationes absurdo sepe ser
 mone stol. doq; afferre uidebatur. Ex interuallis enim
 quedā modò peracris prudentiæ, sed fugacis: modò
 subtilissimæ suspicionis, & inconstantis sensus, modò
 labantis memoriæ, & nonnunquam conceptæ & cre
 scentis insanie argumenta præbebat: utpote qui inte
 riorem tunicam, & subligacula non permutaret, nec
 offenderetur odore sordium sponte enascentium, nec
 pediculorū aspectu, eos frequentes progignente den
 sissima

siſſima atq; impexa coma. Ocreis etiam coriacijs quibus pedes & tibias induebatur, frigidam aquam non nunquam immittebat, ut pedes refrigeraret. A qua rerum ſœditate quandoq; diſcedebat, quum hæc molliter reprehendentes ſummi uiri Proſper Columna, Raimundus Cardonius, ipſeq; etiam purpuræ habitu & armorum authoritate uerendus Sedunenſis Cardinalis bene lotū & terſum eſſe iuberent, & ad elegātem uestis cultum deducerent: quandoquidem in ea correctione uel cubiculariorum monita, uel illuſtriū ſœminarū iucunda ſuaſiones nihil proficiebant, Medicisq; tantū curarū ita relinquebatur, ut cuncta remedia uiolenter repudiaret, nec unquam uti imperioſus ſe principē eſſe obliuiſceretur. Franciſcū germanum fratrem ex arcano oderat, obſtrectatione dominatus, quum ille ſapientior & potior adminiſtrando imperio haberetur. Per hæc interualla multis artiſicijs depulſa atra bile, eo tenore geſſit principem, ut quod ueræ conualeſcentiæ indicium erat, grauiores curas Senatorib. demandaret, ipſe autem uenationis & aucupij uoluptate aut iocunda familiaritate illuſtrium ſœminarum oblectaretur, & iam non inſanus ad bellica conſilia & munia ſe conuerteret. Ingruentibus ſiquidē Gallis ad Nouariam obuiam proſectus adeo fortiter & alacriter ſe geſſit, ut inuſitata uirtute deletis hoſtibus inſigni uictoria potiretur, quanquam eoſdem hoſtū duces Tranulium & Triuultium atq; eoſdem ſociorum præfectos, qui ſapremam ex perfidia Ludouico patri calamitatē attuliſſent, hiſdem in

cāpis uti nomini suo fatales exhorresceret. Per hū-
modum fide atq; uirtute Heluciorū confirmatus an-
bigua salutis spe quum pleriq; ueneficis potionib. &
fascinatione quadam conuulsam ei mentem crederet.
Principem gessit usq; ad aduentum Francisci Gallie
regis, qui capto ad radices Alpium Coctiarum Pro-
spero Columna, cum Heluetijs demū memorabili a-
cie iuxta Mediolanū confluit, uictorq; inde Medio-
lano potius Maximilianū in arcem compulsum ob-
seduit, mirisq; machinationum artificijs, quæ Nauarri
ingenio parabantur, cōterritum, atq; intestinas suspi-
cantem insidias ad deditiōem compulit, ea conditio-
ne ut in Galliam honestum traducende uitæ præmiū
ferret. Non defuit promissis rex ingenio clemens, ac
omnia quæ ei obseruato potius quam custodito tribui
poterant, liberaliter cōcessit. Sed ille amissi Principa-
tus memor, & iam mētis propè compos, miserie suæ
& dedecoris gnarus, quum sepe ad ueterem ingeni-
tæ uesantiæ morbum recideret, post aliquot annos, dū
Franciscus frater qui in eius locum à Leone pontifi-
ce fuerat reductus, oppugnaretur à Cesare, & Cle-
mente pontifice enixè defenderetur, uagæ febris mor-
bo oppressus interiit.

Placidij Placentini.

Hostibus expulsis regno præfectus auito,
Gestabat princeps aurea sceptrā manu:
Nec quæ sceptrigerum deceant coluisse, fatentur
Inculci mores, ingeniumq; rude.

Atta-

Attamen hic fato fretus, felicibus armis
Nonnunquam uictor mira Trophæa tulit,
Idq; breui gaudens inuitus regna reliquit,
Hostiliq; miser concidit hospes homo.
Non huic insignes titulos celeberrima uirtus;
Sors dederat ludens, uis inimica rapit.

Sub effigie Philiberti Aurantij
Principis.



O C lacteo colore & subtonsa flauen
te coma, ceruleisq; oculis ciere prelia
solitus erat Philibertus Aurantius, ab
Arausio uetere Romanorum colonia,
cui progenitores imperabant, uocatus. Fuit is Salo
nia apud Burgundos illustri familia editus, pro
ptereaque Cesari Carolo apprimè charus, quoniam
eius genus non obscura propinquitate contingeret.
Erat Philibertus Gallica alacritate belli cupidus,
quamobrem tametsi erat tyro & planè iuuenis, non
admodum difficile fuit, ut in Italiam sicuti magno
perè cupiebat, à Cesare mitteretur, exorto tum for
tè bello inter Cesarem atque Pontificem. Verùm
spes eius Fortuna elusit: nam ab Hispania soluens in
medio nauigationis cursu ab Auriatis triremib. quæ
tum regi Gallo operam nauabant, est interceptus,
neq; prius à Gallis custodia ulla conditione amitti po
tuit, quàm beneficio renouati foederis, quo utrinque
captiui, & ante alios Vgo Moneta, & Petrus Na-

uarrus sine pretio dimittebantur. Exinde Borbonio
 adhesit, à quo uti erat & strenuus & acer bellator,
 commendante Casare totius equitatus præfecturam
 promeruit, in idq; munus adeò ardētī feruidōq; inge-
 nio incubuit, ut iuxta Placentiam à pontificijs hosti-
 bus tumultuaria in pugna circumuentus, & equo pe-
 nē detractus amissis cristis egerrimē sese periculo ex-
 plicans, elaberetur. Quamobrem ab hostium ducibus
 sibi iterū pugnāturo comiter peteret, ut pecunia illi-
 co se redimi paterentur, si casus incidisset, ut in eorū
 potestatem deueniret: utpote qui custodiæ iterum in-
 cludi, & se bello à quo petebat laudē, excludi nollet;
 & uarijs spectatæ uirtutis operibus atq; periculis fa-
 mam omnino adipiscēdam arbitraretur. Aduenit nō
 multo post è Germania Georgius Fraispurgus cum
 quatuor legionib. quibus postea Borbonius se ducem
 præbuit, quum Georgius graui correptus morbo Fer-
 rariā secessit. His copijs sese adiunxere ueterane Hi-
 spanorum cohortes, cōcedente Antonio Leua, qui in
 præsidio Mediolani persistebat. Itaq; cum hac mole
 co piarum in Bononiensem agrū est descensum præ-
 cunte equitatu qui obuia quæq; ædificia barbara cru-
 delitate succenderent, nec quisquam ferē ducum qui
 Pontifici, aut Venetis & Gallis militarent, repertus
 est, qui ob stare ferro & flammis cuncta uastantib. au-
 deret: atq; ita superatis alpihus nemine iter eorum de-
 morante, aut saltuosius Apennini in locis à fronte præ-
 pediente, ad Urbem Romam cōuolarunt, magna sorte
 Aurantiij, qui oppressis passim pōtificiæ ditionis in-

colis

colis ingentem fecit prædam, cadenteq; Borbonio in
 limine capte Urbis, uniuersi exercitus Imperator est
 appellatus. Lætus itaq; tâto imperio, cui supra qua-
 draginta milia hominum parerët, à quibus urbs Ro-
 ma improuiso capta immanissimè uastabatur; nihil
 antiquius habuit quàm perducta undiq; fossa, arcem
 dispositis præsijs circumuallare, ut Pontificem &
 magnam Senatorum partem, qui exterrefacti subita
 irruptione hostium in arcem confugerant, in potesta-
 tem cum pretiosiore eorum gaza redigeret; parumq;
 interea miserrimi Populi omnibus tormentis excru-
 ciati, eiulatu & lachrymis permoueretur, quū inter
 se Germani atq; Hispani, hisq; nihil mitiores Itali, a-
 uaritia, libidine, crudelitateg; cõtenderent. Ceterum
 Auratius quū interdum obequitado circūuallatæ ar-
 cis munitiones, & custodias inspiceret, ab emissa sclo-
 petto accuratius glande sinistra in mala paulò infra
 oculū graue suscepit uulnus; sic ut eo uulnere postea
 non planè scilicet obducta cicatrice rubète mala de-
 formis euaderet. Adhæserunt Aurantio cuncti ferè è
 Gallia exules Borbonij authoritatē secuti, quos pesti-
 lētia usq; adeò atrociter mox uexauit, ut ex his notior
 Lorsiū ipsiq; maximè familiaris cū sodalib. interi-
 ret, & Germanorū atq; Hispanorū corpora pestilēti
 lue correpta, omnibus in locis tumularentur. Dedito
 autem Pōtifice, & perpetua statione custodito, prio-
 rum Regum animos generosus incesit pudor, quòd
 sacrorum Principes ad ludibrium totius terrarū or-
 bis gentium, usque adeò indignè atq; nefariè summis

iniurijs mulcetur; atq; ita Frācisce Gallie, & Hen-
rici Britāniæ Regum auspicijs Lotrechius Alpes tra-
iecit, ut Pōtificem detractis Vrbe Barbaris carcere li-
beraret. Qua de causa periculo territus Cæsar, ut im-
pietatis infamiam effugeret. Pontifici ut se auro redi-
meret concessit, quo militi ad tuendam Neapolim per-
recturo stipendia soluerentur. Itaq; Pontifex persolu-
ta pecunia arce post septimū mensem elapsus, ad Or-
bitum Tusclagri urbem se contulit. Aurantius uerò,
& Alonsus Vastius copias Vrbe eduxerūt, ut Lotre-
chio lōgitudinem Italiz iustis factis itinerib. emetien-
ti, & in Apuliam contendenti apud Troiam oppone-
retur. Quo in loco Aurātius & Vastius Lotrechium
facta prælii potestate displosiq; tormentis prouocan-
tem resutantes substituerūt, ignobiliq; discessus prope
rantia Neapolim contenderunt, quum oppida cuncta
Lotrechio aut expugnāti, aut in deditionem recipien-
ti, Gallica uexilla passim attollerent. Aurantius com-
pulsus in urbem Neapolim, & planè circumuallatus
urbem à militibus sensim direptam ita à Gallo hoste
seruauit, ut Lotrechius ducesq; omnes cum multo ma-
xima parte exercitus ingruente pestilentia, & bello,
& obsidioni finem imponerent, & Aurātius non sue
uirtutis, sed inſperato Fortunæ commodo letaretur.
Ab hac uictoria Aurantius capite atq; fortunis Anga-
uensis factionis Regulos, qui præproperè rebellas-
sent, acerbissimè mulclauit, ac inusitata atq; præcipi-
ti liberalitate eorū bona militib. suis diuisit, usq; adeo
prodigè & incōsultè, ut Cæsar id grauiter ferret, eum
Regnum

Regnum non sibi, sed Auratio & militibus seruatum diceret. Sequenti autem anno Aurantius cum omnibus copijs in Etruriam euocatus est à Clemēte pontifice, qui patriā sibi omnino Casarianis armis recuperandam existimabat, postquam Florētini cum Gallis isto foedere, & transmissis contra Casarē auxilijs consentirent. Ea autem Florētiæ urbis cepta atq; instituta est obsidio, ut pertinacia obsectorum ciuium constantiam hostium adequaret; urbsq; tantis opibus oppugnata est, ut nec undecimo quidem mense multa perpeſsi incommoda; perdomiti, erumpēdum potius, & preliū uel iniquissimi aleam pro libertate subeundam esse, quā de deditōne agendum decernerēt, è Pisisq; auxilia accersenda arbitrarētur, ut ualidius cum uirtutis, tum & peruicaciæ suæ supremum ederent conatū. Tum uerò accidit, ut Auratius de aduentu auxiliorum edocuius, consiliū caperet tam necessarium, quā ipsi fatale atq; hostibus, scilicet obuiam eundi, atq; in itinere confligendi. Igitur partias copias cum Ferdinando Gonzaga qui castra tueretur; ipse cum delecta parte exercitus contra hostes cōtendit; hisq; occurrit in Pistoriensium montibus apud oppidū Gabinianum, non procul ab eo loco in quo Romanos Petreio Duce, Catilinam sudisse, atq; interfecisse incolæ memorant. Florētinorum copię quibus præerant in fronte Ferruccijs ciuis Florentinus, ex mercatore repentē Dux factus, in tergo Paulus Rēij Ceritis filius eo cōsilio circiter septē milia hominum per alta atq; ardua loca iter habebant, ut uim hostilis equitatus

uitarent, & non magno circuitu quāquam salebroso ad urbem deferrentur. Iam Gabinianum oppidum intrabant, quum apparuere Caesarianorum signa, quibus conspectis properatius quā decebat Ferrucciani in oppidum sese inferre coeperunt; ut loco munito, si hostis urgeret equius se defenderent. In laxatā itaque & gressum intendentem hostium aciem Aurantius equitatum procurrere iussit; ipseque pugnandi auidus paululum ante prouectus, dum per arduum atque impeditum tramitē in hostem ire properat, glauco traiectus primus ferē omnium cadit, quum a parte alia Alexander Vitellius hostes inuasisset. Nemo ferē uel suorum, uel hostium cadentis Aurantij casum animaduertit, sic ut non prius quā a uagante eius equo qui erat spadix, & phaleris albicanteque crista conspicuus cecidisse nosceretur, quo spatio Florentinae copiae fuisse deletaeque sunt & Ferruccius intra oppidum interfectus, & Paulus captus. Cadaver Aurantij uti erat lacinia atque armis expoliatus a lugente armigero ita sarcinario iumento impositum est, ut inuolutum uili gausapa, utrinque pendentibus brachijs & cruribus, & capite luctato Pistorium deferretur; & tanquam uictori solennes inferiae dicerentur; non iam obscure hominibus Dei magni ultoris uim agnoscantibus, postquā nefarii belli praecipuos Duces Borbonium, Moncatam & ipsum Aurantium, tribus fulminibus uindicata impietate susulisset.

Bene-

Affice q
Spiret a
Auratis
Quem t
Tybri tu
Gallia p
At tu (u
Auranti
Dum res
Dum se
Mente a
Quum p
Vndiq; d
Dum pr
Ferrucc
Ipso in p
Ante uol
(Qyo C
Infinitus
Ma tua i

Su

fime imp

Benedicti Varchij.

Aspice quàm toruo meditans fera praelia uultu,
 Spiret adhuc gestetq; oculis ac pectore Martem
 Auratis fulgens Princeps • urantius armis.
 Quem tristi Italix fato, genitumq; ruinis
 Tybri tuis, atq; Arne tuis, non optima nostris
 Gallia produxit, misit Germania damnis.
 At tu (uerum aliter neuerunt fila sorores)
 Auranti Philiberte ingens Salonia proles,
 Dum res immodicas, dum regna Oenotria, magnæ
 Dum sceptrum Ausonia, dum totius orbis habenas
 Mente agitas, uoluisq; atros sub corde furores,
 Quum propè bis senis iam mensibus oppugnares
 Vndiq; desertæ pulcherrima mœnia Floræ,
 Dum properas multis cum millibus obuius ire
 Ferruccio, prohibere parans ne transeat, ipse
 Ipso in principio conflictus protinus omnes
 Ante uolans, ictu glandis traiectus abenæ,
 (Quo Catilina loco pœnas dedit impius olim)
 Infimus ut miles, primo cadis impete, et illa
 Illa tua in tenues spes tecum euanuit auras.

Sub effigie Pompeij Columnæ
cardinalis.



MBIGVAM equidem famosi nomi-
 nis sui laudē reliquisse uideri potest his
 ipse Pōpeius Cardinalis, quum miro in-
 genio diuersissimi muneris partes aptis-
 sime impletet, et in sacra purpura mitratus, et mili-

tari in sago galeatus, non periti modò, sed affectati etiam sacerdotis ante aras, & in castris providentissimi & strenui Ducis officia exequeretur. Nam ad utrūq; munus, cum per ap̄plum excelsi corporis habitum, tum grauis pariter & periocundi oris gestum, & facundiam illustrem, quò oporteret, decentissime transerebat. Sed faciliōsa in urbe, aulaq; omnium maledicentissima de se promiscuè fama materiam ingenijs prae-buit, moribus suis impensè laudandis, aut peracerbè lacerandis; ut pote quì modò temperatis atq; illustribus utriusq; disciplinae consilijs, modò turbulentis actionibus claresceret, quibus Clementem ab se praeclaro studio ad Pōtificatum prouectum ita circumuenit & oppressit. ut Bonifacij Octauī funesta memoria renouata uideretur; unde odium ualde ingēs apud multos, singularem uerò gratiam apud Caesarem promeruerit. Ceterum quibus de causis ab amicitia Clementis discesse-rit, ruiturq; patriae arma intulerit, diffusè à nobis perscriptum est eo in libro, quo ipsius Pompeij uitam sincera fide ad posteros misimus, admirandam utiq; potius quàm imitandam. Vir enim ingentis animi efficacissimaq; uirtutis & industriæ (modò factionis odium faceſſat) non ipso tantum Pompeij nomine, sed Magni item cognomento dignus existimari potuit; nisi infaustus senator, & malus omnino ciuis uastata patria, & Senatui, & Populo Romano apparuiſſet. Ad extremum qui exequijs intermortuae patriæ & capti Pontificis tragediæ interfuerat, ciuitatis resurgētis, & restituti Pōtificis simulachrum uidere

tere po
dens,
polim
comeſt
comple
tegris
moter
bus cop
nam oc

Virtute
Let
Virtute
Inge
Sic pati
tha

dem enu
ut se hu
gantium
Gritius

toge, et
linarū p

tere potuit. Verum secus ac optabat maturo fato cecidens, Clementem biennio antecit, quum apud Neapolim Regno administrando Præfectus à Cesare post comestas ficos biseras quas multa niue refrigerarat, in complexu Augustini Nyphi clarissimi philosophi integris sensibus expirasset, anno ætatis quinquagesimo tertio, quum Carolus Cæsar comparatis ingentibus copiis Solymano in Pannoniam redeunti ad Vienneam occurrisset.

Iouij Iunioris.

Virtutem mirata tuam, tuaq; incluta facta

Letata est tanto Roma superba uiro,

Virtutem illa eadem indoluit, tuaq; incluta facta

Ingenio ciuis Roma casura sui.

Sic patriæ carum uirtus te fecerat; orbi

Ille eadem ingratum reddidit, & patriæ.

Sub effigie Aloisij Gritti.

MEMORABILE profecto exemplum fortuna edidit in Aloisio Gritto eleganti certè homine, sed supra æquum ambitioso, audacissimoq; dominatus. Eadem enim illa uti lenis & insolens sepe conuertitur, ut se humanarum rerum dominam ostendat, & arrogantiam nouorum hominum petulantissimè castiget. Grittus namq; Barbarico cultu, cum pictæ, talarisque toge, et inflexi ad aurem pilei, qui ex pretiosis sabelinarum pellibus constaret, tum superbo incessu, et ser-

mone prætumido, Procères Turcas referebat. Is Andrea Gritto, qui postea Veneti Senatus Princeps extitit, ex Græca concubina Byzantij genitus atq; educatus, se totum in familiaritatē Olbomānicæ aula Principum, & Turcici sermonis consuetudinem deditit, tanta ingenij solertia, ut ex mediocri mercatore insignis publicanus euaderet; uno præsertim mirificè fauente Habraymo purpurato, qui eum in uestigalium licitatione subleuabat, & supra competitores Turcas impotenter efferebat, unde Gritto magnæ opes atq; insignis authoritas crenit, quam florētis patris dignitate, splendoreq; domus & cōuiuijs, multaq; largitione rerum elegantium, in omnes profusus atq; munificus tuebatur. His commercijs Habraymo querendarum gemmarum cupiditatem iniecerat, quarum flagrantissimo studio Solymanus ipse teneretur. Earum autem delectatione usq; ad insaniam prouecta, Gritus ex frequenti indicatura certissimus erat æsumator & solertissimus etiam mango, cuius artificij secretiorum domi tabernam haberet. Disserebat uerò sepiissime nihil omnino uel ad dignitatem totius ornatus, uel ad exprimendam summi atq; Augusti Regis maiestatem in longè maximo Imperatore speciosius & luculentius haberi, ipsa lectissimarum gemmarum multiplici copia atq; apparatu. Itaq; usque ad insaniam Solymanus, toto terrarū orbe perquisitas, & magno emptas pretio in unū coegit, ut his cuncta instrumenta cubiculi, & equestris cultus, atq; etiā podij parietes exornaret. Cellam enim argēteis atq; aureis laminis cir-

nis circ
rum an
spectar
galea a
clusum
& fabi
bilium
myria
uentio
rent, su
adipisc
tis sect
mani co
ricum
slymani
regem
tirq; ei
Hunga
annes
in regn
bitus li
nonie
cum Fe
suspect
uideret
suas ar
Impera
muncu
legatio

nis circumseptam crexerat in extremo hortorum suo
 rum angulo, quo utriusq; Bosphori pelagi spacia pro
 spectar. Sed mirè ad Solymani spatium responderunt
 galea auro & sceptrum, & crystallinum operoso in
 clusum auro speculum, quæ ingenio Gritti adinuēta
 & fabrefacta Venetijs, propter gemmarum admira-
 bilium copiam, calaturæq; præstantiam, octuaginta
 myriadam aureæ monete pretium excedebāt. His in-
 uentionibus quæ ad fastum superbissimi regis arride-
 rent, summam Grittus gratiam adeptus est, ita ut spe
 adipiscendi honoris inter Bassas sensim ad Mahome-
 tis sectam transiturus crederetur. Itaq; secutus Soly-
 mani castra, quum ille oppugnatum Viennam in No-
 ricum usq; processisset, & Ioannem Zapolium Tran-
 sylvaniæ Vayuodam insigni liberalitate in Pannonia
 regem constituisset, Grittus nouo regi adhæsit, præsti-
 titq; ei operam militarem aduersus Germanos, et eos
 Hungaros qui Ferdinando regi fauerent. Vbi uerò Io-
 annes & auctoritate Solymani, & Turcarum auxilijs
 in regno cōfirmatus est, incessit Gritto grauioris am-
 bitus libido, usq; ad eò ingens, ut non obscure ad Pan-
 noniæ regnum aspiraret. Ioannes namq; quòd pacisci
 cum Ferdinando, & pace frui percuperet, Solymano
 suspectus euaserat, quòd ingratis atq; indignè facere
 uideretur, qui aliunde fœda pactione firmadas opes
 suas arbitraretur, quam à uirtute fideq; inuictissimi
 Imperatoris, qui regna dono dare, & ex priuatis ho-
 munculis reges efficere consueisset. Propterea Grittus
 legationem sibi in Pannoniam impetrauit, ut Hunga-

ricis inspectis rebus operam daret, ne aliunde Otho-
mannico nomini contumelia pararetur. Hac spe Grit-
tus cum amplissimis Solymani mādatis, magnoq; ser-
uorum, & Turcarum comitatu Byzantio profectus,
per Moldauā ubi Petrus Vaguoda, Solymani incer-
tum hostis an socius imperabat, in Daciam peruenit,
quæ hodie Transylvania dicitur. Ibi quum constituto
prætorio Prouinciæ conuentum habiturus crederet-
ur, citarenturq; proceres, Americū Cibacchum Va-
radmensē episcopum, & eundem cum militari præ-
sidio uetere Hungarorum antistitū consuetudine pro-
uinciæ præsidētem, quod tardius ad edictum ueniret,
noctū ad Braxouium castra labentem inuadi, & per-
Ianum Docciam Hungarum interfici iussit, ut subla-
to summae potentie amulo, passim cæteris formidatus
ad Budam contenderet. Sed uir æquē ambitiosus &
cruentus in uestigio admissi sceleris pœnas dedit. Nam
q; ad cædem sacrati & nobilissimi uiri uindicandam
arxere se Stephanus Maylatus, & Gotardus genere
Saxo, ipsi Americo propinquitatē atq; amicitia con-
iuncti. Atq; ita supra quadringenta armatorū milia
in unū coegere, adortiq; Grittum ad oppidū Megeş,
eo euentu obsedere atq; oppugnauere, ut destitutus
spe auxiliorū, quod neq; præfecti Turcæ Nicopolita-
nus, & Samādrensis, transire Danubium ueriti, non
facilem operam laturi forent, & Ioannis Regis præsi-
dia longē abessent, se hostibus dedere cogeretur, atq;
eo modo ostentans Solymani diplomata ad prætoriiū
Gotardi atq; Maylati deductus, iussu eorum exorto

Hunga-

Hungarorum ululatu, tanquam hestia Americi manibus mactaretur: trucidato eius comitatu, & direpta gazæ. Duo eius liberi adolescentes: quorum natus maior Antonius ad Agriense sacerdotium erat destinatus, Moldauis traditi sunt, à quibus aliquanto post immaniter necantur. Doccia ipse comprehensus, qui author & suasor Americi cædis fuerat, magno ludibrio à seuiente turba dilaniatus est. Atq; ita qui regnum affectabat, gazam omnem quæ erat pretiosissima uitamq; simul & liberos pūcto temporis amisit.

Fabij Segnii Florentini.

Tegmine Barbarico capitis, cui purpura & aurum
Intextum gemmis radiat splendore corusco,
Insignem cernis iuuenem, & fulgentibus armis,
Byzanti genitum Graia de pellico Gritum.
Ante alios Regum Regi gratissimus omnes
Hic fuerat Solymo, tenebrisq; emerſus ab atris.
Prodierat superas paulatim in luminis oras:
Sed nimis ardentem rebus tumidumq; secundis,
Dum miserum torquet regnandi dira cupido,
Quæ solet, in præceps deiecit culmine ab alto,
Vertere funeribus claros fortuna triumphos.

Sub effigie Alfonsi Ferrariæ
Principis.



N Alfonso Atefino Ferrariæ Prin-
cipe, ut ex se uero, & per acri oris
ductu coniectari licet, & nos uidi-
mus, ingenium egregie firmum sta-
bileq; & præcellens, quocumq; ex-
tra literas uerteretur, entuit. Abdi-

carat enim planè uir cuncta iocunde adulationis &
morose grauitatis lenocinia, ipsis plerunq; cognata
Principibus: quando quidem singulas cogitationes, et
singula prope exercitamenta corporis, ad bellicas ra-
tiones reuocaret, et nihil omnino molle aut remissum
complecteretur, uel ipsa nature consuetudine, uel ne-
cessitate tot incumbentium bellorum, quæ omnem in-
ertiam, uel desidiosis excuterent, & uirum, uti oport-
uit, cum salutis tum dignitatis sue memorem excita-
re, & ad insitam uirtutem factis extendendam incita-
re posse uiderentur. Itaq; Alfonsus à nobis peculiari
uolumine celebratus, uti magnanimum bello ducem,
atq; optimum pace principem decuit, sub æcto corro-
boratoq; multis periculis ingenio, firmoq; semper
pectore cuncta aduersæ Fortune iacula tam fortiter
excepit, quàm feliciter auertit. Triū nanc; maximo-
rū Pontificum diuina atq; humana arma, odiq; per-
petui insidias, tā infracti animi cōstantia superauit,
ut gloriosam triplicis triūphi lauream, si de Pōtifice
hoste triumphare sui foret, meruisse dici possit. Obijt
Alfonsus

Alfonsus climacterico anno propinquus, quū liberos
ad certissimam frugem cōtendere conspiceret; & na-
to iam sibi nepote in spem longæ successionis letare-
tur. Hisdem autem diebus concepit febrem quib. nun-
ciata ei mors est Clementis pontificis, ob idq. excessit
ē uita se ipso letior, quod primis comitorū dieb. Far-
nesium Cardinalem, pontificem renunciatū fuisse di-
diciisset, quasi nihil sibi optatius et melius accidere po-
tuerit, quā quod pro implacabili hoste, ueterem a-
micum, à quo omnia facile impetranda forent, quæ
Aeternæ domus imperium stabilire atq. augere pos-
sent, esset habiturus.

Rainerij.

Quā bene bellipotens Alfonsē ex aggere tundis

Barbara terrificis agmina fulminibus,

Sulphurea quum in nube, atq. igne coruscus ahenō

Ceu superum ætherco quum tonat axe pater,

Obuia prosternis generi monstra horrida nostro;

Sic eat, ō qui almam diripit Ausoniam.

Quā bene & æquoreas incuntes flumina puppes,

Et Venetū armatas in tua sceptrā manus

Disjicis, atq. alto figis rostra ærea templo

Martia uirtutis signa secunda tue.

Suspensam ut cernant classē, stupeantq. nepotes,

Vtq. eat Hadriaco celsior Eridanus.

Quin Iuli cludis robur, rictusq. Leonis,

Atq. inclementes in tua fata dolos.

Macte animo: felix nato Hercule, & Hercule patre

Quo cum alta inuicto nunc teris astra pede.

Faerni.

Clementem postquam Medicem, cui tempora nuper
Tiara cingebat triplex,
Extinctum Alonsus Dux audiit, illicet acre
Correptus egritudine
Illius mortem est properata morte secutus,
Funusq; iunxit funere.
Præ luctu perisse, inquis, nimioq; dolore?
Immo id quidem præ gaudio.

Sub effigie Hippolyti Medices
Cardinalis.



HOC Hungarico militari cultu Hippo-
lytus Medices Cardinalis quum è Pan-
nonia, ubi Legatus apud Cæsarem fue-
rat, abeunte Solymano redisset, à Ti-
tiano pictore eximio Venetijs se pingi iussit. Hunc Iu-
lianus Leonis pontificis frater Urbini exul ex nobili
uidua suscepit. Infans in ipso uitæ simul & mortis
limine, quum cum mater admissi stupri impio pudore
necari iussisset, ancilla misericordia seruatus est. Crea-
to Leone pontifice triennis cum nutrice Romam ue-
nit, tanta uero suauissimi oris indole, sermonisq; fe-
stui lepore mirabili extitit, ut pontifex eo ad pedes
ludente mirum in modum oblectaretur, & ea specie
in coenaculo Vaticano à Raphaelæ (uti uidemus) ex-
actissime

artissimè pingi iuberet. Vbi adoleuit, literis libera-
liter est institutus. Ostendebat enim ingenium habile
ad omnia perdiscenda imitandaq;. Ei nanque supra
etatis captum ante omnia mirauis inerat poetici spi-
ritus, sic ut Virgilij secundū Aeneidos librum in E-
truscum sermonem lepidissimè uerteret, & prolo-
quia Hippocratis ab arte medica, in usum bellicæ di-
scipline, emulatione festiuissima transferrentur. Sed
non multo post à literis ad exactum totius musicae stu-
dium deflexit, peritissimo quoq; artificum & phona-
scorum sibi ascito, pariq; flagrantis ingenij cupidita-
te, omnis symphoniacæ modulationis, organis usq;
ad eò eruditè pertractatis, ut prædulcis citharædus,
lyristes numerosus, fistulator eximius, & incōpara-
bilis tibicen euaderet: ænochoraq; item argutissimis
percurreret digitis, quando ærea etiam membranca-
q; tympana bellico crepitu militares animos excitant
etia, diuersissimis cōcentus numeris editis, cū nostro-
rum, tum Barbarorum more stupēda imitatione per-
pulsaret. Quum in his studijs iuuenili alacritate totus
esset, Clemens cum legit in Senatū, ratus eum ad gra-
uitatem animi componi posse. Ex arcano autem id
pontifex petebat, ut Hippolyto sacris initiato, Ale-
xāder eius patruelis iuniore Laurētio genitus, Etru-
riæ principatus solus potiretur, quòd tū propter in-
genij firmitatem, quanquā esset literarū expertus, in se-
stinen dō tuendoq; dominatu potiozem existimaret.
Verū Hippolytus purpuræ honorem ita cōtempnit,
ut Clemens eum indignis sacro ordine studijs & uo-

luptatibus deditum, grauiter increparet, dedecorantemq; nihilo secius senatorie amplitudinis dignitate importune insanie pœnas citò daturū diuinaret. Nā ad theatrales ludos, equestresq; decursiones, edendāq; simulachra praeliorū sumptuosi et uarietate gaudētis ingenij libidinem detorserat: quanquā prater hæc incredibili magnarū uenationum cupiditate incensus, numerosum insignium canum, et nobiliū equorum apparatus grauissima impensa tueretur; tanto etiam uitæ splendore, ut in medijs nemorib. apud fontes, totius aulæ, Romanorumq; iuuentuti frequentissimè epulum daret. Quæ omnia Clementem è tanta clade Urbis carcerisq; miseria nuper emersum, egentēq; pecunia, et quod augendo moerori plurimum intere rat, natura parcissimū, mirabiliter vulnerabant. Nec diu post pontificē lethalis inuasit morbus, et eripuit: cuius morte quanquā in Hippolyto suscepta uitæ studia minimè refraxissent, is tamen in comitijs opportunissimè se collegit, multosq; secum ex ueterib. amicis perducens Farnesio Cardinali, ut Pontifex renunciaretur precipuus extitit suffragator: cuius studij eum mox poenituit, prater sp̄s Anconitana legatione quæ sibi per interregnū promissa fuerat, indignissimè fraudatus. Quæ ex re, animo uehementer perturbato, inuidere apertius Fortune fratris, atq; eius uitæ insidiari coepit, deprauantibus eum, atq; impellentibus Florentinis, ueteribus Mediceæ familie mimicis, Principe eorum Philippo Strozza. Hos enim exilio pulsos, Hippolytus in amicitiam receperat, et arcanis consilijs

his usq; adeo inconsulte adhibebat, ut fratri, ex subita
 rio tormentarij pulueris incendio, execrabile exitium
 machinaretur. Eo siquidē sublato dominatū Floren-
 tiæ adipisci se posse per exules, uanissima cogitatione
 cōfidebat. Sed dii immortales immane abominati fa-
 cinus certa indicia Alexandro detexerunt. Que om-
 nia Alexander per Caesaris legatum Paulo Pontificē
 detulit, comprehensusq; est eius scelesti consilij cōscius
 Octavianus Zēga ex Hippolyti satellitib. Qua per-
 strictus infamia, & nō uano pauore correptus; quōd
 suas fortunas, & sacerdotia à Pōtifice cupidissimē pe-
 ti crederet, in Tyburte agrum profugit. Nec ita mul-
 to pōst cōuerso ingenio, perspectaq; exulum malignū
 tate, cum fratre redire in gratiam, & cōditiones pa-
 cis à Cesare petere constituit, qui tū in Africa bellum
 gerebat. Sed quum nauigium nauigaturo Neapolim
 pararetur, ad oppidum nomine iter Appiæ uie impo-
 situm, non procul à Fundis subsistens, in mortiferam
 febrē incidit, paucissimisq; diebus iuuenis longē om-
 nium eruditi ingenij nobilitate, decore uultus, & illu-
 stris uite splendore florētissimus, ex humanis est ere-
 ptus; magna hercle exulum letitia, magnoq; Pontifi-
 cis commodo, quum hic eius spolijs nepotes suos dita-
 ret; illi uerò uno auulso alterum tāquam fratris ope
 destitutū, uti mox euenit, facile tolli posse diuinarent,
 & subinde inducta ueneni suspiciōe eius criminis no-
 tā Alexādō affigere conarētur; sed ea suspicio pror-
 sus inanis euasit, cum prapiciui eius comites Danthes,
 & Bellingerius, ac Raynaldus, eadem autūnalis æ-

In maligna intemperie periissent. Relatum in urbem
 eius finis, Urbane multitudinis ordinumq; omnium
 uerissime lachrymæ, quod antea surda in urbe nemi-
 ni contigerat, per triduum decorant, quum tumultu-
 ario apparatu lugentium Asiorum & Acithiopum
 humeris adibus suis inferretur. Nam præter hos præ-
 stantissima omnis eruditionis exquisitarum artium in-
 genia, patrono inexhaustæ liberalitatis ante diem e-
 repto orbata destitutaq; de Fortune sauitia conque-
 rebatur. Eius namq; domus ex omnibus cogniti orbis
 gentibus uirtute animi aut corporis præceritate con-
 spicuos, liberaliter admittebat; uidereq; erat homines
 diuersissimo sub cælo natos, eundem dolorem ex heri
 morte, eademq; tristitiam, sed dispari uultu garrituq;
 dissono, contundendo pectora, sulcandq; ora ungui-
 bus, præferentes. Gaudebat siquidē ille mirum in mo-
 dum quod Barbari uiginti amplius linguarum in eius
 cœnaculis recenseretur. In his fuere Numidæ Regu-
 lorum sanguine progeniti, qui equitadi desultandi-
 peritia spectantium oculos admiratione cōpleret. His
 accedebant Tartari sagittarij incōparabiles, & Ae-
 thiope qui in luctatione et palestra quosq; ualidissi-
 mos antecirent. Ex India porro natadi, urinandi-
 peritos, quibus studiis iuuenili feruore impensè deditus,
 tãquam magistris ad emulationem utebatur. Turcas
 autem tãquam ad expedienda arma promptissimos,
 in uenationib; ita exercebat, ut interdum noctuq; cor-
 poris custodia præcipuos adhiberet; egregio certè e-
 xercitationum genere, nisi dignitatis obliuio, per uan-
 itate

nitatem
 leam su
 eius tuer
 miment
 gument
 nili atq
 ro olim
 portien

Floruit
 Quo
 Id tua c
 Orbis
 Nec tib
 Gra
 Nec po
 Quo
 Tunc b
 Fleu
 Tantiu
 Litu
 Scilicet
 Sed

nitatem ostentandi militaris ingenij, salutis quoq; aleam stulte periclitari, quàm familiæ atq; ordinis decus tueri maluisset. Non inane autem prodigium imminenti mortis suæ præstruxisse uidetur, quum pro argumeto insignium suorum, crinitum cometem iuuenili atque amatoria uanitate gestaret, qua specie diro olim fulgore in cœlo ardens C. Iulij Cæsaris necem portendisset.

Antonij Vaccæ.

Floruit Hippolyte, & tecum fato occidit uno,
Quod reliquum antiquæ laudis & artis erat.
Id tua clauderat totum augustissima quondam,
Orbis terræ instar quæ domus una fuit;
Nec tibi magno animo quisquâ se æquasset & ausis
Grandibus, aut larga, munificaq; manu;
Nec poterat Fortuna tuis multum addere rebus,
Quum iuueni iniecit mors uiolenta manum.
Tunc bis te undenis de gentibus ora clientum
Fleuerunt, cineres condideruntq; tuos.
Tantus eras, tamen inuidiam uitare nequisti,
Liuoris cecos nec superare dolos,
Scilicet obuia quæq; sibi domat ardua uirtus,
Sed domuisse unam non potis inuidiam est.

Sub effigie Francisci Sforziæ Mediol. Principis.



INSIGNI hercle humanarū rerum exēplo Franciscus Sforziæ secundus, inter maxime ærūnosos Principes diūq; alterne Fortune fluctibus iactos cēseri potest; ut pote qui triennis cum patre Regni sui penatibus eiectus, unum & uigesimalium annum in exilio uitam sepe inopem, & inter spes & metus ualde sollicitam transegerit, peccata aliena potius quā sua semper lugens atq; inde poenas expectans: nec tamen unquam animum despondens, quod in eo fatalis propē fortitudinis & infractæ constantiæ documētum fuit. Post exactū paterno Imperio Maximilianū fratrem ipse quinquennio post, communibus Leonis Pontificis, & Caroli Caesaris armis reductus, grauissima instaurati toties belli à Gallis hostibus periculā subiit. Sæpe eum poenituit bella suscepisse, quæ sibi nihil armis exercitato, egentissimoq; pecunie, semper nouas & propē inextricabiles rerum difficultates importarent. Quibus malis qui ab initio studiosissime expetitus fuerat, Insucribus demum odiosus & grauis, & notis propē omnium dānatus euaderet; usq; adeo cre scēte inuidia propter innumeras, & nunquam destituras cogende pecuniæ acerbitates, ut nonnulli eum tollent.

tollendū arbitrarētur, & inter alios Bonifacius Vicecomes ex familiaribus aulæ insigni eum perfidia equitantiem impresso pugione supra humerum ad cervicem, sed leui ictu uulneraret, elapsusq; tot circumstantium prætorianorum diligētiam, pernici uectus equa intactus effugeret. Tria bella tribus prælijs Cæsarianorū præsertim auspicijs cōfecerat, quū Lotrechium ad Bicoceam, Goffesium Amiratē & Heluetios ad Sesithem amnem superasset, & demum Prospero & Piscario Ducibus, Ligures Genua capta subegisset. Quarto autē bello quod longē maximum Rex Franciscus ipso ductatē, Galliæ Cisalpinæ intulerat, quum uictus prælio Rex hostis ad Ticinum, captusq; fuisset, ita secūdo euentu Sforzia lætatus est, ut totius uictoriæ fructu excluderetur, accusareturq; proditiōis & Piscario atq; Antonio Leua, qui Cisalpinæ Galliæ imperium non Sforziæ, sed Cæsari partum uolebant, ita ut Sforziani exitiali calumnia circumuentum in arce obsiderent, & totius ferē ditionis urbibus spoliarent. Non tulere indignitatē atq; insolentiam iniuriæ Pontifex Clemens, Venetusq; Senatus, atq; ipsi demū Galli ex hostibus socij & defensores facti, quod omnium interesset ad salutis & libertatis tuendæ nomen, Sforziā conseruare, nec externis rapacissimis Cæsaris militibus Italiā diripiendam præbere, patiq; ut unus Cæsar tātis auctus opibus, cæteris ad arbitrium imperaret. Sed Fortuna sua pertinaci libidine Cæsari fauens, omnes qui aduersari infringereq; potētiam ausi sunt, ita perculit, ut cum magna clade prosterneret. Verūn

qui armis Sforziam tueri frustra conati sunt, iusto de-
 mum consilio, hoc à Cesare precibus impetrarunt, ut
 Sforzie parceretur. Igitur Caesar in Italiã uenit, Bo-
 noniæq; suscepturus insignia Imperatorie maiestatis
 de manu Põtificis, euocatum eò Sforziam sub fide pu-
 blica benigne complexus, paterno imperio restituit;
 atq; eo modo pace facta, aliquanto pòst Caesar Sfor-
 zie coelebi, Christierni Danie Regis filiã, ex cuius ma-
 tertera genitã, cõnubio iunxit. Quibus nuptijs, quòd
 confirmari auctoritas Sfortie uidebatur, ingenti, sed
 nequaquã diuturno gaudio Insubres letati sunt, quòd
 pax inuecta, Prouinciam summis affectam detrimen-
 tis, ad pristinum opulentie otium deductura credre-
 tur. At superis minimè uisum est Insubrum miseris fi-
 nem imponere, atq; ita Sforziã, quòd aliter fieri non
 poterat, noue nuptie delitijs indulgentem, ex leui lip-
 pitudinis initio sustulerūt, tum sorte quum Caesar Tri-
 neto capto ex Africa Neapolim rediens, ad triũphum
 Romam à Paulo Pontifice uocaretur. Tum enim de-
 functo Principe Insubres tantis lachrymis elatum lu-
 xerunt, ut eo prodigio imminentes calamitates, qui-
 bus postea acerbitate Casarianorum Præsidium Pro-
 uincie concurbate opes conuulsæq; sunt, prænun-
 ciasse uideantur.

Faerni.

Franciscus hic situs secundus Sfortia est
 Insubrium Dux, cuius Imperium atq; opes
 Nunc asperis nunc prosperis euentibus

Fortu-

Fortun.
 Atq; illi
 Peritus
 Medius
 Suprem
 Seruau
 Armis u
 Nunc h
 Puluis c

S



cis scrip
 latissim
 gentis P
 innume
 est. Tum
 cationes
 thuanis,
 quam se
 fice diff
 cuti ex
 nestore
 et cum

Fortuna forsque multiplex exercuit.
 Atque ille nunc ciuilibus, nunc exteris
 Petitus armis, Gallicisque & Baticis,
 Mediusque Reges inter aduersarios,
 Suprema ad usque Fata regnum patrum
 Seruauit, & prudentia fretus sua
 Armis uim apertam fregit, atque astu dolos.
 Nunc hic quiescit paruus è tanto Duce
 Puluis cinisque & nudula umbra mortui.

Sub effigie Basilij Moscouie
 principis.



BTRVSA penitus ad Boream præter
 Hercynios saltus, Arctooque uertici sub-
 iecta Moscorum Regna, intacta olim
 Romanis legionibus, nec planè Græ-
 cis scriptoribus nota, Sigismundus Sarmatarum Rex
 latissimè nobis aperuit, quum armis cum Basilio eius
 gentis Principe ad Orsam iusta acie contendisset; qua
 innumerabilis eius gentis equitatus sædè profligatus
 est. Tum enim primo Romæ de uictoria parta suppli-
 cationes decretæ sunt, quòd Mosci à Polonis & Li-
 thuanis, modò Rhuteni, modò Moscouita uocati tan-
 quam secuti Græcorum opiniones, à Romano Ponti-
 fice dissentirèt. Sed Basilius qui adoptari in Regè si-
 cuti ex Demetrio Legato accepimus, ex Principe ho-
 nestiore scilicet speciosioreque titulo cupiebat, pace sa-
 cta cum Sarmatis, non semel cum Maximiliano Cæ-

sare Clementeꝫ Pontifice per legatos suæ gentis, latè nobis Regnorum suorū fines & opes indicauit, quum ea tantum mercatorum sermonibus occiduis Europæ populis innotuissent, & tum maxime quum Demetrius Legatus ad urbem missus, cuncta exactissime, uti Latina peritus lingua retulisset, iubente Pontifice, ut memorabilia quæq; descriptis Regni finib; & gentium moribus, in peculiarem à nobis commentarium conferrentur. Qui liber non semel impressus extat, quo excusari facile possumus, si Basilius breuiore quàm decet Elogio perornetur. Is quem diximus Demetrius Legatus qui Regis imaginē hoc habitu nobis pictam detulit, percunctantibus referebat, latissimos esse Regni fines, qui ab Oriente Volgam annem attingant, Tartarorum Regna à Moscis dirimentem; ad Aquilonem Suecorum & Liouum extremis terminis cohereant, & ad Occidentem ad Boristhenem usq; proterantur; à Meridie autem Tanaitis & Taurica Cherfonesi ad Mæotidem paludem Tartaris Præcopitis qui sunt in Europa, proximi sint. Regio in uniuersum cæpestris est, ad segetem parū felix, cera, armentis & pellibus pretiosis ferax. Basilius equitatu abundat, utpote qui quum opus est, ducentorum milium equitum numerum efficere possit. Regiam habet Mosca in urbe, quæ à præterlabète Mosco amne nomen accipit. Arcem habet in morem prope nostrum ædificatam, & tormentis permunitam. Paruo sumptu alit exercitum, quum Regni iuuentus omnis edicto arma capere cogatur, nullo propè adiuta stipendio: ipse per Legatos

Legatos bella gerit; auarissimè imperitat, nec largitione in quenquam utendum putat, usq; adeò illiberaliter, ut legatos suos à magnis principibus redeuntes cunctis muneribus expoliet, atq; ita accidit, ut bello infelix existimetur: quandoquidem inuicti populares edictis parcāt, neq; fortissimè pugnent: sic ad Orsam uicti pro uictoria magnum luctum toti Moscouiæ retulerunt. Nec ingruentibus in Moscouiam duobus simul Tartarorum regibus, quisquam repertus est dux fortis uel strenuus miles, qui pro salute patriæ propugnaret. Mahometes namq; Syreus qui in Taurica regnabat, & Absa qui ad Citracam Volgæ in Hyrcanū erumpentis emporium imperabat, cum singulis exercitibus Moscouiam inuasērunt, ferro & flammis cuncta excindētes: & id quidem impunè, quum Basilius tantæ moli hostium impar, & consilij inops, usq; adeò trepidè profugisset, ut foeni cumulo cōderetur. eo modo Mahometes & Absa germani fratres iūctis ad Columnam exercitibus, ad urbem Moscam castra fecerunt: haud dubiè urbe atq; arce potituri, nisi Germani tormentorum liberatores, magnam Tartaris cladē & trepidationem intulissent, quū Basilius absens per syngrapham Mahometi se perpetuò tributariū professus, quibusdā datis muneribus impetrarit, ut à Mosca discederēt. Itaq; Tartari onusti infinita præda, incendijs euastata regione, infinitam propè captiuorū multitudinem abduxerunt: sic ut Mosci, & in Taurica Turcis, & apud Citracam diuersis Cassij maris incolis uenundati sint, neque Basilius postea, tametsi

quereretur se à Gyreis fratribus qui bellū non indixissent, deceptum falsis indicijs atq; oppressum quicquam memorabile aduersus perfidos hostes gessit. Exinde Basilius Salamoniā uxorem tanquam sterilem repudiavit, & in monasterium detrusit, superinducta Helena nequaquam primarij uiri filia, & secundum Helenam, aliam minimè prioribus nobiliorem ducturus uideri potuit: nisi fama increbuisse, Salamoniā intra sacra septa filiū peperisse, qui in principatus hereditate succederet. Nec multo post Basilius bello semper infelix & semper sospes, graui oppressus pituita mortem obiit, his profecto repudijs infamis, & uti impotenter rapax, & nusquam liberalis aut benignus apud suos inglorius: hoc etiam ab turpi Ioannis patris emulatione probro oneratus, quod à foeminis abhorre diceretur, alio scilicet translata libidine, quoniam inueterata consuetudine apud Moscos, more Græcorum, adolescentes amare fas esset. Primores namq; gentis, & cuncti equestri dignitatis ordines honestorum ciuium liberos in famulatum sibi asciscere, militiæq; erudire consueverunt.

Iouij Iunioris.

Et si te nullis insignem fama trophæis
 Basili sine laude per orbem,
 At semper uictum referat, semperq; subactum
 Horribili in certamine Martis.
 Sarmata quum toties te fuderit, atq; Gelonus
 Obruerit tua castra sagittis,

Et tua

Et tua regna ferox pubes populata Scytharum

Te patria solioq; fugarit;

Non ingrata tamen tibi se debere fatetur

Haud meriti immemor Itala tellus.

Nanq; tuo nobis ignotos munere Moscos,

Et Scythici Borealia cœli

Regna aperis, Tanaimq; truce[m], penitusq; repostura

Perpetuis sub nubibus Arcton.

Sed quid Hyperboreos ueterum menda cia iactat

Riphaeo sub cardine montes?

Basili nobis cœcam tu discutis umbram.

Nos ideo pro munere tanto

Ritè tuam effigiem Lauri ueneramur ad undam;

Nomenq; immortale sacramus.

Sub effigie Antonij Leuæ.



NEMO ex his qui seculo nostro ab His-
pania in Italiam uenerint, & post Ma-
gnum Consaluum aliquid præclari no-
minis militiæ sint consecuti, ipso Anto-
nio Leua uel ingenio acutior uel illustribus bello fa-
ctis præstantior euasit. Huic nanq; Nauarrus misera-
bili uitæ exitu clarus, facile cedit. Ingèti herele uirtu-
te Antonius nusquã ferè uestigijs eius abscedente For-
tuna, quod longè maximum in toto militari negotio
semper existimatum est, frequentib; prælijs sapissimè
uictor, & si fors iniquior uictoriæ successu eriperet,
nunquam uictus uideri potuit. Diuinæ siquidè prou-
dendo, & grauitè eritendo, hostium consilia præ-

uertere, & quæ iâ apud eos parata essent atq; instr-
 eta præoccupare, aduersariorum immodicos conatus
 admirandis dolis eludere, & quum res posceret, ueha-
 menti atq; expedita manu infringere atq; retundere
 didicerat. Quod enim mirû est nullo propè præcûte
 magistro, nullaq; prorsus adiutus bellicæ educationis
 disciplina, & impiger miles et acer præfectus, impro-
 uisis & fortibus consilijs, celeritateq; præsertim, dux
 felix euaserat. Cæterum Antonius planè adolescēs, et
 ut ipse nobis narrabat, adhuc imberbis, Sancti Mar-
 tini patris alæ equitû præpositus, anno secundo post
 secularem ea classe uectus in Italiam uenit, qua Ema-
 nuel & Valentinus Benauidij fratres, & duo Alua-
 radi pater & filius transuecti sunt, aduersus Gallos
 opem ferentes. Ipse genus ducebat è Catabria, quæ u-
 na omnium Hispaniæ prouincia, optimorû terra ma-
 riq; militum feracissima existimatur. Sed antea Anto-
 nius iusta in acie hostem nō uiderat, quàm egregiè &
 ad Gioiam aduerso, & ad Terranouam secundo præ-
 lio, illic cōstantis, hic uerò maxime ardentis & imper-
 territi bellatoris laudem est consecutus. Interfuit de-
 mum Rhauennæ Cardonij signa secutus, quo funesto
 prælio non ignominia, sed laudi fuit incolumem eua-
 sisse. Sic enim Cesennā se recepit, ut plerosq; milites
 ex itinere cōseruaret; atq; ipse demum instaurata a-
 lla eodem Cardonio & Prospero Columnæ ducibus,
 ad Cisalpinæ Galliæ bellû proficisceretur. Post mortē
 uerò Iulij pontificis, Leoni, Carolo Cesari coniuncto,
 in expellendis Gallis operā nauauit, usq; adeo diligen-

tem & strenuā, ut iam inter summos duces consilio
perspicax, & manu egregie fortis haberetur. Ab hac
fama iam planè clarū, ea quæ secuta sunt bella claris-
simum fecerunt, quū obsessus Ticini à Francisco Gal-
liæ rege, sese perinacissimè defendisset; cum excidio
quidem nobilissimæ urbis, quum alendo præsidio, ne-
q; fortuna ciuium, neq; templorum donaria, neq; lu-
culentæ domus excisæ deformatæq; sufferissent. Sed
hæc Ticinensium calamitatē, inexprabilemq; inuictæ
egestatis dolorem aliqua ex parte minuere uisus est
rex ipse tati nominis ingenti prælio uictus et captus.
Verum ad eam uictoriam ad quā parandam Leua ma-
gnum eruptione sua momentum tulit, nequaquā pax
allata est, scilicet ut alia orirentur bella, quibus ferti-
lissima Italia prouincia militari licentia uastaretur.
Nam quum Leua Cæsarianiq; duces Sforziā grauib.
calumnijs implicitum apud Cæsarem maiestatis accu-
sasset; & in arce obsedissent, consternati ad arma I-
talie principes in unum seruitutis metu cōsensissent:
hostes ex socijs facti, longè omnium luctuosissimū bel-
lum excitarunt, eo euentu ut Antonius Mediolani ob-
sessus, multis secundis prælijs longè clarissimus ducē
euaderet, existimaretq; neq; humanis neq; diuinis re-
bus esse parcendum, modò decus suum & Cæsaris di-
gnitatem tueretur, & stipēdij loco singulas urbes, sin-
gulosq; earum ciues militibus immanissimè diripien-
das concederet: ipseq; imperiosus multis undiq; par-
tis uictorijs terribilis atq; opulentus, aduersus tot ho-
stes inuictus aduersa arma sustineret, & Sforzia per

ad electionem electo, tanti principatus Imperio potire-
tur. Sed Caesar ad clementiora consilia cōuersus, post
captum pontificem, atq; cum iam euasata Roma car-
cere liberatū, Sforziam restituit ea conditione, ut An-
tonius, tuenda Italiae dux copiarum deductis, & in
Graciam Hispanis militibus missis, Mediolani relin-
queretur. Nemo enim eo potior gerēdo bello Caesari
uidebatur, & quanquam euasante cunctos artus po-
dagra non aliter quā in sella succollantibus seruis ue-
heretur, nunquam ducis munia, nunquam ullum mi-
litie laborem misit aut intermisit, utpote qui lectica
in aciem illatus nō semel cum hoste conflixerit: semel
apud Landrianum fuso captoq; sancti Pauli Comitis
regie stirpis Gallorū & duce, & Caracam ad Lam-
brum flumen superato Iacobo Medice, qui cū Helue-
tius auxilijs aduenerat. Ea Antonij authoritatis atq;
peritiae opinione adductus Caesar, ex Africa Teneto
expugnato uictor rediens, ipso praesertim Leua au-
thore, Gallie bellum intulit. Qua in re nihil Antonio
aegritudine affecto, & cūctus distorto articulis peper-
cit, quin eam secum in Prouinciam adduceret. Is bel-
lū propter rei frumentariae difficultates & coeli incle-
mentia, secus ac putarat Antonius tractatu durius, at-
q; exitu asperius fuit: sic ut ille langore animi, & do-
lore corporis oppressus, ad aquas Sextias in castris
fato cedens, cum bellieis laboribus, tum ardenti glo-
riae cupiditati suae finem imponeret, natus annos quin-
quaginta sex. Funus Mediolani adornatum insigni
pompa, celebratumq; est.

Per-

Parthenij Parauicini.

Astus Annibalis, more sagaxis
 Matura Fabij, impigrumq; & acre
 Marcelli ingenium, celerq; cursus,
 Et uelox uia Claudij Neronis:
 Hec si singula singulis pararunt
 Aeternum decus, & perenne nomen;
 Quanto in me omnia quum simul Gradiuum
 Vnum contulerit, mage ipse Lethes
 Vnda despiciam, minasq; Fati?
 Quid quod mi attulit, & novos honores
 Ac uiuam effigiem meosq; vultus,
 Musæa Iouius domo dicauit?
 Nec non & titulis referta nostris
 Conscripsit monumenta docta, & omni
 Acre & marmoribus perenniora.
 Felicem effigiem, ô meos triumphos
 Hoc præconer ampliusq; claros
 Ecquem iam mihi conferat uetustas?

Antonij Vulpij.

Quum semper uincas, totis licet artibus eger,
 Consilio non ui, uincere Leua doces.

Rainerij.

Hic Leua est; Leua Hesperie laus maxima terra,
 Quæ Batis tumidas in mare fundit aquas,
 Implicitus cunctis morbo artibus, horrida bella
 Artibus, & ferro, gessit & explicuit.

Sub effigie Alexandri Medices
Florentiæ principis.



AGNO hercle singulariq; uti apparuit, aut insanè more suo, aut atrociter iocâtis fortune prodigio editus est hic quem spectas thoracatum, trāsuersaq; rubra fascia Casariana factionis studiū ostentantem Alexander medices, ad Etrusci Imperij fastigium ideo prouectus, ut inde grauiore casu interrupta felicitate præceps daretur. Hunc Laurentius iunior, qui Vmbriæ Principatus titulos affectauit, ex materna ancilla furtiuo congressu suscepit, Alfonso auiā tenui cultu educarat, quū filius Laurentius fato ereptus ex uxore Bolonia regie stirpis, masculā prolem minimè suscepisset. Quib. de causis uiuente Leone in subsidium pereuntis stirpis ita receptus est, ut Clemens demum pontifex Etrusco dominatu dignū existimaret, quòd Hippolytus patruelis ad tollendā emulationē honoris sacre purpure destinaretur. Visus enim erat Alexāder corpore atq; ingenio habili tradendis armis aptior, quū Hippolytus uiuidæ mentis acumen ostenderet, ad literarū studia paratissimum. Sed oppresso demum Casarianis armis, captog; Clemente pontifice in eo statim iniustitæ calamitatis turbine Florentini decesserunt, atq; ipsi Alexander et Hippolytus publico decreto Medicea domo exturbati, atq; in exilium acti sunt, ea cōditione ut deseri mox et inopes in subalpino agro ad Taurinum aliquandiu uitā degerent, donec

donec conuersa Fortuna pontificis Hippolytus gale-
ro ornaretur, & Alexander iam pridem duobus in
Præcutinis oppidis donatus à Cesare, in clientelamq;
receptus gener ascisceretur, & Florentinis demū lon-
ga obsidione perdomitis uetereq; exutis libertate à
Cesare collato Principis titulo præficeretur. Verū
is dominatus Clemēte iam mortuo breuē atq; turpif-
simum exitū tulit. Nam Alexandrum sextum iam re-
gnantem annum, & præclara iusti & cōstantis Prin-
cipis argumenta præbentem, ita uoluptates Venere-
sensim occuparūt, ut qui inuidioso Principatus nomi-
ne letabatur, facilem sibi in necem aditum aperirer,
tāta quidem socordia, ut post insidias, quas ei Hippo-
lytus nefariē tetenderat, diligentissimē uitatas, in alte-
rius propinqui, familiarissimiq; sodalis inusitatā per-
fidiam incideret. Is erat Lauretius Medices etate æ-
qualis, sanguine cōiunctus, nulla laceßitus iniuria, &
magnis affectus beneficijs, menstruaq; stipēdij obstri-
ctus liberalitate, qua maximē eius perfidiæ fama præ-
grauari potuit. Eum nāq; hic tam improbo quā per-
fidioso promissi lenocinij nomine in domum suam su-
umq; cubiculum & lectum facile perduxit, adamat
mulieris aduētum mētitus, sic ut incautus atq; miser-
rimus Princeps à cæteris omnibus accuratē cauere so-
litus, quā ab ipso proditore quem maxime diligeret
mactaretur. Intempesta nanq; nocte altē stertentem
Laurentius gladio per costas adactō transodit, pro-
pereq; ereptum, & acceptum uulnus acri morfu uin-
dicantem, admoventibus manum duobus seruis quos

induxerat, quinque uulneribus confecit, impetrataq;
facile à Præfecto tessera publicis uectus equis Eono-
niam effugit, patria libertatis oblitus, occupante ani-
mum salutis cura, ut intactus euaderet. Nam qui li-
berate patrie laudem appetiuisse uideri uolebat, ni-
hil plus tanto admissio facinore effecisse iudicatus est,
quàm ut Principe amicissimo nefarie atq; ignobiliter
interempto, Cosmum ex priuato odio capitalem ho-
stem suum, ad Etrusci Imperij potentiam quam uere
uirtuti fata promittebant, prouheret, & ipse de-
mum publico Senatus iudicio damnatus, obiterq;
Venetijs angusto in calle trucidatus, parricidij po-
nas daret.

Antonij Vaccæ.

Post belli clades uarias, & funera sanis
Motibus Etruscae ciuilibus edita terræ,
Quum populos placida compositos pace tenerem,
Per scelus agnati me perfida dextra nefandi
Sustulit, & spes ille meas, spes ille meorum
Atq; suas omnes, & publica commoda fregit.
Vsq; adeo pensi, & sancti nihil improba ducis
Inuidia, atq; atro mens dira agitata furore.
Ergo iterum infectum ciuili sanguine ferrum
Mæsta parens assucto malo Florentia uidit,
Et luctu externata Ducem defleuit ademptum,
Aurea compositis meditantem secula rebus.

Sub eff.

Sub effigie Francisci Mariæ Feltrij Vrbinatum Principis.



FEMO magnorū Ducum elegātius
 et certius in tabula ad uerā imaginē
 expressus est, quā hic ipse Feltrius
 qui his suis armis atque coloribus,
 hisq; triplicis imperij militaris insi-
 gnibus Titiani summi pictoris manu delineatus con-
 spicitur. Is Ioanne Rouereo patre Senogallie domino
 Urbis Prefecto, qui Iulij secundi Pontificis germa-
 nus frater fuit, & Ioanna Federici Vrbinatum Prin-
 cipis filia genitus, adoptari in Feltriam familiā à Gui-
 done Vbaldo auunculo cui fata prolem denegarunt,
 & Principatus haeres scribi meruit: sic ut uim atq; ex-
 peditum robur paterni generis, & efficacē bello pri-
 dentiam, optimisq; constitutam legibus bellicose Fel-
 trie domus disciplinam egregio tēperamento miscuiss-
 se credi possit, ut sese ad praeclarissimum militiæ de-
 cus efferret. Adolescens namq; ita tyrocinij arma in-
 duit et exiit, ut penē prius quā miles, Dux summus
 patrui copijs praeficeretur, eo bello quo Ceruia atque
 Rhauenna, & Ariminum, atq; item Fauentia posses-
 sa Venetis, Pontificio imperio sunt restituta. Nec mul-
 to post conuersis Iulij studijs bellum Gallicū est exor-
 tum per causam indicti Concilij, quo Pontificis autho-
 ritate funditus conuellendam impotēs armis Rex Gal-
 lus susceperat. Eo bello Feltrius impar uiribus à Tri-
 aultio summo Imperatore sic susus est atq; exutus ca-

stris, ut ipsa Bononia malè tuente Alidosio Cardinale
 Bentiuolis ueteribus tyrannis traderetur. Non tulit
 cōtameliam Feltrius animo generosus, atq; inter de-
 lecti exercitus & amisse urbis dolorem Alidosium ip-
 sum authorem tanti mali oblatum apud Rhauennam
 truci dedit. Quod facinus in sacratum hominē, quan-
 quam ex eius malignitate non immerito editum, usq;
 adeo Pōtificem alienauit, ut Feltrius Galli Regis au-
 spicia sequi cogitaret. Verū in Iulio aliquanto post
 illa exardens ira deserbuit, quum post aduersum Rha-
 uennate praelium Gallis Italia pulsus ingenti uictoria
 potitus est: nec Feltrio ueniam petenti studiosi suffra-
 gatores ē Senatū defuerunt, quibus in gratiam Pontifi-
 cis ita restitutus est, ut Pisauri dominatu indulgentia
 & liberalitate morientis patrui donaretur. Sed Leo-
 ne Decimo ad Pōtificatum euecto contrā ac rebatur
 multis de causis seuum hostem expertus est, quum ille
 Laurētium fratris filium, uel impudenti cum iniuria
 Urbinatium Principatu honestandum arbitraretur,
 quod tamen uel ab ambitiosa importuna scēmina Al-
 fonsina Laurētij auidi iuuenis matre, nisi post mortē
 Iuliani Leonis fratris, qui erat multis nominibus Fel-
 trie domui coniunctus, impetrari potuit. Itaq; Leo
 profana & sacra arma expediēs imparatum immis-
 so exercitu cui praeerat Rentiū Ceres, tota Umbria
 atq; Pisauo expulsi; nō secus ac Borgia Caesar Gui-
 donem Vbaldum eiecerat. Verū Feltrius non multo
 post coactis in unum ualidissimarum gētium auxilijs
 quae cōfecto Veneto bello à Gallicis ducibus dimitte-
 bantur

bantur, usq; adeò graui impetu quæ amiserat recupe-
 rauit, ut Pontifici & Florentinis magnum terrorem
 incuteret. Feltrio namq; aderant & studia militum
 & populorum uoluntates, & ingens animus cunctis
 militiæ laboribus atq; periculis par, quo Metauro
 amne pedibus superato, cū ipse Hispanorum ordines
 præiret, & propemodum armatus & pedes enataret
 Pontificius exercitus triplo maior ad primum hostis
 conspectum reformidata pugna in diuersa se recepit.
 Exinde Pontificij nusquam ferè uti multis affecti in-
 cōmodis Feltrianos sustinuerunt, ac nisi Leo magnis
 propositis præmijs uenales quosdam Hispanorū præ-
 fectos corrupisset, & Vgo Moncata Caesaris nomine
 uniuersos ut Feltriū desererent induxisset, graue pro-
 fectò uulnus Leo accipiens, pudendi & parum æqui
 belli pœnas subiisset. Eo modo proditus atq; desertus
 Feltrius fortunæ iniquitatem ea animi magnitudine
 tulit, ut ubiq; Leonis hostes quæreretur, exortoq; Galli-
 co bello, ad Lotrechium se conferret; apud quem alie-
 næ uirtutis præcepta fastidientem sic egit, ut ille ne-
 q; manu, neq; consilio ipsius Feltrij usus Mediolanen-
 si imperio à Cesarianis & Pontificijs pelleretur. Cæ-
 terum in ea uictoria Leo mortem obiens inexpectatā
 Feltrio recuperandi dominatus occasiōē dedit, pro-
 pensissimaq; hominum uoluntate in Umbria tanquā
 legitimus et exoptatus diu princeps receptus est. Hac
 tanta bellorum incōmoda eum usq; adeò nauiter eru-
 dierunt, ut aucta & confirmata uirtutis opinione,
 quum ab ipsis Florentinis qui dudum hostes fuerant,

tum demum à Venetis summum militaris imperij de-
 cus promeruerit. Veneti autem exercitus factus im-
 perator, uti tempora et prudētissimi senatus mores
 flagitabat, ueterem suum pugnacis ingenij ardorem
 salubri iuste et caute grauitatis temperamento mo-
 deratus est, cum ei robustissimæ externarum gentiū
 et inuidiæ legiones sustinendæ potius cunctādo, quā
 prælijs laceffendæ uiderētur. Ita enim patres bina Li-
 uiani temeritate cladeq̃, edocti, Q. Fabio patrē, quā
 M. Marcello ducem malebant. Exilimabat propte-
 rea Feltrius se satis fortem uereq̃; utilem Reipublica
 operam laturum, si nihil amitteret, et nihil prælii a-
 leæ qua uinci posset, subijceret; ludificaretur hostis
 impetum munitissima castra metandī ratione, et ex-
 traordinarijs prælijs, comeatu atq; pecunia indigos
 perpetuò saigaret. cū uniuerso prælio ubi opus foret
 certaturus crederetur. His artibus contra ac aliqui
 existimabant, qui temerē externarum gentium uim
 contundi et superari posse putabant, summo ipsius
 præconio Italia omnis seruata est, partusq; Sforziæ,
 paternæ ditionis principatus, inuicta etiam hac qua
 respiramus tranquilla pace, in qua Feltrius supremis
 cogitationibus nihil prius expetebat, quā ut in Tur-
 cas consensu Christiani orbis regum iusta atq; insu-
 perabilia arma uerterentur. Sed in hac honestissima
 cogitatione ereptus est, non fato quidem suo, sed ma-
 lignitate quorundam, qui ei uenenum misceri iussisse
 referuntur, uti ex certissimis questionis tabulis, et
 tanti admissi sceleris cōfessione constat, cū hunc quem
 uirtutis

LIBER SEXTVS.

501

uirtutis merito colimus Guidonem Vbaldum, nō Vm
bricæ modò dominatus, sed militaris etiam apud Vene
tos imperij heredem reliquisset.

Antonij Francisci Rainerij.

Mars ensẽ, clauam Alcides, dedit Aegida Pallas,

Et tibi cœlestum tela trifulca pater

Fulmina seu metuende manu, siue excutis ore,

Pars stupet ut celeri conijcis illa manu:

Pars stupet aliloquæ donum immortale Mineræ,

Vtq; cohortanti defluat ore sophos:

His tu, & roboreæ persunctus munere clauæ,

Vnde tibi æternum ab robore nomen erit,

Monstra domas, acies perrumpis; concutis urbes,

Et latè undanti flumime sternis iter,

Quum patrias sedes, fuis tot millibus ante,

Inuictis & repetis regna superba pede.

Dijs genitæ & genituræ Deos, qui cuncta nouorum

Et ueterum æquiparas fortia facta ducum.

Sub effigie Andreæ Gritti Vene
torum principis.



ONrarum modò, sed prorsus admira
bile intueri licuit in Andrea Gritto, qui
nullo benigniore fortunæ afflatu, sed
unis tantum inuictæ uirtutis auspicijs
principatum adeptus est. Nemo siquidẽ ciuiũ æqua
lium suorũ in ipso iuuenta flore pulchrior, nemo cĩ
uir esset & senator, staturæ proceritate habituq; oris

Et membrorum amplitudine celsior atq; formosior
 fuit, nemo cum perpetuis ferè bellis legati functus mu-
 nere periculosa arma tractaret fortior, uigilantior at-
 q; constantior fuit; sic ut postea mirum non sit cū uni-
 uerso bello uictor de restituto patriæ imperio, nō cur-
 ru quidem laureato, sed opinione ciuū et studio gra-
 tissimi populi triumpharit, si meritū decus supremū-
 q; in ciuitate titulū meruerit. Effectus uerò princeps
 et suis insignibus exornatus eam oris et personæ di-
 gnitatem prætulit, ut omnes facillè faterentur, incom-
 parabilem æqua magnitudine corporis et animi, at-
 q; omnium bellica, tum ciuili uirtute extra inuidiam e-
 minētissimum ciuem, supremo tanquā debito titulo
 fuisse honestatum. Cæterum Gritius qui uniuerso bel-
 lo uictor extitit, multis aduersis prælijs infensæ fortis-
 siæ casus usq; ad eodē cōstanter tulit, ut rediuiua sem-
 per uirtute, seipso maior et clarior appareret. Ab-
 duana namq; acie, qua nulla Veneto nomini funestior
 incidit, quanquam profligato cæsoq; exercitu effugis-
 set, nihil tamen animum despondens maximo Reipub-
 licæ commodo Taruisium cōseruauit; amissumq; fœ-
 dē Patauium felici astu summaq; uirtute recupera-
 uit, atq; aduersus innumerabiles Cæsaris copias de-
 fendit. Brixie autem cū eam urbē Dijs inuitis tueri
 conaretur, ea capta atq; direpta à Foisseio Gallorum
 duce in eius potestatem ita deuenit, ut in Galliam ul-
 teriorem carcere seruandus mitteretur. Conuerso uerò
 ciuitatis studio cū Veneti Gallis propter Hispanorū
 et Germanorum offensiones fœdere se coniunxisset,

Noua-

Nouarij
 sicut uix
 ijs sortia
 lorum exe
 tina porro
 Venetis est
 ut Vicenti
 beretur. N
 cum Hispa
 metra castra
 tio, qui Ven
 uo equi ste
 bus cum p
 rum qui to
 premæ uic
 manog; su
 ocluagena
 appetisset,

Ut uigili d
 Vndiq; ut
 Nec uento
 Credere se
 Sic duce t
 Bellorum
 Bellorum
 Sed Marti
 Ut ratis ill

Novariēſi praelio dum rediret ē Gallia ſpectator fuit,
 ſic ut uix ei elabendi ſpatium daretur, cū Helue-
 tijs Sfortia operam longē fortiffimam nauātibus, Gal-
 lorum exercitus concifus & proſligatus fuiſſet. Vicē
 tina porrō acie qua temeritate Liuiani graue uulnus
 Venetis eſt inſlictum, ita uictoris hoſtis manus effugit
 ut Vicentiæ obſerata porta in murum funibus extra-
 heretur. Nouiſſimē apud Mediolanum cū Piſcarius
 cum Hiſpanis per ſuburbana teſta in Gallica & Ve-
 neta caſtra perrupiſſet, capto iam Theodoro Triuul-
 tio, qui Veneti exercitus erat imperator, Gritus par-
 uo equi flexu ē manibus hoſtum euolauit, deducenti-
 bus cum per obliquos tramites Græcis equitibus. Ve-
 rū qui toties à fortuna malē mulctatus fuerat, ſu-
 premæ uictoriæ & principatus compos extitit, Gri-
 manoq; ſuccedēs præfuit Reipublicæ annos undecim
 octuagenarioq; maior, quum faſellorum ſcutellans
 appetiſſet, obortis torminibus uita exceſſit.

Adami Fumani.

Vt uigili doctoq; ratis ſimul aucta Magiſtro eſt
 Vndiq; ut aerij uerrant freta cærulea uenti,
 Nec uentos, ualidaſue timet ſecura procellas,
 Credere ſed pelago, ac magnis ſe fluctibus audet:
 Sic duce te urbs prognata mari, ſic principe Gritte
 Bellorum ut ſciret magnos inſtare tumultus,
 Bellorum metuit nullos interrita caſus,
 Sed Martis dare ſe magnis cita motibus auſa eſt.
 Vt ratis illa eadem docto ſi caſſa Magiſtro eſt,

Ut nulli nusquam turbent freta cœrula uenti
 Et uentos ualidasq; horret male firma procellas
 Credere ne pelago, aut ullis se fluctibus audet.
 Sic Duce te urbs bone Gritte, eadē sic principe castra
 Bellorum ut uideat nullos instare tumultus
 Bellorum metuit cunctos exterrita casus,
 Nec dubijs dare se Martis cœta motibus audet.
 Ut gregibus Tauri, turres ut mœnibus altis
 Sunt decori, ut pelago naues cingentibus undis,
 Sydera uti radijs internitet aurea Phœbe;
 Sic tu, sic Venetum imperij dum sceptrā gerebas,
 Notus eras proceres inter bone Gritte superbos
 Corporis eximia specie, uirtute animisq;
 Nostratum, o salue Heroum ter maxime, tu nunc
 Et nostra semper posthac celebrare Musa.

Petri Aluarij Romani.

Magnanimi inuictiq; Andrea picta tabella
 Quam cernis, Gritti continet effigiem.
 Hic seuam toties fortunam expertus in armis
 Fortunam intrepido pectore sustinuit;
 Mox pia se ad pacis conuertens munia, summos
 Pacatæ titulos promeruit patriæ,
 Consilioq; graui labefactam restituit rem
 Et Veneti fines protulit imperij.

Sub effi.

Sub effigie Iacobi Quinti Scotiæ regis.



TVARD AE familia quæ Dani-
cæ erat stirpis usq; à Saladin Syriae
regis temporibus, Scotiæ insertæ,
quinque reges, serie nihil intercisa,
eodem nomine ad exemplum Aegy-
pti regum solis discreti numeris in Scotia regnaue-
runt. Constat enim Macolmum, qui rex in Scotia ani-
mi uirtute memorabilis fuit, Valterium nobilem pari-
ter atq; impigrum ducem oriundum è Dania, uirtu-
tis causa ad Stuardi dignitatem euexisse, quod in Sy-
ria insigni fama aduersus Saracenos Christianis in
castris militasset. Eorum siquidem lingua Regij con-
uiuij magister Stuardus appellatur, quod nomen po-
stea in familiam transferit, quod profectò mauspicat-
um quinq; regibus fuit. Nam primū huius nominis
Iacobum Stuardum superbè regnantē coniurati fa-
miliares in cubiculo trucidarunt: secundum autē ho-
stile castellum incautius oppugnantē, diffracti aneī
iormenti frustulū intererunt. Porro tertius à parrici-
da filio ad Sterlingū in sta acie superatus atq; interfe-
ctus cecidit. quartus uerò huius pater, cū absente Hen-
rico Angliæ rege, atque in Morinis aduersus Gallos
bellum gerētē, Angliæ fines inuasisset, à Surreio Bri-
tannorū duce ad Floddū magna clade Scotis obruitis
occisus est: superstitē hoc Iacobo puero ac in regni spē
educato. Erat is natus è sorore Henrici regis, quæ cœ

lebis pertesa thalami non diu in tutela filij perman-
 sit cū Guliermo Angosio equiti Scotorum formosissi-
 mo nupsisset. Caterum puer à nutricijs cum summa fi-
 de liberaliter educatus uti erat forma insigni, Magda-
 lenam Francisci Gallie regis filiam in matrimonium
 duxit. Sed non multo post eam nulla suscepta prole
 amisit, sic ut iustis funeri persolutis, suadente eodem
 Francisco rege, nuptias faceret cū Maria Claudij Lo-
 tharingie principis fratris filia. Hæc erat ex Andega-
 uens regie familie stirpe orta, quæ ueterum prouincia
 regum propinquitatem, & Neapolitani regni iura
 respicit. His nouis nuptijs non diu letatus est Iacobus
 cum suscepta filia usq; adeo leui morbo succubisset,
 ut nonnulli ueneno sublatū arbitrarētur; postquam
 deceptis medicis, qui ualidissimis iuuentæ uiribus pol-
 leret, per internalla morbi concidisset; ut uxori acria
 bella à finitimis Anglis sustinenda relinqueret; appe-
 tente filiolum sibi in nurū Henrico rege, ut ea cognā-
 tione Odoardus filius ex Ioanna Sameria susceptus,
 Angliæ simul & Scotiæ rex efficeretur. Quæ res cum
 multis artificijs & machinationibus Anglorum ten-
 taretur, & David Conerus Cardinalis Scotus perfidi-
 a Normandi, & Ratunij comitis esset interfectus, a-
 trocissima adduxit bella, quorū is exitus fuit, ut puel-
 la cum matre uidua in Galliam classe transuecta An-
 glis connubij spem præcideret, & ab Henrico Gallie
 rege eius stirpi inferenda seruaretur.

Ludouici Dominici.

Si rex, si iuuenis miserandum funus obiui,

Quid

Quid doleo? minimè, quippe Iacobus eram.
 Hæc pater, hæc atavi subierunt fata Iacobi,
 Tam dira infelix omnia nomen habet.
 Vt minus infelix hoc tantum exulto Iacobus,
 Hæres nullus erat tunc mihi dum caderem.

Sub effigie Vincentij Capellij Ve
 netæ classis præfecti.



O C splendido thorace, & purpurea
 trabea conspicuus fuit Vincentius Ca-
 pellus, cum apud Adriaticum promon-
 torium Ambacij sinus, coniunctis cum
 Auriæ classibus, cum Barbarussa prælio certaturus
 crederetur. Is ab initio æquè grauis & fortis senator
 propter maritimarum rerum peritiam, acre & con-
 stans grauissimis in rebus iudicium cum singulari ui-
 gilancia coniunctum, facile promeruit, ut summus clas-
 sis præfectus crearetur, & tum maxime quum aduer-
 sus Barbarussam Othomannicæ classis ducem, abrup-
 ta uetere pace, foret dimicandum. Veneti siquidem
 Carolo Cesari inauspicato foedere cõiuncti consocia-
 tis classibus contra ueros hostes arma uertenda cen-
 suerant, tanta spe uictoriæ, ut Barbaros tota maris pos-
 sessione se depulsuros crederent; quandoquidem ipse
 Andreas Auriæ cum Cesaris classe primas in commit-
 tenda pugna partes deposceret, seq; ostensurum pro-
 fiteretur, quanto ualidiores & ad rem gerendam pa-
 ratiore Christianæ disciplinæ triremes Barbaricis fo-

rent, qua nouo rudiq; remige, & non magnoperè per-
 ritis gubernatoribus uteretur, praterquam quòd nu-
 mero etiam multo plures essent, & in quo uictoriae
 certa spes sita uideretur, ingentium etiam nauium præ-
 sidio confirmata, ad quæ scilicet præalta nauigia in-
 structissimæq; tormentis, tanquã ad castella sese reci-
 pere posset, in omnẽ hostilis audaciæ uel turbatima-
 ris casum. Erant enim in utraq; classe Cesariana &
 Veneta triremes rostratae centum triginta quatuor, o-
 nerariae autem naues septuaginta tres, præter tres in-
 gentes Galeones stupendo tormentorum apparatu
 instructos. In nauigijs porrò quæ Carchesia in malis
 ferrent, & uelis tantum agerentur, imposita erant
 circiter decem milia delectorum peditum, Hispanici præ-
 fertim & Italici generis. His Valerius Vrsinus, illis
 Ferdinandus Gonzaga præerant. Quibus classibus à
 Corcyra in Ioniumeductis, tanta exorta est apud no-
 stros alacritas pugnandi, tantusq; iniectus Barbaris
 metus, ut Barbarussa inspecta classe nostra Ambra-
 cio sinu inclusus, nequaquam his artibus faucibus quæ
 sunt ad Nicopolim, quã Preusam uocant, egressurus
 crederetur, quod non amplius quàm octuaginta tri-
 remes rostratas, & sine rostris quadraginta biremes
 haberet, nec peritissimus senex suarum conscius uirum
 paruipendenda maiora nauigia tot instructa tormen-
 tis existimaret. Sed nostri qui in conspectum Nicopoli-
 tanae arcis prodierant, inexplicatis consilijs ita haeserunt,
 ut cum frustra elicere hostes procursatione conati es-
 sent, Ferdinandus Gonzaga exponendum esse pedi-
 tatum

tatum, & Nicopolim quam paucis antè diebus Gri-
manus patriarcha fauces ingressus cū pontificijs tri-
remibus expugnare frustra adortus fuerat, omnino
aggrediendam atq; expugnandā censeret, & è terre-
stri demum sinus supercilio barbarorum classem tor-
mentis inuadendam arbitraretur. Ea res apud quos-
dā probari non poterat, quòd dubium euentum habi-
tura uideri posset, si post expositos milites aliqua sæ-
uior incideret procella, quæ seruandam classem, de-
sertisq; militibus in tutam stationē reducendam ostē-
deret. Quid enim incōmodius & asperius pediti re-
lictō accidere posset, quàm ut ab equitatu, qui Gri-
manianos in mare cum cæde propulisset, opprimere
tur, simul & à classiarijs Turcis inuaderetur, cū nul-
lo desertus in terra classis subsidio protegi posset. Ita
que Auria cū ad eū Capellius scapha uectus ad pup-
pim prouheretur, peteretq; quid sibi agendum fo-
ret, & se promptissimam operam uti iuberet præsti-
tutum polliceretur, ei totius studij & alacritatis gra-
tias egit, et ut suo ordine cōsequeretur admonuit, clas-
semq; ad Leucadis promontorium direxit, ratus aut
Barbaruſſam faucibus egressurum, præliq; commit-
tendi occasionem præbiturum: aut si cessaret, & sinu
se contineret, uti metu occupatus, uetere existimatio-
ne gloriæ naualis spoliaretur: ipse uerò superata Leu-
cadis Insula, quæ Nerithos olim, hodie sancta Maura
dicitur, ad Naupactum descenderet, totumq; sinum
à dextra leuaq; ferro & incendijs deuastaret. Sed ma-
gno miraculo portentoq; uentus qui ad cursum erat

Secundus ita flare desijt, ut uela nauium dudum ple-
 snissime inflata conciderent, tantaq; oriretur malicia,
 ut si rostrata nauigio uti uellent, necessario onerariae
 immobiles essent relinquendae. Hac inopinata rescuti
 Auria & Capellius uehementer sunt perturbati, ita
 Barbarussa occasione suae non desuit, classemq; fau-
 cibus mira celeritate eduxit; primumq; omnium fini-
 strum litus apprehendit, obuersis ad terram puppi-
 bus, ut si quid durius ab hoste accideret, cum è littore
 tum ex nauibus decertaret, tanquam nullam omnino
 maiorem quam nauium, seruatis cum remige propu-
 gnatoribus iacturam factururus. Verum cum nostros no-
 uitate oborta tranquillitatis praepeditos, consilijq;
 prorsus inopes, magnarum nauium fluctuantem clas-
 sem circumire, nec se expedire ad pugnam conspiceret;
 in eos directa suae classis acie inuectus est, cum ipse me-
 diam teneret aciem, & hinc Sinas cognomento Iudaeus
 & illinc Saleucus archipiratae illustres praessent. Ta-
 ta autem perturbatione omnium tantoq; tormento-
 rum strepitu res eo die nostris infausito acta est, ut nul-
 lo nobili congressu cepto dissipati in fugam uerteren-
 tur, & Barbarus obstupescens nostrorum ignobilem
 trepidationem cum risu demum conuersas in fugam pup-
 pes contemplaretur, ipse duas interciperet triremes,
 & nauigia nostrorum maiora, circumducta corona
 triremium diu tormentis uerberaret, atq; interim re-
 centissimo oborti Euriflatu incomparabili fortunae
 beneficio è manibus Turcarum nostra classis eripere
 tur, quam ingruente nocte minime persequendam Barb-
 russa

ruſſa iudicauit, cū ſingulari hercle ſuo, noſtris uerò
 parum felici ſpectaculo lætaretur, maximeq; rideret.
 quòd trium prætōriarum lumina ignobili exemplo
 abiecta eſſe conſpiceret, tanquam ea ab extremo pa-
 uore ultrò extincta fuiſſent. Capellius atq; Auria con-
 tinenti curſu Corcyram perueniunt, quum nullus
 omnino præ pudore locus mutue conſolationi eſſet
 relictus, & eos poſtridie ad Paxam uſq; Inſulam ho-
 ſtis eſſet perſecutus. Tum enim non obſcurè ad mutuā
 ignominiam obrectantes, de inuadendo Dyrrhachio
 fruſtra conſultatum eſt, ut inſamia quoquo modo
 ſarciretur, communi conſilio Caſtrum nouum in Ri-
 zonico ſinu expugnarunt, neq; quiſquam eorum cul-
 pam pudendi euentus niſi perplexè reiecit, uti ab u-
 troq; opportuna hſtorijs noſtris percunctatione di-
 dicimus. Cæterum Capellius multis argumentis, uti
 erat apprime facundus, nominis ſui famam egregis
 defendit, agensq; quartum & ſeptuageſimum ætati-
 annum, integra apud ciues dignitate fato conceſſi

Iouij iunioris.

Clasſem in Leucadij fluctibus æquoris
 Inſtructam Veneto milite uiderat
 Lætam uerrere Pontum
 Nimborum pater Aeolus;
 Iræ quum ueteris conſcius aſperæ
 Iunonis, miſerum in Dardanidum genus,
 Leni murmure uentum
 Spirantem, Aeolio in ſpecu

Inclusum tenuit, quæ celeri modò

Lapsu uix pelagus contigerat ratis

Auræ statibus acta,

Et remo inuolitans leui;

Nunc immota idcet per freta languida;

Tum classem implicitam, lapsaq; carbasa

Risit Barbarus hostis

E fluctu Ambracij sinus.

Contra seua Deum fata CAPELLIVS

Ibat, præda (nefas) militis impij,

Ni classem inferat Eurus

Seruata ad patrium mare.

Sub effigie Francisci Borbonij Anchiani Gallorum Ducis.



EMINI huius seculi procerū, natalibus ac honoribus insigni petulantius ac acerbius illusi fortuna, uti lubrico suo uestigio semper incerta et insolens, quàm Francisco Borbonio cognomine Anchiano. Hunc enim naturæ maximè decorum fecit, regij sanguinis domus totius Gallie nobilissimū edidit: gratia autem regis usq; adeò extulit, ut penè prius dux quàm miles in castris conspectus, imperatorijs insignibus ornaretur, eiq; demum laureā triumphalem ætati eius intemperanter indulgens, et plena doli fortuna tribueret, cū ad Ceresolam ipsius Dauali Vastij, tanti atq; inuidi nominis

minis ducis profligato exercitu, trucidatisq; Germa-
 norū legationibus incomparabilem et planè nouano
 de Cæsarianis copijs uictoriam retulisset, subindeq;
 obfesso Cariniano iuxta Padum oppido, et ex longa
 periuiciq; obsidione perdomitis fame Hispanis atq;
 Germanis uictor extitisset. Sed Anchianus his rebus
 quæ præclaræ memorabilesq; fuerunt, cū insigni glo-
 ria gestis, cū ad Franciscum regē in Galliam redi-
 set, ut eius uictoriæ gratulationibus apud suos frueretur,
 impetraretq; præmia militibus suis, qui maxime
 eo prælio strenuè dimicassent, fortè ex consuetudine
 gentis alacritateq; aulæ ludicrum institutum est spe-
 ctaculū, quo oppugnati defensiq; oppidi simulachrū
 edebatur. Ea contentio militaribus armis instructa
 prouecta; ardētius, ut maior illustribus foeminis uo-
 luptas pararetur, eum habuit exitum, ut ipse Anchia-
 nus florentissima iuuentutis princeps dum scalam ap-
 ponit, et per eam audacter subit, temerè prouoluto
 a defensoribus prægrauis cophino ex scala deturbaretur:
 nec nullo post luxata ceruice confractoq; cere-
 bro idem modo felicissimus et puncto temporis mi-
 ferrimus lugente populo conclamatus expiraret, ita
 ut quem nuper armatæ Cæsaris phalanges pugnante
 superare nequierant, miserabili in ludo per iocū ster-
 neretur. Hoc tam funestæ commiserationis exemplo
 iuuentus per sa feruida, periculiq; omnis facile con-
 temptrix, ut cautius et tēperātius cōtentiosis specta-
 culis uacaret, admoneri potuit, cū pleriq; dictum
 Othomāni Gemis ad memoriam reuocarent. Is enim

cum Romæ in libera custodia apud Alexandrum pontificem seruaretur, cumq; humanitatis causa Ascanius sfortia ad equestres ludos deduceret; interrogatus. n. ea nostri moris spectacula in quibus nobiles cataphracti hastis inter se concurrerent, & sepe excussi ephippijs solo deturbareretur, ei placerent: uir grauis responderat, inanem esse gloriolam, penitusq; fugiendam, quæ tanto uitæ periculo à nostro peteretur. Propterea Turcas suos omnino sibi prudentiores uideri, qui non per uiros nobiles & fortes milites uti nostri huiusmodi spectacula ad uoluptatem populis concessa, sed per seruos, in quibus si casu affligerentur aut erirent, minima esset iactura, edere consueuissent.

Rainerij.

Aspice quem regno subnixum regia proles
 Flagrantem armorum laudibus extulerat.
 Hoc duce magnanimi cecidit uis bellica Vasti
 Germani, & toto procubuerunt solo,
 Gallica tum latis se sustulit aurea pennis
 Gloria, fama auidi laudibus Anchiani,
 Inuidit Mars, & iuuenem simulachra cientem
 Martia nube caua textit & eripuit.

Sub effi-

Sub effigie Garoli Aureliani Fran-
cisci Regis filij.



CAROLVS Aurelianus è tribus Fran-
cisci Regis liberis postremus hoc pro-
minente naso ingenuisq; oculis, & ro-
seo colore paternæ similitudinis, atque
item liberalis splendoris, & bellicæ uirtutis specimen
referebat. Huic lustrico die ad Christiani baptismatis
fontem Abdenago nomen fuit, imponente id Ioanne
Despachio Heluetiæ gêtis legato, qui ad cõfoederan-
dam sacro eo uinculo priorem amicitiam, compatra-
tus honore fungebatur. Repetebat autẽ id nomen ex
Mosaica Historia, quòd trium ibi puerorum ex cami-
no ignis ardentis Deo magno laudes psallentium &
euadentium postremus fuisset Abdenago; non admo-
dum insulsa cõparatione Regionum liberorum, qui
pariter Deo magno cordi sèrent, sicuti illi ab incèdio
magni numinis misericordia seruati fuissent. Sed huic
bono alioquin omni religiosè concepto felix euētus
desuit. Nam sicuti primum nomine Franciscum, uti e-
rat titulo Delphinus, destinatũ Regno iniqua fors Fæ-
ti, ingruente in Prouinciam hoste Cesare apud Aui-
nionem sustulerat, ita hunc quoq; ex pestilenti morbo
approperata dies atra surripuit; eo grauiore Franci-
sci patris dolore, quòd bello Belgico triũphalis Lau-
ræ decus promeritus, pace demum cõfecta, apud ur-
bem Sueſionum certo fœdere sponsalium Cæsari ge-
ner ascisceretur, cui Cisalpinæ Galliæ Imperium Au-

gusta liberalitate esset cōcessurus, ut ex ea tādē Mediolanensis domatus controuersia renato toties bello, exoptatus cunctis Europæ gentibus, finis imponeretur; ob id aliquāto grauior et lūtuosior insubrunquā Gallie populis Caroli mors fuit, quando hi qui summa spei iuuenem amiserant, supersite atq; incolūmi Henrico Delphino, uel immaturi Fati iniuriā aequius ferrent; illi uerō grauisimis bellorum & tributorum incommodis afflicti, & à Cesarianis militibus inclementer expilati, tota spe pacis & sperata tranquillitatis puncto temporis decidissent.

Iulij Iouij.

Te fera mors Carole eripuit florētibus annis,
Insubrie Cesar dum tibi regna parat,
Illa diu extinctum ingemuit, te sospite, nam se
Crediderat tantis posse carere malis.
Insubrie & Gallis raperis, maiora sed illi
Damna tulit, mœstæ mors tua quā patriæ.

Sub effigie Alfonso Dauali Vastij.



VONAM honestissimo præcellentis & merita laudis preconio te ornauerim Alfonso Dauale, idem mortalium formosissime et fortissime Ducum, qui cunctos seculi nostri triumphales Duces magnitudine animi, & perpetuo immensæ liberalitatis splendore superasti: Vnde hoc unum tibi peculiare decus paucis concessum aut usurpatum com-

compararis, scilicet ut post deuictos hostes humanita-
tis & pietatis iura tueri, totius elegantia studia pro-
uehere, subleuare uirtutē, ingenia fouere, & clemen-
tia laude potiri, nec obiter quenquam uel hostem diu
miserum esse pati condisceres. Quod si natura tuæ ab-
soluta uirtutis amore deflagranti, ut tantum posses,
quantum uelles Fortuna tribuisset, iam pleriq; magni
Reges infra gloriae tuæ gradum positi conspicerentur.
Hoc facile nos singularum prope actionum tuarū uel
bello uel pace præclari testes, existimare, & ceteris
confirmare possumus, ex religiosa historiarum fide,
quas freti conscientia integri pudoris, cū uiuis ad ob-
lectationem tuam posteris ad exemplum edidimus. Quo
fit, ut huius seculi iocundissimum Etrusci carminis ua-
tē nō omnino fabulosum existimari uelim, qui te Da-
uale Heroem atq; alterū prope Herculem æternis for-
tasse carminibus fecit, quū ex lepidissima fabula mon-
strum horribile & truculentum quod immanis aua-
ritia nomen ferret in Europa natum dirisq; dentibus
& pestilenti habitu obuia quæq; uastantem decanta-
ret; ad quod opprimendum honestissimi quiq; atque
fortissimi inusitatae palmae decus quærentes undiq; con-
currerint: sed pleriq; eorum usq; ad cō feri monstri a-
spectum reformidantes ita hæserunt, ut in id eminus
tātum iacula contorquerēt, congressuq; pauētes ab-
stinerent, donec superuenere tres inelytæ uirtutis im-
pauidi bellatores Leo scilicet decimus, Maximilianus
Cesar, atq; ipse magnanimus Gallia Rex Franciscus.
Hi namq; uno tempore immanem belluam adorti, im-

potenter reluctantem præliis uulneribus cōsaucia-
runt; sic tamen ut ea cruento rictu resurgere posse ui-
deretur; nisi opportuno superuentu Daualus auratis
in armis cōspicius heros adacto per uitalia uehemen-
ti mucrone confecisset. Quod hercle insigne spoliū
de monstro tanquam de subacta auaritie rabie forti-
ter relatum inter tot tua Alphonse maiorumq; tuorum
domestica trophæa, quæ deuictis captisq; regibus pe-
nates tuos exornant, nobilius & ad famam quoq; pe-
rennius erit. Sed Daualum tantis præditum uirtuti-
bus, Fortuna auctæ felicitati, & crescentibus honori-
bus semper infesta uehementissimè perculit, quum ad
Ceresolam ei speratæ uictoriæ decus eripuisset, egre-
giè ex aduerso uincentibus Gallis; unde illi non toto
uertente anno, ex non dubio indignantis animi dolo-
re maturatus sit uitæ exitus; quintum siquidè & qua
dragesimum agens annum in secessu Viglebani oppi-
di podagra uexatus excessit è uita; nulla alia re pror-
sus felix, quàm uetere sua gloria, & liberorum sum-
mæ spei conspectu, fidelibusq; Insulbrum lachrymis,
quum intempestiuè bono publico ereptus tumulare-
tur; qui moderatè ac humaniter, quantum seu a tem-
pora tulerant, auspicijs Cesaris imperasset.

Faerni.

Destituti flete ciues magnum Vastī Principem,
Deploreat raptum uobis præsidem iustissimum,
Luctuosa triste funus prosequentes nenia.
Ille uestra semper auxit ciuitatis commoda;

Ille

Ille ius & equitatem conseruauit publicam;
 Inq; sauis saepe bellis sospitem urbem praestitit.
 Quare maesti flete ciues magnum Vasti principem,
 Deplorate raptum uobis praesidem iustissimum,
 Luctuosa triste funus prosequentes nenia.

Parthenij Parauicini.

Siste gradum sacriq; hospes decora alta sepulchri
 Et molem ingentem, spolijsq; insigne trophaeum
 Haud mortale opus, & manes uenerare beatos.
 Ipse olim celebres Vasti dum solueret umbris
 Inferias, meritiq; ducem decoraret honore
 Armipotens, Lybico, Galloq; ex hoste recepta
 Haec spolia, hanc magnis sacrauit manibus aram.
 Tunc etiam percussa graui Bellona dolore
 Turbatasq; effusa comas Tritonia uirgo
 Funebrem ad pompam exequiasq; ingentis alumni
 Conueniunt, & Martis opus dignumq; laborem
 Concelebrant, lustrantq; rogi donisq; parentant.
 Tum lectos urna cineres iam rite peractis
 Exequijs, pariter suprema uoce salutant.
 Inuicti, o cineres, queis haec hactenus incluta uirtus
 Ausoniae enituit, longè uictura superbas
 Pyramidas fama, haec uobis monumenta dicamus:
 Aeternamq; aram, uobis decora omnia belli
 Cedimus, & nostros iam nunc largimur honores.
 Hinc igitur caeco bellorum urgente tumultu
 Ductores responsa petant, huc hoste fugato
 Sacra ferant, praedas, atq; arma hostilia figant,

Vestraq; notius placent sibi numina donis.
 Hic pulchræ virtutis honos, hæc præmia sunt.
 Hæc Mauors, comitesq; duæ, pullatus Apollo
 Excipit. & moesta Æonidum cingente corona
 Flebilibus repetit numeris: mox numine dextro
 Ferrea concordēs uoluerunt stamina Parcæ.

Sub effigie Henrici VIII. An-
 glia regis.

NLYXIS socios (ut Poeta ferunt) Cir-
 cæis illecebris in feras mutatos quisque
 facile credet, qui Hæricum Octauū An-
 glia regem nouerit, & tragœdias eius
 aulæ, uastatq; Britannici regni incommoda perspe-
 xerit uel audierit. Nemo siquidem etatis nostræ regū
 aut forma corporis spectatior, aut altitudine eruditi
 ingenij nobilior, aut opū & uirū magnitudine uali-
 dior, aut deniq; quod uirtutis atq; Fortune munus est
 amplissimis uictorijs clarior atque celebrior fuit. In
 Gallia Gallicum nūquam ferè antea uictū fuderat e-
 quitatū, & ualidissimas urbes in Morinis & Neruijs
 ceperat: Scotos se absente, & in continenti transue-
 ctis copijs bellum gerēte, Angliam adoriri ausos per
 Surreium ducem ad Floddum interfecto eorum rege
 ad internitionē totius propè nobilitatis profligarat.
 & cum magna gloria præclaræ pietatis Iulū ponti-
 ficem Gallorū oppressum armis euexerat: Clemen-
 temq; item nefario impetu Cæsarianorū militū post
 euastatam

LIBER SEXTVS. 511

euastatam urbem captū, pijs armis adiunxerat, sic ut inter reges belli & pacis grauiſſimus diſceptator & arbiter haberetur. Sed malo quodam fato inuaſit deum tam nobile, tantisq; naturæ atq; Fortune bonis cumulātū & illuſtre ingenium peſtilens Erynnis infe-
rorū excita ſedibus. Inſano nanq; amore rex ita per-
citus eſt, ut Catharinā uxorem quæ Ferdinandi Hiſpa-
niæ regis filia fuit, ipſiusq; Cæſaris erat matertera,
repudiaret, ut Bolenia adamata in maritalem thorū
duceretur. Verū hanc adulterij et inceſtus reā, mor-
tua iam Catharina, carnificis manu decollari iuſit: ac
tertio loco lectiſſimæ pudiciſſimæq; Semeræ Anglici
ſanguinis, regius thorus paratus eſt. Hac uerò ex diſſi-
cili puerperio enecta, Cleuenſem Sicambrorū reguli
ſororem quarto loco duxit. Poſt quā etiam repudia-
tam quòd ad geniū intentæ libidinis minimè reſpon-
diſſet, Hauardā Surrei uictoria Scotica inelyti neptē
duxit, quā poſtea quibuſdam ueteris impudicitie cri-
minibus circumuentam, capitali afficit ſupplicio, ut
Parie quanquam uiro orbatæ ſexto connubio iunge-
retur. Verū hęc tanquā leuia regiæ libidini & uo-
luptati condonari poſſe credebantur, niſi tot repu-
dijs, uxorūq; cædibus rex inſanis à maiorū reli-
gione deſeciſſet, Phiſerio & Moro ſummæ uirtutis et
ſanctitatis proceribus, qui ſacrorum antiqua iura ar-
dentiſſimè tuebātur, crudeliſſimè trucidatis: quorum
hic erat Epistoſarum magiſter, ille uerò à pontifice in
ſenatum lectus. Nec multū inde inſania ſua præceps
in inuidiam atq; odium Romani Pōtiſicis, qui primæ

atq; legitimæ uxoris repudium seuerè fuerat detestatus, in templis grassari cœpit: donaria uasq; sacrata, antiquitus altaribus dicata sustulit, & conflauit, cœnobis euerit, sanctissimorumq; martyrum ossa & cineres sepulchris eruta, in Thamesim amnem, aduehēda in Oceanum proiecit. Impotēter quoq; sacrorum effectus princeps, sacerdotiorum redditus & latifundia in fiscum redegit, promulgauitq; leges, quibus cūcta uel diuini uel profani iuris ad arbitrium reuocaret. Nec satis erat multorū opes occupare, nisi inauditam cogendi auri atq; argenti sitim humano cruore resingueret. Sustulerat nāq; nobilissimos equestris ordinis proceres, quum modo auaritia inexplebilis, modò feruida libidines, modò ex scelerū iniurijs parata odia perpetuam accusationum & damnationū materiam suppeditarēt. Itaq; paucissimis annis, secus ac antea fuerat, irritata tigride seuior, efferato lupo rapacior, foeta leena rabidior, & siti exusto dracone uirastior euasit. Neq; ullum omnino cœleste numen repperit, quod hæc latè serpentia mala compesceret, aut uindicaret: magno quidem humanorum uotorum ludibrio, uel propterea quod immanibus eius cōsilijs singuli rerum euentus secundissimè responderēt. Supremo nāq; bello Gallico post Hyberniam Insulā rebellātem, armis perdomitam, Bononia urbe ad Oceanum fortiter expugnata sit potitus, & hūc quem è Samaria susceperat Edoardum filium, regni heredē reliquerit, quem ex indole ingenij specieq; oris regale decus præferentem spectas eadem in tabula iuxta patrem

patrem scitè piētū. Hunc dii deaq; omnes seruent, si
 paternæ uirtutis potius quàm scuitiæ atq; impietatis
 æmulus esse uelit. Ceterum Henricus septimū et quin-
 quagesimum agens annū Gangrænæ morbo, qui sini-
 strū crus atrociter exederat, postridie Cal. Februar.
 succubuit, puero auunculum Smerū relinquens.

Lælij Carani.

Clara uelut magnum cognouit Roma Neronem,
 Asperitas cuius maxima in orbe fuit,
 Secula sic regem aspexerunt nostra Britannum,
 Qui pietate magis splenduit atq; magis:
 Attamen hoc fatear Nero, te superasse Britannum
 Crimine, quòd diuos temnere non timuit.

Sub effigie trium inclyti nominis Piratarum Turcarum.



RIBVS his tabulis ad uerā effigiem
 representantur duo Mitylenæi fratres
 Hariadenus & Horuccius, quib. idem
 Barbarussæ fuit cognomētum, qui ma-
 gna ui corporis atq; animi ex Lesbo Insula piraticæ
 operam nauātes, & terra mariq; famam nominis for-
 titer atq; feliciter extendentes, ad magnas opes, atq;
 inde ad regale demum fastigium in Mauritania con-
 scenderunt. Ceterum Horuccius terrestribus potius
 copijs & nobilioribus ausis inualuit, quàm nauali di-
 sciplina, quam penè totam Hariadeno fratri relique-
 rat, postquam ad Bugeam Numidia urbem dum arcē

oppugnaret, tormenti iūctu dextram amisisset. Non de-
misit tamen in ea calamitate animū, ut qui ferrea ma-
nu ad cubitum religata cum Numidis & Mauris re-
gulis continenti bello sese uehementer exercuerit. Ve-
rū eius conatus qui toti propē Mauritania usq; ad
Tremisenios & Fessanos reges maximo fuerat terro-
ri hunc tulit exitū, ut ab Hispanis equitibus, qui Tre-
misenio regi auxiliares aderāt, equestri fusus pralio
interficeretur, nequicquā longissimo cursu fuga per
arenosas solitudines extēta & effuso passim auro, ut
persequentes distineret. Per hunc modum Hariadeno
Algerij regnum cēsit. Is quidem par Horuccio fratri
cū animi magnitudine, tum immensa uī corporis, et
bellica uirtute, sed fortuna aliquanto superior. Nam
Hariadenus nauali innixus discipline, ita paucis an-
nis potens, ascitis sibi prædonum audacissimis, & for-
midandus euasit, ut undiq; oram Hispaniæ atq; Italiæ
Insulasq; ad unum omnes Mediterranei maris impu-
ne popularetur, & demum ex fama rerum gestarum
Solymanus uirtutis causa, Othomannica eū classi præ-
ficeret: cuius imperio euectus & confirmatus, Mule-
assem Tuneti regnantem, & eum fratribus de regno
cōtendentē, astuta societatis simulatione depulit, seq;
regem perdomito armis Tunetano populo impoten-
ter effecit. Sed non diu tanto regno letatus est: nam
Cæsar incomparabili uirtute pietateq; eum ualidissi-
ma classe numerosoq; militum & tormentorū appa-
ratu aggressus, magno Christiani nominis comodo
& singulari sui nominis gloria ita expulit, ut multo
maxi-

maxima parte classis spoliatum in fugam conijceret; restituto subinde Mulcasse certa pactione exigui tributū, quod is regendis Africæ populis propter uetustatem imperij & Numidarum amicitiam potior haberetur, & Turcis prædonib. foret inferissimus. Verū Hariadenus tanta inuicti animi extitit fortitudine inter ea summæ calamitatis detrimenta, ut reliquā classē quæ ad Hipponam subducta, semiq; demersa fuerat, incredibili celeritate educeret, & Cæsarianarum trirēmium persequentium diligentiam effugeret: nec multo post Byzantium proficisceretur. Eum Solymanus usq; adeo sereno vultu excepit, ut cum magnopere laudaret, cōsolareturq; quoniam samæ iam pridē partē satisfecisse censeretur, quod nullus adiutus auxilijs, potētissimi Christianorum Imperatoris impetū sustinisset, atq; inde cum parte classis incolumis Algerij adhuc rex se recepisset. Non enim classē neq; milites, neq; etiā regna, toties spectatæ eius uirtuti, unquā defutura, extēploq; eū, contrā ac pleriq; Turcæ Proceres rebantur, confessu ordineq; purpuratorum dignū existimauit, oraq; maritimæ præfectū & Basā appellauit. Inciderunt demū grauissima bella, ruptis inducijs inter Cæsare et Fræcisū Gallie regē: qua de causa Galliā premēte Cæsare, et Britānis in societate eius bellū in cōmētē perductis, missus est Hariadenus cū ingēti classe, qui Gallo amico regi opē ferret. uerū ea classis terrori potius q̃ magno usui Gallis fuit. Nā Hariadenus Nicæa capta, arcē expugnare nō potuit, byemareq; in Prouincia apud Tolonē coactus est, se-

quentiq; anno uastata Etruriæ ora, atq; Infulis Ilua, Igylio, Aenaria, & Lippara immani populatione, afflicta Byzantiũ redijt: nulla re gloriosior, quã quod paulo antè ad Actium promontorium Cæsarianæ & Venetæ classis cum ignominia nostra fugientis, puppes conspexerit, & in Rizonico demum sinu Castrũ nouum paulo antè à Cæsarianis captum terra mariq; fortiter adortus ita recepisset, ubi quatuor serè milia ueteranorum Hispanorum trucidarit. Caterum quũ Byzantij tantis rebus gestis apud naualia ædificandis trirēibus multus incumberet, octogenarius senex, & multo grauis abdomine, Veneriq; interdum indulgens, in morbum incidit lentioris diarrhœæ, sic ut uitalis calor, crura femoraq; sensim desereret. Sed Iudæo medico tenellæ atatis pueros locis affectis applicante aliquandiu labentes spiritus uiresq; resfuit, donec febris oborta eũ extingueret, sic ut Asanè filium quem Algerij regem imposuerat, suæ peculiaris classis, & seruorũ, totiusq; fortunæ suæ indulgente Solymano heredè relinqueret. At Simas hic cognomento Iudæus, qui altero captus oculo, eũ Barbarussa pictus cõspicitur, nequaquã eandem fortunam, quã Mitylenei fratres experti fuerant, sortitus est, quanquã discipline naualis esset peritissimus solertiq; præditus ingenio, prædonũ prudentissimus haberetur: ipso quidẽ Hæriadeno constantior in consilijs, & moribus temperatior. Seruos enim mitius exercebat ad remum benignius alebat, utpote qui ualetudinem eorum benignissimè curaret: neq; enecandos perpetuis flagellis

lis exist
gatoria
sum in
nubium
percep
manus
ce pau
postea
rũ nau
merces
phitici
to. Qu
intimi
in Indi
durior
ter ext
tare, p
filium
uideret
quam u
pulonia
mare R

Equis
Hanc f
Pinxit,
Nam (n
Inuicte

lis existimaret. Multā porro syderalis scientiæ, nauigatoriæq; membranæ notitiā hauserat, magnum usum in agnoscendis tempestatibus, de natura coeli, & nubium, naturæq; recessuum, & tempestatum maris perceperat. Quarum rerum opinione adductus Solymanus eū Rubro mari, atq; Indico præfecit. Nam Turcæ paulò antea Solymano Epirota eunuchò duce, qui posita inter Bassas electus est, intercludere Lusitanorū nauigationes cogitarant, quæ ex India aromatum merces in Europam adueherent, magno quidē Memphitici portorij, & Othomānici uestigalis detrimento. Quæ de causa Sinas apud Thorum atq; Suetiam intimi sinus Arabici portus, classē edificabat, ut ea in Indiam prouheretur. Sed senem Smyrnæ natum durior Aegyptij coeli inclementia tentauit & celeriter extinxit, eo exitu, ut se è uita felicem excedere putaret, postquā id superi concessissent, ut Zabachem filium Tuneti olim captum, postliminio sibi redditum uideret, & eius cōplexu potiretur. Hunc ad eum tanquam ueterem amicum, sodalemq; Hariadenus à Populoniæ Regulo concessum, magni instar muneris, ad mare Rubrum usq; miserat.

Petri Angelij Bargæi.

Ecquis Protogenes, ecquis tam doctus Apelles
Hanc faciem, hæc clara splendentia lumina flamma
Pinxit, & hos uiua uiuos in imagine uultus?
Nam (memini) sic ipse oculos, sic ora ferebas
Inuicte Hadriadene, acri dum milite septus

Urgeres hostem, et sulcates nauibus æquor,
 Vidurum, ut seuum spirat frons horrida Martem,
 Ut cadem minitatur adhuc, ut uiuida uirtus
 Quæq; arces, quæq; olim urbes, quæq; ardua muris
 Oppida disceat, quæ Regna opulenta subegit,
 Ostentans sese medio in discrimine belli,
 Indicat aduersas quantum contemneret iras
 Fortune, quantis rerum uersaret habenas
 Consilij, si quando auræ implere secundæ
 Carbasq; cursusq; tuos, nec pectore magni
 Defecere animi, quanquam natalibus ortum
 Obscuris, quanquam maiorum exempla sequentem
 Nulla: truces ut non sceptro spoliare superbo
 Auderes, ipsosq; sua de sede Tyrannos
 Ejicere, et uictis Lybie ius dicere Regnis.
 Te te unda tremuere omnes, quas ultima Calpe
 Aspicit occiduas, uel quæ prospectat Amanus
 Littora multifidus: nec non quæcunque procellis
 Insula Ionio in magno tunduntur et Euris.
 Quin etiam ipsa tunc olim Phæacia tellus
 Deuastata manus sensit, quo tempore Iberus
 Dalmaticos multo tepescit sanguine campos.
 Scilicet innumera tum uos toto æquore classes
 (Proh pudor, et labes nullis abolenda diebus)
 Fugistis saltum nec Dijs, nec uiribus æquis.
 Ergo iterum Asiatica Pæbus miseratus ab arce
 Ionios Italo persusos sanguine fluctus,
 Corporaq; Aegæis fluitantia uidit in undis.
 Nec fuit indignum superis cepisse potenti

Omnia

Omnia tum primum dextræ parère Tyranni,
 Atq; hostem Ausonios ferro populare penates,
 Nostrarumq; unum exilio se accingere rerum.
 At tu magne Senex ne dira incendia mente
 Concipe, nèue in nos flammato pectore sæui,
 Illustres delere uelis ut funditus urbes,
 Argiuorum urbes quondam decora alta tuorum.
 Sit uicisse satis, sat sit sumpsisse cruentas
 Horribilem dextram uicto de milite pœnas.

Sub effigie Francisci Galliæ
 Regis.



Hoc illustri planeq; Regio generosa
 frontis honore, atq; hoc cultu, splen-
 doreq; armorum Franciscus Galliæ
 Rex primus in acie prodire, & du-
 ra Martis munera obire erat solitus:
 hunc nemo Galliæ Procerū uel excelsæ statura pro-
 ceritate, uel habilium ad arma artuum firmitate, uel
 impauidi & semper constantis animi uigore adæqua-
 bat; nemo Regum candore animi, clementia, & pie-
 tate anteibat; nemo deniq; mortalium præalto uiuidi
 ingenij lumine, & quod incōparabile in eo uidimus
 expedita maximeq; tenaci, & rerum & nominū me-
 moria superabat. Summa siquidem in cum natura a-
 spirantis dona, superi adeò cumulatè contulerant, ut
 certo & iocundissimo insignium uirtutum concursu,
 haud dubiè felix posset existimari, nisi eū tractantem
 arma Fortuna Caesaris ex professo tantis belli pacisq;

artibus aduersa, sepiſſime ſeſelliſſet. Neq; enim hæc u-
ti illi, uirtuti ſida comes eſſe uoluit; ſcilicet ne obſta-
ret ſatis Caſari Italiae Imperium deſpondentibus. In
hoc tamen ſecūdiſſimo ſuo curſu eadem Fortuna qua
perenne ſtudium in Caſarem extenderat, tāquam cer-
to pudore uicta, id Franciſco præſtitit, ut ſaltem et li-
bertatem Gallie ſibi cordi eſſe, tot aduerſis bellis, o-
ſtenderet, pareretq; ſubinde pacem reſunctis undiq;
bellis, ut Franciſcus ſua inuicti animi magnitudine
proculdubio felix moreretur. Quartum ſiquidem et
quinquageſimū natus annum, extinctus eſt, quum for-
tè ex nimia iactatione equeſtri qua ille immodicè ue-
nabundus utebatur, ei enatum eſſet circa ſedem mali-
gnum ulcus, et ſenſim collabentibus uiribus ignobili
in uiſco, cui Rambuleto nomen eſt, Regum nobiliſſi-
mus deſeciſſet: eo quidem tranquilliore abruptæ uitæ
exceſſu, quod Henricum filium qui iam conſantiſſi-
mi bellatoris et prudentiſſimi Regis præclarum ſpe-
cimen non uno in loco præbuiſſet, tanti Regni here-
dem relinqueret, cum bona etiam ſpe poſteritatis;
quando iam ex eo auitæ indolis nepotem ample-
cteretur.

Ioannis Bellai Cardinalis Pari-
ſienſis.

Gratia, forma, decus, probitas, ſacundia, candor,
Religio, Charitum ſpes, amor Aonidum,
Ingenij atq; animi uis admirabilis, uno
Cuncta hæc tumulo, Rege iacente, iacent.

For-


Fortuna est quicquam si defuit; hac age, uince
Errice, & reliquis æquiparato patrem.

Ioannis Baptistæ Possuini:

Effigiem, Rex magne, tuam, tuâq; inclyta factâ
Consecrat excultis scripta uoluminibus
Musarum in templo, patrij prope littora Lari
Aeternæ Iouiis conditor historiæ;
Quodq; ex te periit, fallax pictura reponit,
Quod uiuit, uiuum pagina fida facit;
Vt spectent oculis mirantibus ore nepotes
Quæ decuit terris, & dare iura mari;
Et simul annales rerum memorande tuarum
Franciscæ, arreptis auribus excipiant,
Vt bello Heluetias uiduaris ciuibus urbes,
Quum tegetet molles prima iuuenta genas,
Vt sortes idem Insubres, & Belgica Regna
Nomine penè ipso debita Regna tibi:
Quâ pater Eridanus uiolentis uoluitur undis
Excusso impuleris subdere colla iugo:
Vtq; Urbem dominam, septemq; receperis arces
Excidio ex magno, seruitioq; graui,
Acceptos tibi Roma Deos, sanctoq; Tonantis
Fungentem in terris munere, grata refert,
Quos tu pugnaci diuersis partibus hosti
Terrorem incutiens obsidione leuas.
Tu latè Imperium profers, tu prælia tentas,
Vt teneant fines oria tuta tuos.
Te non ulla acies, non terruit Amphitrite

Quum pareret gentes in tua damna nouae.
 Impendere ferox à tergo negligis hostis,
 Quos beat auriferi lucida Lymphæ Tagi.
 Non coniurato ueniens Germanus ab Istro
 Cogit præcipiti te dare terga fuga.
 Ergo tot spolijs non uno ex hoste relatis
 Auris patrio Barbara tela solo,
 Nec tibi non magnam pepererant otia laudem
 Otia Pieridum dulcibus acta modis,
 Quas primus patrias ad gentes, effera corda
 Parnassi è summo uertice ducis ouans,
 Despectasq; artes, & humi sine honore iacentes
 Erigis, o seculi gloria prima tui.
 Quare uos Regem tantarum in munere laudum
 Carmine uicturo dicite Pegasides,
 Vt qui uos claras in luminis extulit oras,
 Vestra ope conspicuum tollat ad astra caput.

Sub effigie Ferdinandi Cortesij.


 NTER Hispanici nominis insti-
 gnes uiros, qui enauigato Oceano,
 adiuuentisq; nouis terris & popu-
 lis, illustrem famam sunt consecuti,
 omnium (uti reor) clarissimus eni-
 tuit hic qui aurato cinctus gladio, ornatus aurea tor-
 que, & pretiosa indutus pelle conspicitur Ferdinan-
 dus Cortesius. Is Columbi Liguris qui primus seculo
 nostro stupenda navigatione alterum propè terra-
 rum orbem nobis aperuit, cogitationes propè insa-
 nas

has præalti ingenij, & placita naualis disciplina sô-
 lenter atq; feliciter emulatus directo ad Occidentem
 cursu, in uastum sinum recuruantium sese terrarum
 ad Septentrionem appulsus Mexicana Regna, & gen-
 tes ingenio nihil à nostris moribus abhorrentes repe-
 rit. Profectus namq; ab ultimo Insulae Cubæ promon-
 torio, quod in Occidentem recta protenditur, & Tro-
 pico Cancrî subest, relictis ad lauam Iucatana & Col-
 uacana Insulis ad aduersam intimi sinus frontem ap-
 plicuit, iuxta fauces ingentis fluminis quod Panucum
 uocant. Ibi per interpretes Iucatana & Coluacana
 homines, quos anteriore expeditione adiuerat, didi-
 cit ea litora esse continentis, quæ molli flexu hinc Vra-
 banis litoribus annectitur, illinc uero ad Septentrio-
 nem uastissimo tractu his terris, quas nauæ Bacca-
 lauras uocant, se coniungit. In ea litorum plaga alte-
 rum se Isthmum reperisse Verazanius Florétinus re-
 ferebat, qui de ea regione peculiarem commetarium
 conscripsit, & postea apud Darienem dum curiosus
 nauigando naturæ abstrusa planeq; deserta scrutare-
 tur, à Canibalibus, spectantibus è classe socijs, com-
 estus est, ita ut non secus quàm in Vrabano Darienis li-
 tore, per similem Isthmum in aduersa hac Septentrio-
 nali ora naturam posuisse ideo credendum sit, ut per
 eos exterior Oceanus deprehendi posset, & fortasse
 nauigari; sicuti Vasco Nunio euenit, qui primus Isth-
 mum transcendere ausus, pelagum ad Perurana & Ce-
 scana aurifera Regna pertinentem, adinuenit. Neque
 enim dubium uideri debet quin ea aquora ad Arctos

partes uergentia eius sint Oceani qui terram uniuersam circūabiens ad Sinarum & Cathainorum Orientis oras, & deniq; ad beatas Molucas Insulas obuertatur. Caterum Cortesius incolas blādisimis sermonibus, & promissis, atq; item muneribus sedulō permulcēs, reperiēbat eos sicuti in Iucatana & Coluacana uidisset, idola lignea, atq; aurea, uarijs ferarum et draconum effigiata formis, tāquam Deos colere, atq; his placādis, noxiorum cruore sacrificare, non absimili superstitione, qua antiquissimos Druydas litare solitos, numinaq; placare Caesar scribit, sic ut hunc sacrificandi morem inhumanitatis atq; scuitiæ plenum olim allatum ex his terris in Britanniam, atq; inde in Galliā manasse putemus. In mediterraneis porrō Cortesius perampla ditissimaq; Regna Mexicanæ prouinciae extendi ad Occidentem audiebat, quæ hominibus ingeniosissimis, atq; omnis elegantie cum literarum & Musices, tum mechanicarum quoq; artium studio sis incolantur; utpote qui in morem prope nostrum ædificent, & calce, gypso, marmore uario, & scitili lapide, fictilibusq; abundant; nec pictores desint, qui cuncta coloribus exornēt. Incessit Cortesij animo ingens cupido cognoscendī ea Regna, quæ multo auro, argentoq; & pretiosis gemmis abundare, sub æquatoreq; sita singulari, eaq; saluberrima cœli temperie, & stupenda soli ubertate gaudere ferebantur. Nec uoto defuit Fortunam Cortesius astuto ingenio uir, ubi didicit eadem libidine, qua apud nos Mexicanos populos inter se de finibus et de potētia armis decer-

tare

tare sese propinquiore Regulo aduersus hostes eius, auxiliarem belliq; socium alacriter obtulit. Habebat enim sclopettariorum & balistariorum hastatorūq; exiguam certē, sed egregiē ualidam armis atq; ausis manum: & super hæc (quæ Barbaris miraculo fuit) galeatorum equitū turmam. Neq; enim his in regionibus quisquam equum uidit. Itaq; iusto fœdere Barbaris iussu Reguli cuncta onera armorum & cōmeatus humeris subportantibus & curulia minora tormenta trahentibus, cōserta sunt eo euentu multa prælia, ut Barbari hostes territi tormentorum bombis, e quorumq; stupenda specie, & multa passim cæde prostrati: subactos se & planē uictos faterētur, & in ius hostis Reguli ultro deuenirent, & clementissimē reciperentur, ita scilicet consulente Cortesio, ut amplificatis uiribus ascitisq; secum amplioribus auxilijs, aduersus Mutezumam potentissimum inter Mexicanos regem, & in Temisfitana urbe Veneta urbis in modū undiq; per nauigabili regnantem maturē cōtenderet. Idem fuit animorum habitus & armorum usus apud populos Mutezumæ imperio subiectos. Nam ad æquitum conspectum obstupescētes, prostrantesq; se ad tormentorum crepitum, consertis demum manibus inulti cadēbāt: quod ligneis machæis & præfixis cornu iaculis, sagittisq; harundineis, magna parte corporis nuda, dimicarent: eo quidem iniquius quod gladio rum, & lancearum latas plagas horrerent, et equites unum integrum Centaurorum specie animal esse existimarent: cæloq; à nostris euocari fulmina, & à dijs

benignè cōcedi aduersus hostes arbitrarentur. His de
 trimētis atq; miraculis Mutezuma terrefactus, se re-
 pente deditit, & ad Cortesij authoritatē cūctos im-
 perij sui populos contulit. Sed postquā se dederat,
 quod deditōnis pœnitere, exēstare rursus ad rebellā
 dū populares suos, & fugam parare diceretur, ei con-
 pedes iniectæ sunt: qua miserabili deformitate nihil
 impotentius & durius imponi posse Barbari ciulatu
 & lachrymis id significantes ostenderunt, quod Rex
 regum immense fortunæ fastigium dudum tenens, ser-
 uilem contumeliam subiisset, quā ut uindicarent qui-
 dam de populo, & ut regem tanto eximerēt ludibrio
 in superiorem porticum, ubi Mutezuma uinctus sede-
 bat, lapides conijcere cœperunt, frustra Cortesianis
 prohibentibus: nā Mutezuma caput ictus, paulo post
 interiit, eiq; demum post multā & cruentam conten-
 tionem Cortesius suffragio multorum regulorum suf-
 factus est, eo titulo, ut Cæsaris suppressi imperatoris
 se uices gerere profiteretur. Exinde ulteriora perqui-
 rere, quod Mexicana regiones auro scatere, & gem-
 mis atq; margaritis abundare uarijs percunctationi-
 bus: nec longē abesse Oceanum comperisset, nouam
 expeditionem ad Occidentis oram maritimam susce-
 pit, eo quidem apparatu ut non modō sarcinarum
 & tormentorū onera secū ferret, sed duos etiam my-
 oparones certa soluta membrorū cōpage plicatiles,
 multiplicatis seruis cōportari iuberet, ut his tenta-
 ret Oceanū, quem non amplius quingentis leucis ab-
 esse constabat. Ex itinere cūcti incolæ trahenti tor-

mentis

menta atq; equites, expositis cōmentibus paruerunt, atq; omnib. officijs amicē collatis euntem secuti sunt. Medio ferē itineris spatio conspectus mons est altissimus, & in cacumine niuosus Aetnae Siculae modo flammās euomens, & ignotos pumices eructans, atq; inde ad Oceanum est perueniens, qui uastis dextri litoris anfractibus frequētes Insulas ostendebat, magna ex parte desertas, in quarum uadis multi urinatores deprehensi sunt, legendis conchis & unionib. intenti. Existimabat Cortesius ea aquora quae essent scopulis praepedita, nec leuibus nauiculis tutō tentari posset, obueriti in orientem, samamq; esse apud incolas, ad extremū Occidentem reperiri ingentes Insulas omnib. aromatum atq; unionū diuitijs abundantes: sic ut maxime letaretur, quod in occidua parte reperiri posset speraret nouū Orientem, si maiorib. nauigijs ea maria sulcarentur. Igitur Cortesius latē explorato litore notatisq; nemoribus unde materia edificandae classis cædi posset, Temistitan est regressus. Ibi Barbarorum templis ritē expiatis, Deo Christo, & Deiparae uirgini solennes aras erexit, & Baptisterium cōdidit: nec ei admodū difficile fuit docilib. ingenijs uerē religionis cultū persuasisse, & sacro fonte certatim ad eā ceremoniā accurrentes lustrare, mysteriaq; nostri ritus singulis insinuasse. Indigenae siquidē aduenas non homines, sed heroes esse arbitrari, qui à magno numine in eas terras missi fuissent, à quibus ipsi uerū Dei cultum & admirabiles artes, quibus perpetuō beati forent benignissimē docerentur. Non esse amplius ipsis

a quoquam finitimo hoste uim et arma extimescenda
 posteaquam inuicta gentis presidio terra mariq; tu-
 tissimi cuncta hostilia in posterū contempturi, & per-
 petua ciuili pace gauisuri uiderentur: quod Cortesius
 non dubio magni numinis nutu humanas actiones ad
 iusticie normam apto quodam seueritatis & clemē-
 tie temperamento reuocaret: maleficioꝝ reos ad
 exemplum punire solitus, quā aliqui deprehensi, mo-
 re nostro uirgis cadi: alij reiectis in terra brachijs ex
 troclea suspendi quatiq; alij insertis in bimas trabe-
 cruribus in custodia siti, atq; inedia torqueri iuberen-
 tur. Amplissimum enim carcerem edificarat, qui libe-
 ra gentis grauissima poena putabatur. His institutis
 & morib; usq; ad eod Mexicanī profecerunt, ut quum
 Cortesius per concionatores interpretes multa de di-
 uinis rebus & de Romani pontificis auctoritate, Ca-
 roliq; Caesaris summi principis potentia atq; uirtute
 differeret, duo illustres gētis Procere publico decre-
 to instructa legatione ad Casarem in Hispaniā, atq;
 inde ad Clementem Romā utruq; piē ueneraturi mit-
 terentur. Hos Romā nos uidimus pari colore & co-
 ma, & ingenij alacritate nostris subsuscis fere persi-
 miles, quos Clemens imaginūculas aureas dono asseren-
 tes ita remuneratus est, ut conuestitos duplici ueste se-
 rica, equestri dignitate honestaret, binisq; bullatis
 baltheis cum totidem inauratis gladijs & pugionib;
 atq; item singulis aureis torquib; exornaret, quib; le-
 ti munerib; ad suos redierint, & multa, uti postea ac-
 cepimus, de magnitudine Urbis moribusq; et ceremo-
 nijs

nius nostrarum gentium retulerint. Exinde Cortesius
 domum Regij prætorij instar Temistitano in foro per
 eleganti structura & uario marmore sculptisq; lapi-
 dibus ornatissimam quam nonnulli Hispanorum Gra-
 natensi Alambre, uel ob id anteponunt, quòd colora-
 tis lapidum zonis admirabile specie distinguatur, co-
 herentes habeat hortos scaturientib. undiq; per sy-
 phones & iocundè salientibus lymphis. Ipsa nanque
 urbs Temistitan circumfluā habet paludem, per quā
 longis pontibus continenti iungitur: uberrimosq; dul-
 cis aque, quòd falsus sit omnis ex palude humor, ha-
 bet aqueductus, qui lapideis & turritis ciuium domi-
 bus in omnem usum limpidissimas aquas suppeditāt.
 Posita est hæc urbs medio fere spatio inter tropici Cæ-
 eri lineam & equatorem. Caterum Cortesius nō diu
 tantæ Prouinciæ imperio potiri potuit. Non secus e-
 nim ac antea Columbus, inuidia tantarum opum ac-
 cersitus est in Hispaniam, muneraq; gemmarum &
 margaritarum supra opinionem pretiosa Cæsari do-
 no dedit, à quo præmium retulit Vallij oppidi donū
 quod ad eius posteros transiret: successorq; ei summa
 cum authoritate ad Mexicana regna transmissus est
 Antonius Mendocius Tendilij filius, qui uti est inge-
 nio generoso optimisq; instructo literis, & honestæ
 gloriæ audio ulteriora profectio regna atq; exopta-
 tum iter ad Molucas nobis aperiet. Cortesius uerò in
 Africam secutus Cæsarem Algeriano naufragio insi-
 gnem prætiosæ supellestilis suæ iacturam fecit, septē-
 nioq; post qui, humilis Medelmi oppidi ciuis, filius

fuerat (id est apud Anam amnem) munere Caesaris illustribus appellatus apud penates suos non plane senex fato concessit, paulo post quam nobis effigiem suam inter praeclaras imagines in Museo nostro collocandam misisset.

Franchini Cosentini.

Alcides late multum telluris obiuit:

Victor & ante alios clarus in orbe fuit.

Clarior Hernandus, nam plus telluris obiuit,

Plus maris, ignotos uicit & antipodas.

Eiusdem.

Liber ubi Eoos deuicit belliger indos,

Iussa dedit populis ut sibi thura darent.

Hernandus contra, poni sibi noluit aras

Alteri ubi est armis India uicta suis;

Est igitur Baccho maior Cortesius: hic se

Abnuat esse Deum, ui fuit ille Deus.

Sub effigie Sigismundi Poloniae
Regis.



VNC augusti oris speciem quum etate
floreret Sigismundus Sarmatiae Rex
ferebat, inter nostrae aetatis fortunatos
Principes adnumeratus, si longae uita
& firmissima ualitudinis comoda, cum diuturni-
tate Imperij, quod semper ei incolume atque tranquillum
stetit, ac illustrium cognationum claritudine computen-
tur. Is enim a Casimiro patre regno accepto, alterum

Et quadragesimum regnavit annum : octuagesimum
 autem paucis cōcesso leniore vitæ exitu absoluit: nul-
 lis profecto acerbioribus intestinis aut externis bellis
 tentatus, utpote qui graui instituto securæ domi paci
 obnixè studuerit, & foris de Barbaris infesta arma te-
 merè infrentibus, insignes uictorias retulerit: quum
 per legatos summæ peritiæ atq; authoritatis superio-
 rum temporum accepta detrimenta, redditis cladib.
 expiasset. Nam Tartari ad Socalum cum Polonis cō-
 gressi Rossolanorum temeritate potius quàm sua uir-
 tute uictiores euaserant, & Moldaui ad Ozocouiam
 Alexandri regis exercitum profligarant. Conuersa
 itaq; Fortuna ad Sigismundum, Constantinus Ostro-
 gius Ruthenus Tartaros æternos hostes apud Selu-
 chum, atq; iterum ad Visnoueciam memorabili stra-
 ge edita superauit. Idem quoq; Constantinus pari feli-
 citate ingentem uictoriam de Moscis ad Orsam flu-
 men iuxta Smolenchū est consecutus. Ceterum Mol-
 dauos Ioannes Tarnouius inclytæ uirtutis dux ita de-
 bellauit, ut Petrus ipse Moldauicæ princeps amissis du-
 cum & militum suorum primarijs vulneratus, exu-
 tusq; tormentis & castris, uix manus uictoris effuge-
 rit. Hæc quanquam præclara multiplicis uictoriæ tro-
 phæa Sigismundi gloriam in immensum eueheret, id
 tamen plurimum ad summæ prudentiæ salutemq; re-
 gni nomen maxime pertinuit, quod constantissima fi-
 de pertinaciq; studio, pacis & amicitie fœdera cum
 Turcarum Imperatoribus sanctissimè coluerit, quan-
 quàm cum Christiani reges specie pietatis & noui de-

coris propofita ut fecum confentiret, atq; arma fumeret uehemēter incitarent. Providebat enim rex ſe rex unico innixus filio admodum puero, ideoq; in capiendis grauioribus conſilijs nunquam præproperus & incautus, recafura in ipſum tanquā periculo proximū Othomānorū arma, quibus niſi maximis et ſemper paratis copijs reſiſti poſſet: nec Polonis ſociorum longinqua auxilia ut hoſti propinquo ad prædā expoſitis, expectāda uiderentur. Ex ea quoq; Turcarum amicitia Sigifmundus nō obſcurē ſe pramunitū atq; deſenſum aduerſus finitimos hoſtes intelligebat, quando ea eſſet Othomannorum uetus cōſuetudo, ut ſocios, & in amicitiam clientelāq; receptos aduerſus omnem iniuriā promptiſſimē defendant. Quorum uſq; adeo grauis authoritas apud Tartaros, Moldauos et Moſcos ualebat, ut quo minus ſe commouerēt, & in Polonia ſines incuſſiones facerent, imperioſe deterrerēt: & ipſe Sigifmundus à Solymano honoris cauſa amicus & pater appellaretur. Regiæ ſtirpis ſtēma nequaquā aliē à nobis repetetur, contenti Iagelonis regis memoria, qui duos genuit filios, Ladislāū Polonici regni ſucceſſorem, & Pannoniæ demū Hungarorum procerum accitu regem creatum. Hunc uictoria ad Nicopolim tumultuariē parta, cupiditate gloriæ elatum et ſœdera recentis pacis abruptentem, quum iniquo Fato in Bulgariā penetraſſet, Amurathes in Varnenſibus campis trucidauit. Huius frater Caſimirus regnum ſuſcepit, rex egregiē fortis & de Pruthenis atq; Germanis inſigni parta uictoria celebratus

bratus. Hic plures liberos Imperijq; heredes reliquit, utpote qui rara felicitate quatuor Regum pater fuerit. Successit enim ei Albertus & mox Alexāder, quō hic quinq; ille octo annos regnasset. Quibus demum successit Sigismūdu, quum Vladislaus quarto loco ei natus frater ad Bohemicum Imperium, atq; inde Matthia defuncto ad Pannonicum transiisset, & Federicus postremus tantæ sobolis frater purpurei galericæ Senatoriæ dignitatis honorā à Romano Pontifice esset consecutus. Habuit Sigismūdu in matrimonio uxores duas Barbaram Stephani Zapolij Transylvaniæ Præsētis filiam, quæ Ioānis Pannoniæ Regis germana soror fuit, ex qua Hetuigē filiam suscipit, Brandeburgensi Regulo, Romani Imperij Electori nuptā: secundo autem loco Sforziani sanguinis uxorem duxit nomine Bonam, quæ ei hunc Augustum hodie regnantem peperit, & Isabellam Ioanni postea Pannoniæ Regi nuptam, ut inde Regia proles Hungarico nomini pararetur. Itaq; Sigismundus inter beatos procul dubio referri potest, postquam auo patreq; Regibus editus, patrum Regē, & tres fratres Regio diademate insignes, atq; item fratris filium, & sororis suæ fratrem Regē simul & generum uidit. Senio autem cōfectus aduocatis Regni proceribus Augustum filium sibi successorem decreuit, accuratisq; precibus commendauit. Nec multo post leni tentatus morbo excessit è uita, eo etiam felicior, si pietatem Christianā respicias, quōd ei ipso die quo Saluator noster Deus Christus Paschali die ab inferis resurrexit, in cælum emigrare contigerit.

Martini Cromeri Sarmatæ.

Ciuihus externisq; mea est clementia nota,
 Consilium, grauitas, religio, atq; fides:
 Pax mihi cara fuit, tamen haud me impune lacescit
 Theuto, Lino, Moscus, Turca, Scythia atq; Getes:

Sub effigie Dauidis maximi Abyssinorum Aethiopum Regis.



ETHIO P ES cucullati Sacerdotes,
 qui post maximum Vaticani templum
 sedem & delubrum habent, communi
 consensu eam sui Regis effigiem uerissi-
 mam affirmant, quam Petrus Aliures Legatus cum
 cruce aurea ad Clemenem Pontificem detulit. Is post-
 ea nobis ex commentario Abyssinorum regiones &
 mores explicauit, quæ omnia à nobis in Historijs suo
 loco ita diffusè enarrata sunt, ut nihil quod ad dignif-
 simarum rerum notitiam pertinere possit, desiderari
 queat; qua de re in exprimendo Dauide astrictione
 utemur Elogio, ne his fastidio sim, qui Historias no-
 stras perlegerint. Hoc autem de eo Rege totius cogni-
 ti orbis longè maximo, dici potest, quod non modò
 Christianæ religionis dogmata & ceremonias profe-
 teri, sed his propè iuris ciuilibus legibus, & uti nos di-
 sciplinæ militaris institutis, tot sua Regna auctoritate
 summæ iustitiæ tueri consuescat, eademq; ei sint iura
 in profanos, & sacratos sacerdotes, quæ apud Ro-
 manum Pontificem uigent. Huic Dauidi proximè de-
 functo,

*functo, quem uulgo Preteianem uocant, duo insignia
 cognomena contigisse Abyssini referunt: scilicet Ata
 nadidinghil, quæ uox uirginum thus exprimit, &
 Belulgian, quod inestimabilis pretij gemmam signifi-
 cat. Sedes habet non procul à Nili fontibus inter palu-
 des eius ingentis amnis, qui irrigatione terras om-
 nium solo nascentium ubertate fertilissimas reddit.
 Vsq; adeo autem eius Regna longè lateq; extendun-
 tur, ut sinibus ab occasu Atlanticum Oceanum attin-
 gant, introrsus Trogloditarum damnatis terris inse-
 rantur, & ab Oriente ad Arabicum usq; sinum per-
 tendant, ubi Arabicum portum Abyssinos frequen-
 tare constat. Dauidi cæterisq; Regibus quum in pu-
 blicum prodeant, cæruleo tenui serico uelare faciem,
 & sinistra manu argenteam præferre crucem mos est.
 Mutare sedes translatis tentorijs, & ualida numero-
 saq; iuuentute noctu atq; interdum custodiri solêt; de-
 feruntur lectica interdum aperta succollantibus ser-
 uis. In consociendo autem longiore itinere, mulabus
 quàm equis uehi malunt. Ipse Dauid omnibus casti-
 moniæ munditijs clarus uxore una contentus fuit; li-
 beros suscepit plures, è quibus natus maximus à Sellano
 Arabum rege acie interfectus est, cuius acerbæ ca-
 dis dolor, quanquam egregiè à fratre uictore, qui im-
 prouisam Sellano hosti cladem intulerat, uindictus
 uideri posset, Dauidem tamen patrem adhuc stata æ-
 tate florentem ad mortem adegisse creditur: sic, ut
 Claudium hunc qui hodie regnat, secundo natum lo-
 eo Imperij successorem reliquerit.*

Petri Angelij.

Expressam effigiem mira quam conspicis arte
 Hospes, et horrentem capitis mirare capillum,
 Nigrantesq; genas, nigrantiq; ora, manusq;
 Inspectas, tecumq; alto sub corde uolutas,
 Quis sit, et unde genus ducat; quo magnus in orbe
 Imperet, illustres nobis ponatur ut inter
 Heroas, clari spectandus imagine Regis.
 Hic ille est qui iura dabat, legesq; ferebat
 Aethiopum populis medicæ sub sydere Libræ.
 Tempore quo nostræ superato gurgite uasto
 Hesperidum, terras circum, cælumq; profundum
 Percurrere rates, aliq; sub orbe pararunt
 Imperium, inuicti tremere ut Caesaris armæ
 Insulæ Oceano in magno, regna inuicta uiuis
 Credita, et exuri radijs plaga Solis iniqui
 Scilicet audaces tum primum Atlasq; Gæarq;
 Valuq; et horrifico pulsatus Cynnaba fluctu
 Ultra anni Solisq; uiam stupuere carinas
 Ire, atq; Herculeis conuulsis æquore metis
 Sulcare ignotas temere uada cæca per undas.
 Tum quoq; Pistricesq; fera, atq; immania Cete,
 Monstraq; præteritis non unquam cognita seclis
 Horruerunt rapido uolitantes flamine pinus.
 Quin ipse è cana prognatas Tethyde nymphas
 Pube tenuis placido superantes marmore nautæ
 Videre, et membris immanibus Aegæona
 Sæpe fatigantem terga horrida Balenarum.

Neptunumq; patrem, tumidis qui presidet undis,
Felicem orarunt reditum, uentosq; secundos,
Et patrias certè remeassent undiq; ad oras,
Ni gens crudelis sylvæ infedisset iniqua,
Figere lethiferis hostem consueta sagittis;
Et miseros toto palantes littore nautas.
Ah miseros nautas, tam seue opprobria mensæ,
Funderet, & raptos lentum torreret ad ignem,
Diraq; dissectis satiare uiscera membris,
Atq; atro ingluuiem miserorum sanguine scdam.
Pasceret, ac tepidos lanaret dentibus artus.
Tum uerò si quis Smyrnæi carmina uatis
Legerat, & diuam Circem, seuosq; Cyclopas,
Et Lestrigoniæ portenta incognita terræ
Riserat, ignaro miracula prodita uulgo;
Ambiguæ didicit magno in discrimine uitæ,
Docto aurem, certamq; fidem præbere poetæ.
At non hunc tamen insigni diademate clarum
Quem spectas, diri dirum genuere parentes:
Non regio hunc mater magnorū horrēda Gigantum
Difficilemq; aditu Regem, alloquioq; superbum
Protulit hospitibus dias in luminis auras;
At culti Aethiopes gens Fortunata Canopi,
Quæ sepe Oceanum, sepe Oceanitidas omnes
Numina magna maris, tum Pana Iouemq; supremum
Excipit hospitio, ac mensæ dignatur honore,
Indigenam uenerantur uti Regemq; patremq;
Scilicet his Nili fontes, quos uiuida tellus
Imbibit, & magnis fœcundat mensibus agros.

Suppeditant lymphas, dulces coenantibus haustus,
 Quas illi assidue multo cum nectare potant.
 Horum, nulla fames et amor uesani habendi
 Morbo infelici, tristiq; cupidine mentes
 Sollicitat, longa iamdudum in pace quietas.
 At nos infausi proles scelerata Promethei
 Insanas ut opes miseri cumulemus, et altos
 Thesauros imis argenti auriq; metalla
 Visceribus terræ effosis scrutamur, et ipsum
 Vertimus heu seu cognata in corpore ferrum
 Et consanguineo foedamus sanguine dextras.
 Iam iam igitur cuncti placidas uno agmine terras
 Desertis aliquando Asia Europaq; ruinis
 Victuri longumq; æuum, et diuturna beati
 Ocia ducluri, tanto sub Rege petamus.

Sub effigie Muleassii Tunetani
 Regis.



ERAMPLVM in Africa regnum, cæ-
 terisq; ab honore uetustatis, augustius
 tenuisse constat hunc Muleassem, quem
 celeberrima Cesaris uictoria nobis cla-
 rum, et immitis eius Fortuna miserabilē fecit. Repe-
 tebat ipse, uetustissimā Tunetani Regni originem ab
 his Pœnorum Regibus, qui ante sexcentos annos ab
 aduentu Arabum totius Africa regiones, maritimaq;
 præsertim Regna multitudine sua, quæ inuicta armis
 extiterat, occupantes Mahometis sectam usq; ad O-
 ceanum, et Atlantica Regna protulerunt, unde post-

ea Almanfor immense uirtutis atq; potentie Rex cui
Emiramolino cognomen fuit, à Mauroco clarissima
ulterioris Mauritania urbe ingenti ausu in Hispaniā
traiecerit, & post deuictos multis prælijs utriusq; Hi
spanie Reges, in Batica Granatæ Regnum condide
rit. Hic Muleasses magna ui corporis fuit, excellen
tisq; industrie in omni exercitatione equestris disci
plina, sed ingenio rapaci, suspicioso, & in omnem li
dinem effusè prono, foedoq; & quod immanius fuit
erga suum sanguinem perfidiosissime cruento. Nam
Mahometis patris mortem accelerasse fraude Lëtige
siæ matris, & quosdam è fratribus iugulasse; alios cru
delem in modum oculorum luminibus priuasse ferūt,
& quod supra nefarii criminis consilia, cum sibi, tum
populo Tunetano exitiale fuisse cōstat, Turcas præ
dones in Africam accersuit, portumq; eis atq; urbem
concessit, ea cōditione ut eorum prædæ quinta parte
potiretur. Rex erat plena quidē præsentis & opimi
quæstus, sed maximè inuidiosa, sed cōmunibus huma
ni generis hostibus Tuneti tutissimus eset receptus.
Per hunc modum quum piratæ Africæ litoribus insi
ti, multa cum Siciliæ atq; Italiæ, tū Sardinie & Cor
sicæ, omnibusq; Hispaniæ oris, detrimēta intulissent,
classemq; Hispaniensem interceptissent, sese cum Ha
riadeno Barbarussa consociarunt, qui Solymani in
genti classe subnixus, instructo insigni dolo Tunetum
occupare cogitauit, & fauētibus quibusdam Pœno
rum occupauit, ciectoq; Muleasse sese Tuneti Regem
constituit. Tum uerò Cæsar suscepta Muleassis causâ

aduersus Barbaruffam bellum suscepit, tãto appa-
 tu, ut expugnata Guleta quæ erat ad stagni fauces im-
 posita munitio, ipsoq; demũ Barbarussa acie fuso Tu-
 neto potiretur, atq; hostem fugientem magna parte
 clas̃is exueret. Eo modo Cæsaris beneficio reductus
 Muleasses septẽ regnauit annos, nihil de antiquis mo-
 ribus remittẽs, uel auaritiæ uel crudelitatis, usq; ad id
 tẽpus quo Barbarussa à Solymano cũ classe ad præ-
 sidium Gallie Regis mittebatur. Huius tanquam uete-
 ris & formidandi hostis classem ueritus Muleasses, eo
 consilio ex Africa Neapolim uenit, ut terrestri itinere
 apud Genuũ Cæsarem adiret, quod maiora præsidia
 ab eo impetrada uiderẽtur. Sed Cæsare Sicãbrici bel-
 li cõsilijs occupato, Neapoli subsistere iussus, amitten-
 di regni periculũ quod ab hoste Turca Hariadenoq;
 timuerat, à perfidiosissimo Amida filio inexpectatum
 subiit. Amida siquidem cunctis uiuijs patrem imitatus,
 edita fama quod Muleasses apud Christianos ab dica-
 to prius Mahometis cultu impiẽ deficiens, nõ multo
 post morbo periisset, Regnũ tanquam Rege patre or-
 batũ occupauit: quo nuncio percussus Muleasses, filij
 perfidiam omnino armis uindictandam, repetẽdumq;
 Regnum existimãs, tumultuarias Neapoli copias con-
 scripsit, Lofredioq; Neapolitano Duce in Africã tra-
 iecit, & ad Guletam appulsus, uel detestante Touarre
 Hispano Guletani præsidij præfecto, præproperus ni-
 misq; raptus Regni desiderio, & ulciscendi filij cupi-
 ditate, sublatis signis secundum stagni litus, Tunetum
 re perrexit, eo euentu ut erũpentibus ex insidijs A-
 midanis

midanis militibus, nullo propè negocio eius copia ex tyronibus confecta, prosligata ab equitatu omnes cū Lofcedio duce delerentur, ipse vulnere accepto caperetur: cui Amida filius nihilo patre melior, oculos ignito scalpro expungi iussit. Eū tamen tanta calamitas tulit euentum, ut Amida aliquanto post à patruo regni possessione pelleretur: quo casu Mulcasses noui regis eiusdem germani fratris pietate, carcere eductus ad Guletam Hispanorum beneficio perueniret. Nec multum inde discedens Mulcasses Neapolim iterum traiecit, magnoq; miraculo miser Romā uenit. Ibi tū nobis ex eius humanitate perdiscere licuit quæ ad historiæ nostræ fidem pertinebant. Sed qui in disciplinis philosophiaq; ex dogmate Auerrois non mediocriter eruditus, uel in tanta miseria pulsus, orbatuq; oculis, Regium fastum prætulit, ut deductus ad Pontificem non aliter adduci posset quàm ut genuitatum exosculato eum ueneraretur. Transiit demum ad Cæsarem in Germaniam, accusauitq; Touarrē surti, quod depositam apud eum regiam gazam dissutis culeis inhumaniter decumasset. Sed multa resellente Touarre, atq; magnificè causam dicente, ita dimissus est Mulcasses, ut Siciliæ præfecto alendus mitteretur, usq; ad id tempus quo Andreas Auria & Ioannes Vega Sicilia prorex, Garziasq; Toletanus Neapolitanæ classis præfectus expugnanda urbis Africæ negocium susceperūt. Dū ea urbs (olim Leptis parua, hodie Mahomedia à barbaris uocata) terra mariq; à nostris quateretur, adessetq; Mulcasses auditor strepitus, po

tius quàm pugnae spectator, antequam expugnaretur
 morbo interijt: ut aiebat, nihil à syderalis artis præ-
 dictione deceptus, quæ suo fato, & in Africa moritu-
 rum, sed nō exulem prædixerant. Deductum est eius
 funus frequentissimo Pœnorū omnis generis comita-
 tu, ad Carouanam sacrosanctam apud Barbaros ur-
 bem, in qua inclytos reges et generosos Numidarum
 regulos tumulari mos est.

Iouij iunioris.

Linque tuas rupes, & inhospita saxa Celeno
 Infandis Strophadum fixa diu scopulis;
 Currite uos alia Harpyie, furialia monstra
 Non Calais, Zetes non agitator erit.
 Huc agite: antiqui renouetur fabula Phinei,
 Atq; iterum intactas polluite ore dapes.
 Non erat Oedipodes, qui foeda ob crimina lucem
 Ipse sibi infensis unguibus eripuit,
 Pœnorum ille fuit cunctis notissima labes,
 Maurorum ille fuit pestis & opprobrium;
 Nec duro exilio factus miser, atq; superbus
 Pontificis sanctis oscula dat pedibus.
 Eruit huic lumen natus, uel numinis ira
 Illius ut fratres, & pater ultus eat.
 Tu tamen his gaudes scriptis rex Barbare, quod te
 Posse diu credis uiuere in historia:
 Scribitur hæc alijs, ne tam impia facta sequantur,
 Vtq; author scelerum in Tartara solus agas.

Sub

Sub effigie Pyrrhi Stipiciani.



PA Cuerè militari fronte, atq; his se-
 rocibus oculis, & inauratis armis
 cōstantis pugnacissimiq; animi uim
 præferebat Pyrrhus Stipicianus è
 Baleona familia, sed Columniæ do-
 mui per clientelam insertus, quū sub M. Antonio atq;
 Pompeio adoleuisset. Is nuper subitaneo ereptus mor-
 bo discessit è uita, ut nouissimum inter imagines locū
 teneret, usq; adeò importunè ut ei summus inter secura-
 de clasus duces, militiæ decus eriperetur. Erat enim
 ex multo usu militiæ, opinione uirtutis eò prouectus,
 ut se dignum militiæ honorem quo uirtus enitescere
 posset, maturè consecuturum speraret. Recentis siquē
 dem obsidionalis corona decus retulerat ad Cariniani-
 um ab Anchiano circumallatus & obsessus: tanta u-
 trinq; pertinacia, ut ille uictor omnes spes proferen-
 di Imperij abijceret, modò obsesso oppido potiretur,
 & ex aduerso Pyrrhus, uel consumptis omnibus ali-
 mentis priusquam se dederet, extremæ inopiæ disci-
 men subeundū esse arbitraretur. Verū lurida mors
 ex fame in proximo spectata, utrinq; pertinaciæ finē
 imposuit. Desperatis namq; auxilijs, quas necessitas ex-
 primebat conditiones ab hoste ita accepit: ut pollice-
 retur Germanorum atq; Hispanorum cohortes, qui-
 bus præerat Felix Archius, & Sanmichael Hispanus
 intra quartum mensem nullam Cesari operam naua-
 turas, atq; ipse continuò ad Franciscū regem in Gal-

liam profisceretur. Hoc optima fide præstitit Pyrrhus, quanquam Hispani occupato Brixello, pactio-
nis fidem minimè seruassent. Rex generoso animo cle-
mentiae laudem captare solitus, Pyrrhum humaniter
excepit, et uti erat uel in hoste præclarus uirtutis æsti-
mator, ei apud se militare uolenti liberaliora obtulit
stipendia: sed is Romani pudoris plenus de salute liber-
tateq; gratias agens cuncta alia reuuit, benignèq; di-
missus, ad Casarem contendit, qui tum in Belgis San-
desirium oppidum expugnabat. Ab eo Pyrrhus uirtu-
tis nomine Mortaria oppido quæ est inter Ticinum,
atq; Nouariam donatus est: quanquã ei grauius Vastius
succensisset, quòd perpetuis eius obsecrationib.
& precibus adductus ad Ceresolam cum Gallis con-
fligere matusset, ut extrema (sicuti aiebat) fame per-
domito, & tot fortissimarum gentium cohortibus uix
præ media effigies hominum sustinentibus opem fer-
ret, cuius infausæ pugnae casum postea minus necessa-
rium cõpertum est, postquam uel desperatis auxilijs
per quadraginta amplius dies maiora etiam auctio-
raq; obsidionis incommoda pertulisset, scilicet ut effi-
cta grauioris periculi necessitate, ipsius Imperatoris
diligentiam magis & magis excitandam putarit, gra-
ui eum discrimine uniuersi belli. Verum hæc Pyrrhus
ita diluebat, ut aliquantum frumenti ab se cuncta per-
scrutante abstrusa in scrobe nouissimè repertum dice-
ret, quo se inperato subsidio milites aliquandiu ine-
diam tolerasse faterentur. At Vastius eius rei excusa-
tionem dissimulater excipiens, quod pro sua pristina
uirtu-

uirtute, neq; sibi neq; uoto Caesaris satisfecisset, ad Cæsarem in Germaniam profectus est, ut ille de tota ratione atq; euentu aduersæ pugna certius doceretur. Eo autem animi habitu in Italiã redijt, ut eius prælij detrimento Cæsarem non obscure offensum crederet, cõceptoq; inde inexpiabili dolore, & morbo, uir alio qui magnanimus uitam defereret, et Pyrrhus Caesaris munere letaretur. Ceterum Pyrrhus qui insignem bello operam præstare cupiebat, quum honores militiæ apud Cæsarem præoccupatos esse conspiceret, ad Venetos Italiciæ libertatis iura tuentes se cõuertit, apud quos magna esset minorum ducum penuria, multis scilicet aut exauthoratis, aut fato sublati: inter quos Valerius Vrsinus præpropere morte ereptus, ut erat omni dignus laude, ingens sui desiderium illis reliquisset. Sed Pyrrhus dum miro patrum consensu militiæ adscriberetur, uel multo uirium robore ualidus tridui morbum sustinere non potuit.

Iouñ Junioris.

Hunc cinerem, & magni saxum uenerabile busti,
 Et nimis ereptum properè è uitalibus auris
 Heroa insignem lachrymis decorate supremis,
 Ingentemq; animam mœsta ter uoce uocate
 Heu proceres, quib. ardor inest, & gloria Martis.
 Quis melius fera bella colat? uenerandaq; iura
 Militiæ? tu frange comas, & percutè pectus
 Ipsa tuum Bellona manu, ualidisq; lacertis
 Ensesq; & galeas, & forti hastilia ferro

Disijce deturbans, immittiq; obrue ponto
 Quicquid in Aeolijs excussit Lemnius oris.
 Ille per Elysium, perq; umbriferas conualles
 Terrenam exutus molem, nostriq; laboris
 Securus, ueteres Phrygas inter, et inter Achiuos,
 Romulidumq; duces, Romani sanguinis ipse
 Nunc acres exerceat equos, nunc agmina uictor
 (Passim pugnaci sternens quaeq; obuia dextra)
 Proterit, atq; hostes cogit dare terga sequenti.
 Sed quid in Elysio prodest uictoria campo
 Ausoniae: quae mæsta diu sarcire ruinas
 Hoc duce sperabat. Cimbros non illa furentes,
 Aut saeuum duris Gallum extimuisset in armis
 Obsidio, et rerum tristis penuria testes,
 Ille animum inuictum nunquam in discrimine summo
 Deiecit, dum se crudeli traderet hosti.
 An se iactabit Casilini gloria tantum?
 Extremamq; famem perpesa Petilia quondam?
 Nunc gemat Ausonia (et certe hæc est ira deorum)
 Vos Manes gaudete pij, sanctumq; per altos
 Fortunatorum saltus, sedesq; beatas
 Ferte Ducem, celsumq; humeris imponite uestris,
 Et tantam magno uirtutem extollite cantu.

Finis sexti libri.

PAULI IOVII EPI-
SCOPI NV CERINI PRÆ-
fatio in septimum librum Elogiorum
suorum ad Cosmum Medic.

Florentiæ Ducem.



On miraberis candidissi-
me Princeps, si cōplures
qui suis seculis insigni
bellicæ laudis præconio
floruerunt, hoc volumine prætermis-
si videbūtur. Nā ex professo eos tantū
quorū veras imagines nancisci potui-
mus, appositis Elogijs exornandos ar-
bitrabamur, ut in libro iā pridem à no-
bis edito (de viris literarum elegantij
doctrina inclytis studiosè seruātū est.
Quamobrem iam mihi licet iure opti-
mo veniam deprecari, quādoquidem
in hac tot imaginum supellectile cō-
paranda, per triginta amplius annos
perpetua curiositate incēsus, neq; di-
ligentiæ neq; sumptui vnquam peper-
cerim. Arbitrabar enim in hoc flexu
ætatis & præcipiti senectæ, nullum om-

nino, abdicatis iam cæteris voluptatibus, vel honestius, vel splendidius studiū fore (sacrato præsertim viro) quā iocundam, & negotio liteq; vacuā maximeq; tranquillam vitam instituēti, parasse viris elegantibus apud Muscū nostrum peramœnæ delectationis voluptatem ac vtilissimum animorum oblectamentum, his præstantissimis veræ virtutis exemplis, quib. hæc vita sæpe anxia, & atri plena turbinis beatè cōposita procul à molestiis, & perturbationibus abduceretur. Cæterum viutorum quoq; Ducum, & regnantium adhuc regum imagines ibidem spectatur, quibus ideo pleniora elogia supposituisse puduit, quòd (vt poetæ aiunt) vltimus vitæ dies indicet de omnibus, nec quisquam mortalium planè felix ante obitum dici queat. Præduri quoq; & odiosi sit muneris viuentiū mores publicæ censuræ subiecisse, tanquā aliquāto certiore maleuolentiæ, quàm præmij vel laudis spe. Quandoquidem apud multos hac tempestate parcè laudasse, quàm maledixisse tantundem

dem sit. In hos scopulos aliquādo nos
 incidimus, quum historias vel egregio
 fidelis ingenij temperamento perscri-
 ptas, ederemus. Verū hęc eodem ro-
 bore constātis animi semper feremus,
 quo grauiſſimi operis negociū aggref-
 si, eam tantū ab ingenuo labore lau-
 dem tanquā securiorem & pleniorē
 à posteris potius, quā à viuis, nō ob-
 scuro cum liuore aliena sæpe legenti-
 bus expectandam esse cēsebamus. Cæ-
 terū hic liber, qui viuorū Elogia con-
 tinebit illustri & astricto nominis tui
 Encomio claudetur, & optimo quidē
 iure, quam domi tuæ natus sit, ybi con-
 cesso nobili ocio elegantiora stu-
 dia tuis auspicijs reflore-
 scunt. Vale.

ELOGIORVM LIBER SEPTIMVS.

Sub effigie Caroli v. Imp.

SALVE ter maxime Carole Quinte Auguste, à praclaro præcellētium uirtutum concursu atq; præsidio inuictissimi Imperatoris cognomē merite; quum apud cunctas propè gentium omnium nationes splendidissima ingentium uictoriarum trophæa statueris, usq; adeo felici euentu, ut tuam uim non modò Barbari Africæ, sed ipsi quoq; Antipodes, quos uictoria tua nuper aperuit, intelligant & admirentur; Quandoquidem incōparabili inusitata uirtutis tue documento indomitæ antea Romanis, ulterioris Germania gētes, bello superatæ, subactæq; Maiestati gloriōsi nominis tui pareāt, & tua signa uel ex longinquo etiam trepidissimè uenerētur. Quo fit, ut qui uotis ritè cōceptis, pro salute gloriæq; tua superis supplicāt, à te hoc unū, quod est uerè summum ad dignitatem tuæ amplitudinis exposculent, ut postquam uti maximè pius non obscura religione tangeris, de paranda communi concordia generosè decernas, scilicet ut publicis piorum Principum armis egregiè auctus & cōfirmatus, Solymani insolentissimi hostis ferociam contundas. Neq; enim omnino erit difficile inermem aciem grauib; armis protecto agmi-

LIBER SEPTIMVS. 163

agmine perfringere, eius hostis quem uictrices aquilas reformidantem, & planè uertentem terga, nuper ad Viennam conspexeris.

Iouij Iunioris.

Deuictas Turcarum acies, Libyemq; subactam
Milite Casareo uictrix, quum uiderit Arclos:
Vndantesq; procul Pœnorum sanguine campos,
Proluit horrenti, quos Bagra da concitus unda;
Quumq; minor genibus latis Germania terris;
Atq; tuas totus sub leges iuerit orbis,
Vndiq; te canimus uates ter maxime Caesar;
Præsentesq; tibi meritos largimur honores,
Hic te monstrari populis gens Itala mauult,
Quàm tua si Parij sublimis mole colossi
Effigies medijs latè caput inserat astris.
Nam lapides, atq; æra cadunt, quibus imber & ignes
Officiunt, longiq; uorax iniuria secli.
At te olim C A E S A R cœlestia tecta tenentem:
Complentemq; tuo felici nomine terras,
Et tum etiam Libyæ populis, Turcæq; timendum
Ante alios longè mirabitur alta uetustas

Sub effigie Ferdinandi Regis Romanorum.



Tu quoq; Ferdinande imperator desig-
nate, Regijs multis uirtutibus Casari
germano fratri par, sed Fortuna infe-
rior bonitati liberalis ingenij tui magis
ac magis innitère, ut hanc rerum dominam tibi cōci-

lies, atq; inde sicuti præclare optimus Regū omnium,
 amplissimus etiam fias. Neq; enim sat est elementem,
 pium, liberalēq; fuisse, nisi bona fors equisimis con-
 silijs tuis arrideat. Sors quidem quæ omnia uersat, et
 uti lubet cæca libidine dare cuncta, et eripere cōsue-
 uit. Adijsti quippe Pannonici Regni hereditatē, quam
 legitimo iure cupiebas, quod id Regnum Rege orba-
 tū uetustis et nouis fœderū legibus Austriaci sangui-
 nis stirpem respiceret. Sed ius omne quod præclare
 tuū est, immanis Barbarus sic interrupit, ut nouū ho-
 minem quorundam Hungarorum Procerum impor-
 tuna assentatione, è Præfectura Trāsyluaniæ proue-
 ctum, beneficiarij iuris nomine Pannoniæ Regno im-
 poneret, et à te demum felicibus armis profligatum,
 in contumeliā Germanicæ autoritatis reducendum,
 tuendumq; susceperet: quod uideri poterat ex digni-
 tate Othomannici nominis confirmare clientem, et
 Christiana simul arma toties à maioribus suis uicta
 contēnere. Huic nāq; seculo fatale fuit, ut nostrorum
 Regum animi ueræ pietatis obliuiscerētur, exitialiq;
 insania inter se peruicacibus armis disiderēt, scilicet
 ut Barbaris ueris hostibus sterneretur uia, qua illi ne-
 mīne iustis uiribus obsistente in uiscera nostra pene-
 trarēt. Itaq; uirtuti tuæ tuisq; tantum opibus innixo
 non inane modo, sed funestum semper fuit, cum rabi-
 da immēsarumq; uirium præualida bellua colluctari,
 erūq; semper et miserū nobis et luctuosum, nisi Cæ-
 sar frater tanquam alter inuictus Hercules, opem fi-
 rat. In dextra namq; eius tam forti quā felici præcla-
 re sita

re sita est spes omnis paranda incomparabilis, gloriosæq; uictoria, si equam pacem pijs regibus religionis amore dandam censeat; hisq; in societatem ascitis eorum copijs atq; opibus uti uelit; sicuti Maximilianus auus tuus, summæ uirtutis & pietatis imperator ad propulsandum tollendumq; publicæ salutis periculum, opus esse sapientissimè decernebat.

Iouij iunioris.

Te quoq; nubiferas, qua Larius alluit Alpes,
Tot claris inter regum ducumq; tabellas
Littore Lunato Musæ Palatia seruant
Spectandum populis rex augustissime regum.
O uerè egregium cunctis decus addite terris,
Quam bene Pannonij cura est tibi tradita regni,
Scilicet; ut duce te, nostris quandoq; superbum
Finibus arceri speremus posse tyrannum;
Qui uelut immissus syluis arentibus ignis
Quum furit, insano Borea spirante per agros,
Corripit è medio crepitantibus omnia flammis.
At tibi nec uirtus, spectataq; dextera bello
Desuerit, tandemq; tuis, sic auguror, ausis
Conuerso felix studio fortuna fauebit.

Sub effigie Henrici Galliæ regis.

DIVI Diuæq; omnes te sospitent magnanime Henrice, & paternæ uirtutis æmulum faxint, modo illius totum iniquæ sortis omen auertant. Ex alijs namque

fortunam discas quam non longè semper ab inuita
 uirtute tua absfuturam experieris. Quàdoquidè quæ
 optimo consilio prouideri queant, & regnis tuis præ
 sidio atq; ornamento sint, initio statim principatus sta
 tuenda censueris. Primum enim omnium ærario, cuius
 opibus cuncta belli & pacis munia constant, ita cauisti,
 ut quæstorum impudentes prædas sustuleris, et totius pro
 pè uenatorij sumptus luxuriæ moderata lege corre
 xeris, ita ut agricolis in ipsa regis uoluptate minime
 sit lugendum; & quod integri tui pudoris est, apud
 aulam licentiæ muliebris intemperiem castigaris, tan
 ta uerecundie cura, ut matronæ omnes perillustri re
 gine exemplo (hæc enim lectissimis pudicitie mori
 bus gaudet) suum perspicuæ famæ decus respiciant,
 & solis nobilioris elegantie munditijs extra suspe
 ctas dubij pudoris illecebras pudici nominis laudem
 tueantur. Iustitiam porro tanta seueritate colendam
 instituis, ut nihil apud iudicum collegia promercale,
 nihil apud equitum ordines corruptum, & nihil de
 nique in causa religionis deprauatum, uel piaculo su
 spectum, uel ulla ex parte supine neglectum esse pa
 tiare. Nec mirum est, si hos mores in te iuvene uene
 ramur atq; suspicimus, postquam (quod est grauissi
 mi & saluberrimi iudicij cui munus) toti summe ar
 cani consilij præfeceris Carolum Lotharingie Car
 dinalem, singularis innocentie, pietatis atq; pruden
 tie hominem, à te propter fidem industriamq; miri
 ficam in minore fortuna delectum. Quod uerò in
 stauratæ florentisq; militie interest ipsum Anneum

Memoran-

Memorantium è uilla sua Centellia uel foemineis delationibus ac artificijs pressus importuno Reipublica tempore tacuerat, in aulam euocaueris, quod nemo ea sobrii constantisq; iudicij grauitate, aut perpetuo armorum usu, castrensiūq; rerum noticia, tuèdæ Gallie & proferendo imperio dux potior atq; præstantior exoptari possit. Itaq; mactæ tua iam bis cum in Alpibus, tum in Belgis spectata uirtute pernobilis Rex, perge ut coepisti, & uirritem & pietatem cole, ut fortuna pudore uicta fortibus ausis tuis arrideat.

Benedicti Varchij.

Quid regem uerè regem, lateq; potentem
Præstantem bello regem, studijsq; Mineræ
Insignem addeceat, si scire Henrice laboras:
Henrice Francorum decus, ac noua gloria gentis,
Non alius quisquam citius, meliusue potest te
Patre docere tuo, magnum bene consule patrem
Patrem imitare tuum, quo nullus tempore in omni
Omnibus in rebus maior fuit aut erit unquam:
Ex illo uirtutem omnem, uerumq; laborem,
Fortunam ex alijs tantum didicisse memento.

Sub effigie Christierni Daciæ regis.



VIS neget te Christiernæ mortalium in-
mansissime nequaquam ex merito nes-
ciæ crudelitatis dantem pœnas, nō qui-
dem à fortuna, quæ sæpe iocari neque
tibi consistere solet, uerum ab ipso magno numine ceti.

tissimo semper ultore scelerum tandiu carceris cala-
 mitate fuisse multatum? Non enim humano partu in
 hanc editus lucē, sed à monstrosa terrificaq; bellua,
 uti tuus saepe fert glacialis Oceanus natus & educa-
 tus inter Balenas & Orcas existimari potes. Hanc si-
 quidē stirpem fateris insidiosis uipereisq; oculis, effe-
 ra fronte, portentosisq; dentibus, & horrida barba
 humano cruore delibuta, qualem Anthropophagi Ca-
 nibales apud Indiam noui reperti orbis ferre dicun-
 tur. Non eius utiq; Christierni regis sanguine proge-
 nitus esse potes, qui uti erat egregiē pius, religionis
 causa aliquando pedibus Romam ierit, ut sacrosan-
 cta altaria pietatis plenus inuiseret, & pontificē sa-
 crorum principem uenera etur, muneraq; ueneratio-
 nis eximia in patriā referret, quibus tu scelestissimus
 nepos potirere. Desciuisti siquidem impiē atq; arro-
 ganter, non quidē à Romano pontifice, quòd fortasse
 fieri posset; sed à Christo superisq; Diuis, ut te inno-
 centissimorum sacerdotum sanguine cruentares. Sa-
 crorum aras euerteres, templorū donaria diriperes,
 & deniq; uti immanis parricida, humani generis o-
 dium parares: scilicet ut totius Dacie, Gothie, atq;
 Noruegie populi, monstrum sibi regnare non homi-
 nem indignantes, publica conspiratione rebellarent,
 teq; electo Christianum re & nomine regem pro im-
 pio sibi deligerent, à quo perpetuis uinctus cathenis,
 tanquā indomita bellua, clatrata in cauea seruare-
 re. Dignus profectò omnibus tormentis atque suppli-
 cijs, & nece turpissima, nisi honos qui Casari tibi ex
 matertera

matertera coniuncto, plurimus debetur, & Christe
nae filiae tuae insignis pietas, quae matri quam tibi simi
lior euasit, infelicibus Sfortiano & Lotharingio con
nubijs clara, te adhuc atroces retinentem spiritus, &
tetro carcere poenas dantem seruauissent.

Placidij Placentini.

Terrificam hanc effigiem, hunc horribilem tyrannū;
Dedecus hos & Danie, dentibus ijs trisauci
Ad Stygios qui reboat persimilem feroci,
Sanguinis hoc deniq; sacri cupidum sepulchrum,
Iis tabulis (credo equidem) non meminisse fas est:
Ni monumentum ueluti perfidiae efferatur.
Ingenium scilicet hic exuerat benignum,
Et uelut antiqua manus iam uoluit Gigantum,
Dum nequit alto officere hic coelicolum tonanti;
Insequitur, seuit, & almos necat (heu) ministros:
Templaq; sacris uacuat tum spolijs profanus.
Et nisi qui fulmina torquet, populos subactos
Ensitus ac corde fero cogeret in tyrannum,
Spiritus huic terribilis iam solium locasset.

Sub effigie Solymani Turcarum imperatoris.



OLYMANO ex re feliciter pro
uifa, cui uentus responderit, nomen
obuenisse elegantiores Turcae asse
runt, secus ac patri contigisset, stat,
qui à contrario sensu Selymus hos

est mansuetus & lenis authorque pacis sit uocatus, quo nemo Othomannorum principum ingenio ferocior & ad seuitiam pronior, & denique bellicosior fuerit. Nam si memoria repetamus utriusque res gestas quas in historijs narrauimus, plus certe cruoris effusum fuisse fatebimur per octo annos, quibus Selymus imperauit, quam his triginta quibus Solymanus imperio positus est. Hoc uero nomen Salomonem Moisaicis annalibus regem, sapientiae gloria inclytum, immutatis syllabis refert. Sed Solymani, si comparare iuuat res geste, paternae famae nomen aequasse censeferi possunt, si numeros & pondera uictoriarum a qua lance expendamus. Recepta namque Syria, interfecto Gazelle qui rebellarat, & Belgradum Pannoniae propugnaculum cum ignominia Christiani nominis fortiter expugnatum, Rhodus manu capta, trucidatus in acie rex Hungarus, Buda urbs regia bis occupata, Austriani exercitus ad Exechium foeda in fugam caesus atque deletus, Rocandulphi ingentes copiae ad Budam expugnatis castris superatae, contemptusque demum atque repulsus ad Pestum Germanorum exercitus, & expugnatum in oculis Strigonium & Alba regalis eo uictoriae cursu in potestatem redacta, & paulo ante Hispani in Dalmatia ad Castrum nouum strenue expugnati caesi, & quod foedius accidere nobis non potuit, nostrae classes quae insuperabiles uiderentur, ad Leucadem in fugam coniectae, Solymannum profecto neque patri ausu imparem, neque prorsus inertem aut gloriae minus audiam

dum testabuntur. Quod si eius uictorias ad Orientem partas computemus, Assyriæ & Mesopotamiæ regna cum Babylonia, clarissima Orientis urbe & magni Memphi proculdubio æquanda, Othomanni eo adiecta imperio, captæ Aegypto opponi & comparari possunt, & quod ad gloriam attinet, euastati maioris Armeniæ, Mediæ, Persidisq; fines usq; ad finem Persicum, captumq; bis Taruisium Persarum regia, omnibus ornamentis spoliatum, nonne Tammasum Hismaelis filium refugientem ad montes, neque consistere, neque acie congregi ausum, se planè uictum confiteri coegerunt? Superi igitur Solymano eam mentem tribuant, ut perpetuo bello uexandum Orientem, appetendamq; Indiam censeat, postquam nos tot acceptarum cladum minimè pudet, nec ex communi concordia de sacro bello cogitamus, dummodo hostis auersi beneficio pace frui liceat, quum huius Solymani uires eleuare, nostras iactanter efferre, eius mores ineptè carpere contendimus. At ipse Turcis eius certè erit (uti illi fatentur) supra ceteros Othomannorum principes, qui per ducentos regnarint annos, iustitiæ, sobrietatis & continentiae laude clarissimus, quum nulla impietatis atque sauitiæ, sed nulla religionis atque clementiæ monumenta Mustaphæ filio iam planè uiro & nobis formidando emuanda proponat.

Iani Vitalis.

Ocia quem nunquam tentarunt mollia, quem non
 Delirij fregit desidioſa Venus:
 Regnatorem Aſia Solymantum en aſpice, quiſquis
 Scyllæam ignoras terribilem ingluuiem.
 Aegyptum ille inhians, inhians Indosq; Getasq;
 Pannoniæq; arces, indomitamq; Rhodum,
 Vi magna aggreſſus rapuit, te uindice Caſar
 Euasit rabiem ſola Vienna ſuam.
 Et nunc immitis ſœta truculentior uſa,
 In latebris fingit funera noſtra ſuis.
 Interea dum nos uigilantes ſtertimus, ille
 Inſomnis nobis integra regna uorat.

Sub effigie Andreæ Aureæ claſ-
 ſis præfecti.

DIV te ſoſpitent cœleſtia numiſa fortu-
 nate ſenex, aſſerte in libertatem pa-
 triæ ſuprema gloria inſchylte, perpetue
 & inuicte prædonum hoſtis, & multis
 mari parvis aſtorijſ celebrate. Dij ſuperinquam
 ſeruent, & in hoc uiuida ſenectæ robore ſiſtint. Ad
 præſidium namq; oræ maritimæ Deorum immorta-
 lium beneficio natus exiſtimaris, qui unicus cœli nu-
 biumq; ſpectator naualis diſciplinæ arcana huic ſe-
 culo propalaſti; ut doceres quibus artibus & irati
 maris contumeliã, & ſeuientis Acoli minas con-
 temnere poſſent, qui hybernis etiam tempeſtatibus
 ſe forti-

se fortiter committere audeant. Hoc tibi supremi laboris superest, ut pro tua uetere uirtute, uigilantia, pietate, patriam quam abolitis ueterum tyrannorum nominibus uerè liberam opibusq; florentem fecisti; parta ciuium concordia, diu serues, incolumemq; bene fortunatam saxis.

Iani Vitalis.

Quem spectas barba horrentem, saeuumq; tridente
Imperium pelagi magna ditione tenentem,
Aurius est; non ille modò Libyæq; Asiæq;
Piratarum horror, & formidabile nomen:
Hic terræ decus Ausoniæ, & noua gloria Martis.
Hic patriam longo concussam turbine belli
Firmauit pace, & ciuiles sustulit iras.
Illum grata suum, Ligurum Respublica ciuem
Et pietate grauem, & meritis ingentibus, inter
Delectos procures quos ille ab origine prima
Excoluit celebrem æterno sacrauit honore,
Et Ioui tabulam uirtutis dedicat ergò.

Sub effigie Tammasi Sophi Persarum regis.



AGNO Hismaeli quatuor filij fuerunt: Tammās, Helcas, Becram & Somirza; sed hic Tammās communi iure gentium, quòd esset natu maximus, regnum excepit: uerum non eadem felicitate qua pater, quanquam iisdem propè artibus id regeret, aut

proferre aut tueri potuit. Intempestiua namq; fratrum
 emulatione uexatus, & a Parthia Hircanorum la-
 cessitus armis, Othomannica arma non diu tulit, cum
 Solymanus intellecta occasione è Comagene in Me-
 sopotamiam effusis ingentibus copijs totam eam re-
 gionem, quam hodie Diarbecam Barbari appellat,
 quatuor claris urbibus & singulari copiarum omnium
 fertilitate nobilem occupasset. In ea enim sunt urbes
 Byrtha apud Euphratem, & secundum eam introrsus Ca-
 ra Amida, & Moredinum & Orpha quæ Edessa fuit
 & quæ est ad Tauri radices Bithelis. Exinde Solyma-
 nus Syriæ, Iudææ & Aegypti Satraparum auctus co-
 pijs, Assyriæ regnum inuasit, & Babyloniam Alexan-
 dri magni & reginæ Semiramidis memoria claram im-
 mensa cupiditate ex tam facili uictoria adijt, & in
 deditionem accepit, ut inde expeditus atq; terribilis
 ad Tarsus equata Selymi patris celeritate con-
 tenderet. Tum uero Tammis quod uiribus esset infe-
 rior, ad montana asperaq; loca se subducens, & subi-
 tis incursionibus uenturi & prælio certaturi famam
 præbens, ita Solymantum spe pugne frustratus est, ut
 decedente, & pabuli pressum inopia, iisdem uestigijs
 insequeretur; adeptusq; eius nouissimum agmen ad
 Bithelim urbem Tauro suppositam cum Turcæ pro-
 pter effusas niues multis affligerentur incommodis,
 eorum castra per Delinentem impigrum ducem noctuo
 adoriretur, & maxime cruenta cæde semisopitos ob-
 rueret. Ea clade Solymanus qui Cara Amide substi-
 terat, dolore percussus Byzantium redijt usq; adeo sibi
 iratus

iratus, ut sperati triumphi publicaq; lætitiæ apparatus omnem reiiceret, ulturusq; contumeliam iuraret non prius se cæpto bello finem imposturum, quam Hismaelis progeniem (uti Selymus pater, & auus Baiazetes statuissent) funditus excideret. Hæc siquidem odia cum ipsa nouæ religionis dissensio, tum antiquæ similtas à proauo Mahomete cum Vssumcassane cōcepta in immensum extēderant. Verebatur quoq; Tāmam, quod maxime Mahometanis erat odiosum, per mutuas legationes concitare Carolum Cæsare ut Turcis in Oriente occupatis, Pannoniæ & Graciæ, terramariq; inuadendæ occasionem arriperet. Tammæ quoq; aliud subiit incommodū; nam ab eo Helcas germanus frater ad Solymānū Byzantijs agentem transfugit, cuius hortatu renouatum est bellum, quo Helcas ut perfidiæ, aut stulti consilij pœnas daret, quum se bello ducem profiteretur, non lōgè à Belzera, quæ est emporiū Persici sinus, interceptus est; eo successu ut Tammæ adhuc respires, & accersitis in auxilium ab Indico Oceano Lusitanis aliquot sclopettarijs locorum opportunitate se defendat. Ipse roseo uultu & alacribus oculis dignam imperio faciem præfert, & inter Persas quod maxime decorum est, equitandi & sagittandi peritissimus habetur.

Lælij Garani.

Regali Tammæ Persarum sanguine cretus
Hic est, quem Roseo pinxit natura colore
Quem Venus Ambrosiæ consperxit odoribus, arma

Quem Mars belli potens simul & Tritonia uirgo
 Munere bellorum, seu instruxit & armis:
 Qui quamuis odio si atrum uexatus acerbo,
 Hircanisq; armis, clari haud benefacta parentis
 Aequarii, tamen audaces expellere Turcas
 Est ausus, quorum tepescit sanguine terras.
 Hic ubi iam niueo Tauri splendore coruscus
 Frigoreq; argentes nocturna strage fugauit,
 Rettulit & magno claros ex hoste triumphos.
 Inmanis summo percussus Turca dolore
 Prostratas acies cum cernit milite Persa
 Sic proprias repetit sedes & corde querelas
 Sæpius effundit miseras, & percitus ira
 Testatur diuos se unquam nil linguere inausum
 Inuisos donec Persas euert erit orbe.
 At inuictæ noua Tammis uirtute superbum
 In patrios iterum fines irrumper Turcam
 Si qua parte uides, armis uictricibus arce,
 Sterne, fugaq; proculq; doma; nam uictor honores
 Et famam claro felix æquabis olympo.

Sub effigie Thomæ Hauardi Nor-
 folti ducis.



I C est ille bello inclytus & supra om-
 nes mortales supremo hoc infortunio
 miser Thomas Hauardus Surreij filius
 ab Anglis de nomine eius imperio sub
 duce provincie Norfoltijs appellatus. Is Surreio pa-
 tri operâ in prima acie nauans, quum Scoti ad Flod-
 dum

dum occiso rege deleretur, singularem eius uictoriae laudem tulit; rebellantem Hyberniam eo traiciens armis perdomuit atq; pacauit, Henrico regi bis Gallia bellum inferenti traicientiq; in continentem bellica laude uirtuteq; animi ducum clarissimus magno usui fuit. Postremo cum industria, perpetuiq; officij sui fructum tulit, ut post damnatum casumq; securi Edemundum fratrem eiusq; filiam pari supplicio multatam, quod regi tot cadib. efferato infauste nupsisset, turris Londiniae carceri includeretur; seruaretur tamen unius à rege, ut in carcere regem non omnino ingratum erga se, qui adhuc tyranni beneficio uiueret, fateretur.

Lælij Carani.

Horrida Norforti dum tractas arma tremende

Diceris esse Deo bellipotente satus.

Nam tua dextra graues armis quum perderet hostes,

Obstupuere homines, obstupuere Dei.

Sed mage mirantur te hominesq; Deiq; tyrannum,

Quum uirtute uident sic cecidisse tua.

Eiusdem.

Lictoris rabiem Marius compescit inermis,

Illi dum ferro colla ferire parat.

Pectora Norforti perterres dira tyrannis

Se foedare tuo namq; cruore pauet.

Sub effigie Ferdinandi Toletani
Albæ principis.



FNITERE magnanime Albane, & qui
militia usq; adeo letis initijs effloruisti
perpetuo uirtutis atq; uictoriae cursu
ad summum gloria fastigium contēde,
qui antiqua Toletanae familiae decora cumulatē re-
nouas, & Hispaniae ueterem belli gloriam asseris, be-
nignitateq; splendidissimi ingenij cunctos proceres
aequas, & quosq; duces consilio, uigilantia & ingen-
tibus ausis antecellis. Agnoscimus siquidem, quid ge-
neroso illo tuo & insatiabili laudis spiritu petas &
speres, & quid deniq; certissimis summarū uirtutū
praesidijs circumseptus strenuē euadendo cōsequi pos-
sis. Insita namq; tibi est, & à praetis maiorum tuo-
rum seminibus ingenta, uerae laudis ueriq; decoris
immensa cupiditas. Nā te Federici aui Batice & Can-
tabrico bello clarissimi trophaea excitant, te Garziae
patris Lybicis arenis insepulti manes urgent; te Cae-
sar ipse, cui maxime tu conspicuus, inter splendidissi-
mos proceres fidei uirtutisq; nomine delectus perpe-
tuo adsisitis comes, uehementer accedit, ut nihil nisi ar-
duū, nisi excelsum, & optima laudis spe plenum spe-
des, unde summa petatur gloria. Hanc enim ipse unā
petit, in qua tamē pietas emineat, & amplificata reli-
gionis fama constet; tanto quidē studio, ut te secū ra-
piat, benigneq; tecum suū decus communices. Et hoc
ueracle multo modestius & liberalius, quādoquidem
quotan

quotam suæ laudis partem tibi concesserit, cū trium-
phalem laurū de profligato ad Albim, captoq; Saxo-
num principe repudiaret, ut totum id decus à te for-
ti ausu feliciq; dextra partum, præclaro iure tibi de-
beri fateretur. Consecisti itaq; tua ingēti uirtute dis-
ficillimū atq; durissimum bellū, quod auspicijs inui-
cti Cæsaris gerebas, optima quidem spe & singulari
perseuerantia, quādo semper antecursor, semper ho-
sti proximus, semper extua peculiari disciplina muni-
tissimis uallatus castris, ita progredere, ut maturē
obuenientis uictoriæ fructum propē solus delibares,
atq; inde totum perciperes. Histuis ad incompara-
bilem laudem præclare gestis, sicuti antea in Panno-
nia, Africa, Gallia te effecturum promiseras, aui atq;
patris felices animæ iampridem ex meritis in cœlum
receptæ ita gaudent & exultant, ut te, etiam atq; etiā
obnixē cohortentur ad concitādum Cæsarem suopte
ingenio de sacri belli gloria cupidissimē cogitantem.
Nihil enim ei uel ad usum rerum præsentium aptius,
uel ad gloriam laudatius, uel ad spem æternitatis ora-
nino beatius accidere potest, quā ut in ueros hostes
uniuersa Christiani nominis arma, unius præsertim
inuicti pijq; & bene fortunati imperatoris auspicijs
conuertantur.

Andræ Angulij.

Dum cogis Fernāde Scythas dare terga Viennæ;
Astra suo lambit uertice Danubius;
Et quā lentus aquas agit Afri's Bagrada arenis
Miratus dextræ est celsa trophæa tuæ;

Te rapidus tremuit Rhodanus, ter Gallia Magna
 Caesaris est armis quum quatesacta ferox:

Illius amissa Lybicus quoq; Sauus in undis

Classe, tui robur pectoris obstupuit;

Tandem Albis bello uictus te sistit Olympo

Dum duce te, Carolo perfida colla dedit.

Ergo aqua uel tellus, nulla est uel plena triumphis

Pars etiam cœli clare te Toledæ tuis,

Sub effigie Muleamethis, cognomen
 to Scyriffi, magni regis Mauritanix.



AC talari lintheaq; togainduntur Scy-
 rissus, & oblongo lintheo simplici-
 bus spiris ita caput inuoluit, ut eius
 extrema pars instar ingentis caudæ
 à dextra aure per humeros et crura
 ad talos usq; diffundatur. Hoc habitu sacerdotes Aeg-
 yptios olim usos fuisse constat, sic ut facile reat sa-
 crificuli cultū inde acceptum, quē nostri sacra facien-
 tes superinduunt, & Camisum uocant. Muleamethes
 siquidem ob id Scyrissus uocatur, quod sacrate sit stir-
 pis, & Mahometis pseudopropheta sanguine pro-
 genitus. Ea uox enim Arabicè uirum sanctimonia pol-
 lentem, & sacris mysterijs deditum exprimit. Quo-
 modo autem hic magno huius seculi prodigio (cū es-
 set pædagogus) ad tot amplissima regna peruenerit,
 breuius quàm potero explicauerim, ut hinc quoque
 astrologica diuinationi non inane famam adstrua-

mus & iam sit planè perspicuum totam humanæ sortis fortunam sua auspiciâ è cœlo deducere. Scyriſſi pater Zidamethes habitauit in Dara, quod est regnû non procul à Staffileta regione, quæ tota palmifera est, & magno incolarum emolumento dactylorum copiam uenalem præbet, qui fructus esui gratus, à finitimis ulterioribusq; populis expetitur. Huius mercimonij aliarumq; rerum opulentus erat mercator Zidamethes, & prudentiâ opinione maximè insignis: sed in primis syderalis scientiæ peritissimus, utpote qui multa prænunciaret & diuinaret, profiteriq; auderet, uel multis irridentibus, duos se habere liberos qui proculdubio ad Regale fastigium essent euasuri. Hi erāt Mahometes & hic Scyriſſus nomine Amethes, qui Arabicis eruditi literis ludum aperuerant, puerosq; docebant, pari concursu quæstiq; apud finitimas gētes doctrinæ fama celebrati. Hos pater admonuit ut noscendis externarum gentium moribus longinquam peregrinationem susciperent, religionisq; causâ Mahometis prophetæ templum & sepulchrum ad Mecham & Talnabim (quæ sunt in Arabia) uenerabundi adirent: quod opinio religionis mortalibus ingenita, homines ei deditos augustiores, & apud imperitos admirandos efficiat. Suscepere itaq; iter, & Memphim inuisère, transuere mare Rubrum, deflexereq; Hierosolymas usq; Byzantium, atq; inde reuersi in Africam, apud Tunetum aliquandiu constitere, cœptiq; sunt haberi in ueneratione apud Punicas gentes, quod essent ex progenie Maho-

O

meris, inuississentq; sacrosancta tēpla & monumenta
 ueterum Hebræorum, atq; alba ueste uterētur. Maho-
 metani siquidem eos qui religioso uoto conditoris se-
 ctæ suæ Mahometis sepulchrum inuiserint, sacrosan-
 ctos appellare soliti sunt, & eos à cultu candidæ ue-
 stis agnoscūt. Ab eo tēpore ingentes amicitias cum A-
 rabibus Regulis contraxerunt, & uti erāt ex pater-
 nis diuitijs maximè opulenti ad tractāda arma tran-
 suerunt, ut satis suis uiam aperirent. Adhæsere itaq;
 uagis Arabibus qui in Africa à Nilo usque ad Ocea-
 num Atlanticum incertis sedibus uagantur, impe-
 rāntque tributa Regibus, & detrectantes uenalem
 amicitiam, armis inuadunt, qui ut tum accidit, ma-
 gnis uiribus Buccentuffum Maurocchi Regem oppu-
 gnabant. Maurocchum longè clarissima ulterioris
 Mauritania urbs quæ Romanis temporibus ut cōie-
 ctari licet, Bogudis Regis fuit, distat ab Atlante trigin-
 ta millibus passuum, ea camporum specie, & aqua-
 rum ubertate, qua Mediolanum florere discedereq;
 ab Alpibus uidemus. Sed Buccentuffus qui ab Al-
 mansore potentissimo Rege aliquot antè seculis occu-
 patæ Hispaniæ gloria inchoyto, genus ducebat, non
 prius expugnari potuit, quàm Fessanus Tingitanæ et
 Cesariensis Mauritaniæ Rex, in societatem Arabum
 traheretur, industria præsertim duorū fratrum, quo-
 rum authoritas apud Fessanum plurimum ualebat.
 Eo itaq; euentu Arabes Maurōecho potiti sunt, ut
 Mahometes alter fratrum maior natu Rex efficere-
 tur, quum Buccentuffus ei se desperatis rebus certa
 conditione

conditione dedidisset. Sed hunc postea Mahometes periurus & saeuus in granaria scrobe immaniter necauit. Amethes autem Scyriffus trans Atlantem progressus, opulentissima regionis Regnum, quod Susium uocant, frumento, olea, uiteque & metallis abundans, & Tarodentam clarissimam urbem, quae Arabum stipendiaria fuerat, occupauit. Ea regio iubatos coronatosque Leones gignit, generosos quidem & homini parcentes, nisi ex pecore minoribusque feris ad alimentum praeda desit. Ab Atlante qui est nemorosus & altissimus, & hodie mons Clarus appellatur, perpetui montes oriuntur, non secus ac ab Alpibus nostris Apenninus, longo tractu & multis flexibus in Orientem sic exporrecti, ut mediam Africam proscindant, & ab arenis disternant. Ea namque arenarum solitudines ad ulteriores Aethiopes pertinent. Caeterum Scyriffus non contentus amplissimo regno, Fessani Regis & Arabum fretus auxilijs Maurocchi Regnum Mahometi fratri inuidit, & abstulit; ea tamen conditione, ut in Dara & Staffilite eum regnare pateretur, quae regna paulo ante communibus uiribus occupassent. Ex Mauroccho demum Scyriffus insatiabili cupiditate ad Fessanum regnum oculos adiecit, innoxiusque suis dolis & felicibus armis regem Muleamethem debellauit & eiecit, quum illum fatigatum multis diurni belli detrimentis Fessanus populus, ut Fortune cederet, hortare-

tur, ne ruentis patriæ casum, & ciuium suorum interitum conspiceret. Ea uerò magnitudine animi Scyrrissus undiq; probitatis atq; iustitiæ ac humanitatis gloriam captare solitus, in uictoria usus est, ut diceret neminem se apud Maurocchū regnare passurum præterquam Muleamethem iocatus in communi nomine, atq; ita uictum & dudum hostem Maurocchi Regem fecit, illūq; eo cum liberis ac uxoribus & Regia Gaza migrare iussit; magno quidem cum dolore Muleamethis, cui nobilissima atq; amplissima Mauritanie ciuitas, & patria erat relinquenda. Urbem Fessam interluit Sala amnis, qui hodie Rhazalma uocatur, & in Oceanum iuxta urbem Azamor nauigabilis defertur. Eam septuaginta quinque milibus domorum infinitoq; populo frequentem esse omnes asserunt, trecentaq; & sexaginta frumentariæ mole in annu uiuntur, actæ machinis, quas profluentis aquæ impetus rotat & euoluit. Infinitæ sunt in urbe rerum fabrilium taberna, & plura mercimoniij pretiosi conditoria, certis septis publicè custodita, atq; item Gymnasia duo, quibus iuuentus discendis disciplinis & literis publico sumptu alitur & docetur. Fessam hospitales domos habent, peregrinis suscipiendis, atq; xenodochia in quibus afflictī morbis benignè curantur. Populus in uniuersum suffusci coloris est; sed femine cultus elegantia, multaq; lasciuiā morum perpetua ferè umbra fuscēdem auerunt, & quotidianis choreis indulgent. Hac in urbe Scyrrissus solium constituit, subnixusq; suis uiribus Tremexenium Regem

zem Cesaris clientem eiecit, bellum cum Lusitanis
continenter gerit (hi in ora Mauritania extra & in-
tra Gaditanum fretum oppida tenent: Acillam quam
Arzillam uocant & Septam, quæ Plinio Septem si-
trum à totidem imminentibus collibus, urbs fuit) eo
quidem successu ut Azamore oppido sit potitus, &
Gheum oppidum in promontorio situm, quod sum-
ma uirtute, sed infelici exitu aliquandiu à Lusitano
præfecto fuerat defensum, expugnarit. Ea uerò in pu-
gna qua postremo Fessatus rex est debellatus, Mule-
boazon qui Fessano aderat auxiliarius, Velezio urbe
qua ferè est contra Gades posita, exutus est: sic ut e-
xul et ex vulnere dextro oculo captus in Hispaniam
refugerit, atq; inde auxilia postulatum in Germaniã
usque ad Cæsarem pertenderit, famam de Scyriffi ui-
ribus ingentem relinquens & admonens principes
nostros ut maturè caueant, ne is Granatæ affectans
regna, alicunde traiciendi in Hispaniam occasionem
& facultatem arripiat. Habuisse enim cum in acie o-
ctuaginta milia equitum, & peditum balistariorum
sclopettariorumq; uiginti milia, moreq; nostro egre-
giè fabricata ænea tormenta maioris minorisq; ge-
neris conuecta equis & curribus ad octingenta, ac-
cessuramq; profectò ei infinitam Arabum & Mauro-
rum multitudinem, si traicere meditetur, & religio-
nis causa bellum paret. Sed planè senem octogena-
rium quanquã uiridi ualidũ senectæ, & assidue ca-
melino lacte utentem, aut sua proculdubio absumunt
fata, aut superi ab Hispania euertent, aut ueris arma

tisq; militibus ubiq; terrarum egregiè uincere assue-
tis, trucidandum uel uinciendum obijciunt.

Andræ Angulij.

Miraris mitra hunc cinctum septemplici, & alba
Indutum stola Regem habitu Libyco;
Quid si illum nosses, atq; illius incluta facta,
Facta inquam audisses, digna duce Annibale?
Hic uelut ethereum fulgur, ui Martis aperta,
Regna propinqua suo subdidit imperio:
Masilum huic gentes, Getuli, & maximus Atlas,
Et Mauritani colla dedere duces:
Adde quod arma etiam Batris meditatatur ad urbes,
Hispano spreto milite, & Oceano,
Dum parat hac magna, illi fors, uirtusq; parauit
Nunc Iouij calamum principis Historiæ.

Sub effigie Ferdinandi Gonzagæ.

HOC in te Ferdinande Gonzaga du-
cum præstantissime bellicæ uirtutis
eximiū decus resulget, quod arma
to præsentq; Cesare summæ uirtu-
tis & fortunæ Imperatore cuncta ca-
strensis disciplina munia obis, quum in agmine, in ca-
stris, & in acie uti collega Cesaris iura summæ pote-
statis exerceas, unde geminata laus effulget, cum me-
riti tui scilicet, tum iudicij Cesaris, qui tātus ipse Im-
perator te unum supra ceteros, ducem longè opti-
mum censet. Esse quidem egregium Ducem, ut reor,
magnum

magnum est: sed opinione hominum existimari censeriq; eius maximè iudicio, qui cuncta ratione gubernet, longè maximum uideri potest. Agnoscit quippe Caesar humanarum rerum peritissimus, qui robore animi totas ardentis belli difficultates sustineas & superes, qui mentis providentia locorum & temporum gnarus consilia explices, deniq; qua ui lacertosi pe-
storis & animi in armatas hostium acies deferare.

Præclara siquidem testificatione digna historijs eximia uirtutis & industriæ exempla in Apulia, Africa, Mauritania, Gallia & Belgio reliquisti, quū ex præfectura Siciliæ quantum tibi curæ fuerit Siculorum aratorumq; præsertim immunitates et commoda tue ri, quantumq; seditiosorum militum licentia immanis tibi odio fuerit, ostenderis, dum maleficos planeq; deficientes à Caesaris auctoritate seuerissimis supplicijs punires, unde tibi Caesar improborum militum hostis acerrimus aliquando gratias egerit, muneraq; rependeris, scilicet ut te Gallie Cisalpinæ præficeret, cuius procuracionem ita instituisi, ut nemini timenda belli incommoda, & nemini à quoquam contra equitatem iniuria sit expectanda, & te unum maximè acrem aduersus hostes armatum defensorem, auctorem tranquillitatis, & magnificentiæ studio præclara priuatim & publicè urbi ornamenta parantem Insubres uenerentur.

Iulij Iouij.

Macte animo egregio decus insuperabile gentis
Gonzage, quem tanta rapit super æthera belli
Gloria, quæ stabit clavis æterna trophæis
Ausonios inter proceres, & Martis alumnos
Sic splendore nites, quantum omni sydere maior
Sol micat irradians, totum qui illuminat orbem.
Belgica gens, Libyæq; urbes, Rhodanusq; superbus
Arnus, & ingens Danubius, Tyberisq; fatentur
Quantum consilio Fernandus possit & armis
Aeternos cui bellipotens concessit honores
Militiæ, ut Carolo dignus, dignusq; Philippo
Insubria regeret iusto moderamine gentes.
Ergo tibi partes inuicto Marte triumphos
Suscipe magnanime Heroum, te celsa fugatis
Hostibus assequitur celeri uictoria passu.
Viue igitur felix, uolitans tuam inclita uirtus
Clara per ora uirum, celsum conscendat Olympum.

Sub effigie Ioannis Tarnouij Co-
mitis Poloni.



VOTIS tuis religiose susceptis usque
quaq; aspirēt coelestia numina magna-
nime Tarnoui, qui hac in tabula trium-
phali lauro, & uictoricibus armis cōspi-
cuis spectaris, & Martio vultu illustre Sarmatice
uirtutis decus effers, qui toties de Barbaris bello ui-
ctor & triumphator uberiores etiam uictorias te pa-
trie relaturum polliceris: quibus late summotis pul-
sisq;

sisq; hostibus Lithuani, Roxolani, Podolij, Polonico imperio coniunctæ gentes secura atq; latissima pace perfruantur. Nihil enim nisi magnum ingenti animo concipis, nihil nisi gloriosum, salutare, et tibi patriæq; decorum et illustre complecteris, ut clarissimis factis institum generosæ uirtutis nomen et famam latissime extendas. Eo namq; studio in adolescentia ingenium optimis literis excoluisti, iuuentam durissimis belli laboribus dicaſti, ut uir æmulum factus, totum penè terrarum orbem, noscendis tot gentium moribus nobilissima peregrinatione circuendum susciperes, adita primo Asia Syriaq; religionis causa, et conspecto mari Rubro, peruagatus etiã Africæ ciuitates usq; ad Atlanticum Oceanum, ubi aduersus Barbaros Lusitanie regi operam nauans, et fortis militis et periti ducis laudem decoraq; spectatæ uirtutis ornamenta consecutus es. Ab hac peregrinatione noticiaq; multiplici rerum bellicarum auctus, in patriam rediisti, quum Leonem Romanum pontificem, et Carolum Cesarem esset ueneratus, tanto hominum fauore, ut Sigismundo regi commendare, et ab eo uniuersis regijs copijs præficereris, eamq; patriæ præstares operam assiduam Barbarorum incurſoribus laboranti, qualem afflicticiuires tui ab optimo ciue fortunatoq; Imperatore deprecabant. Siquidem Moldauos Geticam gentem Petro eorum Regulo duce ad Obortinum ita proſtigasti, ut hostes alioqui terrifici, et multitudine superantes Principe vulnerato, primarijsq; gentis interfectis turpem in fugam conijcerentur: tu castris eorum et

tormentis potireris, atq; inde triumphali curru *Cra-*
*co*uam inueherere; tanto *Moldauis* terrore iniecto,
 ut *Petrus* renouare bellum ausus; quum te aduersum
 se iterum delectum Imperatorem audiret, omisso bello
 ad non iniquas parandæ pacis conditiones sit con-
 uersus; sed huic *Moldauicæ* uictoriæ Historijs no-
 stris abundè celebrate, alteram amplioris proculdu-
 bio gloriæ de *Moscis* ad *Starodubum* debellatis addi-
 disti. Sæpius *Tartaros* *Scythas* foedissimum atq; im-
 prouisum hostium genus non uno in loco illata cæde
 represtisti: singulari autem prudentia orientes in *Re-*
gno seditiones compressisti, usque adeò late propaga-
 ta fama nominis, ut inuadente *Pannoniam* *Solyma-*
no, *Germani* atq; *Hungari* *Bohemiq;* te unū sibi tan-
 quam inuictæ uirtutis gerendo bello Ducem expete-
 rent. Verū quod non esset tutum præstare eam o-
 peram, tantum honorem probè repudiasti, ne id, ægrè
 ferret *Sigismundus* Rex tuus *Solymano* uetere amici-
 tia coniunctus; quum tamen ille paratus foret, & te
 ipsum, & uniuersi Regni copias *Reipublicæ* conce-
 dere, si reliquorum *Christiani* nominis Regum arma
 iacrosuscepto bello in unum iungerentur, quod tu su-
 prema cura concupiscere existimaris, & dii saxint
 ut huius pij nobilisq; uoti compos fias. Nihil enim est
 magis decorum, & expetendum uiro forti generosoq;
 quam pro patria dignitateq; *Christiani* nominis, re-
 formidato omni uitæ periculo cum *Turcis* *Europæ*
Regna affectantibus decertare.

Iulij

Iulij Iouij.

Salve ô Sarmaticæ gentis fortissime ductor,
Iustitia atq; armis quis se tibi conferat unquam?
Quum tua dat sonitu bellorum buccina signum,
Poscis equos, atq; arma gerens in prælia, turmas
Sternis, & armatos exultans deijcis hostes,
Moldaviæ dominum campo congressus aperto
Fundis, Sauromatis cladem excidiumq; minantem.
Te superis Astrea plagis transcribit, & ipsa
Iam tibi perpetuos diuûm concessit honores,
Sarmata magnanime agnoscat ue ntura uetustas
Nullum posse tibi similem monstrarier orbi:
At tu, uiuus adhuc, multis dominaberis annis.

Alexandri Suchteni Germani.

Diues opus tellus, clavisq; potentior armis
Dat mihi natales Sarmatis ora lares.
Sicut imaginibus titulisq; superbus auorum,
Sic uirtute mea magnus in orbe feror.
Vallachus imparibus quum nos inuaserat armis,
Auspicijs cæsus Dux fuit ipse meis.
Vistula Moldau clypeosq; arcusq; rotasq;
In mare Theutonicum barbara signa tulit.
Facta quòd illius non sis tum præda furori,
Tarnouio debes terra Polona tuo.

Sub effigie Cosmi Medicis Florentiae
Principis.

DII vota tua cumulatè impleant ma-
gnanime Cosme, postquam nihil præ-
ter ipsum absolutæ uirtutis specimē
respiciunt. Tales namq; tibi mores
natura tribuit, nusquam hercle no-
uerca, uti fas est uidere, sed semper arridens & beni-
gnamater, ut gloriam ex benefactis clarissimisq; uir-
tutibus obuientem contemnas potius quàm asse-
ctes. Apud te siquidem pudor atq; iustitia uiget, et uir-
tuti optimisq; artibus domi tuæ certissimus est rece-
ptus. Literas colis, ingenia foves, magnificentiae stu-
dium pulcherrimis operibus extendis. Republicam
porro ita gubernas, ut nobilitatē in honore habere,
populum alere, & patriam tranquillitate atq; opib.
florentissimam reddere contendas. Quid uerò admi-
rabile clemētia tuæ munus est, exules faciliè reducis,
parcis rebellibus scilicet ut plures domi sint, qui tibi
plurimum debeant, & nomen tuum sincero maxime
studio uenerentur. Id enim salutare ciues agnoscūt,
Etrusci omnes certū publicis rebus præsidium faten-
tur, & tota iam Italia, atque ulteriores gentes felicitis
tui & rectè constituti Principatus decus concele-
brat. Perge igitur optime Princeps, ut te supergres-
sum humanas laudes, & beata tua prole gaudentem
quū longa senectū uite finem attulerit, ingentem ani-
mam conspicua in sede cœlites exceptam cōstituant,

Et posteritas omnis, cuncta ingenij atq; Fortune tue
monumenta, eternis laudibus persequatur.


Iouij Iunioris.


Qualis Hyperboreo letus Gradivus in orbe
Fumantes quum soluit equos, sudantiaq; ora
Strymonis in ripa uictoricibus abluit undis;
Iam furor et rabies armorum, iraq; minaq;
Belligero cecidere Deo, tranquillius inerrans
Ore rubor, placido signat sua lumina uultu;
Ille sedet lustrans oculis et mente benigna
Armiferam Thracen, defensumq; hostibus Hebrum
Prospicit, et Getica secunda mapalta terrae,
Tum Veneris blandum pertendant gaudia pectus.
Talis magnanimi diuino lumine COSMI
Ante alias longè radians effulget imago,
Ingentesq; gerens humeros, augustaq; membra
Effigies ullum nunquam peritura per aeuum
Vertice nudato celsum caput exeret armis;
Sydereosq; oculos, regalia lumina uibrans
Pacatam sese populis spectantibus offert.
Ceum cum deposito magnarum pondere rerum
Olli tranquillam demulcent gaudia mentem,
Ingenti cum iam ceciderunt monstra ruina
Qua se deuicto mons Murlius erigit hoste;
Quum iam leta suo felix Duce Flora quiescit,
Atq; Etrusca salus tanto sub Principe tuta est.

Rainerij.

Te duce, mortales quæ dedignata scelestos
 Extulerat niueos aurea ad astra pedes,
 Aurea nunc Astrea redit, Venus ante recessit
 Sacrilega, Etruscæ Cosme decus patriæ.
 Per quem parva quies, & pax & copia rerum est,
 Et Sophia, Aonidumq; artibus ortus honos.
 In falcem, duce te, galea conflantur & enses,
 Nec lethale sonant classica, nec litui.
 Marte satus, Ianum claudis, quis claudere Ianum
 Mauortis prolem te potuisse putet?

FINIS SEPTIMI ET VLTIMI LIBRI.





ELENCHVS VIRO

RVM ILLVSTRIVM IN

*re militari, quorum Elogia in hoc
opere deferibuntur.*

A

| | |
|---------------------------------------|-----|
| Actius Vicecomes. | 129 |
| Actiolinus Tyrannus. | 68 |
| Albæricus Balbianus. | 189 |
| Alexander Magnus. | 14 |
| Alexander Medices Florentiæ princeps. | 494 |
| Alfonſus Neapolitanus rex. | 216 |
| Alfonſus Ferrariæ princeps. | 484 |
| Alfonſus Daualus Vaſtius. | 516 |
| Aloifius Grittus. | 469 |
| Amurathes ſecundus Turcarum Imp. | 422 |
| Andreas Auria claſſis præfectus. | 570 |
| Andreas Grittus Venetorum princeps. | 501 |
| Annibal. | 16 |
| Antonius Leua. | 489 |
| Antonius Grimannus Venetus princeps. | 397 |
| Aſcanius Sfortia Cardinalis. | 307 |
| Artoxerxes. | 12 |
| Athila Hunnorum rex. | 24 |

B

| | |
|----------------------------------|-----|
| Baiazetes primus Turcatum rex. | 173 |
| Baiazetes ſecundus Turcarum Imp. | 333 |
| Balconum tres duces. | 376 |

P

| | |
|------------------------------|-----|
| Barnabas Vicecomes. | 136 |
| Bartholomæus Coleo Bergomas. | 235 |
| Bartholomæus Liuianus. | 344 |
| Basilus Moscouiæ princeps. | 485 |

C

| | |
|--|-----|
| Cæsar Borgia Valentinus. | 318 |
| Campson Gaurus Aegypti Sulthanus. | 349 |
| Canis Scaliger. | 110 |
| Carmagnola. | 196 |
| Carolus Magnus. | 38 |
| Carolus octauus Gallia rex. | 285 |
| Carolus Quintus imperator. | 560 |
| Carolus Burgundiæ dux. | 248 |
| Carolus Aurelianus Francisci regis filius. | 515 |
| Carolus Borbonius. | 437 |
| Celebinus Turcarum imperator. | 182 |
| Castruccius Castracanis. | 100 |
| Caythbeius Memphiticus Sulthanus. | 270 |
| Christophorus Columbus. | 299 |
| Consalius Ferdinandus Magnus dux. | 343 |
| Cosinus Medices Florentiæ Princeps. | 590 |

D

| | |
|---|-----|
| Dauid Maximus Abyssinorum Aethiopum rex. | 544 |
|---|-----|

E

| | |
|----------------------|-----|
| Elisabella Aragonia. | 422 |
|----------------------|-----|

F

| | |
|-------------------------------|-----|
| Farinata Vbertus Florentinus. | 58 |
| Federicus primus imperator. | 51 |
| Ferdinandus rex Romanorum. | 563 |

Ferdi-

| | |
|---|-----|
| Ferdinandus Gonzaga. | 584 |
| Ferdinandus Tolertanus Albæ princeps. | 576 |
| Ferdinandus Cortesius. | 532 |
| Franciscus Galliæ rex. | 529 |
| Franciscus Sfortia. | 228 |
| Franciscus Sfortia Mediol. princeps. | 482 |
| Franciscus Maria Feltrius Vrbiniatium princeps. | 497 |
| Federicus Feltrius Vrbini dux. | 266 |
| Franciscus Gonzaga Mantuanus princ. | 367 |
| Franciscus Borbonius Anchianus Gallorum dux. | 512 |
| Franciscus Alidosius Cardinalis. | 328 |
| Franciscus Ferdinandus Piscarius. | 403 |

G

| | |
|---------------------------------|-----|
| Galeacius primus Vicecomes. | 127 |
| Galeacius secundus Vicecomes. | 134 |
| Galeacius Sfortia. | 239 |
| Gasto Foisseius Gallus. | 337 |
| Gattamelata. | 199 |
| Georgius Castriota Scanderbech. | 229 |
| Georgius Fraispurgius Germanus. | 442 |
| Gothifredus Bolionius. | 43 |

H

| | |
|--------------------------------|-----|
| Henricus octavius Angliæ rex. | 520 |
| Henricus Galliæ rex. | 563 |
| Hismael Sophus Persarum rex. | 392 |
| Hippolytus Medices Cardinalis. | 476 |

I

| | |
|----------------------------|-----|
| Iacobus Quintus Scotia rex | 505 |
|----------------------------|-----|

| | |
|---|-----|
| Iacobus Triuultius. | 355 |
| Ioannes Vicecomes Archiepiscopus. | 132 |
| Ioannes Galeacius Vicecomes. | 139 |
| Ioannes Aucutus Britannus. | 186 |
| Ioannes Bentiuolus Bononiensium Tyrannus. | 405 |
| Ioannes Maria Vicecomes. | 141 |
| Ioannes Medices. | 141 |
| Ioannes Tarnouius Polonus. | 586 |
| Ioannes Vitellius Cornetanus Patriarcha & Cardinalis. | 147 |
| Iulius Medices. | 242 |
| Iulianus Cæsarinus Cardinalis. | 156 |

L

| | |
|--------------------------------------|-----|
| Luchinus Vicecomes. | 130 |
| Ludouicus XII. Gallie rex | 339 |
| Ludouicus Pannonie & Bohemie rex. | 426 |
| Ludouicus Sfortia princeps Mediolan. | 311 |

M

| | |
|--|-----|
| Mahometes secundus Turcarum Imp. | 262 |
| Martinus Turrianus. | 79 |
| M. Antonius Columna. | 382 |
| Matthæus Magnus Vicecomes. | 125 |
| Matthæus Cardinalis Sedunensis. | 386 |
| Maximilianus Cæsar. | 371 |
| Maximilianus Sfortia Mediolani princ. | 458 |
| Muleasses Tunetanus rex. | 548 |
| Muleamethes cognomento Scyriphus, Magnus rex Mauritanie. | 578 |

N

| | |
|--------------------|----|
| Narsetes Eunuchus. | 35 |
| Nicolaus | |

| | | |
|-----|------------------------------|-----|
| 355 | Nicolaus Vrsinus Petilianus. | 323 |
| 132 | Nicolaus Picininus | 202 |
| 139 | Numa Pompilius. | 10 |

O

| | | |
|-----|--------------------------------|-----|
| 186 | Odettus Fusius Lotrechius. | 445 |
| 405 | Otto Vicecomes Archiepiscopus. | 124 |

P

| | | |
|------|--|-----|
| 141 | Pandulphus Petruccius Senensium Tyran- | |
| 141 | nus. | 409 |
| 586 | Petrus Nauarrus. | 453 |
| ha&c | Petrus Medices. | 293 |
| 147 | Petrus Soderinus, Florentin. Vexillifer. | 416 |
| 242 | Philippus Vicecomes. | 144 |
| 156 | Philibertus Aurantius Princeps. | 461 |
| | Piratae Turcae tres. | 523 |
| 130 | Pompeius Columna Cardinalis. | 467 |
| 339 | Prosper Columna. | 390 |
| 426 | Pyrrhus Epirotarum rex. | 17 |
| 311 | Pyrrhus Stipicianus. | 553 |

R

| | | |
|-----|----------------------------|-----|
| 262 | Robertus rex Neapolitanus. | 118 |
| 79 | Romulus Urbis conditor. | 8 |

S

| | | |
|-----|---------------------------------------|-----|
| 125 | Saladinus Aegypti & Syriae Sulthanus. | 47 |
| 386 | Sarra Columna. | 87 |
| 371 | Scipio Maior. | 21 |
| 458 | Selymus Turcarum Imperator. | 370 |
| 548 | Sigismundus Poloniae rex. | 540 |
| Ma- | Solymanus Turcarum Imperator. | 567 |
| 578 | Sfortia & Braccius. | 192 |

| | |
|---------------------------------------|-----|
| Tamerlanes Scytharum imperator. | 165 |
| Tammasus Sophus Persarum rex. | 571 |
| Thomas Hauardus Anglus Norfoltij dux. | 74 |
| Tomübeius vltimus Aegypti Sulthanus. | 352 |
| Totila Gothorum rex. | 29 |
| Tristanus Acunius Lusitanus. | 360 |

V

| | |
|-------------------------------|-----|
| Vgo Moncata. | 448 |
| Vguccio Fagiolanus. | 94 |
| Vincentius Capellius Venetus. | 507 |
| Vitellij fratres. | 288 |

FINIS.

INDEX POETARVM NOSTRAE AETATIS ILLV

strium, quorum Epigrammata in singula

Elogia, hoc in Opere variè disper-
sa continentur.

Adami Fumani Veronensis.

| | |
|-------------------|-----|
| De Andrea Gritio. | 503 |
| Athila. | 28 |
| Cane Scaligero. | 118 |
| Carmagnola. | 199 |
| Martino Turriano. | 85 |
| Totila. | 33 |

Andreae Angulij.

| | |
|--|-----|
| De Cesare Borgia. | 322 |
| Ferdinando Toletano. | 577 |
| Muleamethe cognomento Scyriffo Mauritanie rege. | 584 |
| Petro Medice. | 298 |

Alexandri Suchteni Germani.

| | |
|-----------------------------|-----|
| De Ioanne Tarnouio Sarmata. | 589 |
|-----------------------------|-----|

Angeli Perotij

| | |
|-------------------------|----|
| De Vguccione Fagiolano. | 99 |
|-------------------------|----|

Antonij Vaccæ.

| | |
|----------------------|-----|
| De Alexandro Medice. | 496 |
|----------------------|-----|

| | |
|----------------|-----|
| Cesare Borgia. | 322 |
|----------------|-----|

| | |
|-----------------------------|-----|
| Hippolyto Medice Cardinali. | 496 |
|-----------------------------|-----|

Antonij Vulpj.

| | |
|------------------|-----|
| De Antonio Leua. | 493 |
|------------------|-----|

INDEX

| | |
|---|-----|
| <i>Athila.</i> | 28 |
| <i>Federico primo imperatore.</i> | 57 |
| <i>Georgio Franisbergio.</i> | 444 |
| <i>Isabella Aragonia.</i> | 422 |
| <i>Antonij Francisci Rainerij Mediol.</i> | |
| <i>De Actiolino Tyranno.</i> | 79 |
| <i>Alexandro Magno.</i> | 16 |
| • <i>Alfonso Atesino.</i> | 475 |
| <i>Antonio Leua.</i> | 493 |
| <i>Cosmo Medice Duce.</i> | 592 |
| <i>Farinata Vberto.</i> | 67 |
| <i>Francisco Maria Feltrio.</i> | 501 |
| <i>Francisco Borbonio Anchiano.</i> | 514 |
| <i>Gothifredo Bolionio.</i> | 48 |
| <i>Iacobo Triuultio.</i> | 359 |
| <i>Ioanne Vicecomite Archiepiscopo.</i> | 133 |
| <i>Ioanne Bentiuolo.</i> | 403 |
| <i>Ioanne Medice.</i> | 436 |
| <i>Iuliano Casarino Cardinali.</i> | 164 |
| <i>Numa Pompilio.</i> | 11 |
| <i>Odetto Lotrechio.</i> | 448 |
| <i>Roberto rege Neapolitano.</i> | 122 |
| <i>Selymo Turcarum imperatore.</i> | 381 |
| <i>Sfortia & Braccio.</i> | 195 |
| <i>Tothila.</i> | 32 |
| <i>Vitelloctijs fratrilus.</i> | 292 |
| <i>Antonij Dibaldæi.</i> | |
| <i>De Matthia Coruino rege.</i> | 182 |
| <i>Antonij Sanfeliciij.</i> | |
| <i>De Rhinocerote.</i> | 364 |
| Aonij | |

POETARVM.

Aonij Palearij.

De Tomumbeio Sulthano. 354

Augusti Cocceiani.

De Amurathe secundo Turcarum Imperatore. 228

Baiazete primo Turcarum Imperatore. 180

Bartholomæo Coleone. 238

Matthæo Cardinali Sedunensi. 389

Marco Antonio Columna. 385

Romulo Urbis conditore. 9

Benedicti Varchij.

De Henrico Gallie rege. 365

Iuliano Medice. 262

Philiberto Auranio principe. 467

Bernardini Balamij Siculi

De Petro Nauarro. 457

Beroaldi Iunioris.

De Trifano Acunio Lusitano. 362

Fabij Beneuolentij.

De Alfonso rege Neapolitano. 220

Fabij Signij Florentini.

De Aloisio Gritto. 473

Franchini Consentini.

De Ferdinando Cortesio. 340

Francisci Manfredi.

De Barnaba Vicecomite. 138

Celebino Turcarum Imperatore. 185

Gabrielis Faerni.

De Alfonso Atestino. 476

Alfonso Daualo. 518

Annibale. 10

INDEX

| | |
|----------------------------------|-----|
| Castruccio Castracane. | 110 |
| Francisco Sfortia. | 484 |
| Narsese Eunucho. | 38 |
| Pyrrho rege Epirotarum. | 18 |
| Scanderbecho. | 334 |
| Tamerlane. | 172 |
| Vitellocio Cornetans. | 155 |
| Georgij Iodoci Bergani. | |
| De Alberico Balbiano. | 192 |
| Federico primo Imperatore. | 57 |
| Hieronymi Olgiati. | |
| De Galeacio Sfortia. | 344 |
| Hieronymi Vulpj. | |
| De Iacobo Triunltio. | 559 |
| Honorati Fasitelij. | |
| De Carolo Magno. | 42 |
| Farinata Vbertto. | 67 |
| Iouio. | 8 |
| Iani Vitalis Panhorinitæ. | |
| De Andriæ Auria. | 571 |
| Artoxerxe. | 14 |
| Baiazete secundo. | 336 |
| Campfone Gauro Sulthano. | 351 |
| Christophoro Columbo. | 306 |
| Galeacio primo Vicecomite. | 128 |
| Gastone Foisseio. | 338 |
| Matthæo Magno Vicecomite. | 126 |
| Nicolao Vrsino Petiliano. | 227 |
| Othone Vicecomite Archiepiscopo. | 124 |
| Philippe | |

POETARVM.

| | |
|--|-----|
| Philippo Vicecomite. | 149 |
| Romulo Vrbis conditore. | 9 |
| Saladino Sulthano. | 51 |
| Solymano Turcarum rege. | 570 |
| Vgone Moncata. | 453 |
| Ioannis Bellaij Cardinalis. | |
| De Carolo Magno. | 40 |
| Francisco Gallie rege. | 130 |
| Ludonico XII. Gallie rege. | 343 |
| Ioannis Baptistæ Gabij. | |
| De Carolo Borbonio. | 442 |
| Ioannis Pauli Amanij. | |
| De Ascanio Sfortia Cardinali. | 301 |
| Ioanne Maria Vicecomite. | 143 |
| Ioannis Baptistæ Posseuini. | |
| De Francisco rege Gallie. | 131 |
| Francisco Gonzaga. | 371 |
| Iulij Feroldi. | |
| De Galeacio secundo. | 115 |
| Ioanne Galeacio Vicecomite. | 141 |
| Ioanne Aucutho Britanno. | 169 |
| Petro Soderino. | 421 |
| Sfortia & Braccio. | 196 |
| Iulij Iouij. | |
| De Carolo Aureliano Francisci regis filio. | 516 |
| Ferdinando Gonzaga. | 586 |
| Ioanne Medice. | 437 |
| Ioanne Tarnouio Sarmata. | 589 |
| Landriani Mediolanensis. | |
| De Carolo octauo rege. | 258 |

INDE X

Leonardi Aretini.

De Sfortia & Braccio. 196

Leonardi Griffij.

De Mahomete secundo Turcarum Imperatore. 265

Lælij Carani.

De Henrico Octavo Gallie rege. 525

Tammoso Sopho. 573

Thoma Hauardo. 575

Lælij Capilupi.

De Erancisco Gonzaga principe Mantuano. 369

Ludouici Dominici.

De Antonio Grimano Veneto. 403

Iacobo V. Scotia rege. 506

Marci Antonij Casanoux.

De Prospero Columna. 592

Martini Cromeri Sarmatæ.

De Sigismundo Sarmatarum rege. 544

Marulli Tarchaniotæ.

De Saladino Sulthano. 51

Michaelis Syluij Cardinalis.

De Vitelloccijs fratribus. 192

Parthenij Parauicini.

De Alfonso Daualo. 519

Antonio Leua. 498

Carolo Magno. 41

Federico primo imperatore. 51

Hismaele Sopho. 596

Iacobo Triuultio. 358

Sarra Columna. 93

Pauli

POETARVM.

Pauli Iouij iunioris.

| | |
|---------------------------------|-----|
| De Alidosio Cardinali Papiensi. | 380 |
| Baleonibus tribus ducibus. | 378 |
| Bartholomæo Liuiano. | 348 |
| Basilio Moscouiæ Principe. | 488 |
| Caithbeio Magno Sulthano. | 276 |
| Carolo V. Imperatore. | 163 |
| Carolo Burgundiæ duce. | 251 |
| Cosmo Medice magnifico. | 219 |
| Cosmo Medice Principe. | 198 |
| Ferdinando rege Rom. | 163 |
| Galeacio Sfortia. | 247 |
| Ludouico Sfortia. | 317 |
| Matthia Coruino rege. | 282 |
| Maximiliano Cesare. | 374 |
| Muleasse rege. | 152 |
| Nicolao Picimmino. | 205 |
| Pandulpho Petruccio Tyranno. | 418 |
| Pompeio Columna. | 499 |
| Pyrrho Stipiciano. | 158 |
| Vincentio Capello Veneto. | 112 |
| Vitellocijs flatribus. | 276 |

Placidij Placentini.

| | |
|--------------------------|-----|
| De Christierno rege. | 167 |
| Matthæo Cardinali Sedun. | 167 |
| Maximiliano Sfortia. | 460 |

Petri Grauinæ.

| | |
|-------------------------|-----|
| De Consaluo Magno duce. | 344 |
| Prospero Columna. | 390 |

INDEX.

| | |
|-----------------------------------|-----|
| Petri Angelij Bargæi. | |
| De Dauide Abyssinorum rege. | 546 |
| Federico Feltrio. | 269 |
| Francisco Sfortia. | 223 |
| Iuliano Medice. | 260 |
| Ludouico Pannonia & Bohemiæ rege. | 410 |
| Piratis tribus inclytis. | 527 |
| Petri Aluari Romani. | |
| De Andrea Gritto. | 594 |
| Ptolemæi Gallij. | |
| De Actio Vicecomite. | 130 |

FINIS.



304



Biblioteka Jagiellońska



stdr0025750



